

This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + Refrain from automated querying Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### **About Google Book Search**

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at http://books.google.com/



Indian Institute, Oxford.


# THE MALAN LIBRARY

BY THE REV. S. C. MALAN, D.D., PRESENTED

VICAR OF BROADWINDSOR, January, 1885.

28525







### POESIE SICILIANE

DI.

## GIOVANNI MELI.

66

SESTA EDIZIONE SICILIANA.

VOL. PRIMO.

Palermo,

BOBERTI EDITORE PROPRIETARIO.

Largo Casa-Professa nº 17.

1839.

Indinn Institute, Geford.

# THE MALAN LIBRARY


PRESENTED


BY THE REV. S. C. MALAN, D.D., VICAR OF BROADWINDSOR,

January, 1885.

28525







·

: .

### POESIE SICILIANE

DI '

## GIOVANNI MELI.

**(2)** 

SESTA EDIZIONE SICILIANA.

6

Vol. Prime.

Malermo,

BOBERTI EDITORE PROPRIETARIO

Largo Casa-Professa nº 17.

1839.



TIPOGRAFIA B LEGATORIA ROBERTI.

ANTONINO TURRETTA

DELLA SICILIANA GIURISPRUDENZA

IN GUISA CHE PRINCIPE RIVERITO CONSULTATO

DI PERSPICACE E PROFONDO INTELLETTO

NON PER AMORE DI LUCRO DEGLI ALTRUI DIRITTI

SOSTENITORE

NEL COMPORRE LE DISCORDI VOLONTÀ DE'LITIGANTI MARAVIGLIOSO

DEL GIUSTO E DELL'ONESTO SEGUITATORE SOLENNE
AMOREVOLE COI CONGIUNTI LEALE COGLI AMICI
DEL VERO MERITO ESTIMATORE

MICHELE ROBERTI EDITORE TIPOGRAFO ABBORRENDO DALL'USO

DI CHI ADULA I NATALI LE RICCHEZZE IL POTERE
OUESTA SESTA EDIZIONE

DELLE OPERE

DEL MASSIMO GIOVANNI MELI IN ATTESTATO DI RIVERENZA E DI STIMA INTITOLA. : • • . •

### CENNO BIOGRAFICO

DI

## CIOVANNI MELI.

-000-

Giovanni Meli, che l'unanime consentimento, non sol della patria, ma degli stranieri, ha posto al grado de' più preclari intelletti, di null'altro elogio abbisogna che delle sue produzioni, ove la elevatezza della immaginazione la dilicatezza del sentimento e tutto se stesso trasfuse. Con tutto ciò della sua vita brevemente diremo, perchè si possa innanzi tratto conoscere in qual modo e' riuscì di ornamento e di vantaggio alla sua terra natale.

E' nacque addi quattro marzo del millesettecentoquaranta in Palermo, città capitale di Sicilia, da onesti genitori, che tosto alle buone lettere lo avviarono. Ma poco frutto a bella prima ne colse poichè la falsità de' metodi vanamente raggirollo fra le baie gramaticali per lo corso di sette anni, che da privati maestri, e in seguito alle gesuitiche scuole imparò. Dell'istesso modo studiò la rettorica e la filosofia fra le scolastiche puerilità; sicchè nissuno avrebbe potuto da quel tempo antivedere la luminosa riuscita del giovanetto.

Ma ritrattosi a casa cominciò a studiare da se la flosofia del Wolfio che allora cominciava ad essere in coga. Indi lesse taluni romanzi, e tra loro primamente i Reali di Francia che un affezionato zio somministravagli. Così appoco appoco andava disviluppandosi il suo naturale ingegno, il quale poscia con lo studio dei classici, ed in particolar modo dell'Ariosto, la sua possente inclinazione alla poesia appalesò.


Ebbe a primo incoraggiatore Antonio Lucchesi-Palli principe di Campofranco che in sua casa chiamollo a far parte di un'accademia che de più chiari letterati di quel tempo componeasi. I primi saggi poetici del Meli furono in italica favella e nel genere anacreontico sul far del Rolli, ma poscia stabilì di scrivere nel volgar siciliano per non dispiacere al suo mecenate, che solo ambiva lode in quel

genere di poetare.

Studiò pertanto il siciliano appresso al popolo ed agli scrittori più pregiati che in copia ne ha Sicilia; ma più particolarmente ebbe a modelli Veneziano e Rao. Se noi volessimo favellare singolarmente di tutte le sue produzioni lunga opera sarebbe, solo cennandole diremo ch'esse sono il più bel monumento di sua gloria, che « le favole il proclamano il La Fontaine, le satire l'Orazio della Sicilia, il ditirambo pieno di vivacità, ricco di tanti idiotismi che stupendamente il linguaggio ed il far de' beoni rappresentano, mostra che l'autore tien quasi da presso al Redi; sono esempio di sublimità le odi, e tra loro quella al cavaliere Luigi de Medici, l'altra al vicerè principe di Caramanico, e l'inno a Dio; esempio di maestà le canzoni, e più quella per la morte del Cari;di brio e festevolezza i capitoli berneschi; i gravi e l'elegie, e tra tutte il pianto di Eraclito ed il Polemone, palesano quanta filosofia nutriva chi le scrisse, quant'arte possedeva a vestirla di belle forme, e farla agevole a chiunque, e specchio sono del suo compassionevole cuore; i poemetti fan vedere ch'e' fu primo a conformare le ottave siciliane alla usanz

milleottocentoquindici con sommo dolore de' suoi cittadini, e più degli amici, che lo accompagnarono al sepoloro e un marmo gl'innalzarono nella chiesa a s. Francesco, ove stà la di lui effigie scolpita, ed una latina iscrizione di Michelangelo Monti, che rimembra l'uomo di soavi costumi ed integro di vita, l'amore la delizia l'onore delle siciliane muse il secondo Teocrito ed Anacreonte.

La patria riconoscente dal di della morte dolorosa lo piange, e di aver avuto un tanto figliuolo si
gloria, più fra le sciagure presenti, ed un monumento
oggidi alla sua memoria innalza per lo scarpello di
Valerio Villareale, storiandovi in basso rilievo il poeta
seduto in atto di esser coronato da Apollo, cui fa seguito il coro delle muse, tra le quali Erato ed Euterpe condotte per mano di Amore, stando ad un
tronco di alloro catenato il tempo che a dispetto spezza la sua falce.



## LIRICA.

Te greges centum, Siculaeque circum Mugiunt Vaccae; tibi tollit hinnitum Apta quadrigis equa; te bis Afro Murice tinctae Vestiunt lanae: Mihi parva rura, et Spiritum Grajae tenuem Camenae Parca non mendax dedit: et malignum Spernere vulgus.

Q. Hor. lib. 11, Od. xv1.

### BUCCOLICA.

### INTRODUZIONI.

### SONETTU I.

Muntagnoli interrutti da vaddati; Rocchi di lippu e areddara vistuti; Caduti d'acqui chiari inargintati; Vattali murmuranti e stagni muti;

Vausi, e cunzarri scuri, ed imbuscati; Sterili junchi e jinestri ciuruti; Trunchi da lunghi età malisbarrati; Grutti e lambichi d'acqui già impitruti;

Passari sulitarii chi chianciti; Ecu chi ascuti tuttu e poi ripeti; Ulmi abbrazzati stritti da li viti;

Vapuri taciturni, umbri segreti; Ritiri tranquillissimi accugghiti L'amicu di la paci e la quieti.

### SONETTU II.

Pani, chi 'ntra li sagri grutti oscuri, Unni s'adura la tua effigii santa, Parrasti un jornu e mi dicisti : canta Li campagni, l'armenti e li pasturi;

E la sampugna, ingrata a lu to amuri, Chi fu Ninfa superba, e poi fu pianta, Mi pruisti, dicennu : cu tia vanta Lu sulu Grecu Siculu st'onuri.

Giacchi tantu gradisci li mei rimi, Addurmenta li lupi 'ntra li tani, E di l'agneddi accettanni li primi. Scaccia l'ambiziusi e li profani; E si qualcunu la tua bili 'un timi, Fallu vivu manciari da li cani.

### PRIMAVERA.

### EGLOGA I.

Interlocuturi. — Melibeu, Clori, o poi un Craparu.

Mel. O pasturedda di li trizzi ad unna, Chi fai pinnata di la manu manca. Pr'un t'appigghiari ssa facciuzza biunna. Forsi vidisti 'na vitedda bianca Cu 'na macchia russigna 'ntra lu schinu, Un' a la frunti e nautra supra un'anca? Clo. La vitti, ed era un'ura di matinu; Avia la musca, e cu la cuda in autu Currev'a furia versu lu pinninu. Vidi ddu vausu,unn'accurdann'un flautu, Sedi un Craparu? ora ddi ddocu a picu 'Ntra lu vadduni sbalanzau d'un sautu. Sai dda grutta chi premi e fa lambicu? E cc'è na zotta 'nterra? Ed avi avanti Un canniteddu e un arvulu di ficu? Ddocu all'umbri friscusi ranti ranti Si vinni a canziari, e si ridussi Sutta lu vausu in unu di li canti. Mel. Dda forsi unni in Autunnu a pettirussi Jeu ti vitti na vota? e cci nn'er'unu Quasi 'ncappatu? ma un corpu di tussi, Chi ti vinni molestu ed importunu. Stracquannulu, lu fici sbulazzari? Clo. Sì : ài presenti lu locu opportunu? Mel. Presenti? E comu!

Clo.

È ddà, nun dubitari

Cussi putiss'eu puru li mei dui Pirduti turtureddi ritruvari.

Quantu li vulia beni! Eu propria fui Chi l'addivai, civannuli ogni stizza; Ma poi vularu e nun li vitti cchiui.

Mel. O pasturedda, vrisca di ducizza, Ti ringraziu di cori; e mi dispiaci

Ti ringraziu di cori; e mi dispiaci La pena, ch'ài pruvatu e l'amarizza. L'ocidduzzi (sia dittu cu tua paci)

Sù beddi e cari; ma sù sempri armali; Nè apprezzanu lu bellu ch'a nui piaci.

Si putia dari sorti a chista uguali! Di venir'in tua manu, e meritari Ssa stima chi felicita un murtali?

Ma nun n'annu saputu profittari; Voi dunqui, o Ninfa, dari perni a cui Nu li sapi conusciri e prizzari?

Crap.Oh..Ti piscai Pasturi!..'Un scappi cchiui;
O canti, o canti. Lu flautu è accurdatu;

Sedi cca 'mmenzu di nuautri dui.

Clo. O sì sì; canta, Melibeu garbatu, Canta, ch'è tempu propriu; nu lu vidi Comu già sbarazzau lu nuvulatu? Comu la terra si rallegra e ridi,

Ca Primavera manna missaggeri Li rundineddi a farisi li nidi?

Mel. Cantu...Ma poi mi lassi com'ajeri? Melibeu canta. È passata la furtura;

Già ciuriu la minnulica;
Da la grutta a la chianura
Nesci e veni, o Clori amica.
Già nni 'nvita, già nni chiama
Primavera 'ntra li ciuri;
Ogni frunda nni dici ama;
L'aria stissa spira amuri.

Quali cori è renitenti A un piaciri accussi gratu, Quannu tutti l'elementi Nni respiranu lu ciatu?

La muntagna alpestri e dura, Già nni senti la putenza; Già si para di virdura; E li pasculi dispenza.

Vola un Zefiru amurusu 'Ntra na nuvula d'oduri; Chi suavi e graziusu Scherza e ridi cu li ciuri.

Manna lampi d'alligria Lu Pianeta risplennenti; Chi rinova, chi arricria, Chi abbellisci l'elementi.

Scurri e va di cosa in cosa Certu focu dilicatu; Chi fa vegeta la rosa; Chi fa fertili lu pratu.

Già lu senti la jinizza, Già a lu tauru s'accumpagna; Di muggiti d'alligrizza, Già risona la muntagna.

La quagghiuzza s'imbarazza 'Mmenzu l'ervi di lu chianu : Va lu cani e la sbulazza; Poi cei abbaja di luntanu.

E mentr'idda in aria accrisci Novi ciammi a lu so arduri, Già la fulmina e culpisci Lu crudili cacciaturi.

'Ntra li rami lu cardiddu Duci duci ciuciulia; Ch'àvi a latu (miatiddu!) La cumpagna in alligría, Ma la turtura infelici Sfoga sula lu sò affettu; Quasi esprima : cui mi dici Unni jiu lu miu dilettu?

Runninedda pilligrina Pri l'amuri 'un avi abbentu; Ora a terra s' avvicina, Ora va comu lu ventu.

Fa sintirsi lu piaciri Sinu all'aspidi cchiù crudi; 'Ntra l'obliqui e torti giri La ria serpi si lu chiudi.

Ah tu sula, o Clori amata, Pri mia barbara sventura, Sarrai surda ed ostinata, Ouannu parra la natura?

Duci amuri, vita mia, Sta biddizza ch'è purtentu; Nun sia inutili pri tia, Nè a cui t'ama sia turmentu.

### IDILIU I.

### DAMETA.

Già cadevanu granni da li munti
L'umbri, spruzzannu supra li campagni
La suttili acquazzina: d'ogni latu
Si vidianu fumari in luntananza
Li rustici capanni: a guardj, a guardj
Turnavanu li pecuri a li mandri:
Parti scinnianu da li costi; e parti
Sfilannu da li macchii, e rampicannu
Attornu di li concavi vaddati,
Vinianu allegri 'ntra l'aperti chiani.
E prima d'iddi, e poi, gravi e severi

Li grici cani cu la lunga giubba Marciavanu guardigni a passi lenti, La sfiluccata cuda strascinannu.

Siquitavanu appressu li pasturi,
Tinennu stritti sutta di lu vrazzu
La virga e lu saccuni; mentri intenti
E la vucca e li manu eranu tutti
Ad animari flauti e sampugni.
Mugghiavanu li vacchi pri chiamari
Li vitidduzzi, e già distingui ognuna
Lu propriu sangu, e si l'agguccia allatu
Timennu chi lu lupu, latru astutu,
Pri fari li soi straggi,
S'approfitti di l'umbri e di la notti,
Comu solinu fari li malvaggi.

Tacinu l'ocidduzzi 'ntra li rami, Sula la cucucciuta, ch'era stata La prima a lu sbigghiarsi, ultim'ancora, Va circannu risettu pri li chiani, Ed ora l'ali soi parpagghiannu, Si suspenni 'ntra l'aria; ora s'abbassa, Ripitennu la solita canzuna.

M'assai cchiù varia, cchiù suavi e grata Lu rusignolu in funnu a lu vadduni La sua ripigghia; chi d'intornu intornu L'aria, la terra, e tutti li viventi Penetra, tocca, e spusa all'armunia L'amabili piaciri e la ducizza.

Dameta intantu allatu a la sua Dori Sidia 'ntra 'na collina; in cui 'na rocca Spurgia supra la valli, e duminava La valli stissa, e li campagni intornu E li costi luntani e li chianuri; Penetratu lu cori di piaciri, Pri tanti granni e maistusi oggetti, Chi tutti si vinianu all'occhi soi

Iddi propria quasi ad offeriri; Ma supra tutti scossu, e traspurtatu Da l'amabili oggettu ch'avia accantu. Senz'aspittari autr'armunia, chi chidda, Chi respirava intornu la natura; Teneru e gratu incuminciau lu cantu.

Dameta canta. Sti silenzii, sta virdura,

Sti muntagni, sti vallati L'ha criatu la natura Pri li cori innamurati.

Lu susurru di li frunni. Di lu ciumi lu lamentu. L'aria, l'ecu chi rispunni Tuttu spira sentimentu.

Dda farfalla accussi vaga: Lu muggitu di li tori, L'innoccenza chi vi appaga, Tutti parranu a lu cori.

Stu frischettu insinuanti Chiudi un gruppu di piaciri, Accarizza l'alma amanti, E cci arrobba li suspiri.

Ccà l'armuzza li soi porti Apri tutti a lu dilettu: Sulu è indignu di sta sorti Cui nun chiudi amuri in pettu.

Sulu è reu, cui pò guardari Duru e immobili sta scena; Ma lu stissu nun amari E delittu insemi, e pena. Donna bella senza amuri

E 'na rosa fatta in cira: Senza vezzi, senza oduri, Chi nun vegeta, ne spira.

Tu nun parri, o Dori mia? Stu silenziu mi spaventa;

È possibili, ch'in tia Qualchi affettu nun si senta?

O chi l'alma 'mbriacata Di la duci voluttati, Dintra un'estasi biata Li soi sensi à confinati?

Lu to cori senza focu
Comu cridiri purria,
Si guardannuti pri pocu,
Vennu vampi all'alma mia?

Vampi, ohimè! chi l'occhiu esala.

Ch'eu li vivu, ch'eu l'anelu, Comu vivi la cicala

Comu vivi la cicala La ruggiada di lu celu.

Sti toi languidi pupiddi Mi cunvincinu abbastanza; Chi l'amuri parra in iddi; Chi cc'è focu in abbunnanza.

Oh chi fussiru in cuncertu L'occhi toi cu li labbruzzi! Oh nni fussi fattu certu Cu paroli almenu muzzi!

Fussi almenu stu gentili, Graziusu to russuri Testimoniu fidili,

Veru interpetri d'amuri!
Dimmi : forsi fa paura
A lu cori to severu
Un'affettu di natura?

Un'amuri finu e veru?
Ah, mia cara pasturedda,
Li Dei giusti ed immortali
T'avirrianu fattu bedda,
Si l'amuri fussi un mali?

E l'amuri un puru raggiu, Chi lu celu fa scappari, E ch'avviva pri viaggiu Suli, luna, terra e mari.

Iddu duna a li suspiri La ducizza chiù squisita; Ed aspergi di piaciri Li miserii di la vita.

Mugghia l'aria, e a so dispettu Lu pasturi a li capanni Strinci a se l'amatu oggettu; E si scorda di l'affanni.

Quann'unitu a lu liuni, Febu tuttu sicca ed ardi, Lu pasturi 'ntra un macchiuni Pasci l'alma cu li sguardi.

Quannu tutti l'elementi Poi cospiranu a favuri; Oh ch'amabili momenti Oh delizii d'amuri!

Quannu provi la ducizza Di dui cori amanti amati, Chiancirai l'insipidizza Di li tempi già passati.

E sti pianti, sti ciuriddi, Chi pri tia su stati muti, A lu cori ognunu d'iddi Ti dirrà : jorna e saluti.

Ch'a lu focu di l'affetti Ogn'irvuzza chiacchiaria; Un cummerciu di diletti S'aprirà 'ntra d'iddi e tia.

Cedi, o Dori, o miu cunfortu, A sta liggi cchiù suprema; Ah nun fari stu gran tortu A la tua biddizza estrema. Si spusassi cu l'amuri

Di natura ssi tesori,

L'anni virdi ed immaturi Ti dirrevanu a lu cori: Godi, o Dori, e fa gudiri Stu mumentu chi t'è datu; Nun è nostru l'avveniri; È pirdutu lu passatu.

### IDILIU II.

### Lu Craparu.

Tirsi Craparu, a cui rideva in facci
Lu biunnu primintiu,
Chi di lu vastu regnu di l'Amuri,
Fa la forza maggiuri,
Azzaccanava dintra di 'na grutta,
Ch'avia spinusa gaja a lu davanti
Li già di latti saturi crapetti;
Quannu scopri a 'na 'gnuni rannicchiatu
Di l'erranti famigghia un crapiolu,
Chi nicu ancora, e forsi da li lupi,
Orfanu fattu di la cara matri,
Attirrutu fuennu e spavintatu
S'era in funnu a dda grutta 'ncrafucchiatu.

Si cci para davanti, e cu' distrizza
Tirsi si apposta a chiudirci ogni scampu;
E calatu calatu e a manu aperti,
L'una chi guarda in autu e l'autra a basciu
Leggiu ed attentu 'ncugna...
Lu capriolu, chi si vidi strittu,
Rincula...Si raccogghi e appuntiddannu
Li pedi a terra già sotannu scappa,
Ma lu pasturi in aria l'acchiappa.

Brillannu pri la gioia e lu piaciri Si lu strinci a lu pettu, e poi cci dici: Oh fortunatu! Tu sarrai di Nici; Tu gudirai di la sua vista, e forsi Di qualchi so carignu. Oh quantu l'erva ti saprà cchiù duci All'armunia suavi di dda vuci! Jamu prestu a truvarla a la funtana, Unn'idda spissu bazzica cu l'ochi...

Dissi, e s'indrizza versu di una vaddi, Duvi di lenti salici 'na gaja Porta a pedi di un fonti, chi fa specchiu A lu vausu di supra, chi di lippu E di capidduvennaru vistutu, Mustra a la cima scarmigghiata testa Di pinnenti ruvetti 'mpidugghiati, Chi pari, chi si vogghianu acchiappari In funnu di chidd'acqui inargintati.

Avia lu pastureddu di già scursa Gran parti di la via, quannu firmatu Guarda attentu;...suspira...e di poi dici: Già la funtana è a vista; Ma all'occhi mei nun brilla! Nè a lu solitu so mi ridi! Ahimè! Nici dunca nun c'è!... Nici, Nici e unni si?...Risona Nici L'ecu cu mia, ma nenti cchiù mi dici.

Viju cca dui viola: unu chi porta
Versu li margi, unn'idda va a lu spissu
A metiri li junchi, chi distina
A tessirni fasceddi: l'autru spunta
Versu 'na costa in facci a la marina,
Unni spissu a lanuti ciafagghiuni
Strappa la bianca e tennira curina,
Di cui nni fa cappeddi,
O 'ntriccia curdiceddi:
Cca mi cunfunnu! Quali di li dui
Viola divu scegghiri a truvarla?
Tu cunsigghiami Amuri...Ma di tia
Mell.

Nun cc'è chi nni spirari, Tu nun senti cunsigghi, E mancu nni poi dari.

Dumannamu a sti Ninfi, si curtisi Alcuna si nni trova, Chi mi nni saccia dari qualchi nova:

> O Ninfi chi a sidiri Viniti tra li ciuri, Deh! chi puzzati aviri Sempri propiziu Amuri, Diciti in curtisia: Unn'è la Ninfa mia?

La solita funtana Nun si la vidi a latu, L'ecu pietusa umana Cu mia quant'à chiamatu! O Ninfi, in curtisia Circatila pri mia.

'Na imagini distinta D'idda vuliti quali Tra lu miu cori è pinta Tutt'a lu naturali? Eccula: lu pitturi Nni fu lu stissu Amuri.

Si d'oru mai viditi
Fila suttili o beddi,
O sfusi, o tra 'na riti
O tutti aneddi aneddi,
Jurati, chi sunnu iddi
Di Nici li capiddi.

La facei è vaga aurora Quannu da la marina Sporgi la testa fora, Umida d'acquazzina, E sparsa di virmigghi Rosi tra bianchi gigghi.

La frunti è lu sirenu Jornu di primavera, Chi spiega in poggiu amenu Tutta la pompa intera. E chi di ddà rifletti Supra di l'autri oggetti. Si senza negghi avanti Viditi impallidiri Lu suli in un istanti Signu chi cumpariri Vidi dui occhi, o dui Suli, ma chiari cchiul. La picciula sua vucca Vrisca è di meli duci, Meli, chi unitu sbucca A la suavi vuci. Si canta o si discurri Sempri ducizza scurri.

Lu pratu si ciurisci, L'erva si si ravviva, L'aria si si abbellisci Signu chi Nici arriva. Ninfi pri curtisia Datinni avvisu a mia.

### EGLOGA II.

### LI MUNTI EREI.

### DAMETA e TIRSI.

Dimmi, o pasturi (chi lu celu scanzi toi viteddi da mal'occhiu e lupi) zu accustari, ssi cani sù manzi? Sta fermu un pocu supra di ssa rupi, eu mi li chiamu: torna ccà scursuni, Chi cu la cuda lu tirrenu scupi...

Tè vespa tè...Va curcati liuni... Ora scinni sicuru, e va unni voi, La terra è matri all'omini comuni.

E si, pri quantu all'andamenti toi Pari, si un straniu, sedi ccà unni mia, Ch' in parti ristorari anchi ti poi.

'Na provula mi trovu primitia. E un pani ancora caudu chi fuma, Fattu di castigghiuna e tumminia.

Poi veniri a la mandra si voi tuma, Nun è luntana; guarda ddà li mei Quadari, unni lu focu ancora adduma. Dam. Grazj eu rennu all'ospitali Dei,

E a tia, ch' in beni oprari ti cumpiaci. Ma di': sù chisti ccà li munti Erei?

Pri tali mi l'annunzianu la paci, La gran fertilità chi ridi intornu, L'aria, chi tantu a respirarla piaci. Forsi lu stissu Patri di lu jornu,

Forsi lu stissu Patri di lu jornu, Chi regna ancora su li sagri musi, Guarda d'occhiu benignu stu cuntornu. Viju guardi di popuri l'immei

Viju guardj di pecuri l'irvusi Costi di li muntagni cummigghiari, E crapi l'auti cimi ruinusi.

Sentu in tutti sti munti rimbummari Da li profunni vaddi li muggiti Di vacchi chi ddà stannu a pasculari.

Viju a perdita d'occhiu l'oliviti, E tra tirreni appisi virdiggiari L'arsa a lu suli pampinusa viti.

Viju tra li collini duminari L'addauru, chi ad Apollini è graditu, E querci l'auti munti curunari.

Viju, chi nun cc'è amenu allegru situ In tutti sti cuntrati, unni nun spiechi 'Na capanna, o un pagghiaru ben furnitu.
Tir. Lu travagghiu e l'industria nui fa ricchi;
Astria però la paci nui assicura.

Nè l'omu è contra l'omu a sticchi e nicchi.

Si tra sti munti Erei unni natura Si compiaci virsari a manu chini Tutti li beni chi l'omu si augura,

Nun ci rignassi Astria cu li divini Soi liggi impressi tra li nostri cori, Nun truvirissi ccà chi ddisi e spini. Dam. Felici vui, chi senza cripacori

Vi guditi li campi ereditati.

Li guardj di li crapi e vacchi e tori! Nun vinvidiu; guditi, o fortunati; Chianciu la mia miseria, ohimè! li mei Chianciu, ch'abbandunai, patrj cuntrati,

La liggi in iddi è in manu di li rei L'aggravj, l'angarii, la mala fidi Nemmenu la pirdunanu a li Dei.

Da prepotenti spugghiari si vidi L'agricolturi, e da rapaci latri, E l'avara ingordigia trisca e ridi.

Astria perciò sdignata a lu Diu patri Purtau li soi lagnanzi, e cci chiamau Li flagelli di supra a squatri a squatri :

L'epidemia a li crapi si attaccau, Poi si estisi a li pecuri e a li vacchi, Nè pri l'aratru un boi cchiù cci arristau.

Ora fannu li grandini gran smacchi Di li lavuri e viti, ora l'arsura

Fa chi la terra pri la siti ciacchi; Ora l'alluviuni ogni chianura

Allaga, e si strascina e casi, e vigni, E lassa margi, chi fann'aria impura. Unn'eu vidennu a tanti chiari signi

L'ira celesti abbandunai li prati

Da li suduri mei risi benigni.

Lu celu, chi di mia appi pietati, Mi avia lassatu pocu vacchi in vita Tra 'na rimota vaddi confinati:

In chista luntanissima e rumita Parti jeu traspurtai la mia famigghia Da li miserj e guai trista e avvilita.

Junti, dissi miu Patri : Và cunsigghia In un tempiu li Dei, senza l'aiutu

D'iddi è vana ogni imprisa chi si pigghia: Pregali a faris'iddi nostru scutu

Contra di l'infortunj. Unn'eu lassati Tutti li mei, mi sù di ddà partutu. Tir. Li toi casi mi fannu assai pietati.

Ma datti paci. L'omini dabbeni
Ascianu da pertuttu amici e frati.

Truvirai cca riposu a li to peni, E pri un duci affilatu chi in mia trovu Ti auguru jorna placidi e sereni.

Ora ripigghia lu filu di novu Di lu raccuntu, e dimmi li passati Toi vicenni, ch'intressu anch'eu nni provu.

Dam. Errai ramingu in varj cuntrati, E junsi unni li campi leontini Da lu Simetu sunnu abbivirati.

Lu seguj a mità; poi tra vicini Praterj m'indrizzai 'mmensu a felici Siminerj di grani, ed orgi e lini.

Scopru lu tempiu di li Dii Palici, Figghi gemelli di Giovi e Talia, Di cui tanti prodigi fama dici.

Cc'eranu allatu d'acqua chi surgia Dui laghiceddi, e un saggiu Sacerdoti, Ddocu a purificarimi m'invia.

Poi viju lu cuncursú di divoti Chi offrivanu a li Dii frumenti e vini, Ogghi e viteddi da parti remoti;
Di cui si nni fa parti a pellegrini
Chi tra sti lochi l'ospilitati
È generusa supra ogni confint.

Tir. Lu sacciu anch'iu pri prova, visitati Aju sti lochi, e vitti chi li riti

Sù edificanti, e assai beni osservati.

Trattai li Sacerdoti, ch'istruiti Sunn'anchi d'Esculapiu tra la scola, Ed in curari armenti assai periti.

Di la saggizza d' iddi fama vola E supra tuttu di lu disintressu; Lu bonu ferru si vidi a la mola.

Perciò concurri l'unu e l'autru sessu, Da tutti li cuntrati e li cumarchi, Da malatj e da infortunj oppressu.

Dam. Si, mi rigordu, macilenti e zarchi Nni vitti assai chi stavanu aggucciati Sinu a lu nasu tra li sagghimmarchi;

Passai cchiù jorna dda tranquilli e grati, Poi riflittennu a quantu mi dicia

Lu vecchiu patri a la mia prima etati, Chi l'oziu tantu all'omini nucla,

Quantu noci la ruggini a l'azzaru, Chi adopratu nun è, nè si manla.

Lu Ministru pirtantu a li Dii caru, Prigai chi si dignassi d'impetrari

A li disgrazj mei tregua o riparu; Chi la famigghia mia fatta passari Quasi nova culonia tra 'na vaddi, Facissiru pri sempri prosperari;

Chi d'armenti nni abbundinu li staddi,

E tegnanu luntani li malvaggi, E li flagelli da li nostri spaddi.

Diss'iddu : La natura aspri e sarvaggi

Produci li piranj e li agghiastri,

E la gran parti d'arvuli e di erbaggi.

Ma l'arti chi l'insita, e fa parrastri,
Cu la cultura li frutti addulcisci,
E li guarda da mali e da disastri.
Lu stissu avveni all'omu : insalvaggisci

Si a se stissu si lassa e si abbanduna,

E di li feri appena differisci;

Ma l'arti o insita, o un sensu ci sprigiuna,

Chi è patri d'ogni affettu dilicatu, E la ragiuni poi l'opra curuna:

Allura l'omu si vidi formatu
Pri la via di lu cori e di la menti,
È multu su li besti elevatu.

Atti ancora a produrri sti purtenti Di Anfiuni, e di Orfeu li liri foru, Chi lupi in paci attrassiru cu armenti.

Ma si ben l'arti, o l'Eliconiu coru Ammansisci li ruvidi e sarvaggi, Non però chiddi in cui l'Idolu è l'oru.

E în cui malizia e vizi malvaggi, Lu sensu anchi comuni annu distruttu, E di ragiuni astutaru li raggi.

Chisti cuntrati sunnu uguali in tuttu A li terri sfruttati, unni 'un cci alligna. Un'erva bona, o un'arvulu di fruttu.

Dunca si tu si d'indoli benigna, (Comu mustri a l'aspettu) eu ti propognu 'Na genti e 'na cumarca di tia digna;

Dda, pri quantu eu mi giudicu e suppognu, Ti basta l'onestà, la bona fidi,

D'autri raccumannizzi 'un ài bisognu. Cu chisti suli, e non cu' autri guidi Tra li muntagni Erei ben ricivutu Sarrai...Vacci confida ed in mia cridi.

Tir. O pasturi, sii tu lu ben vinutu! Quantu l'arrivu to mi junci gratu!

Un Diu certu ti spira e duna ajutu. Mi nni addugnu a lu modu inusitatu, Chi prova lu miu cori a lu to diri, Quali un tempu eu Dafni avia pruvatu Ouannu da la sua vucca proferiri 'Ntisi parti di soi noti amurusi, Ch'in pettu mi si vinniru a sculpiri. Dam. Ti pregu in grazia nun tinirli chiusi Fa ch'eu li senta, gradirò stu beni Chiù di l'autri toi doni generusi. Tir. Chiuditi l'ali vinticeddi ameni. Suspinditi ocidduzzi di cantari, Testimonj vi vogghiu a li mei peni: Sutta li vostri nidi, unni accurdari Sulia la mia sampugna, da li duci Vostri carizzi apprisi anch'iu ad amari. Li tremul'ali, l'interrutta vuci, L'espressioni di li cori ardenti Purtaru all'occhi mei'na nova luci. Oual'idei mi svigghiaru tra la menti! Qual'in pettu suavi batticori! Qual'imagini in sonnu seducenti! Ora Veneri stissa vidia in Clori Cu Cupidini allatu, chi dicia: Ama, l'adura, dunacci lu cori. Ora lu sonnu mi la dipincia Tenera a signu, ch'iu tra ddi mumenti Chiù lu miu cori nun truvava in mia... M'abbajanu li cani!...forsi genti A disturbari veni li lagnanzi Di l'infocatu animu miu dulenti? Cca interrumpiu li duci consonanzi, Ddi armali vintiannu mi scupreru Dintra un macchiuni a picciuli distanzi.

Dam. Beati chiddi chi lu conusceru, Beatu tu! Si lu to labbru è tali,

Cosa divu pinsarni di lu veru? Chiddu, in cui l'api cu l'indorati ali Deposiru lu meli, e chi si cridi Essiri natu da patri immortali? Tir. Mercuriu (ed è comuni cca la fidi) Con una Ninfa in nui l'à generatu Tra un vuschittu di addauri, chi dda vidi. Poi crisciutu da Pani fu addistratu Ad animari l'incirati canni. E Apollu c'infunniu divinu ciatu. Cu lu quali cantau fattu cchiù granni La prima gran discordia di li cosi, Chiamata caos sin da li primi anni. E Amuri, chi nascennu poi composì Li discordi elementi : e organizzau Li globbi tutti, e l'armunia disposi Pri cui la terra in centru si pusau, E l'acqua in varj parti la divisi, E pr'impulsu d'amuri l'abbrazzau; L'aria, chi supra d'iddi si suspisi, Spusatasi a lu focu ed a la luci. Li fomiti amurusi in terra misi: Da chisti fecundata eccu produc Pianti, insetti, animali, omini e feri, E quantu à forma, e vita, e motu e vuci. Estendi Amuri in terra, e tra li sferi

<sup>&</sup>lt;sup>a</sup> Quella potenza, che attrae i corpi, e quella che li unisce, e li combina fra loro, sembra che non fussero state dell'intutto ignote agli antichi filosofi e mitologi; giacche abbiamo in Esiodo: che amore nato dal caos ordinò, ed organizzò gli elementi, che erano prima discordi. La denominazione di amore, o di voluttà che noi abbiamo circoscritta ad una tendenza morale degli esseri animati, era forse concepita da essi in un senso estessissimo, che esprimeva ed abbracciava tutto ciò che noi intendiamo per attrazione, affinità, simpatia, genio, inclinazione cc.

Lu so imperiu; e tra l'omini rignannu Forma li società, li regni e imperi.

Cussi d'Amuri seguitau cantannu

Tra un ciumi di eloquenza e di ducizza

A nui li santi soi liggi dittannu: Di reciproca fidi, di esattizza,

Di concordia, chi poi fannu uniti

Di l'omini la forza e la ricchizza.

Spissu abbassau lu cantu a li graditi Pasturali esercizi, e utili, e saggi

Documenti dittava in varj siti.

Dam. Sì, parrami di pasculi, e di erbaggi, Chi sunn'utili cchiù di spata e lancia

Ad un pasturi pri li soi vantaggi.

Tir. La vacca meti l'erva quannu mancia; Pirchi ama di manciari a vucca china,

Perciò scurrennu sempri locu cancia.

Dune a vacchi pri pasculi destina

Fertili e vasti campi, e vaddi frischi Ricchi in gramigni, ed in trifoggi e in jina;

Cussi a manciari assai l'invogghi e adischi,

E cu distisi minni poi turnannu A lu muncirisi inchinu li cischi.

A lu cuntrariu poi radi manciannu

L'umili picuredda la fin'erva,

La terra unn'idda passa denudannu.

Perciò spissu per idda si riserva

L'avanzu scarpisatu di l'armenti,

O qualchi pratu chi ad autr'usu'un serva.

Li crapi vagabunni ed insolenti Amanu munti e vausi appiccicari,

E tra li macchi azziccanu lu denti...

Ma non per iddi nni avemu a scurdari Nui la nostra merenna; e tra stu mentri Ch'iddi si stannu l'ervi a pasculari,

Risturamucci ancora nui li ventri.

## EGLOGA III.

# PISCATORIA.

Interlocutrici - Pidda, Lidda e Tidba,

Pid. Mentri lu gnuri è a mari cu la varca. E la mia gnura mà l'ammari 'ncrocca Jamu a ghiucari 'ntra la rina e l'arca? Lid. Jeu vegnu ddocu cchiui? E chi su' locca? Ddocu, mentr'eu sidia, mi 'ntisi diri: Biata chidda rina chi ti tocca: Poi vitti un piscaturi cumpariri, Chi guardannumi dissi : Lidda mia, Amuri, o vinni, o pocu sta a viniri. Jeu ch'avia 'ntisu diri da me zia, Ch'Amuri è un gran sirpenti vilinusu. Cursi, gridavi, e svinni pri la via. Di tannu addivintau tantu gilusu Me gnuri pà, chi riti e nassiteddi Mi sa tessiri sempri 'ntra un pirtusu. Tid. E a mia, mentri cugghia granci e pateddi. Un piscaturi 'mmenzu scogghi e sicchi Mi vitti e mi cantau sti canzuneddi: O amuri chi ti metti a sticchi e nicchi Macari cu li Dei, pirchì tu ora 'Ntra lu pettu di Tidda 'un ti cci ficchi? Unn'eu sintennu st'urtima palora. M'arrussivi, e gridai comu un viteddu: Mischina mia sta bestia vaja fora! Pid. Eh! via...muzzica cca stu jiditeddik E vaja franca, ca nni canuscemu; Avemu tutti lu 'nnamurateddu. Cu li parenti, è giustu, nni fincemu

Purissimi, innuccenti e simpliciuni,

Pr'impapucchiarli poi comu vulemu:
Ma 'ntra di nui siamu fidiluni:
O tutti avemu a tirari 'na riti,
O tira ogn'una lu so tartaruni.
Lid. Tu chi nni cunti? Nun nni dari liti;
O Pidda, tu sì assai scannaliata;
Tu sai di munnu cchiù assai di li ziti.
Tid. Lassala jiri, ch'è mala criata;
Nni voli a tutti dui scannaliari;
Và affruntatinni porca sbrigugnata.
Pid. Dunca vuliti farimi parrari?
Ah! ca pigghiu la radica e mi lanzu?
Già quasi m'accumenzu a smaraggiari.
Lid. Jettati via. videmu stu shalanzu.

Lid. Jettati via, videmu stu sbalanzu, Cosa poi diri, ahl mala linguazza?

Pid. Pirchi Culicchia veni manzu manzu
La sira e porta dintra la visazza

A tia li magghin picai di la picae

A tia li megghiu pisci di la pisca, E tu in vidirlu ti metti in gramazza? E Tidda, ch'ora fa la liscia e frisca, Pirchi a lu figghiu di Raisi Giurana

Idda ci ridi; ed iddu passa e frisca?
Pirchi dda sira ch'era tramuntana.

E lu mari jisava cavadduni,

Stetti 'ngrugnata e fu di mala-gana?
Pirchi quann'iddu poi vinni a natuni,

Tuttu culatu, comu un puddicinu, Ci affirrau pri la pena lu matruni? Pirchi cu l'alba tutti dui matinu

Vi spicchiati e attillati ben puliti
'Ntra un riconcu di mari cristallinu?
Pirchl...via...ci yonn'orvi?...E chi vulit

Cu tanti smorfii e tanti 'mmittarii
Ammucciari lu suli cu la riti?
Lid. Pidda, tu cu qual occhiu mi talii?
Lu stimu a Cola, ma sinceramenti;
MELL. 3

Tu chi pritenni ca t'allattarii?

Tid. Talè, Pidda, st'allerta, 'un diri nenti;

Non pri tia, ma me patri è 'mmurmurusu;

Non pri tia, ma me patri è 'mmurmurusu;

Me matri tantu quantu ci accunsenti: Me gnuri a Brasi l'avi pri lagnusu;

Ma me gnura è 'mpignata a darimillu; Iddu chianci e mi pari rispittusu.

Pid. E tantu ci vuleva a dirimillu,

Ca siti 'ncarni, e 'nnossa 'nnamurati? Aju ragiuni addunca quannu strillu.

Jeu lu cunfessu cu sinciritati, Aju ancora lu meu, chi di biddizza Vinci 'na quintadecima d'estati.

Lid. Allura 'nnamurati!...E ch'e pastizza?

La mia è 'n'affezioni naturali;

L'amu, ma 'un ci àju poi tanta strittizza.
Tid. Ed iu videmmi...'Un c'e nenti di mali;
Ma sai com'e..,mi chianci, mi picchia...

Jeu poi 'un su' brunzu...sempri dali-dali. Pid. Iti dicennu...E ghittativi via, Semu tutti 'na cosa; e ch'è daveru,

Ca vi l'aviti a tirari cu mia? Jeu ca sugnu di cori chiù sinceru.

Sugnu tinuta pri caccia-diàuli,

E tutti l'autri passanu pri zeru. Li mei suli su' 'mbrogghi, trampi e mauli

E tutti l'autri sunnu 'nnuccinteddi, Pirchi sannu sarvari crapi e cauli.

Giacchi avemu ora ceà li tammureddi, Cantamucci a li nostri piscaturi

Quattru amurusi e duci canzuneddi.

Lid. Ma stamu allerta, nun veni lu gnuri : Tu Tidda guarda dda versu Punenti:

Tid. Lassati fari a mia, stati sicuri.

Pid. Vaja, accumincia: Lid. N

Nun nni sacciu a ment.i

Pid. Nun ti fari prigari vaja via: Cca semu suli, nun c'è cui nni senti; 'Nzoccu ti veni scarrica ed abbia.

Lidda canta.

Quannu a Culicchia jeu vogghin parrari, Ca spissu spissu mi veni lu sfilu; A la finestra mi mettu a filari; Quann'iddu passa poi rumpu lu filu; Cadi lu fusu; ed eu mettu a gridari: Gnuri pri carità pruitimilu; Iddu lu pigghia; mi metti a guardari, Jeu mi nni vaju suppilu suppilu.

Tid. Quannu...

Lid. Zittu...Me matri stà chiamannu:
Ivi! criu ca me pà s'arricugghiu!
Tid. Vih! chi frittata pri l'arma d'aguannu!
A 3. Ih! sarrà tardu; addiu, picciotti, addiu.

# està.

# EGLOGA IV.

İnterlocuturi. — Titiru, Silvanu e Tirsi.

Sil. Titiru tu, chi posi e ti stinnicchi
Sutta un arvulu anticu di carrubba;
E amannu ti cunsumi in chianti e picchi,
Lassa ssi voschi e ss'aria niura e cubba;
Torn'a la mandra e sona la sampugna;
Chi 'un c'è satiru dda, chi ti distrubba.
Nissunu si cci vota e si cc'incugna
A li toi crapi, e pirchi tu 'un ci ài cura,
Autru nun sunnu, ch'ossa, peddi ed ugna.
Anz'eu circannu a tia, li vitti antura

Anz'eu circannu a tia, li vitti antura 'Ntr'alpestri vausi 'mmenzu ddisi e spini; Unni mancu cc'è un'umbra di virdura.

E li crapetti maghiri e mischini Sempri fannu 'na vucî, e su' ridutti. C'ànnu li ventri 'mpinti cu li schini.

Tit Silvanu caru, aimėt sfumaru tutti Ddi jorna in cui l'allegri mei canzuni

Avianu apprisu a renniri li grutti :

Quannu di ciuri adorau lu muntuni, Facia iri superbu pri li campi Cu li rivali a fari lu scarciuni. In canciu, oimè! di ddi bizzarri lampi,

Di dd'innoccenti fochi giuvanili,

Aju in pettu autri ciammi ed autri vampi; Un nonsocchi chi prima fu gentili;

E 'un appurtau chi un duci batticori; Quantu ora è amaru, oimè! quant'è crudili!

Iddu reggi li sensi e li paroli; Iddu cumanna; e tu mi voi cuntenti? La cuntintizza veni da lu cori.

Sil. Eu cra nicu ed aju ancora a menti, Chi lu vecchiu Menalca mi dicia:

Ch'amanu l'ervi ed amanu li venti : E chi ddu ciumiceddu chi scurria

Sutta li nostri pedi, murmurannu; Mi diceva iddu, chi d'amuri ardia;

E l'ocidduzzi, chi pri l'aria vannu, 'Ntra lu curuzzu sò nicu e gentili Anchi d'amuri la fileccia cci ànnu.

E puru chisti cu suavi stili Cantanu tutti l'uri e su fistanti; Dunca amuri nun è tantu crudill.

Ridinu l'ervi in vrazzu a la sua amanti Primavera; adurnannuci di ciuri Lu bell'abitu so vagu e galanti.

E tu Titiru chianci di tutt'uri! Cunsolati; si pasci si di peni, Ma poi nun voli genti morti Amuri. Tit. Senti ssa sfrattatina? Forsi veni Oualch'unu a nui?

Sil. Viju spuntari un cani:
Oh! cc'è Tirsi chiù supra e si tratteni;
Stà 'ntra 'na macchia; e comu lu Diu Pani
Smiccia. 'na Ninfa, ch'avi un picureddu,
E fila cu la rocca o linu, o lani.
Oh Tirsi Tirsi, statti cuiteddu;

Nun smicciari li Ninfi di Diana; Chi 'un pensi di Atteuni a lu maceddu?

Iddu stà sodu comu 'na campana; Santu pri l'arma! mentri ch'è distrattu,

Na burra ci farria di bona gana. Lu saccuni è ad un ramu e ancora intattu

Cc'è lu pani, e lu vinu; zittu zittu,
Ca vaju e cci l'aggranciu gattu gattu.
Ma lu cani! lu cani 'mmalidittu

Ma lu cani lu cani mmanantu Guarda ora lu saccuni ed ora a mia; Forsi à comprisu chiddu c'àju dittu?

Tit. Quant'invidia mi fai, biatu tia! Pasturi, a cui li vogghi e li pinseri Nun spiranu, chi scherzi ed alligria;

Lu celu ti li guardi tutti interi; Ma 'un burlarti d' Amuri; li soi dardi Quantu tardi su' cchiù, su' cchiù seve<u>ri</u>.

Cumpatisci l'amanti; usa riguardi; Via sedi all'umbra, mentri chi d'intornu Regna lu suli, e tuttu brucia ed ardi.

Vidi, comu li pecuri ritornu Fannu a li macchii; e li viteddi e vacchi Mettinu all'umbra l'unu e l'autru cornu.

L'oceddi 'ntra li gaj posanu stracchi; Sulu si esponnu a li cucenti arduri Li friddi serpi cu li spogghi a scacchi. Sedi cca sutta st'arvulu, o pasturi; Eccu chi Tirsi la sampugna aguanta, Senti lu cantu chi cci ditta Amuri. Sil. Oh! cci aju gustu... Tit. Zittu, ca già canta.

1

Tirsi canta. Già sutta di la fauci
Cadinu li lavuri;
Li gregni a li chianuri
Eccu di cca e di ddà.
La cicaledda rauca
Tra l'arvuli e li spichi,
Cu lu so zichi-zichi
Nn'annunzia l'està.

2

Scurri lu voi 'ntra l'arii Da chista parti a chidda, E lu frumentu sgridda Sutta lu pedi sò.

Li juculani 'mmáttiti. Sprannúzzanu la pagghia, Chi lu tridenti scagghia, Quantu cchiù in autu pò.

Lu ciumi è tantu poviru, Chi trova sempri intoppi; E cu pitruddi e sgroppi Si metti a tu pri tù.

La pasturedda scausa, Cugghiuta sinu a cinta, Cci bazzica nastinta, Senza timirlu cchiù.

4

Li venti cchiù nun ciatanu, Nè cchiù lu voscu scrusci, Ma movi l'ali musci Un zefiru chi cc'è. S'infocamu li vausi Sutta l'ardenti Lampa, Chi scarmuscisci e allampa L'irvuzza virdi, oimè!

Licori, nun ti espeniri A lu crudili raggiu; Nni po patiri oltraggiu Lu biancu visu to.

Sacciu pri to ricoveru Un vausu chi si spacca, Dintra l'umbrusa ciacca Lu suli nun ci pò.

6

Stu cappidduzzu 'nzajati Fratantu di curina; 'Ntra ssa facciuzza fina, Chi spiccu chi cci fà! Un mazzu di galofari A lu sinistru latu Cci trovi cuncirtatu, Chi bonu assai cci stà.

Nn'avrannu certu invidia
E Tisbi ed Amarilli;
Ma valí tu pri milli;
Nun pensu ad autra cchrù.
O stamu in grutti sterili;
O in macchi aspri e imbuscati;
Sunnu pri mia beati

Ddi lochi unoi si tù.

Co'è un fonti 'mmenzu all'arvuli, Chi l'umbri si nutrica, Quannu lu suli pica Lu friscu è tuttu ddà. Cci cadi a pricipiziu L'acqua da 'na scoscisa; Strepita e poi divisa, Tra l'ervi si nni và.

'Ntra se'acqui frischi e limpidi, 'Mmenzu a st'umbrusi lochi Anatri foggi ed ochi Triscanu a tinghi-tè.

Li Ninfi si cci sguazzanu: Cui nata supra l'unna, Cui sbruffa, cui s'affunna, Cui sauta e grida : olè.

1Ŏ

All'umbra di ddi salici, Umidi, virdi e lenti Fa chi l'està cuntenti Jeu passi a latu tò.

Dda truvirai li zefiri, Chi annacanu li cimi; E lu susurru esprimi Lu godimentu sò.

11

Si lu sciloccu indomitu Cu l'alitu di focu Di stu tranquillu locu Turba l'amenità.

'Na grutta sutta un vausu Sacciu chi spunta a mari, Ch'invita a respirari Piaciri e libertà.

12

D'areddara e di chiappari 'Nvirdicann li lati; Dui viti 'ncirciddati Davanti poi cci sù;

E li sormenti penninu Cussì 'ntricati e spissi, Chi pari chi 'un avissi Nudda spiragghia cchiù. 13

A li soi spiaggi accostanu Spissu li Dei marini; Cu' è 'ncoddu a li Delfini, Cu' è pisci pri mità.

Cci vennu li Nereadi Cu l'occhi comu stiddi: Li vrunni soi capiddi Ad asciucari ddà.

14

Fama è, chi 'ntra ssi concavi Maritimi ruccuni Scupriu a Endimiuni Cinzia lu focu sò.

Mentri pri cchiu sbamparicci Li soi nascenti arduri, Ciuscia cu l'ali Amuri, E attizza quantu pò.

15

Forsi chi di la ciaccula Ch'ardiu lu pettu ad idda, Almenu 'na faidda Fussi ristata ddà. E chista speru farisi, In tia si forti e granni, Chi l'amurusi affanni

Poi mi cumpinsirà.

#### IDILIU III.

#### DARNI.

Guidava lu pateticu so carru 'Ntra li gravi silenzii la notti: L'umbri abbrazzati a la gran matri antica S'agnunavanu friddi e taciturni Sutta li grutti e l'arvuli, scanzannu Di la nascenti luna la chiaría.

Di li murtali supra li palpébri Sidia l'amicu sonnu, ed aggravava Li sensi di suavi stupidizza; Mentri chi di balsamicu ristoru Lu riposu spargia li membri stanchi:

'Ntra la profunda placida quieti Scutia di tantu in tantu 'na campana Lu voi, chi ruminava 'ntra li grutti L'ervi pasciuti a la vicina valli;

Sulu, oimè! lu riposu universali, Tantu duci e graditu a cui respira, Dafni ritrova, cchiù chi morti, amaru; Dafni gratu a li Musi, a lu cui cantu Pani spissu affacciau da li ruvetti La testa, ed affilau l'acuti oricchi; Dafni, oimė! sulu vigghia, chi chiantata , Avi in pettu la spina di l'amuri;

E cu li soi lamenti armuniusi Esercitava a pedi d'un cipressu L'ecu, spiritu nudu, chi va errannu Di grutta in grutta tra macigni e rocchi; Ch'impietusita a li soi peni amari Li ripeti fidili, e li tramanna A li valli vicini in chisti accenti:

Dafni canta. O bianca, lucidissima

Luna, chi senza velu Sulcannu vai pri l'aria Li campi di lu celu.

Tu dissipi li tenebri Cu la serena facci, Li stiddi impallidiscinu Appena chi tu affacci.

Li placidi silenzii, All'umidu to raggiu, Di la natura parranu L'amabili linguaggiu.

A tia l'amanti teneru Cu palpiti segreti La dulurusa storia Mestissimu ripeti.

E mentri amari lagrimi La dogghia sua produci; Tu spruzzi a la mestizia Lu sentimentu duci.

Quannu 'na negghia pallida Ti vidi pri davanti, Su' li suspiri flebili Di lu miu cori amanti.

Pri mia la bedda e splendida Tua facci si sculura, Jiu, jiu lu miserabili 'Ngramagghiu la natura.

Pri mia li friddi vausi Supra l'alpestri munti D'orruri e di mestizia Si coprinu la frunti.

Cu lamintusu strepitu L'acqui a lu miu duluri Chiancennu si sdirrupanu Dintra li vaddi oscuri.

Pri la pietà suspiranu

Di li mei crudi peni, Trimannu 'ntra li pampini, Li zefiretti ameni.

La notti malinconica Si parti, o s'avvicina, Pietusa metti a chioviri Lagrimi d'acquazzina.

A lu dulenti esempiu Di l'alma mia rispunni Zefiru, luna ed aria, Notti, macigni ed unni. Ma l'unica insensibili Lu cori, oimè! cchiù duru,

E chidda pri cui spasimu, E l'unica ch'aduru.

'Na rocca, un truncu, un ruvulu Pri sorti mia fatali, Pigghiau la bedda immagini Di donna senza uguali.

Cun idda nun mi ginyanu Li chianti e li duluri: Nè pozzu amuri esigiri.

Pagannula d'amuri.

Giacchi l'affetti inclinanu A un insensatu oggettu O vaga Dia di marmura Fammi lu cori in pettu.

Lu simili a lu simili Sempri natura unisci: 'Mmenzu a li duri vausi Dura la quercia crisci:

Sta liggi invijulabili Di l'ordini immortali Sulu pri mia si limita? Pri mia nun è cchiù tali?

O bianca Dia, rigordati

Chi 'ntra li silvi erranti D'un pastureddu amabili Fusti tu ancora amanti.

E chi oziusu e inutili L'arcu pri tia si fici : Nè l'echi cchiù 'ntunavanu : Diana cacciatrici.

Nè cchiù di cervi e daini Li toi livreri e bracchi Lu rastu sequitavanu Tutti anelanti e stracchi;

Ma allegri festeggiavanu Di lu pasturi attornu; Quasi pri annunziariti Lu gratu so ritornu.

Cu quantu to rammaricu Juncevati importuna Chidd'ura di curreggiri Lu carru di la luna?

Duvennuti dividirì
Da la tua gioia estrema;
Forsi t'avisti a pentiri,
D'essiri Dia suprema.

Cunsidira, cunsidira Da lu to cori, oh Dia, Lu statu miserabili, La cruda pena mia.

O casta, ma sensibili Ad una ciamma vera; Sentimi e accogghi l'umili Giustissima prighera;

Si mai gradita vittima L'alma devota offriu; O Dia, ddu cori mutacci, O canciami lu miu.

Dissi l'afflittu Dafni; e l'aspri trunchi Mell. » Strincia sutta un dinocchiu prontu e lestu.

» Chi dirrò di l'armenti e bistiami?

» (Sbarazzati li mazza di li spichi)

» Cuprianu li ristucci comu sciami.

» Ed in distanza li cullini aprichi

» Sintianu risunari a li muggiti

» Di voi, di tori, vacchi e soi nutrichi.

» E li pecuri a guardi in vari siti

» Vidiamu, e 'ntra li costi di muntagni. »O in mezzu a macchj, e sutta l'oliviti.

» E li mandri, chi a modu di cuccagni.

» Di provuli abbundavanu e ricotti.

» Di tuma a furma a feddi ed a lasagni.

» E'ntra allegri merenni, e ciaschi, e gotii

» Cu vaghi Ninfi 'ntra ciuruti prati

» Ballavanu li granni e li picciotti.

» L'echi, chi attornu stavanu 'ngruttati,

» Risunavanu tutti ripitennu

» Li soni, e canti armuniusi e grati.

»E li ciumi, chi liberi scurrennu

» Ntra junchi e canni in funnu a li vadduni.

» Liggi avianu da l'omini di sennu;

» Pri cui vinianu sutta li timpuni

p Di terri coltivati abbiviranno

» Li riseri e nuari di muluni:

» E l'ortaggi ch'avianu tuttu l'annu » Grassa fugghiami, e li jardini fulti

» Pri la carrica quasi sdirramannu. » L'alpestri cimi di muntagni inculti

»'Ntra ulivi e querci, 'ntra castagni e pini

» Imbuscati si stavanu ed occulti, » Dannu alloggiu e riposu a pilligrini

» Groi, chi stanchi da li soi viaggi

» Li pioggi annunziavanu vicini.

» Voschi da cui trafanu li villaggi » Travi pri fabricari, e frutti, e ghiandri » Pri porci ed autri armali non salvaggi, » E ligna da bruciari utili a mandri,

»E a la viddana chi va a cucinari

» Quannu tornanu a giuccu li calandri; » Ura in cui si vidianu riturnari

» A sonu di sampugni e friscaletti

»Li pasturi, sfidannnusi a cantari.

» Čui scummittia dui tenniri crapetti, » Cui 'na pulita ciotula di vusciu.

» Ch'in rigalu la soggira cci detti :

» Cc'era fora insculpitu affrittu e musciu » Un pastureddu a cui lu lupu un beccu

» Cci avia rubbatu senza fari scrusciu :

» All'autru latu cc'era supra un sceccu » Un picciriddu, e nautru poi di 'nterra

» Cci tirava pr'invidia lu cileccu.

» Quanta è diversa sta innoccenti guerra

» Unni presedi Apollini, da chidda

» D'unni cc'è Marti chi ferisci e atterra! » Oh furtunata genti, oh beatidda,

» Chi sapia ben conusciri e gustari

» Li veri doni di benigna stiddal
» Stavasi in iddi amuri ad intricciari

» Catini, non di duru ferru, o d'oru,

» Chi su' sempri gravusi a strascinari,

» Ma di frunni e di ciuri chi ristoru
» Davanu all'alma, e 'un eranu di pisu,

» E spissu cci agghiuncia delficu alloru,
» Quali un focu svigghiavacci improvisu,

» Chi prorumpeva in canti accussi grati,

Chi cchiù voti nni fu Pani surprisu,
 E chiusu 'ntra 'na macchia l'incirati

» Canni soi animannu, accumpagnari » Si benignava anch'iddu ddi cantati.

»Baccu ogn'annu vineva ad abbunnari

» Li tini e li palmenti, e di li viti

» Faceva li purpanj prosperari.
» Oh li néttari grati ed esquisiti

» Di li siragusani mei licuri!

» Grazj Geruni a tia chi nn'ài struiti. » Tu chi nun sparagnasti e studi e curi

» Per esaltari, e cu premi incoraggiri

» L'utili cetu di l'agricolturi;

»Comu a ddi tempi si vidia ciuriri

» Sicilia tutta in generi e produtti!

» Veri ricchizzi pri cui sà godiri.

» Pri l'abbundanza di li grani e frutti

» Multiplicannu l'omini a migghiara » Eranu popolati e campi e grutti;

» A tanti vrazza chi facianu a gara

» A tanti vrazza chi iacianu a gara

/ » Pri daricci a la terra e motu e vita » Idda 'un fu mai di soi tisori avara.

»L'industria umana quann'un re la invita

» La premia incoragisci ed assicura

» Pò mai negarsi e starisi rumita?
» Parli Caronna, chi a li patrj mura

» Savj liggi dittau, si forsi in chisti

» Trascurata fu mai l'agricoltura?
» Liggi, chi poi rignari foru visti

» In tutta la Sicilia, ed impegnaro

» L'esteri nazioni a farni acquisti,

»In virtà d'iddi tanti prosperaru

» La Sicilia e l'autri isuli vicini, » Chi di l'Italia fu ditta granaru.

»L'Esperidi Ortí e fertili jardini

»Favulusi di Alcinou sù reali

» In Muncibeddu, e in tanti soi collini. » Oh li frutti esquisiti e colossali!

»Li puma eranu citri a la grussizza

» Bastava un piru a quattru commensali.

»Chi dirrò di l'agrumi? Oh chi biddizza!

» Vidiricci pendenti tuttu l'annu

» Frutti, chi all'agru spusanu ducizza!
» E mentri alcuni invidia all'oru fanna,

» Autri spuntannu appena da li ciuri,

» Autri penninu virdi maturannu! » Suavi è di li zagari l'oduri,

» Li scorci aromi sù grati odorusi,

» E oduranu li frundi e trunchi duri! » Li puma di l'Esperidi famusi

»Criduti d'oru e chiddi d'Atalanta

» Nun foru chi st'aranci priziusi.

» L'ambrosia di li Dei, chi si decanta,

» Nun è chi malvasia, chi si produci

» Da una viti chi in Lipari si chianta.
»'Ntra li muntagni Iblei lu biunnu e duci

» Néttari, chi cci apprestanu li ciuri,

» Ebi in forma d'apuzza lu conduci. » Vita biata di l'agricolturi,

»Chi autri bisogni un conuscianu allura;

» Ch'essiri cautelati da furturi,
» Pri tuttu lu dicchiù supplia natura :

»Clima benignu, terri aprichi e grati,

Chi esigianu lu giustu e non l'usura.
 Li proprietà di ognunu assicurati

» Eranu sinu all'infimu viddanu

» Da liggi santi e beni amministrati.
» Lu pubblicu costumi interu e sanu

» Rignava 'ntra citati e 'ntra villaggi,

»Ed era l'omu da pertuttu umanu :
»A li stissi nimici, e a li salvaggi.

» Si mustrava beneficu inspiranmi

Sensi d'umanità benigni e saggi.Non ottinniru paci si non quannu

»A Geluni li Punici juraru

Scacciari un sacrifiziu esagrannu;
 Cchiù li vittimi umani nun scannaru

»All'ara di Saturnu, nè inumanu

» Ministru cchiù avvicinasi a l'autaru.

» Quali conquistaturi, o Eroi sovranu

» Uguagghia mai la gloria di Geluni,

» Chi sparagnau, non sparsi sangu umanu? » Chi la forza, li flotti e li squatruni

» Non impiegau provincj a soggiogari,

» M'a stabiliri in tronu la ragiuni.

» Sta virtù vera mai potti allignari, » In terra, nè 'ntra l'omini cc'incugna,

» Di nostra età fu pregiu singulari.

» Oh s'in canciu di un umili sampugna,

»Comu chidda meonia auta e sonora,

»'Na trumma avissi avutu'ntra li pugna!

» La razza umana nun sarebbi ancora

»Illusa da 'na falsa gloria e un vantu

»Scioccu chi la degrada e la divora!

» Omeru, Omeru, oh quantu luttu e chiantu

» Ha purtatu a li miseri murtali

» La trumma tua, chi fu sonora tantu!

» Chi fissau di la fama supra l'ali » Cui meritava 'ntra l'obliu periri

»Cu li tigri e liuni ad iddu uguali!

»Chi di glorj adornau li straggi e l'iri

» Dannu a feroci titulu d'Eroi...

»Ma d'Atropu chi cchiù si putia diri?

» La morti dunca, e li ministri soi » Si sù oggetti di gloria 'ntra lu munnu

» Negari ad un carnifici la poi?

» Alessandru augurannusi un secunnu

» Omeru, chi cu Achilli l'esaltassi

» Menzu globu infestau da capu a funnu.

» Marciannu poi di chisti su li passi

» Tant'autri omini torbidi e inquieti

» Stragi ànnu fattu in terra e gran fracassi;

» E chisti da l'istorici e poeti » Sù titulati Eroi per ecu fari » A dda trumma chi ancora si ripeti!

» Nè si avverti : chi chista ardiu purtari

» La discordia anch'in celu 'ntra li Dei,

» E chi in barbara età misi a sunari!
» Nè si avverti : chi Teucri ed Achei,

» L'uni vinti e bruciati, autri dispersi

» Foru, e distrutti da flagelli rei! » E chi a li vincituri, ed a li persi

» La vinditta focu è divoraturi

» Chi li distrudi pri tutti li versi,
» Infaust'a tutti, comu li punturi

» Di dd'insetti, chi lassanu la vita

» Nell'attu di sfogari lu fururi!
» Saggi foru l'età chi conferita

»'Annu la gloria, e l'immortalitati

» Cui su la forza a li boni opri unita, » E a chiddi, chi l'umani societati

» Beneficannu si sù fatti amichì

» Pri utili e vantaggiusi ritruvati:

» Erculi pri li dudici fatichi.

» Baccu pirchì inventuri di lu vinu,

» Cereri, chi truvau li biunni spichi,
» Trittolemu, Esculapiu, e lu divinu

» i rittolemu, Esculapiu, e iu divid Vulcanu, chi pri mazzu di lu focu

» Vulcanu, chi pri mezzu di lu focu » Detti a metalli un utili destinu.

» Sti sani idei sù conosciuti pocu

» Oggʻin terra; stà in celu, e 'ntra l'Elisi

» La Verità, nè cancia situ o locu.

» Oh! si all'omini fussi idda palisi!

» Di miserj 'un sarrevanu un teatru,

» E l'onuri e la gloria in autu misi, » Risplinnirianu in paci 'ntra l'aratru.

# AUTUTET.

# EGLOGA V.

Interlocuturi. — Ergastu, Menalca e Filli.

Erg. O Menalca, e unni appiccichi? ssi vausi Sù sdirrupi, e sù chini di periculi: O cadi o torni cu li pedi scausi.

E poi tu, ca si vecchiu, e di li siculi Pasturi si lu cchiù ansianu e cautu Lu greggi appretti'mmenzu rocchi e ardiculi? Tantu, 'nzamai, cci voli a fari un sautu Qualchi agnidduzzu e cu cazzicatummuli

Rumpirisi lu coddu ddi ddoc'autu?

Men. M'arritiru li pecuri ed assummuli;

Pirch) li venti instabili a cuntrari

Pirchl li venti instabili e cuntrarj Raggiranu li pagghi comu strummuli; L'Iridi pinta di culuri vari

S'incurva, e un ponti fà 'ntra mari e nuvuli; Fannu vuci li groi straordinarj :

Comu s'in celu s'addumassi pruvuli, Supra lu polu surruschi si vidinu; E cc'è un frischettu poi suvuli suvuli;

L'anatri e l'ochi pri alligrizza stridinu; Ca l'acqua, unn'iddi triscanu e si sguazzanu, Già supra di la testa si la vidinu:

'Mmenzu a li crapi li corvi sbulazzanu Ittannu vuci squacquarati e orribili; E li giurani a funnu s'arrimazzanu :
La vacca isa li naschi, e l'invisibili Aria nova si suca; e fora solitu

Cantau cchiù voti lu gaddu sensibili; Puru arsira lu dissi, e parsi nolitu, Chi la cannila avia la vampa varia,

E sfaiddusa, e un meccu a funcia, insolitu;

E infatti eccu chi già s'annegghia l'aria; Cànzati, Ergastu, sì; canzati subitu:

Oh chi burrasca nni veni cuntraria!

Erg. La prividisti a tempu; e nun nni dubitu È di l'avvisu, amicu, ti ringraziu;

Dda cc'è 'na grutta; vacci : ch'iu t'assubitu.

Tu veni, o Filli mia, chi un largu spaziu Dda truviremu; e nni darrà ricoveru Sinu chi Giovi di sfugari è saziu.

Ah Filli! Lu disignu di lu poveru Mai veni a fini! senti chi disgrazia! Vidi s'a tortu la sorti rimproveru:

Un Giaju, chi cu tanta bona grazia Avia apprisu a parrari; e mai mustravasi Di farmi vezzi la sua vogghia sazia;

Chi vulava e turnava, e in mia pusavasi; Mentr'era 'ntra 'na rama; e Mopsu carrica

Di canni e ligna l'asina arrinavasi;

Di l'aria un Nigghiu a l'improvisu scarrica L'adugna e squarta...Ahi Filli! nun poi cridiri: Quantu lu cori si nni attrista e incarrica,

Lu persi, oime! 'ntra un vidiri ed un sbidiri,

Era a tia distinatu pri spassariti;

E tu (chi pena!) nun l'avisti a vidiri!
Fil. Mi dispiaci, ma pensa a cunsulariti,

Oime! pirchi di lagrimi ti assammari? Forsi senza lu Giaju 'un sacciu amariti?

Oh bella grutta! Ed avi sali e cammari! Talè Menalca, chi cugghienna chiappari, Si nni veni catammari catammari?

Prestu, Menalca, ca ti vagni... cappari!

Lu tempu strinci!

Men. E chi?...l'età... pacenzia, Sù vicchiareddu, e un pozzu fari vappari, Eccucei in salvu... Damucei licenzia
Ora a lu celu di sfugari e chioviri;
St'acqua va cchiù di l'oru in mia cuncenzia.
Fil. Chiuvissi, ma tu, Ergastu, nun ti smoviri:
Canta, e cchiù 'ntra la pena nun ricadiri;
Chi piaci stannu in commodi ricoveri,
Vidiri a terra li prim'acqui cadiri

Ergastu canta. Cadinu li prim'acqui;

Li venti fannu guerra;
L'oduri di la terra
Gratu si senti già.
'Nvirdicanu l'olivi;
Matura è la racina;
Filli, biddizza fina,
Eccu l'autunnu è ccà.

Senti li strepiti, Curuzzu senti, Già si priparanu Tini e palmenti; Cui stipi accommoda; Cui vutti fà.

Sù junti li burraschi Dda susu a li carrubbi; Li trona cubbi-cubbi, Vannu 'nougnannu ccà.

'Ntra lampi e 'ntra surruschi, Lu nuvulatu scinni; Eccu sbrizzia; vinni: È lesta l'acqua già.

Ora nni spuntanu L'irvuzzi novi; Dda cogghi lassani; Cca razzi trovi; Dda cci sù sparaci; Funciddi ced.

Li turdi e pettirrussi Vugghinu 'ntra li gai; Ogn'annu, già lu sai, Vennu a svirnari ceà; Dintra la nia capanna

Sù pronti e preparati, La cucca e li viscati, Pri quannu scampirà.

Vénicci 'nzenmula
'Ntra l'amureddi;
Chi poi li pispisi,
Li munaceddi,
Mentri cucchianu,
'Ncappanu ddà;

Sacciu'ntra 'na scoscisa
Na ficu assai siccagna;
L'api di la muntagna
Fannu lu meli ddà.
Chisti a li primi alburi,
Mentri tu si curcata,
Carrichi di jilata
Li cogghiu e portu ccà.
Pri cchiù delizia

Pri cchiù delizia
'Ntra un cannistrinu
Li vogghiu spargiri
Di gelsuminu,
Sacciu ch'a geniu
Multu ti và.

Di 'nsolia e muscateddu Dul viti prelibati Composi a 'mprigulati, Chiusi di cca e di ddà; Sù vasci vasci, e a chiddu Chi sutta si cci aggiucca, Cridimi, giustu'mbucca, La rappa pinnirà.

D'irvuzzi tenniri Farroggiu un mazzu, Pri poi sirviriti Di matarazzu, Quannu a curcariti Tu veni ddà.

Melampu lu craparu, Amicu di li musi, Li flauti armuniusi Dda 'ncostu accurdirà; Sidutu 'ntra 'na rocca, Cu noti di duluri Li sfortunati amuri Di Tisbi cantirà:

E chi pri làstima
Chianceru tutti;
Lu stissu ceusu
Tinciu li frutti;
E fu sensibili
A la pietà.

7

Si Satiru importunu S'ammuccia in qualchi vigna, La testa sua bicchigna Scopriri lu farrà.

Lu primu chi nn'avvegnu, Li corna cci li ciaccu; Si fidanu, ca Baccu Cun iddi si cunfà. Jòcanu, ballanu, Spreminu mustu; Tutti si nni untanu Sinu a lu bustu; Arruzzulannusi Di cca e di ddà.

8

Di rappi pampinusi Cincennucci la testa, Mentri starremu in festa, Lu mustu scurrirà.

Cussi fu vistu Pani
A li felici jorna,
Ch'avia 'mmenzu li corna
Racina in quantità.

Nè cchiù mustravasi Di sdegnu invasu, Cu l'amarissima Bili a lu nasu; Comu terribili Divinità.

\_\_g

Cu scattagnetti e ciotuli Ballannu pri la via, Lu Diu di l'alligria Ognunu onurirà,

Nui cunsacramu a Baccu Lu duci so licuri . Ma di lu Diu d'Amuri Lu cori poi sarrà.

Deh vui tissitinni La tila ordita, Baccu e Cupidini, Di nostra vita 'Mmenzu l'amabili Tranquillità. Isannu l'occhi, vidi linna linna Cu lu fodali spintu ed a lu ciancu Rivitticatu, e supra 'na quartara, E nautra in manu, Joli, chi scurrennu Appena si vidia pusari in terra.

Misi allura la ciotula da parti,
E tussiu multi voti, e fici scusa
Pur'anchi di scraccari, sin'a tantu
Chi Joli si vutau pri taliari;
Poi cci ridi, e intunannu un friscalettu,
Chi cci duvia sirviri a li cadenzi
Si cci metti a cantari 'ntra sti sensi.
Mirtillu canta. Sula all'acqua 'un t'azzardari,

Vaga Joli, amata figghia; Ga lu Satiru ti vigghia; L'aju vistu filiari.

La sua razza, tu lu sai, Quantu è trista ed insolenti, Avi trunchi pri parenti, E pri casi spini e gai.

'N'avi cori, e 'un sapi amari; Ma cci curri a li cchiù beddi, Comu l'api a li fasceddi; Comu l'ochi a li ciumari.

M'addunavi, chi si stava Sta matina 'ntra un macchiuni, E di vinu un ciutuluni Tuttu allegru sustintava.

. Isau l'occhi, e ristau cottu In scupririti a lu chianu, Si cci allascanu li manu, E la ciotula fa un bottu.

Si nun sgarru, sù tri jorna Chi ti vitti, benchì arrassu, E currennu a stagghia-passu, Ristau 'mpintu pri li corna:

E si 'un era chi scinnia. Certu Faunu da 'na rocca, Comu carni 'ntra li crocca Appizzatu si vidía.

Puru ajeri ti smicciau Supra dd'arvulu acchianatu: Apsiusu ed affannatu, Vulia scinniri e scuppau.

E ti pozzu assicurari, Ca lu scoppu fu sollenni; Iddu mustra chi 'un l'apprenni; Ma'si vidi zuppicari.

Tu sì fora di li panni! Ti nni burri! ma stà allerta; Una sula chi nni 'nzerta; Lu cumpensa di li danni.

# IDILIU VI.

### MARTINU.

L'omu chi nesci fora di la 'mmesta, Cu scotiri li guidi e la tutela Di la saggia natura, Perdi la tramuntana e si smarrisci; E quantu cchiù s'è d'idda alluntanatu Tantu cchiù spersu si ritrova e senti (Ouannu di l'idei vani Taci pri pocu lu tumultu riu) Richiamarisi ddà d'unni partiu.

L'illudirà pr'un tempu la citati, Li pompi, li spettaculi, lu lussu, Li commodi e li gran magnificenzi; Ma poi multiplicati Senti l'interni passioni, e chisti Crisciri cu lu crisciri di l'anni.

D'un passaru la vuci Li cori e l'almi tocca Cu lu so cantu duci.

Li canni armuniusi Di li mei pastureddi Fann'ecu a graziusi Canti di varj oceddi.

Lu to oduratu anchi avi Tributu consolanti Di effluvj suavi 'Ntra tanti ciuri e tanti. Li frutti t'aju datu Suavi e dilicati. Chi all'occhiu, all'odoratu, E sù a lu gustu grati.

Veni, dilettu, veni; La Matri tua ti chiama 'Ntra li vuschitti ameni. Sutta 'na virdi rama.

La paci in cui mi fidu Trovi cu mia sulidda. E amuri, chi lu nidu Conz'a 'na turturidda.

La fidiltà di attornu Mi trovi 'ntra li cani. Attenti notti e jornu. Amici e guardiani.

Palazzi mei priggiati Sunnu sti eccelsi munti, Sedi la maistati 'Ntra la sublimi frunti :

Vera magnificenza Vera grandizza è in iddi; Umana arti e potenza Quantu sù picciriddi!

Osserva comu spiccanu

Dda supra querci e ruvuli, Chi li soi testi ficcanu In menzu di li nuvuli!

Quanti sti rocchi alpestri Cuntennu in macchi e in grutti Di alati e di pedestri Razzi viventi tutti!

In aria suspisi Attornu a chiddi alturi Filianu ad ali stisi L'Aquili e li Vuturi.

Di chiappari li troffi, Li macchi a cunfaluni Di areddara, sù stoffi, Sù adorni a ddi ruccuni.

Ammira di dda susu Comu un perenni ciumi Ruina maestusu L'unni mutannu in scumi!

Dintra l'occulti vii, Di sti gran munti in funnu Li sali a gallarii

Li sali e gallerii, Li mei ricchizzi sunnu.

Chiddi, chi umanu ingegnu Metti a lu primu rangu, L'oru e li gemmi, eu tegnu 'Ntra rocchi crita e fangu.

L'agati, li graniti, Li marmi cchiù vistusi, Sù a terri e petri uniti Senz'ordini confusi.

Fannu di li mei grutti Li basi e li pilastri, Uniti a rocchi brutti, Porfidi ed alabastri. Vidi com'iu disprezzu St'inezj, a cui vui dati Tantu valuri e prezzu, Chi pr'iddi vi scannati!

Ma lassa sti caverni, Nesci a l'apertu, e godi Li mei biddizzi esterni, Diffusi in vari modi.

Oh quanti specj, oh quanti Aspetti variati Presentanu li pianti

All'occhi mei purgati!

Quanti famigghi interi Nutricanu d'insetti, Chi poi volanu a scheri

Canciati in farfalletti! La viti, ch'è di razza

Debuli e in vasciu situ, Vidi comu si abbrazza Lu chiuppu pri maritu!

Chistu pri cumpinsari La sua sterilitati Li rappi fa spiccari Chi d'idda s'à aduttati.

St'ulivu, ch'à sfidatu Lu tempu e li stagiuni Da un truncu fracassatu Rinova un faidduni.

Li palmi e pini sunnu Piramidi fastusi, L'epochi di lu munnu

leu tegnu in iddi chiusi.
Lu gratu murmuriu
Di l'acqua chi dda scurri,
All'ervi dici: addiu,
Ieu partu, chi vi occurri?
Vuliti nutrimentu?

Versu di mia stinniti Li radichi, e a mumentu Lu nutrimentu avriti.

L'arvuli in ricompenza Li rami ad idda stenninu Di la sulari ardenza Cu l'umbri la difenninu.

Vidi quantu sù grati, Quantu riconoscenti! St'esseri inanimati S'amanu da parenti.

Nè cridiri chist'unni Inabitati : acchiana Supr'acqua, e mi rispunni Gracchiannu la giurana.

Cu squami poi d'argentu Guizzanu muti in funnu Autri, chi a stu elementu Additti da mia sunnu.

Li susurranti apuzzi Sparsi 'ntra ciuri ammira, Tornanu a li cidduzzi Ricchi di meli e cira:

L'armonica unioni Si d'iddi scupririssi, Di tua condizioni Tu ti virgugnirissi.

Ultra di l'indefessi Alati mei vicini, Febu, chi gira e tessi Nni porta pilligrini.

Presenta ogni stagiuni Li specii soi distinti A sbardi ed a squatruni Di pinni vario-pinti.

Soi nunzj e missaggeri

La Primavera manna Rindini, chi leggeri Scurrinu d'ogni banna.

Poi junci accumpagnata
Di quagghi e di sturneddi,
E d'una smisurata
Fudda di varj oceddi.
Ieu tutti li cunfidu
All'arvuli e a li prati
Pri farisi lu nidu,
Nutrirsi li cuvati.

Multi l'està vulannu Cu nova reda allatu In cerca si nni vannn

Di un clima timpiratu, Di lodani in autunnu,

Di turdi e calandruni, Di pettirrussi abbunnu, Di pispisi e pinsuni.

L'invernu li gaddazzi, Li groi, li nivalori, E in margi e pantanazzi

Aju anatri e trizzoli.
Nè cumpagnia mi manca
Di armenti, e greggi; e chista
Nò, nun mi opprimi e stanca,
Ma grata m'è a la vista.

Mi opprimi e stanca, oh quantu Tumultu di citati, E da vulgari chiantu Fastu di sfacinnati. Cabali, intrichi, frodi, Disordini e scumpigghi...

Oh cechi, e in strani modi Digenerati figghi!

Cussì a lu cori di Martinu parra

L'ingenua natura. E la ragiuni. Chi di la verità senti la vuci La gusta e trova duci. L'accogghi, si commovi... ed eccu già... Ma li passioni indomiti e sfrenati. Chi da la prima etati Suggiugata l'avianu, opponnu ad idda Negghia di van'idei. Chi li veraci ottenebra e cunfunni. Cussì Martinu, chi gustatu avia Un lampu di saggizza, è riturnatu Machina comu prima, Da l'abiti muntata. · E comu navi in timpistusu mari Senza timuni, nè pilotu, tali Resta l'afflittu a la discrizioni. Ed a l'arbitriu di li passioni; E senza chi si accurgia Di l'internu complottu e di l'intricu, Pri lu ristanti di sua vita è trattu A fari chiddu chi avia sempri fattu.

## IDILIU VII.

# Polemuni.

Supra un ruccuni, chi si specchia in mari Rusicatu da l'unni e li timpesti, Chi orribili e funesti Solinu 'ntra ddi grutti rimbumbari : Duvi lu solitariu so nidu L'aipi cu vuci rauchi e molesti, Assurdannu ogni lidu, Solinu spissu uniti visitari, Scuntenti, e cu la testa appinnuluni Sidia lu sventuratu Polemuni.

Polemuni chi saggiu conuscia L'aspettu di li stiddi e li pianeti; E quali d'iddi è ria, E quali cu benigna luci e pura Prumetti ed assicura Paci, bunazza e tempi assai discreti; Conusceva l'influssi cchiù segreti Di l'ursa granni, chi nun vivi mai: Di Castori e Polluci Lu beneficu raggiu: Di li Pleadi acquusi Lu nuvulusu aspettu: e di Oriuni, Chi torbidu riluci. Previdía li tempesti : e di li venti L'induli chi cumanna all'elementi; Pirchi supra 'na spiaggia l'avia apprisu Da Proteu stissu, chi di la sua grutta, Comu fussi vicinu, Leggi in frunti di Giovi lu distinu. Ah distinu tirannu! E chi cci giuva A Polemuni lu so gran sapiri, Si tu cci sì 'nnimicu? Sì poveru e mendicu, Disprizzatu da tutti. Nun trova amanti cchiù, nun trova amicul Guardalu 'ntra ddu scogghiu. Cu 'na canna a li manu. Sulu, e spirutu in attu di piscari!

Polemuni canta.

Sù a lu munnu e un sacciu comu;
Derelittu e in abbandunù!

Nè di mia si sà lu nomu!

Nè pri mia cci pensa alcunu!

Chi m'importa, si lu munnu

Sia ben granni e spaziusu,

Chi sfoga lu so affannu cu cantari!

Si li stati mei nun sunnu, Chi stu vausu ruinusu:

Vausu, tu si la mia stanza; Tu, cimedda, mi alimenti; Nun aju autra spiranza; Siti vui li mei parenti.

Cca mi trovanu l'alburi; Cca mi trova la jilata; Cca chiantatu in tutti l'uri Paru un'alma cunnannata.

Si a qualchi aipa, cchiù vicina, Cci raccuntu li mei peni, Già mi pari chianciulina, Ch'ascutannu si tratteni.

'Na lucerta, amica mia, Di la tana un pocu 'nfora, Piatusa mi talia, Chi aci manca la palora

Chi cci manca la palora.
'Ntra silenzi profunni
Ogni grutta chianci e pena;
Di kantanu, ohimè! rispunni
A l'afflitta Filomena.

Jeu fratantu all'aria bruna, Di li stiddi a la chiaría, Corcu in chiddi ad una ad una, La tiranna stidda mia.

Quali viju cchiù sanguigna, Quali scopru cchiù funesta, Già la criju dda maligna, Chi mi fulmina e timpesta.

Unni gridu: o ria potenza Chi abitannu dintra ss'astru, Chiovi in mia la quint'essenza D'ogni barbaru disastru;

Si tu allura previdisti, Ch'avia ad essirni di mia, L'unni, li venti, e tutta la marina
Fermi ed attenti ascutanu; e li figghi
Di Nereu 'ntra li lucidi cunchigghi
Versanu perni 'ntra singhiuzzi e chiantu.
Nun c'è cui fazza strepitu; anzi tutti
Cu silenziu profunnu
S'impegnanu, acciocchi li soi lamenti
Ripercossi da l'ecu 'ntra li grutti,
Putissiru a lu celu iri vicinu,
Pri placari lu barbaru destinu.
Ma chil l'annu inflessibili tirannu

Ma chi! l'aspru, inflessibili tirannu 'Ntra lu comuni affannu, Timennu, chi pietà nun lu vincissi, S'arma lu pettu duru e azzariatu, Di setti scogghi e setti vausi alpini, E all'oricchi vicini Accenni trona fulmini e timpesti, Pr'un sentiri ddi vuci aspri e funesti.

A tanta crudeltà freminu l'unni,
Li venti, e la marina ampia famigghia
Si turba e si scumpigghia;
E intorbidati poi li vii profunni,
Criscinu munti supra munti;
Disprezzannu li limiti e sotannu,
Supra lu scogghiu unn'era Polemuni,
L'agghiuttinu, e lu levanu d'affannu:
Ed in menzu a li vortici cchiù cupi,
Vuci s'alzau, chi flebili e dulenti
Squarciau li negghi, e dintra li sdirrupi
'Ntunannu ripiteva amaramenti:

» Pri l'infelici e li disgraziati
» Qualchi vota è pietà si l'ammazzati.

# INVERNU.

## IDILIU VIII.

Era già la stagiuni, in cui lu suli Guardannucci a traversu e a la sfuggita, Lassa li nostri campi abbandunati A li cchiù lunghi notti e a li riguri Di nivi e di jilati; Mentri in rigidu aspettu e minacciusu, L'aria, lu celu e li superbi venti Dichiaranu la guerra a li vienti,

Omini, e bruti, feri, oceddi, insetti,
Timidi e rannicchiati o in mura, o in tani,
O in cavi trunchi d'arvuli robusti,
O 'ntra li vini di la matri terra,
O in caverni, o 'ntra grutti, o 'ntra capanni
Nni timinu li danni; e di rinforzi,
E di ripari cchiù tinaci e spissi
Armanu li ricoveri a se stissi.

Cussi mentri cui vivi e cui respira,
Pri cautilarsi da lu denti acutu
Di lu friddu nnimicu, e di la fami,
Spiega in propriu vantaggiu industria ed arti;
Muntánu vecchiu saggiu e vigilanti,
Sidutu in menzu di la sua capanna
'Ntra li figghi, li nori e li garzuni,
S'appoja ad un vastuni; e alzannu un pocu
La facci veneranna: Ottanta, dissi,
Inverni, uguali a chistu, ànnu concursu
A fari, ch'in bianchizza la mia testa
Cuntrasti cu li fardi di la nivi,
Stisi supra sti munti, a nui d'intornu;
Mastru d'esperienza a la mia menti
Ogn'unu di st'inverni m'à insignatu

Lettu già lu prucessu; e proferuta. Fra lu comuni applausu e la gioja. . La fatali sintenza; attapanciatu, Strascinatu. attaccatu. stramazzatu Fu lo porcu a l'istanti; un gran cuteddu Sprofundannusi dintra di la gula, Cci ricerca lu cori, e ci disciogghi Lu gruppu di la vita : orrendi grida. Gemiti strepitusi, aria ed oricchi Sfardanu: e a li vicini e a li luntani. Ed anchi fannu sentiri a li stiddi La grata nova di lu gran maceddu. Saziu già di la stragi lu cuteddu, Apri, niscennu, spaziusa strata A lu sangu ed a l'anima purcina; L'unu cadennu dintra lu tineddu. Prumetti sangunazzi, e l'autra scappa, E si diperdi in aria 'ntra li venti; O com'è fama passa ad abitari Dintra lu corpu di un riccuni avaru; Giacchì nun potti in terra ritruvari Cchiù vili e schifiusu munnizzaru.

A li strepiti intantu ed a li vuci, E multu cchiù a lu ciauru di lu grassu, L'abitanti di tutta dda cumarca, E chiddi supra tutti, a cui lu sangu Rivugghi 'ntra li vini (o pri età virdi, O pri focu d'amuri, chi li jeli Renni tepidi e grati); allegri tutti Concurrinu; giacchi costumi anticu Fu sempri, e comu sagru conservatu; Chi quannu un porcu celebri si scanna Si fa festa comuni a la capanna.

Veni ammugghiata 'ntra 'na saja russa La biunna Clori, e da li stritti pieghi L'occhiu azzurru traluci, com'un raggiu

Di luna 'mmenzu a nuvula sfardata. Melibeu l'accumpagna, e 'ntra la facci Si cci leggi la gioja, in parti figghia Di chidda, ch'a li cori di l'astanti Clori purtatu avia cu la sua vista.

Veni la vrunittedda inzuccarata Joli chi ad ogni passu, ad ogni gestu Pinci 'na grazia nova. Un virdi pannu Cci gira pri la testa, ed abbassannu Si unisci cu lu blù di la fodedda: Chi spinta pri li fanghi, e sustinuta Da lu vrazzu sinistru, si raccogghi Tutta ad un latu in morbidu volumi. Dameta cc'è vicinu: lu so cori Penni da l'occhi d'idda, e si nutrisci Di puri affetti, comu la gentili Irvuzza nata supra di li rocchi, Chi s'apri a la rugiada matutina.

Veni di l'occhiu nïuru e brillanti Licori la grassotta; allegra in facci Cci ridi primavera, ad onta ancora Di l'invernu, chi regna 'ntra li campi. Pannu nun soffri la rusciana testa. Nè saja, nè autru impacciu; eccettu un raru Suttilissimu velu, ch'è cchiuttostu Trastullu di lu ventu, chi riparu. Tirsi cc'è appressu comu un agnidduzzu. A cui la pasturedda ammustra e proi Tennira irvuzza cota frisca frisca Cu li propri soi manu gentili.

Filli ed Ergastu sutta un palandranu, Chi fa tettu e pinnata a tutti dui, Juncinu: e li pasturi tutti intornu Pri cuntintizza battinu li manu. Filli pri affruntu cala l'occhi, e in facci Senti 'na vampa, e fora cci scannia MELL.

'Mmenzu a lu biancu comu in orienti La 'nsunnacchiata spusa di Tituni.

Cussì di tempu in tempu a la capanna Autri e poi autri ninfi cu pasturi Vannu supravinennu; comu appuntu Quannu metti a spirari maistrali, Chi si vidinu in funnu a l'orizzonti Ad una, a dui, a tri iri assummannu Nuvuli, e dipoi nuvuli, e dipoi Nuvuli arreri. e nuvuli d'appressu.

Già s'accordanu bifari e sampugni E flauti e ciarameddi 'mmenzu a tutti Sbulazza l'alligria; da cori in cori Si rifletti e ripigghia, e si tramanna, Sempri multiplicannusi e criscennu.

Mutti, induvini, scherzi, jochi, e danzi Scurrinu supra l'uri destinati A preparari e a cociri li cibi; Già la tavula è lesta, nni dà signu Muntánu cu lu scotiri, ridennu, 'Na campana di voi; battinu tutti Li manu; e poi cu sauti e strambotti Vannu a sediri, e mettinu a manciari.

Da principiu lu briu cedi a la fami, Primu istintu fra tutti; e nun si senti Chi un rumuri di piatti e di cannati, E un certu surdu traficu di denti; A pocu a pocu sulitaria e bassa Gira qualchi parola, accumpagnata Di quasi un menzu scaccanu, o d'un sgrignu: Comu 'ntra lu spaccari di l'alburi, 'Mmenzu di li silenzi ruggiadusi, Si fa sintiri qualchi rauca nota, Chi una lódana azzarda sutta vuci; Ma quannu poi si vesti l'orizzonti Di purpura, e poi d'oru, allegri tutti

Turdi, merri, riiddi, è calandruni.
E passari, e cardiddi, e capifuschi
Rampinu a tutta lena; e cu li canti
Vannu assurdannu l'aria e li chianuri;
Tali dintra li ninfi e li pasturi
Sudisfatta la fami, l'alligria
Pigghia lu primu locu e sedi in tronu;
E pirchi fora 'nforzanu li nivi,
E cchiù di cchiù lu tempu va 'ncalzannu,
Pri nun pinsari a guai, peni ed affanni,
Si duna manu a un vinu di quattr'anni.

Già la chiacchiara 'ngrana, a tutta lena 'Ntisu, o nun 'ntisu, ogn'unu parracia; Si rumpi pri accidenti qualchi piattu, Pri accidenti si 'mmestinu cannati. E giranu d'intornu allegramenti Specii, muttetti, brinnisi e risati. Già li cani s'azzuffanu pri l'ossa. Unu arrizza lu pilu, autru lu schinu Si torci com'un arcu, autru abbassatu Sgrigna li denti, e cu l'occhi di bracia 'Mmurmura amminazzannu: eccu la guerra, Tavula, piatti, tiáni, carrabbi Minaccianu disordini e ruina: Passiddà passiddà, gridanu tutti; E fratantu guardannusi li gammi, Cui li spinci, o ritira ammanu ammanu; E l'autri poi mittennusi a lu largu, Si vidinu li visti di luntanu.

Sciota accussi la tavula, s'intriccia Grata armunia di flauti e sampugni; S'invitanu li musi, e l'occhi intantu Di tutti sù ad Uraniu; a cui durmennu L'api cchiù voti supra di lu labru Cci fabbricaru vrischi di ducizza; Iddu fratantu teneru, amurusu Guarda Nici, chi zarca e 'ncripidduta Si strinci 'ntra li panni; e si cci agguccia, Comu la vijuledda tra li campi, Chi scanzannu la barbara jilata, 'Mmenzu pampina e pampina s'ammuccia. Milli affetti ad un puntu lu pasturi Scotinu; e nun putennu 'ntra lu cori Tiniri a frenu l'amurusu affannu; In tali accenti prorumpiu, cantannu:

L .

Uraniu canta. Vidi, Amuri, ch'è 'ngridduta, Comu trema la mia Nici! Ah succurri l'infelici; Lu to focu porta ccà.

Vidi comu di li manu Nni fa un pugnu e poi lu ciata; Pri cacciari la jilata, Ch'ostinata si sta ddà.

3

Senti comu tramuntana Ciuscia, grida ed amminazza! Lu so friddu, chi nn'agghiazza, Veni Amuri e calma tù.

Senti, oh diul comu li grandini Li canali strantulianu! Li dui poli, oimè trunianu, La timpesta strinci cchiù.

3

Oh lu lampu!... 'Un ti scantari, Nici mia, nun cc'è paura; Contr'un'alma bedda e pura, Trona e fulmini 'un cci nn'è.

E si un tempu cu Semeli Giovi fici stu delittu; Fu ingannatu, fu costrittu, Nni chianciu turnatu in sè. 4

Si l'invernu 'un ti rispetta, Nun si sula, o Nici amata, Sutta l'orrida jilata La natura oppressa stà.

Oh! si vidi la muntagna
Tutta è bianca di un culuri,
'A canciatu cu l'orruri
La sua prima maistà.
5

Scapiddati e senza frundi Li grand'arvuli ramuti 'Ntra li trunchi arripudduti C'ànnu nivi a tinghi-tè.

La vaddata e la scoscisa Risa è sterili e infelici; Cchiù 'un cci canta la pirnici, 'N'ocidduzzu cchiù nun cc'à.

Dda funtana unni l'estati. Rinfriscavamu l'arduri, L'unni soi 'gnilati e duri Scarzarari cchiù nun pò.

Cu li radichi a lu celu, Lu gran pignu è in terra stisu; Duvi un tempu cei avia incisu, Nici mia, lu nomu tò.

7. •

Urvicati 'ntra la nivi Li capanni a lu straventu, Si distinguinu a gran stentu Pri lu fumu chi cc'è dda.

Dda vicinu ad un tizzuni L'anzianu pastureddu Stimpunia cu dd'aliteddu La cadenti fridda età. 8

La cumpagna a lu so latu, Cu li gigghia affumicati, Di li tempi trasannati Vanta sempri la virtù.

La lanuta rocca intantu
Va smagrennu e scinni jusu,
E li cianchi di lu fusu
Vannu unciannu sempri cchiù.

9

Ma la figghia spintulidda Stà affacciata a la campagna; E l'amanti, chi si vagna, Ricunforta comu pò.

L'aspru invernu rigurusu Pr'iddi è placidu e clementi; Granni Amuri onnipotenti Stu purtentu è tuttu tò!

10

Nici mia, chi pensi forsi Di passari l'invirnata Sula, fridda, e scumpagnata, 'Ntra sti jeli chi cci su?

Ne tincrisci di te stissa? Ne di mia ti pari forti? E lu soffri? e lu cumporti? Tantu cruda sarai tu?

11

'Ntra l'angusta mia capanna, No, nun trovi meli e raschi, Si purtaru li burraschi Li spiranzi di l'està.

Puru dda cci truvirai, A tia sula cunsagrati, Li crapetti appena nati, E una stipa ch'è a mità. 12

Lu tributu poi cchiù granni, Lu rigalu finu e veru, È d'un cori assai sinceru, Tuttu amuri, e tuttu tè. Deh gradiscilu, e ti juru Pri li summi Dei felici, Ch'ogni grutta dirrà: Nici, Nici sempri eu cantirè.

## IDILIU IX.

# LI PISCATURI.

'Ntra un gruttuneddu in menzu a 'na scugghiera, Chi a l'inquietu mari facia frunti, Dui piscaturi lu so jazziteddu Si avevanu cunzatu d'arca asciutta, Non d'intuttu sicuru Di l'unni a l'inclemenzi. Quannu ingrussati tentanu lu frenu Scotiri di li spiaggi, puru avvezzi E l'ira e l'incostanzi a tollerari Di stu elementu infidu. Durmevanu tranguilli A lu mmurmuru d'iddu ed a lu gridu. Ed avirrianu cchiù godutu a lungu, Morfeu, li doni toi; però la fami, (Stanti la scarsa cena di la sira) Un píulu mulestu suscitannu 'Ntra li vacanti visceri, cci caccia Lu sonnu da li gigghia, E prima di l'aurora l'arrisbigghia. Strufinandusi l'occhi e sbadagghiannu, Acchicchianu cchiù voti Guardannu l'orizzonti, e da lu situ

Unn'è lu carru granni e la puddara, Vidinu quantu spaziu trascursu Avia la notti, e vannu a rilivari, Chi cci vulia nautr'ura ad annalbari.

Tentanu appinnicarisi di novu, Si sbotanu di l'unu all'autru latu, Si stiranu, si agguccianu ,nè ponnu Chiamari all'occhi soi l'amatu sonnu.

Pr' ingannari lu tediu e la noja Di stari vigilanti ad aspittari, Chi la tacita notti Avissi tuttu l'emisferu scursu, Intriccianu 'ntra d'iddi stu discursu : Dissi lu menu vecchiu :

Vidi si onta maggiuri si pò dari? Mentri sunnava chi gudia manciannu La fami m'à vinutu a risbigghiari!

Quantu è pinusa la esistenza quannu La miseria di supra si cci aggrava, La tregua di li sonni anchi sturbannu!

La natura, ch'è tutta saggia e brava 'Ntra tutti l'opri soi, duvia la fami Mèttiri in chiddi, a cui l'oru abbundava;

Dannucej l'isca duvia darci l'ami, Ma dari l'ami a cui nun avi l'isca Pari strammizza; tu comu la chiami?

Ripigghia l'autru : nostra riti 'un pisca 'Ntra stu mari profunnu, e lu cchiù saggiu È chiddu chi lu menu si cci 'mmisca.
Dispiacinu la fami, e lu disaggiu;

Ma chisti lu manciari e lu disaggiu;

Les persones qui ne prennent pas une quantité suffisente de nourriture ont presque toutjours, en dorment, le cerveau rempli d'images relatives au besoin qu' elles n'ont pas satisfait. Cabanis Rapport du physique et du moral-Vol. 4 pag. 473.

Cci fendinu gustusi di vantaggiu.
Dirrai : d'unni ti vinni stu sapiri?
Jeu lu cunfessu, 'un àju tantu sali;
Ma mi l'à dittu cui lu putia diri;

Sta fami, chi disprezzi, à virtù tali Chi lu gustu cchiù gratu ed esquisitu Duna a cibi, anchi vili e zuzzanali.

E l'omu da la sorti favuritu
Oh quantu spissu la disia sidennu
In una ricca tavula o convitu!

Chistu lu sacciu da un omu di sennu Riccu e potenti, chi spissu cu mia Si spassava piscannu e discurrennu.

Mi rigordu ch'ancora mi dicia, Chi la fami fa l'omu industriusu, E all'utili scuvetti apri la via.

E chi all'incontru, l'omu facultusu, O li commodi cerchi e li piaciri, Divi di lu so erariu farim'usu.

Perciò una parti l'avi a conferiri A chiddu primu. Ed eccu la natura Comu sapi li così scumpartiri!

Mi diceva di cchiù : si si misura La povertà da li bisogni, un granni È bisugnusu cchiù chi 'un si figura :

Senza cocu nun gusta li vivanni, Senza un morbidu lettu 'un sa dormiri, Pati si spissu nun cancia mutanni,

Senza criati nun si sa vistiri, Cu li soi pedi nun sà caminari, L'aria frisca l'offenni e fa patiri.

Avi bisognu pri li sei dinari Di toppi e firramenti, o di casceri Fidili, chi nun pensi ad imbrugghiari.

Nun parru di stafferi e cammareri, Ed autri, chi pri l'abiti contratti Bisogni pr'iddu sù riali e veri.

Agghiunci a chisti li bisogni fatti Da vani opinioni in fantasia, Chi vonn'essiri tutti sodisfatti.

Lu lussu di carrozzi e di livria.

Li modi variati di vestiri, Lu gradu, chi si briga e si disia.

'Nzumma eu tutti nun ti sacciu diri Li cosi, chi mi dissi ddu signuri,

Nè mi li sà la menti suggeriri.

Sulu li dicu : chi li tristi e scuri Tratti di la mia vita a ddi paroli

Tutti si trasmutaru in rosi e ciuri. Ripigghia l'autru : cui di nui si doli Dunc'avi tortu? Nè sul'infelici

Nui semu in terra? Amicu mi cunsoli.

E veru dunca chiddu chi si dici: Chi pri lu spissu l'apparenza inganna, E chi nun sù a stu munnu li felici.

La stissa signuria, chi l'occhi app**anna** Viju, chi 'un è da invidiarsi tantu Quannu si guarda da la giusta banna.

Ora prima chi agghiorni dimmi intantu Tu chi sunnasti? E l'autru rispusi:

Mi parsi di sentiri un duci cantu.

Certu fu 'na Sirena chi diffusi La miludia di li soi labbri tutta 'Ntra li silenzj di li campi undusi.

Gratu è lu cantu so, l'indoli è brutta, (Comu mi è statu dittu) unn'eu timennu Mi rannicchiai cchiù 'nnintra di la grutta.

Ma d'unni mai cci nescinu e cci vennu Ddi teneri paroli e insinuanti, Si lu cori è di tigri? Eu nun comprennu!

Fu sonnu certu. Oh sonnu! oh comu incanti!

Tu sulu dari a li mischini poi

Un squarciu di piaciri consolanti! Ripigghia l'autru: li sospetti toi Scaccia da la tua menti. Non Sirena.

Nè sonnu fu cu li chimeri soi.

Jeu m'era appinnicatu a mala-pena La 'ntisi, e conoscivi da la vuci, Ch'era la figghia di Raisi Balena,

Chi à varchi a mari proprj, e cci produci Stu nigoziu ricchizzi in quantitati,

Pri cui la figghia in commodi riluci.

Sacci chi mi fu dittu 'ntra st'estati D'unu, ch' 'un mi rigordu cchiù lu nomu: Chi stu cantu a lu spissu è infirmitati.

E chiognidonna pri lu cchiù, ed ogn'omu, Quannu sù ben nutriti e ben pasciuti, Patinu in gioventù di stu sintomu.

Ora si stannu pinsirusi e muti, Ora cercanu lochi sularini. Unni si fannu li larghi chianciuti :

Ora a la luna, all'unni ora marini Sfoganu cu cantari lu so affannu, Chi dicinu, ch'è focu 'ntra li vini.

E cu sti soi lamenti in cerca vannu Di cui cci suggerisci lu capricciu Pri attaccaricci addossu stu malannu.

E chiddu ch'era primu leggiu e spicciu, 'Na vota ch'è attaccatu di stu mali Prova li stissi guai, lu stissu impicciu.

E succedi a lu spissu, chi sta tali, Chi cci attaccau sta malatia, lu lassa, E scappa sana scutulannu l'ali :

O puru a lu cuntrariu, cci passa All'omu, e resta chidda 'ntra li guai, L'una si strudi e l'autru si la spassa.

Bon'è ca tu sti cosi nun li sai. Mancu eu purria sapirli, si cuntatu Nun mi l'avissi cui nni sapia assai.

Pirchl unu, comu nui, chi s'à stintatu
Lu tozzu, si scanzau sta malatia;
Chi un mali d'autru mali l'à salvatu...

Ma viiu già chi l'aina filia

Ma viju già chi l'aipa filia Supra di l'unni, ed un gadduzzu d'acqua Sentu chi cca davanti ciuciulia!

Eccu l'aurora a mari, chi si sciaccqua Li vrunni trizzi, e di l'oscura notti L'umbri cicati metti in fuga e stracqua! Cugghiemunni li coffi e li cappotti, Jamu a farinni l'isca, e trimulina.

Sutta li petri, e attornu di li zotti.
Poi tu ti situi 'mpizzu a dda catina
Di scogghi a mari, ed iu 'ntra lu ruccuni,

A cui lasciau lu nomu sta marina Di lu fu svinturatu Polemuni.

## IDILIU X.

## LA VILLA FAVURITA.

## Di S. R. M. FIRDINANNU III Re di li dui Sicilii.

Siciliani musi, ora chi agghiorna, E l'ariu abbunazzatu e risulenti Cci fa spirari cchiù felici jorna,

Animati l'armonici strumenti, Giacchi lu sonu di la mia sampugna Scurri sulu 'ntra pecuri ed armenti.

Puru la manu, chi lu scettru impugna. Non isdegna canciarlu 'ntra cert'uri Cu rozza virga, ed a li mandr'incugna Apollu tu ch'un tempu da pasturi Isti di lu Re Admetu pasculannu Li vacchi 'ntra li Tessali chianuri, Veni a guardarl'in oggi a Firdinannu, Ch'avrai 'ntra macchi ruvidi e sarvaggi Scannatu un lupu in sagrifiziu ogn'annu.

Ti avvertu: incuntrirai 'ntra sti villaggi Dafni cchiù belli, e nobili, e gentili, Ma non menu di chidda onesti e saggi.

La Riali famigghia 'un avi a vili Di Cereri, di Augea, di Tritolemu, E di li primi età lu saggiu stili:

Cu l'innoccenza a latu nui videmu L'eccelsi Ninfi 'ntra li virdi prati, E appena all'occhi propri cridemu.

Oh Apollu tu pri mia scoti l'aurati Cordi di la tua lira; è di tia dignu Lu tema chi ti dà la nostra etati :

Lu Re, lu patri nostru a tia cunsignu, Dà a lu to cantu tanti grazj e preggi, Quant'è lu cori so giustu e benignu; Pri cui l'Eternu chi lu tuttu reggi.

Pri cui l'Eternu chi lu tuttu reggi, Salvu da lu flaggellu universali

Ccà 'ntra nui lu cunserva e lu proteggi Sinu chi lu gran mostru colossali

(Natu da sceleraggini e rapini, Cabali, intrichi, stragi, e immensi mali, Crisciutu 'ntra saccheggi e 'ntra ruini

Di l'arsi tempj e rovinati troni, 'Ntra orruri ed empietati) avirrà fini.

Lu celu già lu fulmina, ed opponi La Gran Brittagna a cechi soi fidanzi, E la sfrinata propria ambizioni.

Ma la sampugna mia li consonanzi Nun à proporzionati a lu suggettu, Supplisci, Apollu, tu li mei mancanzi.

Ch'eu ritornu a li campi, a lu ricettu Di l'armenti reali, e in praterii MELL. 8 Pasciu la vista e l'alma di dilettu.

'Ntra grassi mandri eu trovu, e in massarii L'amica paci a Firdinannu allatu, Chi a la discordia ria chiusi li vii, Indarnu chista surfaru à jittatu,

Tutti li sforzi soi muntanu a zeru; Focu di pagghi è subitu astutatu.

Ed eccu mentri brucia l'emisferu 'Ntra li guerri, li stragi e li rapini, Cca la paci à fissatu lu so imperu.

In traccia d'idda vennu a sti confini Li boscarecci Dei quasi vulannu, Fauni, Silvani e Ninfi senza fini.

Li setti canni armonici sunannu Lu capri-pedu Pani a manu junti Godi lu novu Gianu cuntimplannu.

Li grassi vacchi coprinu li munti D'immensa tagghia e di biddizza summa Da l'auti schini a li lunati frunti:

Da capu-gaddu eccu una guardia assumma, Nautra e poi nautra affaccia da Munneddu, Di muggiti ogni vausu ribumma,

Autri a la mandra sù cu lu viteddu, Autri proinu già li minni chini A li pasturi misi a cuncumeddu.

Li zammatari dintra di li tini Raccogghinu lu latti, chi si munci Cuverti di puliti e bianchi lini.

Cui quadari arrimina : nautru junci Pabulu novu a la ciamma di sutta : Cui li provulì appenni pri li funci :

va, che egli avea di scoprir l'avvenire senza dimenticarsi il passato dinotata viene dai due volti con i quali viene rappresentate e chiamato ancor Bifronte

Cussì si vidi sempri in motu tutta La famigghia di l'api a la prisenza Di la Rigina 'ntra un fasceddu o grutta;

Cui fabrica li vrischi, cui dispenza La raccugghiuta cira, cui deponi

Lu meli 'ntra li nnicchi, unni condenza;

Cui fa la guardia attornu, cui si esponi A sgravari lu pisu a li cchiù stanchi,

E tutti fann'un corpu in azioni;

Tali avanti a lu Re 'ntra li soi vanchi L'operari cchiù celebri ed esperti

L'operary cchiù celebri ed esperti Lavuranu li caci e tumi bianchi;

Tentannu sempri l'utili scuverti Pri lu produttu renniri migghiuri, E già li provi sù custanti e certi:

Porta un caciu di Lodi lu sapuri Cu l'oechi lagrimanti a la firita, Nautru a Piacenza cci farria un onuri.

Cussì 'ntra brevi vidiremu unita L'arti cu la natura, ed a rigatta

Fari a cui putrà cehiù l'opra compita. Li rigali di Palla autru si adatta

A rendiri cchiù scarrichi e cchiù boni, E già chiddi di Lucca o vinci o appatta. Cc'è cui di Baccu modera e componi

L'indomita superbia, e già lu renni Trattabili cu dami e cu matroni.

Cui di Pomona cchiù l'imperiu estenni E lu ramu chi all'autru si marita Vidi li non soi frutti e si sorprenni.

L'industria, chi da nui s'era sbandita Pri la fertilità e l'avvilimentu, Ora si accosta pirchì un Re la invita. Sicilia mia ravviva lu talentu,

Rigordati li tempi di Geruni, Ch'eri mustrata a tutti pri purtentu. Si nun ti à scossu ancora lu comuni Vantaggiu, nè la gloria, ti scota Ora l'esempiu di lu to Patruni. Apri l'occhi, risbigghiati 'na vota,

Vidi li campi inculti, abbandunati, Chi scurriri si ponnu a brigghia sciota.

Vidi li munti în testa scalvarati, Mentri vai mendicannu e ligna, e travi Da li luntani ed esteri cuntrati;

Tu chi un tempu l'Italia abbundavi Di frumenti e ligumi, ed ora a stentu L'abitaturi pri l'abbastu nn'avi?

E tu pensi a li pompi, all'ornamentu, A carrozzi ed a modi! E nun avverti Chi la terra è lu to primu elementu?

Forsi ài sostituiti autri scuverti O di commerciu o di manifatturi Assai cchiù di la terra utili e certi?...

Ma duvi di la patria l'amuri Mi à traspurtatu! O Musa chiudi l'ali Chi a la cità mi chiamanu li curi.

In idda mi à 'nchiuvatu lu fatali Distinu. Ah và sampugna 'ntra 'na gnuni, Giacchì la sorti, oimè, nni tratta mali.

Dura nicissità, chi nun perduni Mancu a un discretu e simplici disiu! Oh! putissi esclamari cu Maruni : Chist'ozi grati mi l'à fattu un Diu!

Deus nobis haec otia fecit. Alludendo a Cesare Augusto, che gli avea dato in proprietà un podere da poter trarne tutta la sua sussistenza, onde passare il resto della sua vita in quegli ozi tanto cari alle muse ed al filosofo contemplator della natura.

#### PARAFRASI

# Di l'odi 11. d'ORAZIU di lu libru di l'Epodi.

Beatiddu cui campa sfacindatu. Comu l'antichi, e cu li proprj voi Si cultiva lu campu ereditatu;

E passa in libertà li jorna soi Tranquillu, senza debiti, nè pisi, Senza soggezioni e senza noi:

Chi nun si pica di battagghi e imprisi, Nè si fida a lu mari, e s'è in timpesta. Lu guarda arrassu mortu di li risi:

Chi fui li Tribunali comu pesta: Nè pri guardari li superbi casi Mai si scomponi a spinciri la testa:

Chi attenni a fatti soi, si nesci o trasi;

Ora marita cu l'amici chiuppi Li viti e li sarmenti li cchiù spasi:

Ora affaccia da un vausu, e in varj gruppi Guarda in funnu a la valli li mugghianti Vacchi e crapi chi dda pascinu a truppi:

Ora a li rami inutili e pisanti Passa la runca, e a lu so locu insita Li frutti cchiù graditi, o cchiù eleganti;

Ora di l'api spremi la squisita Ambrosia chi cunserva in lochi sani Pri cunfortu, e delizia di la vita;

Ora tunni a li pecuri li lani: E quannu poi di frutti curunatu L'autunnu isa la testa 'ntra li chiani, Chi piaciri chi prova! oh ch'è priatu!

Quannu cu li soi manu cogghi e tasta Lu piru, chi lu 'nzitu à maturatù! '

E la racina fatta, chi cuntrasta

Cu la purpura, e a tia di propria manu, Priapu, ti nni appenni na catasta;

E nni rigala a tia, Patri Silvanu, Chi facennu li latri spavintari, Di li limiti si lu guardianu,

Ora si jetta longu a ripusari Sutta un'ilici antica, o sedi accantu Di la gramigna; forti a sbarbicari :

Cadinu l'acqui da li rocchi intantu, E l'oceddi 'ntra silvi opachi e chiusi Ciuciuliannu, intriccianu lu cantu.

E li fonti scurrennu armuniusi, Vennu a chiamari supra l'occhi stanchi Li sonni in aria-in aria assai gustusi.

O quannu poi li vausi, e li lavanchi L'invernu ntra li trona, e li timpesti Tutti di nivi fa cuverti e bianchi,

Scurri li densi macchi, e li furesti, Fuddannu cu li cani lu cignali, Chi infuriatu 'ntra l'insidj 'mmesti;

O stenni a furca supra li sipali Riti laschi e suttili, inganni e frodi, Chi a li turdi guluti su letali;

E lu timidu lepru in varj modi, E lu straniu groi prisu a lu lazzu, Sunnu premj di cui tripudia, e godi.

A sti piaciri, qual'è mai ddu pazzu, Chi nun scorda li mali chi cci apporta Amuri, chi di cori fa strapazzu?

Chi si poi la pudica mogghi accorta, Utili a la casuzza e a la famigghia, Allegru lu diverti e lu cunforta,

(Comu donni Sabini di virmigghia Facci, o comu la mogghi arsa, appigghiata D'un Pugghisi massaru a maravigghia),

E versu l'ura di la ritirata

Pripara la merenna a lu maritu. E fa di ligna sicchi 'na vampata:

E li pecuri allegri a lu so situ Chiudi ed inciarra, e munci l'abbuttati Minni 'ntra l'unu all'utru pugnu unitu.

E li vini di un annu cunsirvati Spinoccia, e senza spenniri un bajoccu, Allesti la sua tavula... Oh beati!

Chi pateddi reali? Nè anchi un toccu Di pisci raru, ch'a nui lu marusu Porta, nè oceddi d'Asia, o di Maroccu Sunnu un cibu pri mia tantu gustusu, Quantu l'olivi grassi, o impassuluti

Quantu l'olivi grassi, o impassuluti, Cutulati da un ramu vigurusu.

O l'agra-e-duci, ch'ama li tinuti Fertili, e chiani, o malvi lubricanti,

Boni pri cunsirvari la saluti;
O l'agnedda ammazzata 'ntra li santi
Festi di lu Diu Termini; o un crapettu
A lu lupu strappatu, palpitanti.

'Ntra sti merenni è puru un gran dilettu Lu vidiri già sazi riturnari Li pecuri a l'amicu so ricettu.

É li voi tardi e lenti strascinari Lu jugu cu lu vommaru sbutatu, Stanchi già da lu lungu lavurari.

E quasi un sciamu di garzuni a latu Chi o serv'in casa, o stà ntornu a lu focu, Chi a li soi Dei Penati è consagratu.

Cussì dissi Alfiu l'usurariu, e pocu Già manca pri spacciarisi burgisi; Ma ristaru li così a lu so locu:

Lu dinaru a riscotiri si misi
Da tanti pigni e tanti debituri,
Pri poi versu lu primu di lu misi

'Mpiegarlu a novi sburzi e a novi usuri.

# ODI.

#### I. .

# LU YIAGGIU RETROGRADU.

L'innatu Geniu. Chi mi strascina, Dissi acchiappannumi: Orsù, camina. Ed ingulfannusi 'Ntra li sfunnati Abbissi, e vortici Di età passati, In parti rampica. In parti affunna 'Ntra 'na voraggini Di obbliu profunna. Dda spissu incontrasi (Oh incontri grati!) Cu li gran Genii Di chiddi etati, Chi quasi ciacculi Brillanti e chiari, Vennu ddi tenebri A rischiarari. In aria Pindaru Vidi e stupisci, Cerca ragghiuncirlu, Ma cci spirisci. Scopri la tenera Saffu, chi spira Ciammi, ch'infocanu

Anchi la lira :

Scontra 'ntra un sequitu

Di grazj pronti Lu lepidissimu

Anacreonti:

Di allegri giuvini, Di Ninfi allatu 'Ntricciannu brinnisi

Menzu 'ngriciatu : Nostra delizia

(Miu Geniu dici) Salvi, e in ogni epoca

Regna felici; No, nun t'invidiu Trastulli e danzi; Ma lu to seculu.

Li circustanzi:

Dici e poi seguita Lu so viaggiu Duvi risplenniri Vidi un gran raggiu.

Eccu Teocritu,
Chi di Geruni
A la grand'epoca
'Ntriccia curuni.

Oh Cignu amabili, Pri cui fastusa Scurri la sicula Fonti Aretusa!

Li trummi cedanu, Cui d'idd'incugna A lu gran meritu Di tua sampugna? Chiddi decantanu

Straggi e bravura, Chista la simplici Bella natura.

Oh pazzi! E cridinu

Li menti umani Felicitarisi

D'idda luntani!

Dici, e incaminasi

Pri oscuri vii Di Dafni all'epoca

Cara a li Dii. Lu trova in placida

Silva tranquilla, Unn'acqua un vausu

Limpida stilla;

Cci penni tacita

Sampugn'a latu; Un cani all'alitu

Cci sta curcatu:

Di attornu pascinu

Vacchi infiniti,

L'echi ribumbanu

Di li muggiti;

Li prati ridinu Sutta li curi,

E lu bon ordini

Di li pasturi;

E intantu sedinu

Dda spinsirati Paci e Giustizia

Stritti abbrazzati.

Cca juntu fermasi

Miu Geniu, e dici:

O grata imagini

Di età felici!

S'in mia t'insinui Cu tali ciarmi

Com'è possibili

Da tia staccarmi,

#### II.

# LA NASCITA DI AMURI.

Da la vaga Citeria, Non 'ntra stentu e 'ntra duluri, Ma 'ntra risu ed alligria, A lu munnu nacqui Amuri. Quantu nicu, tantu beddu,

E sl ben proporzionatu, Chi paria cameu di aneddu Di un valuri smisuratu.

Li Dei tutti a stu purtentu Inarcavanu li gigghia, Cuntimplannu ad occhiu attentu Sta stupenna maravigghia.

Lu stupuri nun li lassa, Anzi cchiù si avanza e crisci, Pirchì cchiù chi tempu passa Lu bambinu sminuisci.

Era inutili lu tantu Latti ad iddu; di lu velu Scurria fora tuttu quantu, E lassau 'na striscia in celu.

La Dia mesta e scunsulata Chi lu figghiu ïa mancannu, A lu fatu s'è indrizzata, Sta prighera presentannu.

A chi darmi un beddu figghiu Si mi manca natu appena? Suggeriscimi un cunsigghiu Pri nutrirlu e darci lena?

Rispus'iddu : Si a la luci Nautru partu purtirai, Quannu chistu darà vuci L'autru crisciri vidrai.
Sta ricetta, mi crid'iu,
Nun fu pr'idda amara tantu...
Basta, l'ordini eseguiu,
E l'affari ïu d'incantu.
Eccu in fini fu avvirata
Di lu fatu la sintenza,
Di una figghia s'è sgravata,
Chi chiamau: Corrispondenza.
A lu nasciri di chista
Pigghiau siatu lu puttinu

Pigghiau ciatu lu puttinu, E quant'idda forz'acquista, L'autru crisci, e fa caminu. Già cci spuntanu l'aluzzi,

Chi s'impinnanu a momenti, Poi niscennu li manuzzi Vola in aria, e fa purtenti.

# III.

## LI CAPIDDI.

Chi tirribiliu!
Chi serra-serra!
Deh curri, o Veneri,
Sparti sta guerra.
Quindici milia
Cechi amurini,
Tutti si 'ngrignanu,
Fannu ruini.
Cui punci e muzzica;
Cu' abbrucia ed ardi;
Cui tira ciacculi;
Cu' abbija dardi.
'Ntra lu spartirisi
Li cori prisi.

Vinniru a nasciri Sti gran cuntisi. A sta notizia La Dia di Gnidu Curri, precipita, Ittannu un gridu.

Ed è possibili, Chi 'un cc'è momentu Di stari 'nzemmula Tanticchia abbentu!

Giacchi nun giuvanu Menzi e riguardi, Vi farrò a vídiri, Muli bastardi...

Dissi : e 'un truvannucci Megghiu riparu, L'afferra, e carcera Tutti di paru;

Poi cu finissimi Fila indorati L'ali chi sbattinu, Teni 'nchiaccati...

Deh! ferma, o Veneri, Vidi ca sbagghi, Pirchl voi crisciri Li mei travagghi?

Lu miu martiriu Ti paria pocu, Vulisti agghiunciri Ligna a lu focu? Chisti chi liganu

L'aluzzi ad iddi, Di Nici amabili Sù li Capiddi.

Dintra li bucculi (Oimè, chi arduri!)

MELI.

Comu svulazzanu
Li nichi Amuri!
Parti s'aggiranu,
Privi di paci,
Di la sua scufia
'Ntra lu 'ntilàci,
Cui di li Zefiri
Cerca ristoru,
Sauta, e fa smoviri
Li fila d'oru.

Parti si curcanu Supra lu coddu, Ch'è un finu avoliu Pulitu e moddu.

E di dda mannanu Saitti e lampi; Ahi! cui pò reggiri 'Ntra tanti vampi!

Ah! vinni a chioviri In mia sta guerra! Stu tirribiliu! Stu serra serra!

# IV.

## LU GIGGHIU.

La benna lacera,
Spinnatu tuttu,
Chiancia Cupidini
A chiantu ruttu:
Rucculiavasi
Pallidu, e zarcu:
Me matri Veneri
Mi rumpiu l'arcu.
O! beni stijati

(Cci dissi allura): Tu sì diavulu, Non criatura:

'Ncrepati, ruditi; Sl: cci aju gustu,

Almenu termina, Speddi stu sustu.

A st'improperj Singatta e taci; Ma dintra è torbidu,

Nun trova paci.
Posa lu guvitu

Supra di un ciuri, Finci di dormiri, Ma un dormi Amuri.

Poi tuttu 'nzemmula, Pigghiannu ciatu, Grida; Vittoria, L'arcu è truvatu;

L'areu infallibili, Chi va pri milli, E l'adorabili

Gigghiu di Filli.
Dissi: e di un subitu
Scuccannu un dardu;
Si 'ntisi un murmuru:
Ahi! ahi! com'ardu!

v.

L'OCCHI.

Ucchiuzzi niuri, Si taliati, Faciti cadiri Casi e citati; 'Na ducizza chi mai speddi.
'Ntra lu labbru culuritu
Di lu caru amatu beni,
Cc'è lu meli cchiù squisitu,
Suca sucalu ca veni.

\* Dda cci misi lu piaciri <sup>1</sup> Lu so nidu 'ncilippatu Pri adiscari pri rapiri Ogni cori dilicatu.

\* A lu munnu 'un si pò dari Una sorti cchiù felici, Chi vasari, chi sucari Li labbruzza a la mia Nici.

#### VII.

#### LA VUCCA.

1

Ssi capiddi e biunni trizzi Sù jardini di biddizzi, Cussl vaghi, cussl rari, Chi li pari nun cci sù. Ma la vucca cu li fini

Ma la vucca cu li lill Soi dintuzzi alabastrini, Trizzi d'oru, chi abbagghiati, Perdonati, è bedda cchiù.

Nun lu negu amati gigghia, Siti beddi a maravigghia; Siti beddi a signu tali, Chi l'uguali nun cci sù.

The poesie notate coll'asterisco \* sono quelle tratte volume postumo, e dai giornali; come si anco quelle si sono per la prima volta dagli autografi ricavate.

Ma la vucca 'nzuccarata Quannu parra, quannu ciata, Gigghia beddi, gigghia amati, Perdonati, è bedda cchiù.

3

Occhi in vui fa pompa Amuri Di l'immensu so valuri, Vostri moti, vostri sguardi Ciammi e dardi d'iddu sù.

Ma la vucca quannu duci S'apri e modula la vuci, Occhi...Ah vui mi taliati!... Pirdunati, 'un parru cchiù.

## VIII.

### LA VUCI.

1

Vola in aria 'na Vucidda, Cussì grata, cussì linna, Chi lu cori già nni spinna; Duci-duci si nni và.

L'Amurini sutta l'ali L'equilibranu suspisa; Ora cala ed ora jisa, Ora immobili si stà.

D'ogni pettu e d'ogni cori

2

Com'avissi già la chiavi, Duci, tenera, e suavi, L'apri e chiudi a gustu sò.

Trasi dintra sinu all'alma, La sulleva, l'accarizza, Cu 'na grazia, 'na ducizza, Chi spiegari nun si pò. 3

Quannu flebili e dulenti Duna corpu a li duluri, L'arpa stissa di l'Amuri Nun è tenera accussì.

Quannu poi scappannu vola; Quannu poi si ferma e trilla, Pari a nui, chi l'aria brilla, Tuttu è allegru, tuttu è insi.

S'idda rumpi qualchi nota, Da li Grazi persuasa, Già lu stomacu nni scasa, Nun si ciata affattu cchiù:

Quannu sempri sminuennu, Quasi manca, quasi mori, Si fà stragi di li cori, Dillu, Amuri, dillu tù?

## IX.

## L'ALITU.

Profumeddu gratu e finu, Di cui l'aria s'impanna, D'unni veni? Cui ti manna? Quantu va ca l'indovinu?

Qualchi spratticu dirria; Ca si figghiu di li ciuri; E li spiriti cchiù puri Tutti sunnu uniti in tia;

Di li ciuri è veru nn'ài La fraganza la cchiù pura; Ma però si senti allura, Ca li superi d'assai.

Dirria nautru : Un Zefirettu:

Di l'arabici cuntrati,
Tanti effluvj prelibati
Cosi, e vinni cca direttu;
Si li voscura Sabbei
Si d'Arabia li virduri,
Avirrianu tali oduri,
Cci starrevanu li Dei.
Profumeddu, chi nni dici?
Ridi a tanti dicirii!
Però a mia nun mi trizii,
Tu sì l'Alitu di Nici.

X.

# LU PETTU.

'Ntra ssu Pittuzzu amabili,
Ortu di rosi e ciuri,
Dui mazzuneddi Amuri
Cu li soi manu fà.
Cci spruzza poi cu l'ali
Li fiocchi di la nivi;
'Ntriccia li vini e scrivi:
Lu paradisu è ccà.

Ma un'importuna nuvula M'ottenebra lu celu; Appena 'ntra lu velu 'Na spiragghiedda cc'è. Armata d'una spingula,

Desta e la seguente sono traduzioni di due canzonette entali. Il nostro Autore si è ingegnato per quanto gli è to possibile di conservarne lo spirito de' pensieri e modene la licenza delle espressioni,

Ma in un cori dilicatu
Lu to ciatu oh quantu pò!
Quali ciamma, quali affettu
Svigghia in pettu un guardu tò!
È simpaticu, è gentili,
Nè virili cori cc'è,

Chi un si senta risbigghiari Li cchiù cari e duci oimè.

## XIII.

#### LA SIMPATIA.

A la bedda Dia di Gnidu Lu gran cintu purtentusu Fu rubbatu da Cupidu Diu potenti e capricciusu,

Ed a Fillidi sua cara Cci lu cinsi e dissi poi : La natura ben pripara, Eu compisciu l'opri soi :

Grazia, spiritu, biddizza
Tinn'à datu senza cuntu,
E si vidi cu chiarizza,
Ch'era in gana 'ntra ddu puntu.

Jeu stuputu a sta eleganza, Pri nun darimi pri vintu La magnetica pussanza Ti presentu 'ntra stu cintu.

Di cui nn'aju vistu provi In mia matri, ed in Giununi, Pri cui chista tirau Giovi, Comu fussi un picuruni.

La sua forza è singulari, Tuttu cedi a lu so imperu, Da putiri conquistari, Si tu voi, lu munnu interu.

## XIV.

# LI GRAZJ.

Doppu chi l'Asia, Già quasi tutta, Cadiu per Elena Arsa e distrutta, In tonu seriu Li Dei pinsaru A sti disordini Dari riparu. E pirchi vittiru, Chi la biddizza Junta li Grazi Gran focu attizza, Perciò decretanu: Chi mai cchiù visti Fussiru 'nzemmula Chidda cu chisti. Dunca spartendusi Da Citeria Li Grazj pigghianu Pri nautra via. Cci va Cupidini Manu cu manu, Stanti lu geniu So juculanu. Trovanu in Fillidi Grata accugghienza, E in idda fissanu La permanenza. Intantu Veneri, Scuntenti e mesta, Gira sbattennusi

Sula la testa:

Pri terra ed aria, Cità e chianuri Scurri spianaucci: Chi nn'è di Amuri?

Ma poi truvannulu Letu e cuntenti, Dissi sgridannulu :

Ah! sconuscenti!
Cussi dimentichi.

Barbaru, ingratu, La matri propria, Chi t'à addivatu?

Matri, pirdunami, Dissi Cupidu, Mi parsi a vidiri Cca lu to nidu:

L'anni mi scursiru Cussi suavi, Chi 'un potti accorgirmi, Chi tu mancavi.

# XV.

## LU GESUMINU.

:1

Gesuminu, tu mi ammaschi, E nun viju lu pirchi; Stari in menzu di sti raschi Nu lu negu, ch'è un gran-chi.

Ma li rosi e l'amaranti C'àju vistu unni si tù: Un onuri datu a tanti, È finutu. 'un vali cohiù. 3

Cu ssa boria e ssa livata, Tu ti cridi quasi un Rè? Ma nun passa sta jurnata, Ca finisci cu l'olè.

Supra donni lu so fastu Nuddu mai fundari pò; Forsi v'amanu, ma a tastu; Oggi si dumani nò.

Vidi 'nterra spampinatu Ddu galofaru ch'è ddà? Chistu ajori fu aduratu Comu nautra deità.

Ora 'un tocca cchiù cantusciu, Si cci spii, dici: oimè! Pirchi sugna afflittu e musciu, Pietà pri mia 'un cci nn'è!

Benchi elettu ntra li ciuri, Gesuminu ora si tù; Forsi avrai pri successuri Li cchiù tinti chi cci sù.

Chi unni regna l'incostanza, È cuecagna; e sai pirchi? Pirchi ogaunu avi spiranza, Oggi no, dumani si.

ΧVI.

L'ARUTA.

Malannata chi vi vegna

Rosi, Gigghi e Gesuminu: Nudda Ninfa cchiù vi tegna 'Ntra lu so pittuzzu finu;

Nici pallida e trimanti, Anelanti e strangusciuta, Sarria morta 'ntra un istanti Si nun era pri l'aruta.

Sia decretu di l'Amuri, Sia destinu sconuscenti, Li cchiù beddi 'ntra cert'uri Sù suggetti a st'accidenti:

A lu cori si cci abbija Una negghia, un nuvuluni, Chi li torci, sforasija! Comu vipari e scursuni;

E cci movi tanta guerra, Chi lu velu palpitanti, Laceratu cadi a terra, E nni tremanu l'amanti.

Ciuri, vui superbì assaì Pri tant'abiti pompusi, 'Ntra st'Oceanu di guai Stati friddi ed oziusi!

A chi tantu esaggerati La fraganza cchiù esquisita, Si cci accrisci, o ciuri ingrati, Lu disordini a la vita?

Ma l'aruta, ch'è pudica, Benchl poc u sociali, È la cchiù fidili amica Di li spiriti vitali.

Non ostenta lu so fastu Cu li varj culuri; E nun duna nuddu rastu Di l'intrinsecu valuri. Chi virtù, benchi privata, Benchi povera e dimissa, Vivi simplici e biata, E s'appaga di se stissa.

#### XVII.

# LA COLICA.

'Na dogghia colica
Già mi rapía
Lu megghiu mobili
Di Citería.
La Parca orribili,
Di dardu armata,
Dintra li visceri
S'era appustata.
Addiu (gridavanu
Tutti l'amanti)
Regnu galanti.
Tutti sti lagrimi
Junceru in celu,
Ed eccu Veneri

S'arma di zelu :
Giovi, proteggimi,
(Dissi cu impegnu)
Vacilla l'ancora
Di lu miu regnu.

Rendi sta giuvina, Rendila a mia; Poi crepi invidia, E gilusia.

Dissi; (oh prodigiu!) Giovi balena; E in terra canciasi Tutta la scena; Cessa lu spasimu, Nici è brillanti, Rivali crepant, Ridinu amanti.

#### XVIII.

## LA MUNITA FAUSA.

È persu è persu, o Amuri, È persu lu negoziu; Nun cc'è cchiù dicituri, Tutta la genti è in oziu; E sai chi nn'è la causa? Curri munita fausa.

Li beddi duppj antichi,
Di Cori meu, eu tamu,
Ora si tu li strichi,
Su pannidduni e ramu,
Lu chiantu, chi cumpagnu
Fu a la cuppella, è stagnu.

L'unzini chi currianu
Di vintidui carati,
Chi per impronta avianu
Li sguardi appassionati,
Ora si nni fai prova,
Chi sù? testi di chiova.

Li ginuini e scuti
Di li suspiri ardenti,
Di li discursi muti,
Paroli rutti in denti..,
L'intressu, oimè! la briga
Falsificau la liga.

Curria 'ntra li striguni Un tempu sta munita; La fici poi comuni Qualchi cajorda ardita; Ora cui junci campa, Teni lu cugnu e stampa.

Dimmi ora : cui è dd'armali, Chi arrisicari vogghi Lu propriu capitali A frunti di st' imbrogghi? Amuri. s'è pri mia, Poi chiudiri putia.

## XIX.

### LI BACCANTI.

Li testi fumanu. Già semu cotti. Buttigghi e gotti Vegnanu ccà.

Vájanu a cáncaru Sennu e giudiziu, Oggi sia viziu La gravità.

'Ntra la mestizia Li guai s'avanzanu, Sulu si scanzanu Stannu accussi.

La ciospa 'nzemmula Lu calasciuni. Vini abbuluni. E amici 'nzì.

Fumu è la gloria, L'amuri è focu. E un scherzu, un jocu Cchiù nun desideru, Lu munnu è miu.

Tant'è lu giubilu, Chi all'alma chiovi, Chi non invidiu Nettari a Giovi.

Di onuri e carichi, D'oru a catasta Nni fazzu un brinnisi, Lu briu mi basta.

In iddu l'anima
Trovu, e l'oggettu
D'ogni delizia;
Di ogni dilettu.

Iddu è la sausa, Chi dà sapuri

Anchi a l'inezi Di un criaturi.

Li Varvasapj Cu gravità Tutti m'intimanu Serietà.

Dicennu: sciddica L'etati e scappa, Li moddi cedinu, La peddi arrappa.

Sù belli chiacchiari; Lu briu distingui Vecchi da giuvini... Taciti o lingui.

Eccu viditilu; Mentr'àju ad iddu Tornu a rinasciri Da picciriddu.

Mi si rinovanu Tutti l'umuri, Scinni a li musculi Novu viguri...

Serj cu savii Vui cunfunditi? Sciucchizza, o invidia,

Briu nun nni aviti. Vecchi misantropi, Da cui fuïu,

Forz'è nell'intimu Diri : ch'è un Diu.

Forz'è concediri: Chi senza d'iddu Lu munnu è lugubri, La vita è un siddu,

E chi a so arbitriu Si manifesta Natura all'omini Ridenti, o mesta.

Ricchi solliciti, Ambiziusi,

Ah miserabili Campati illusi!

Posti, dominj, Ricchizzi, onuri, Tani di vipari Sù 'ntra li ciuri.

Lu briu nun calcula Potenza ed oru, Ma in corpi vegeti Paci, ristoru.

Da oggetti simplici Da un gestu, un dittu Stu Diu beneficu Tira profittu...

Ddocu nni spersimu, Era jinnaru,

#### **— 122 —**

Li gatti, oh l'errami! M'arrisbigghiaru.

#### XXII.

## D. CHISCIOTTI.

Sutta un'antica quercia, Chi attraversu spurgla da un vausu alpestri. Cu na manu a la frunti. D. Chisciotti Mestissimu sidia : 'na rocca allatu Di chiáppari cuverta, e la pinnenti Areddara d'attornu a la sua cima Facianu pavigghiuni a la sua testa; Ripusava oziusa la gran spata 'Ntra la purvuli e l'erva : a un virdi ramu Stava appujata l'asta di la guerra, Sutta un vrazzu lu scutu, e l'elmu a terra. Comu nuvuli densi di molesti Minutissimi insetti a scheri a scheri L'amurusi pinseri S'affuddavanu tutti a la sua menti; 'Ntra li suspiri ardenti, Quasi accisu Vulcanu, lu so pettu Fumu e ciammi esalava : E mentri intornu intornu Li valli e li furesti Taciti attenti e mesti Si stannu spittaturi a la gran scena, Cussi cantannu sfoga la sua pena.

Munti e vausi, menu duri Di lu cori di dd'Ingrata Petri, trunchi, erbetti e ciuri, Chi adurnati sta vallata, Deh! salvatimi d'amuri, Chi mi à l'alma trapanata; O parrati vui pri mia
A la cara Dulcinia.
Ciumiceddu lentu lentu,
Chi di l'unni cristallini
Vai spargennu lu lamentu
A li voscura vicini,
Di stu cori lu turmentu
Dimmi tu si avirrà fini?
Ah! dumannacci pri mia
A la cara Dulcinia.

Zesiretti, chi lascivi
Cu lu ciatu innamuratu
Li mei ciammi ardenti e vivi
Cchiù m'aviti oimè! sbampatu,
Ah! squagghiati vui la nivi
Di ddu cori, ch'è 'ngnilatu,
Acciò bruci, comu mia,
La mia cara Dulcinia.

Ocidduzzi chi cuntenti
'Ntra li rami e 'ntra li ciuri
A lu Suli già nascenti
Intricciati inni d'amuri,
Deh! pristatimi l'accenti,
Cussì grati e cussì puri;
Acciò gratu, e accettu sia
A la cara Dulcinia.

Da sti vausi, unn'eu m'aggiru, Miu tirannu amatu Beni, L'aria stissa, ch'eu respiru, Missaggera a tia già veni; Porta acchiusi 'ntra un suspiru Li mei crudi acerbi peni; D. Chisciotti è chi l'invia A la cara Dulcinia.

# XXIII.

#### LA MORTI DI SAFFU.

Duna un tonu pateticu la lira! Ch'infaustu auguriu oimè! La musa mia Polinnia suspira! Oh celu! chi cos'è?

Musa...ma tu nun senti, e guardi attenta Un'eminenti rocca, Comu cui vidi cosa, chi spaventa, O chi l'affliggi e tocca!...

Cala da l'occhi mei la benna: ahi yista! La Lesbia donna è in autu! Comu a gran passi l'eminenza acquista Di lu fatali sautu!

Li trizzi scioti, in aria li vrazza! Anelanti lu pettu! Lu palluri di morti cci sbulazza 'Ntra lu smarritu aspettu!

Scintillanti lu sguardu e furiusu Or'a lu celu spinci, Ora l'abbascia, e lu sprofunna jusu, Inorridisci e 'mpinci.

Ma nova furia eccu la scoti e smovi Con impetu maggiuri, Suspira, ed ogni vausu si commovi; Stà sulu firmu amuri.

Fermati scunsigghiata; e'un ti nni adduni Ch'è cecu cui ti guida? L'arbitriu to cci ài datu! Lu picciuni Cui ad un corvu affida?

Quant'è crudu nun sai? Chi nni accanzasti Da supplichi divoti? Lu cori ch'in deliquiu squagghiasti 'Ntra l'amurusi noti!

Cu la sua lira Orfeu risi placatu Di Plutu lu fururi; Ma quantu di Plutuni cchiù spietatu

Saffu tu provi Amuri!...

Ma li paroli mei spargiu a lu ventu

Già junta è all'orlu!... Oh Diu! L'occhiu'un resisti...Oimè! Lu bottu eu sentu Già l'unna l'agghiuttiu!...

L'unna chi fora gurgugghiannu manna L'ultimu so assaccuni.

Chi mentril'aria'ngramagghiannu appanna,

Risona: oimè Fauni!

Chiancinu li Nereadi tutti in luttu. E intenti a li vinditti Veneri l'arcu cci à ad Amuri ruttu,

Li Grazi li saitti.

Jettanu a terra in Pindu ed arpi, e liri Apollu e li Cameni,

E si disfannu in lagrimi e suspiri

A mari li Sireni.

La benna torna all'occhi mei. Mia lira Nun duna sonu cchiui! Saffu d'Amuri nun placau mai l'ira: Chi nni spiramu nui?

Chi ti lusinghi cu sta canzunedda Poeta miserabili? 'Mmatula preghi e incensi la tua Bedda, Amuri è inesorabili.

XXIV.

LA PACI.

E la paci la mia amica, La mia cara viginedda, t decries to expire !

Oh chi Diu la benedica!
Quant'è saggia, quant'è bedda!
D'idda accantu 'un sentu guai
Campu spicciu, giru tunnu,
E cu pocu pocu assai

E cu pocu pocu assai Nent'invidiu 'ntra stu munnu. Si mi manciu un tozzu duru.

Mi l'approva e dici : sedi; E stu tozzu vi assicuru, Mi va all'ugnu di lu pedi.

Quannu posu testa a lettu Dormu saziu, comu un ghiru, Grati sonni, e di dilettu Di la menti vannu in giru

Ora volu, comu un cignu, Ora sulcu undusi vii, E durmennu disimpignu Li capricci e li disii.

E st'imagini sugnati L'indumani sunnu uguali A l'imagini ristati Da li giubili reali.

Si lu Sagru Munti acchianu, A lu latu miu s'incugna, Cu li proprj soi manu Poi mi accorda la sampugna.

Di dda supra, mentr'eu cantu, Viju sutta li mei pedi Terra, mari, e tuttu quantu L'omu ambisci, e nun pussedi.

E Furtuna 'ntra 'na rota, Chi currennu a rumpi-coddu 'Auta e vascia, gira e sbota Or'a siccu, ed ora a moddu.

'Na gran turba appressu d'idda, Chi cci grida supplicanti: Oh Dia ferma 'na scardidda Guard'a mia 'ntra tanti e tanti!

Cumpiangendu sti mischini, Jeu l'amica strinciu e abbrazzu, Chi li lochi sularini

En n lochi sularını Fa cchiù grati d'un palazzu;

Chi a guardari si cumpiaci La cchiù simplici capanna, Lu gran fastu cci dispiaci,

E si vota di dda banna.
Non perciò la societati
La disgusta : ama l'amici,
E sù pr'idda li citati
Ricchi, floridi e felici,

Ama l'arti ad una ad una, Lu commerciu, li scienzi, Odia sulu di fortuna Li capricci e prepotenzi.

Ma bi trema, e impallidisci Cu'na sincopi murtali Quann'alcunu proferisci: Guerra, liti, o tribunali.

Pirchi accordasi in compensu Da lu celu a un cori drittu, Acciò l'oru, nè l'incenzu Non invidj a lu delittu.

Ma vidennula negletta, Cu maneri assai modesti, L'omu in idda nun suspetta 'Na progeni celesti.

Deh tu fa Bontati Eterna Di stu beni impareggiabili Chi l'Europa nni discerna Lu gran prezzu inestimabili.

#### XXV.

## LA FORTUNA.

Ah ca passa! allerta, allerta! La fortuna veni a tia! Vacc'incontru pri la via, Facci asciari porta aperta...

A sti vuci affacciu, e viju Donn'altera, e risplendenti! Prevenutu da li genti Jeu la porta sbarrachiu.

Allittata da st'omaggiu S'avvicina, e dici : oh bravu! Jeu t'accettu pri miu schiavu, Trasirai 'ntra l'equipaggiu.

Veni appressu, e a li toi passi Vidrai nasciri a l'istanti Li rubini e li diomanti, E tutt'autru chi bramassi.

Si voi posti e dignitati Basta sulu chi lu dici... Ma dipoi sarò felici? Spiega, di' la veritati?

Si, rispusi, ti lu juru Pri sta rota chi austeni Tutti quanti li mei beni, Ed unn'eu mi appoggiu puru.

Basta, basta ben capisciu, Cci diss'iu, stu juramentu, Lu to granni appidamentu Già lu viju; e pni stupisciu.

Ma m'è licitu partari La mia paci, sta vicina, Chi la sira e la matina Cu mia sempri soli stari?
No, rispusi, avverti a tia,
Pri decretu di lu fatu
Sta marmotta, chi t'è allatu,
Nun pò véniri cu mia.

Dunca va, diss'iu, m'addugnu, Chi s'instabili e fallaci, Purchi resti in mia la paci, Staju bonu ccà unni sugnu. Ristau fridda, comu nivi,

Poi pretisi fari scasciu; M'eu mi misi tantu vasciu, Ca di l'occhi cci spirivi.

### XXVI.

# LU GENIU D'ANACREONTI.

Struggennu l'Attica Discordia e Marti. Raminghi scursiru Musi, e bell'arti. Sbraccaru seculi Timidi, ansanti, A la barbari Fuennu avanti. Doppu tri milia Vicenni e cchiui Già quasi scheretri. Vinniru a nui. Però lu Geniu Di Anacreonti Tutt'ora bazzica Sull'orizzonti: Chi nun truvannusi Ben dignu alloggiu

Va trastullandusi
Da poggiu in poggiuBell'a vidirisi!

Pari a la cera Lu risu amabili

Di primavera!

Li rai cchiù vividi Di lu matinu Tutti accarizzanu St'estru divinu!

Li Grazj liberi Di ogni ligami

L'allapitianu

A sciami a sciami : Scherzi, ed imagini Fini, ed ameni

Brillanu, abbagghianu Comu baleni.

L'Amuri spreminu In iddu immersi Meli ed ambrosia Da li soi versi.

Sua, benchi simplici, Grata armunia

Scaccia li trivuli L'almi arricria.

Cca e dda sbulazzanu Cu gratu intricciu Li jochi a geniu Di lu capricciu.

Lu briu chi domina Sta schera eletta, Tillica e stuzzica, Rallegra, alletta...

Mentr'eu cu palpiti Di godimenti Sintia rapirimi
Da ști portenti,
Lu Geniu guardami
Gratu e curtisi
Attu a slanciarisi
Ad ali tisi.
Poi tuttu 'nzemmula
Si adumbra, e fui:

Poi tuttu nzemmula Si adumbra, e fui; Ahi pisi e cancari Culpati vui!

#### XXVII.

### L'INDULI D'AMURI.

\*Delizii inesprimibili Amuri avia profusu In Tirsi e in Amarillidi, Mentr'era in iddi chiusu.

"Ma pirchl è varia e instabili L'induli di stu Diu, Cci dissi un jornu : Termina Già in vui lu regnu miu.

\*St'annunziu formidabili Fu proferitu appena, Chi oscura negghia e lugubri Ingramagghiau la scena.

\*Ddi scunzulati esclamanu: Quali delittu mai Merita stu terribili Castigu chi nni dai?

\*Sta vita è insuppurtabili, Senza lu to cunfortu Sgravanni un pisu inutili Pri nui lu munmu è mortu.

<sup>2</sup>Rispusi: È liggi barbara

Ma è liggi di natura,
Ch'in terra ogni delizia
E un lampu chi si oscura.
\*Dunca eliggiti, o l'Odiu,
Lu Sdegnu, e lu Rancuri;
O simplici Amicizia
Senza trasportu e arduri.
\*Chist'à tranquilla e plecid

\*Chist'è tranquilla e placida, Menu di mia brillanti, Ma cci supplisci un meritu, Ch'è cchiù di mia custanti.

## XXVIII.

# LA CICALA.

Cicaledda tu ti assetti Supra un ramu la matina, Una pampina ti metti A la testa pri curtina, E dda passi la jurnata A cantari sfacinnata. Te felici! Oh quantu à datu A tia prodiga Natura! Dintr'a l'umili to statu D'ogn'insidia sì sicura, Nè a la paci tua si opponi Lu disiu, l'ambizioni. Benchì picciula sì tantu, Ti fai granni e quasi immenza Propagannu cu lu cantu La tua fragili esistenza, E o si allarghi, o si rannicchi, Ti avi ogn'unu 'ntra l'oricchi.

A tia cedinu l'oceddi Di l'està li forti yampi, E li grati vinticeddi Pri rigina di li campi Ti salutanu giulivi, Pirchi tu li campi avvivi.

Quannu è Febbu a lu miriu, Li toi noti sù a lu stancu Passaggeri di arricriu; Posa all'umbri lu so ciancu, E a lu sonu di tua vuci Si addurmisci duci duci.

'Ntra li Musi fusti ascritta È notizia avuta in fonti, Induvina cui l'à ditta? Cui? Lu stissu Anacreonti, Chi fra tanti a tia si ammira Pri suggettu di sua lira.

Dissi ancora : ch'ài di argentu L'ali, e testa di rubinu, Ch'ài ruggiada in nutrimentu Di gentili corpu e finu, Senza carni e senza sangu Di li Dei quasi a lu rangu.

E chi spissu all'umbra grata Di li toi vuschitti chiusi Pri sintiri 'na cantata Scinni Apollu cu li Musi, E chi all'arsu mitituri La stanchizza tu minuri.

Si lu Geniu di stu Saggiu Chi li grazj e lu briu Appi in propriu ritaggiu, Tanti preggi in tia scupriu, Chi t'importa si ridicula Poi ti sparra la furmicula? Sì, lu sacciu e mi fa bili

Lu sintiri susurrari:

Chi stu insettu pricchiu e vili, Chi s'ammazza a cumulari, Ti rimprovera, e ti accusa E di sciocca, e di lagnusa.

Cui nun sa, chi un cori avaru Sempri è chinsu a li piaciri? Canta, dici, ch'eu priparu Pri lu tempu da viniri, 'Na risposta 'ntra l'internu Ti la cantu 'ntra l'invernu.

Quannu allura da lu celu Cadirannu muschi vranchi, Pri la fami e pri lu jelu Sclamirai: moru li cianchi, Lu miu stomacu è a lanterna... Va, dirrò, cca 'un è taverna.

Giacchi tu ti si spassata 'Ntra l'estati cu cantari, Spassati ora l'invirnata 'Ntra lu friddu cu ballari, A dijunu 'ntra sti valli Si cchiù leggia, e megghiu balli.

A st'avara sconuseonti Cci poi diri: si la vita Si misura da li stenti Tenitilla, e sia infinita, Nè crid'iu si possa dari Cui ti l'àja a invidiari.

Si però la vita è un donu, Chi a gudirlu datu sia, Jeu gustannu lu so bonu Di li musi in cumpagnia, Ho campatu e ardisciu diri Tutta mai purrò muriri.

#### XXIX.

#### INNU A BACCU.

Quali, o lira, quali mai Diu beneficu a li genti Risunari tu farai 'Ntra li cordi toi 'ntinnenti? Forsi Veneri ed Amuri Primi fonti di la vita? M'a li miseri è favuri Di li guai sta calamita? A tia Baccu allegru Diu Spicca st'innu li soi voli; Da tia scinni in nui lu briu. Tu si chiddu chi cunsoli. Doppu chi sbuccaru fora Abbuluni pesti e mali Da lu vasu di Paudora Jennu addossu a li murtali. Scacciau Giovi da li celi La pietà; ma poi si risi, Poi la morti di Semeli, A l'impulsi soi curtisi. D'idda scossu e insinuatu Vosi a miseri viventi. Chi un cumpensu fussi datu Pri li tanti patimenti. A st'oggettu estrassi in vita Da lu ventri fulminata Lu bambinu, e poi lu 'nzita

'Ntra 'na coscia sua biata. Dda cumpiu li novi luni Di lu patri in cumpagnia; Natu poi vinni abbuluni Di iddu attornu l'alligria. La sua facci spira grazj È una flora di delizj, Li Nisei Ninfi mai sazj Sù di daricci carizj.

Cui jucannu lu scummetti, Nautra cantacei la ninna Cui sunannu scattagnetti Sauta, e abballa linna linna.

Va Silenu e l'accarizza, Si l'abbrazza e strinci in pettu, E li guai di sua vicchizza Si cci cancianu in dilettu:

Vucazialu quannu dormi
'Ntra li gambi adaciu adaciu,
Quannu vigghia cci fa 'nnormi
Cu la varva sua d'abraciu.

Di ciuriddi adorna, e cinci La facciuzza sua virmigghia, Poi 'ntra l'aria lu suspinci, E di latu lu gattigghia.

Lu Bambinu spiritusu Li manicchi stenni, e'nfila 'Ntra lu so pettu silvusu, E acchiappannu tira e spila.

Di l'areddara cucciuta Poi cchiù spintu orna la testa; La Barbi-pida-curnuta-Capri-razza cci fa festa.

'Ntra st'allegra cumpagnia Crisci, avanza, spica, ingrassa; Versu l'India poi s'invia, E rallegra unn'è chi passa. Doma tuttu l'Orienti, E cu trenu assai bizzarru

Fo di tigri ubbidienti

Strascinari lu so carru. Gloriusu a la turnata Supra un scogghiu rampicanti Di Arianna abbandunata Muta in giubilu li chianti.

Summu Eroi, ma non divinu Ti mustrasti a tanti provi; Ma lu donu di lu vinu Ti scupriu figghiu di Giovi.

Quannu in celu richiamari Già to patri ti vulia Ti dignasti a nui lassari Sta memoria di tia.

Sù, dicisti a la chiurmagghia Di li Satiri bicchigni, Cogghi cogghi, tagghia tagghia La racina di li vigni.

Tutti allegri a stu cumannu

Eccu curriri e sotari, Pri ddi chiani vennu e vannu Cu carteddi e cu panari.

Vennu e vannu li ridiculi Satiretti allegri e sbarj, Comu listi di furmiculi Di frumentu attornu all'arj.

Cui panara chini a tappi Port' appisi 'ntra li corna, Cui cci appenni stocchi e rappi, E trippannu all'autri scorna.

Pri cchiù accrisciri la festa Di li toi giulivi riti Puru adorni la tua testa Di la cchiù superba viti,

Poi cu menti singulari Fai 'ntra un largu e vastu tinu La racina sdivacari Sin'a tantu, ch'è già chinu.

Via, dicisti, a tutti quanti Via pistati : dalla-dalla; E ogni Satiru a l'istanti Sauta dintra pista e balla.

Già lu mustu acchiona 'nzusu, Già incumincia a riscaldari, E lu spiritu diffusu Fa li testi sbariari.

Doppu chi da supra e sutta Vidi e tocchi cu li manu, Ch'è pistata tutta tutta, Nè nni resta un cocciu sanu;

Basta cca, cumanni allura, Basta cca, si copra e scopra<sup>1</sup>, Da se stissa la natura Ben saprà compiri l'opra.

Eccu in fatti già si avanza Lu rivugghiu e sauta e fuma, Va criscennu la fraganza, Va assummannu già la scuma :

Tuttu è motu ed azioni, Quasi ogn'atomu avi vita, Si scatina, si scumponi, Poi di novu si marita.

Quann'ài vistu già distrutti Li potenzi guirriggianti Di lu mustu, e chi ridutti Sù in un fluidu pizzicanti,

Gridi: orsù lesti li manu, Chi si passi in vutti e stipi; Ma si 'un è placatu, e sanu

<sup>&#</sup>x27;Allude alle due maniere di praticar la fermentazione nella manipolazione de' vini : l'una coperta, e l'altra scoperta.

Lu stuppagghiu nun s'intipi. Eccu già la chiurma vola Di li Satiri e Silvani, Or'appuzzanu bugghiola, Ora fannu da giurani,

Cui cu sicchiu, cui cu ciotula Veni appuzza, vivi, e sbaria, Si nni arrucia e si nni scotula, Gira e sbota a gamm'-all'-aria.

Autri 'mmestinu e burdianu, Autri ammuttanu e si affuddanu, Tutti scialanu e trippianu, E a lu tinu poi si abbuddanu.

Di cca e dda cu ciaschi e bummali Sempri tessinu e sbulazzanu, Fannu gran cazzicatummuli, Pri lu briu già quasi impazzanu.

Viva Bromiu, viva, intonanu Li Baccanti, e comu animuli Vannu in giru, e allegri sonanu Tammureddi cu cirimuli.

E a Silenu atturniannusi Supra un sceccu lu cunducinu, Va li labbr'iddu liccannusi, Chi di mustu ancora lucinu.

La sua testa è juta in gloria, Puru l'occhi ancora ridinu; Già lu briu la murritoria Da lu sceccu lu dividinu;

Ma parannulu 'atra l'aria, Novamenti lu rimettinu; Iddu ridi e in parti sbaria, Chiddi l'asinu scummettinu.

Di alligrizza tutti addumanu, Spersi sù li curi serj, Lu briu sulu regna, e sfumanu Di la vita li miserj.

Cui lasciannu aratru e vommara 'Ntra lu pratu in ervi e ziddari, 'Ntra l'ardiculi si agghiommara Cu 'na Ninfa chi fa sguiddari.

Nun curannu fanghi e zaccani L'autri currinu e talianu E ridennu a forti scaccani, Poi li manu sbattulianu.

Gran Dionisiu, a tia si divinu Li gran giubili (altu gridanu Li Bassaridi chi vivinu, E chi a brindisi si sfidanu).

Tu Lieu, tu scacci e abomini L'aspri curi, e tu ti studj Di abbassari insinu all'omini Li piaciri e li tripudi:

Dunc'apprendanu li vausi A far'ecu a lu to encomiu, E a ripetiri sti applausi : Viva Baccu, viva Bromiu.

## XXX.

### IN LODI DI LU VINU.

Giratu lu girabili Lu briu d'insusu e 'gnusu, Nun potti mai truvarisi Nè tana, nè pirtusu.

Dintra 'na vigna capita Già stancu e senza lena, E sti paroli flebili Pò proferiri appena: Pri carità salvatimi

Vui teneri magghioli,

Tuttu lu munnu è lastimi, Nessunu cchiù mi voli.

Li mali e guai mi oppriminu In terra dominanti, L'omini mi discaccianu Da peni oppressi e chianti. Nuddu mi voli accogghiri : Vui, si pietà sintiti...

Dici, e già vidi sciogghiri Li fibbri di la viti!

Cci offrinu tantu spaziu Quant'iddu s'introduci Dicennu : vi ringraziu, E avvivau echiu la vuci.

Pri stu benignu ospiziu, Viti, ehi tu mi dai, Stupennu benefiziu Da Baccu nn'avirai.

Virrà pri compensariti Baccu, ch'è patri miu. In nettari a canciariti Stu sucu unni sugn' iq.

Chistu sarà delizia, Ristoru a li mortali, Rimediu a la mestizia, Balsamu di li mali.

Purtirà l'equilibria Ad onta di lu Fata, 'Ntra ricca genti e povera, 'Ntra un grandi ed un privatu.

In iddu a rinovarisi Miu regnu turnirà, E insemi a cunsularisi L'afflitta umanità.

Dissi, e li leti augurj Confirmau Giovi. Un lampu Menzi 'ngriciati Irriti in gloria Leti, e biati.

\*Vegnanu a furia Viduvi, e schetti, Basta ch'avissiru Li manu netti.

\*Nun si rifutanu Li maritati, Basta chi 'un fussiru Troppu 'ngrasciati

\*Comu furmiculi, Chi vannu a listi, Li chiurmi vegnanu Di l'Abbatisti.

\*Pri 'nsigna propria 'Ntra li capiddi Portinu areddara, Rosi, e murtiddi.

\*Comu li lodani, Chi vannu a sbardu, Li genti curranu Di San Catardu.

\*Pri distinguirisi D'ogni cumarca Portinu crocchiuli Cu junchi, ed arca.

\*D'ervi maritimi Porti 'na stola Ogni individuu Di Mustazzola.

\*Rami di ceusi In signu esponga, Cui veni a scinniri Da Turrilonga.

# XXXII.

Contra la sua professioni di Medicu, chi l'auturi cridia d'aviricci smurzatu lu geniu di la puisia.

\*L'Anacreonticu Geniu brillanti, Ninfi chiancitilu, È agonizzanti. \*Mesti li Grazi A lu so latu Lu sguardu languidu Tennu appuntatu. \*Lu briu 'ngramagghiasi D'un vilu fuscu, Comu 'ntra tenebri Striscia un surruscu. \*Comu succurrirlu, Ah comu mai. Ouannu li farmaci Sù li soi guai? \*L'arti asclepiaca, Ahimè, chi affannu! Idda è la causa Di lu so dannu. \*Cu la patetica Sua gravitati L'estru, e li spiriti Cci à congelati.

# XXXIII.

Scherru di l'Auturi su la condiscendenza di lu so Amicu D. MARIANU SCASSU.

> \*Cui voli vidiri Jochi, e pruvitti D'un omu machina Chi mai si vitti: \*Su vegna subitu. Spresci lu passu, Lu prezzu è picciulu, Granni è lu spassu. \*Vi farrò vidiri Cosi mai visti Nell'autri seculi. Nè mancu in chisti. \*Chistu è un Automatu Cussì benfattu. Ch'avi un consimili Di gustu, e tattu. "Arriva a vidiri, Ma cu l'ucchiali, Senti benissimu, Nè odura mali. \*Fa cirimonj, Parra, saluta, Abballa, sauta, Ridi, stranuta. \*Si copri, e scoppula S'avi cappeddu, Gesta cu grazia, E aggarbateddu. \*Dici facezi Bizzarri, e strani,

> > , į

Da fari ridiri E gatti, e cani... '(Junti tinitivi Però li risi) Junci a traduciri Libri francisi'.

\*Lu cridirissivu? Cc'è un attestatu, Cc'è provi validi, Ch'à generatu.

\*Tanti prodigj, Tanti portenti Sù fatti a pennuli Machinalmenti.

\*Chi abbenchi mustrasi
'N'omu benfattu,
Liberu arbitriu
Nu' nn'avi affattu,
\*Sulu lu movinu

L'oggetti intornu, Na donna, un cavulu, Un servu, un cornu.

'Stu pupu organicu, Chi fa li moti Pri susti, ed organi, Pri ordigni, e roti,

\*Muntatu è in comica, Ed è a momenti Saggiu, o freneticu

Comicamenti.
\*Tuccati st'organu,
E l'avirriti

Santu, o diavulu,

Si allude alla sua traduzione dell'istoria di Sicilia di

<sup>.</sup> Burigny opera corredata di note del traduttore.

Di purtari focu a focu? \*Dici, ed apri in ferreu stili Lu gran libru di lu Fatu, Duvi leggi: Arma fidili Passi in cani. Eccu svelatu Lu destinu to, e si appressu Voi carizj, muta sessu, \*Torna in terra, e darai vita A 'na cani fortunata, Da li Grazj favurita, Chi sarà la ben'amata Di la tua cuntissa Giggi... Parti e scordati lu Stiggi. \*Chistu in premiu ti si dà Di la scelta... Ma già chiama Lu Destinu... Curri... Và... Nasci arreri, godi, ed ama, Giacchì amari un dignu oggettu È doviri, e non disettu.

# XXXV.

Lu sistema sessuali di li ciuri di lu celebri Linneu.

> Nici sai pirchl stu clufi, Chi stà sutta la tua gorgia, Tanta pompa e lussu sforgia Di fraganza e di culuri? Pirchl è un lettu nuziali, Chi natur'à priparatu A 'na Zita ch'avi a latu Deci spusi in fiocchi e in gali.

<sup>&#</sup>x27; Fiore che appartiene, secondo Linneo, alla classe  $\alpha$  L candria Monoginia.

Vidi quantu sù galanti L'apparati, li curtini! Quantu vaghi, quantu fini Sù li rasi di li canti! 'Ntra 'na conca chi cc'è menzu Stà la spusa e ogni maritu, Aspittannu lu so invitu, A l'abbrazzi è già propenzu. 'Ntra li palpiti amurusi Si distilla la ducizza, Chi si cogghi a stizza a stizza Poi da l'api industriusi... Ma tu canci, oimè, d'aspettu; Tu ti copri di russuri! Nun è chistu, ah no, lu ciuri, Chi cunveni a lu to pettu. Eccu cca chist'autru : osserva Cca cc'è sula 'na Spusina', Chi 'na pura ciamma fina Per un Zesiru cunserva. Iddu parti all'alba avanti. E radennu prati e lidi, 'Ntra li ciuri si providi Di l'assenzi fecundanti<sup>3</sup>:

La segregazione del nettare (dice Chaptal El. di ch. vol. 4 pag. 133 traduz, del Porta) si fa nell'epoca della fecondazione. Si può riguardare come il veicolo e l'eccipiente della polvere fecondante, che facilità lo aprimento de' globuli ripieni di polvere fecondante.

Fiore della vigesima seconda classe detta Dioecia.

<sup>&</sup>lt;sup>5</sup> Sembra che questa osservazione, creduta nuova sino quasi a' nostri tempi, non fosse sfuggita agli antichi, quindi hanno supposto Zefiro innamorato di Flora e questa di esso. Chi sà quante verità di fisica, e di storia naturale a noi ignote ancora, si chiudono sottovelo delle favole mitologiche, credute da noi inutili, e stravaganti?

Senza pausa scurri, e in fretta Movi l'una e l'autra aluzza, E amurusu poi li spruzza Sù la spusa chi l'aspetta.

Vidi comu a lu so ciatu, Idda s'anima, e ravviva? Nici apprendi a quantu arriva Un amuri dilicatu!

Ed ammira, o Cori miu, Jetta l'occhiu a tutti banni, Quant'estisu, quantu granni, È l'imperiu di stu Diu!

#### XXXVI.

#### DAFNI.

A la forma, ed a lu ciaura Sugnu un arvulu di addauru; Puru oimè! sti virdi cimi A li primi tempi foru Fila d'oru a fiocchi, o a munti Supra vaga, e bella frunti!

Sti mei rami stisi, aperti,
Da li pampini cuverti,
Foru vrazza bianchi, e fini
Cu li vini trasparenti;
Lu parenti, e patri meu
Fu lu fluidu Peneu.

Stu miu pedi nun è statu Sempr'in terra sprofundatu; Nè sì ruvidu, e pisanti; Fu galanti, e sì speditu Chi l'arditu Apollu stessu Cursi indarnu ad iddu appressu.

Pri salvarimi illibata

Fici, oime! dda gran scappata;
Pri cui chiamami crudili
Lu gentili, e biundu Iddiu.
Ahi! Pers'iu l'anticu aspettu,
E aju figghi a miu dispettu!
Sti razzini, sti jittuni,
Ch'in mia forman'un macchiuni,
Su li mei figghi, e niputi,
Cunciputi da mia sunnu
A lu munnu tanti eredi
'Ntra li vini di lu pedi.
Da li mei paterni spiaggi

Da li mei paterni spiaggi Cca 'ntra prosperi presaggi Da li Musi fui purtata Pri 'na data profizia: Chi duvia sta macchia tutta Divintari stanza, e grutta:

Acciò quannu Febbu scagghia Rai cucenti, e l'occhi abbagghia, Jeu d'Apollu ad un dilettu Umbra, e tettu cci pristassi, E ccà stassi assemi chiusa La sua paci, e la sua Musa.

# XXXVII.

# LA FILOSOFIA D'ANACREONTI.

Diretta a lu Cav. D. Antoniu Forcelli.

Saggiu è cui disiu nun stenni Fora mai di la sua sfera, E nun cura li vicenni

Allude ad una stanza concertatasi dall'Autore in un macchione di esso alloro, dove scrisse la suddetta ode.

Di la sorti lusinghera:
Chi sà cogghiri l'istanti
Menu amari di la vita,
L'autri annega tutti quanti

'Ntra 'na malaga squisita,

O'ntra un siculu licuri, Chi la facci avviva in russu, E li cáncari, e li curi Manna tutti in emmaussu.

S'inflessibil'è lu fatu Cosa mai sperarni d'iddu? Sia benignu, sia sdignatu Manciu caudu e vivu friddu.

E di chistu oppognu all'onti Scutu ben timpratu, e finu, Armi assai sicuri, e pronti Di buttigghi, gotti, e vinu,

E lu suli di jinnaru Lu piaciri a li murtali, Nun si affaccia chi di raru Ntra li negghi di li mali.

Giacchi uman'arti, o scienza A domari nun arriva Di li stiddi l'inclemenza, L'alma almenu sia giuliva.

Sin chi megghiu panacia Nun si trovi a fari smaccu Di ogni scura e trista idia, Jeu mi tegnu forti a Baccu.

R a vui sfidu o saggi, e dotti, Si scummetta oggi fra nui, Vui cu libbra, ed eu cu gotti, Cu' è cchiù allegru e saggiu cchiui.

#### XXXVIII.

#### Sa lu stissu sistema.

»Jeu sù vecchiu, e cchiù di mia: » Fu già vecchiu Anacreonti » Di l'allegra poesia »Di li grazj ku fonti; » Dunca via dammi la lira. »Si sù vecchiu, e chi cci fà? » Quann'Apollu e Baccu spira, » Tutti semu di un' età. È lu briu chi fa l'essenza Di l'amata gioventù, A cui Baccu nni dispenza S'era vecchiu, nun cc'è cchiù. Vecchiu allegru è quasi un ciuri 'Ntra lu rigidu frivaru, Chi si ammira cu stupuri, Chi s' apprezza pirchì è raru. Jeu sù chistu, o donni cari, Baccu tuttu mi rinova. Sù sfidatimi a scialari Ch'eu mi dugnu ad ogni prova.

# XXXIX.

# L'ILLUSIONI.

'Ntra un'altura inaccessibili Di la terra a li viventi Lu gran beni incomprensibili

<sup>2</sup> Le prime due stanze di questa ode farono composte dell'Ab. Barone, le altre in continuazione del Meli.

Situau l'Onnipotenti.

In distanza a latu oppostu
La buggiarda Illusioni
'Ntra li testi umani à un postu,
E un gran specchiu ad iddu opponi
Chi l'imagini nni accogghi
In abbozzu, e la rifletti
Poi cca 'nterra sù li spogghi
Di caduchi e vani oggetti.
E st'imagini vacanti,
Senza nenti di risti
Ten'in motu tutti quanti
L'individui mortali.
Ora splendiri si vidi.
Supra imperi, e dignitati:

Supra imperj, e dignitata:
Da luntanu ogn'unu cridi,
Chi dda sia felicitati.
E si affretta, si turmenta,
Si affatiga ansanti, e lassu,
Nè cc'è cosa, chi nun tenta
Pri avanzari almenu un passu.

'Ntra la fudda, ch'è infinita, Lu gran numeru scuntentu Passa in pásimi la vita, Cu nutririsi di ventu.

Chiddi pochi a cui succedi Di arrivari a ddi confini, Misu appena dintra un pedi, Nun cci trovanu chi spini.

Chi l'imagini brillanti, Chi dda vistu avianu allura, È passata multu avanti, E l'invita a nova altura. Dunca senza ripusari,

Sù da capu, e li soi stenti S'incomincianu a cuntari Da li novi avanzamenti.

Li doviri ad iddi additti Sù li spini non previsti, Pri cui spissu sù custritti Fari un ponti supra chisti:

E di stúrdirsi la menti 'Mbriacandula di lussu, E di fumi prepotenti,

Chi a lu cori 'un ànnu influssu
'Ntra lu fastu, unni scialacqua,
Lu so cori è siccu, e spinna
Comu un'anatra 'ntra l'acqua,

Chi nun vagnasi 'na pinna.
Accussì l'Illusioni

Si trastulla, e si fa jocu Di l'umana ambizioni, Chi mai trova situ o locu.

Di lu specchiu lu riflessu Mai pri l'omu cadi in fallu; Anchi fa l'effettu stessu Supra un pallidu metallu.

Nè suduri, nè delitti, Mai sparagna un cori avaru, Chi l'imagini nni vitti Supra l'oru, e lu dinaru.

Li periculi cchiù astrusi Pr'iddu affrunta a middi a middi, Passa mari timpistusi, Sfida a Scilla ed a Cariddi.

Quali eccessu 'un persuadi Scelerata fami d'oru! A toi pedi virtù cadi! Neghi all'organi un ristoru!

Tu li visceri a la terra Sinu a funnu ài laceratu! Unn'accosti sbampa guerra,

MELI.

Chi fa pàrtirci la testa; E l'istintu di natura, Chi fa l'omu sociali, A ddu lampu si sfigura, Cedi all'impetu brutali.

Già fatt'emulu di Achilli, Sogna, e imagina conquisti, E Deidàmj a milli, e milli Spasimanti pr'iddu, e tristi.

Un gran campu di battagghia Si presenta in fantasia: Idd'è avanti, chi si scagghia,

E la sama lu talia.

Si. La fama in cchiù di un tomu (Ti l'accordu tua parenti) Farà imprimirti lu nnomu; Ma tu mortu chi nni senti?

Si tu campi, a la furtuna Nn'è lu meritu dovutu; Cedi ad idda la curuna, Ed appenditi pri butu.

Quannu poi la Patria grida, Chi vol'essiri difisa, Curri, o novu Leonida. Va. Tua gloria è già decisa.

Autru poi lu lampu osserva Su la gloria di li littiri, Si sagrifica a Minerva; Ma'un cc'è menzu a farlu zittiri;

Vigghia, suda, e si affatia, Su li libri, e li scienzi, Ma Virtù, Filosofia, Nun sù dati a vui st'incenzi.

Nun è omaggiu chi dispenza A la bella verità, Ma un trofeu, chi alzari penza A la propria vanità.
Sulu cerca ammobbigghiari
Lu so spiritu di ciuri,
E cu chisti cummigghiari
Di lu cori li lurduri.

La ragiuni, lu bon senzu Nun consulta, e sulu in menti Ch'à d'Oturi un boscu immenzu Per imponiri a li genti.

Ogni massima, chi dici Nasci in menti, e in bucca mori, Cchiù nni ostenta è cchiù infelici, Nudda scinni a lu so cori.

E quant'iddu cchiù la vana Gloria cerca, e brama e ambisci, Chista tantu si alluntana Cchiù cci sfui, e cci spirisci.

'Nzumma ogn'unu lu riflessu Vidi in cosa, chi cci manca, E cci curri sempri appressu, E si affanna, suda e stanca.

Oh infelici razza umana Nata a jiri assicutannu Di li beni l'umbra vana, Chi cca 'nterra nun cci stannu!

Si non fariti felici,
La virtù putria a lu menu
Di l'interni toi nnimici
Dari in manu a tia lu frenu;

Tu fratantu l'abbanduni
Pri acchiappari l'umbri vani!
Si (ed oh ceca 'un ti nni adduni)
Di la favula lu cani!

#### XL.

# INNU A DIU.

A Tia l'inni gran Diu, a Tia li canti, Chi 'ntra la sfera di tua gloria immersu Fatt'ài pri lu to Verbu l'Universu

Surgiri a un sulu istanti. A Tia, di li cui pedi Eternitati

Forma sgabellu, mentri 'ntra profunni Vortici di l'abissi urta, e cunfunni Tempi, epochi, ed etati.

E lu spaziu stupennu tuttu interu, L'immenzi globbi in iddu equilibrati

Divisi da distanzi smisurati

Nun sù pri tia chi un zeru. Cosa dunqui sarà davanti a Tia L'omu, di cui 'ntra li sovrani e granni Oggetti portentusi, ed ammiranni

Sparisci anchi l'idia?
Puru a st'atomu menti, ed intellettu
'Ai datu da suspincirsi a li celi,
Duvi a cifri di stiddi cci riveli

Lu so grandi architettu.
O generusu Iddiu chi ti dignasti
Manifestarti a nui 'ntra li stupendi
Operi toi! Ma oimè! cui li comprendi;

Tu sulu poi, tu basti.

Reggi, e governi di tua gloria in cima Lu tuttu, chi per idda fu criatu, Chi turnirà (da Tia s'è abbandumatu)

A nenti comu prima.

Granni, immensu, stupendu si nell'opri Eccelsi di tua manu, ed ugualmenti Grandi 'ntra lu cchiù picciulu viventi, Chi l'occhiu miu nun scopri.
Fusti, e sarrai chiddu, chi si; nè fini,
Nè principiu cc'è in Tia : suvranamenti
Bonu, Giustu, Beatu, Onnipotenti,
Granni senza confini.

Esaltinu li celi, Angili, e Santi Li gran prodigj di l'onnipotenza; Ma la bontà infinita di tua essenza Fa, chi in godirti eu canti.

#### XLI.

#### A LA MUSA.

Dedicata a li RR. Altizzi di Maria Cristina Borbuni, e Carlu di Savoja

> 'Ntra lu miu cori agghiorna, Surgi l'età briusa Quannu ti affacci. o Musa. Di li to grazj adorna. Oh quantu mi consola L'aspettu to immortali! L'alma di li soi mali Si scorda, e ad iddu vola. All'aura tua suavi Ogni timpesta taci. Portu in tia trova, e paci La mia sbattuta navi. Tu di sta vaddi impura Mi liberi, e trasporti Dintra l'Esperid'orti In brazz'a la natura. Tu da la turba granni

Dannata a cecu obbliu Scarti lu nnomu miu, E lu dilati, e spanni.
E fors'inutilmenti
(Tu scutu miu) l'alatu
Vecchiu cu mia sdignatu
Arrutirà lu denti.

Tu dui Riali Altizzi, Dui spusi eccelsi, e digni Rendi cu mia benigni 'Mmenzu a li soi grandizzi.

Ma postuchi lu fatu, Sempri cu mia inumanu, Si li purtau luntanu, Tu poi, tu vacci allatu.

Unni Anfitriti abbrazza Di Corsica a li sguardi Lisula di li Sardi

Trova l'eccelsa razza.

Ti accosta e rispittusa Da parti mia t'inchina, Bacia a Maria Cristina La manu generusa.

Sù parti, e va giuliva, Giacchl ristata è in mia 'Ntra cori e fantasia L'imagini sua viva.

Chi ad ogni dittu o gestu Nova una grazia esprimi, E li virtù sublimi

Compiscinu lu restu.

Chist'è chi ogni momentu In mia si riproduci Tali, chi già la vuci, Quasi nni ascutu, e sentu.

Chi un beneficiu, quannu Cadi in un cori gratu, Non da distanza, o fatu Soffri, o da tempu, dannu.

#### XLII.

A S. E. Sig. D. FRANCISCU D'AQUINU Principi di Caramanica, e Vicerè di Sicilia.—
In occasioni di la sua provida, e generusa cura in preservari lu dittu Regnu nella terribili caristia accaduta l'annu 1793.

O bella età di Pindaru Ouann'odi, e canti alati Aprianu lu gran tempiu Di l'Immortalitati! E li poeti, judici Di l'opri di l'eroi, La gloria cumpartevanu 'Ntra l'aurei versi soi. Ah! dunca, o santu Apellini, Toi doni limitati Foru a virtù, ed a meriti Di chidda sula etati? Nessunu in oggi reputi Dignu di toi favuri? O forsi cchiù 'ntra l'omini Nun cc'è virtù, e valuri? Sò chi la forza, e l'animu Sù meriti, e virtuti Quannu pr'oggettu guardanu La pubblica saluti; Pirchi la Patria purganu D'omini. e mostri rei. Perseu, e Alcidi, e Teseu Sù eroi, sù semi-dei. Vennu a li jochi Olimpici Li forti curunati

Pirchì a la patria dunanu

Intrepidi suldati.
Ora chi la Sicilia,
Già quasi desolata
Pri caristia terribili.
Da un sulu è preservata,

Quali sarà la gloria A la grand'opra uguali? Si dà maggiuri meritu Pri rendirsi immortali?

Qual'è 'ntra li cchiù celebri Eroi, chi uguagghi a chistu, Chi fa di cori, e d'omini Non già di regni acquistu? Jeu mi protestu, o seculi,

Chi viniriti appressu: Chi non incensu un idolu, Dicu lu veru stessu.

Tu, chi cu raggi lucidi Tuttu discopri e sai, Sai si a venali encomj L'estru avvilivi mai.

Mai l'inesperti jidita All'auria lira stisi, Ma flauti tenui, ed umili Sunai 'ntra macchi, e ddisi,

Mi sentu ora tutt'autru, E lu miu cori in senu Chiau di un Diu, chi l'agita, Nun pò cchiù stari a frenu...

Da la diserta Libbia Spirannu orruri, e straggi, Un Idra smunta, ed arida Vinni a li nostri spiaggi.

Stu mostru formidabili Di un subitu chi apparsi Cu l'alitu mortiferu. Cunsumau tuttu, ed arsi. Li campi li cchiù fertili, Li valli cchiù cuverti, Li costi cchiù fruttiferi Fa sterili, e deserti.

Stendi pri tutta l'isula Li centu testi, e centu, S'avanza, e la precedinu L'orruri, e lu spaventu.

Sulu la guarda intrepidu Cor'avidu, induritu, Cui lagrimi di poviri Sù nettari graditu.'

Crudili, inesorabili, Figghiu di alpestri rupi, Chi ereditau cu nasciri L'istintu di li lupi;

E chi per indorarisi La vili sua ginia Arma contra li debuli Lu yrazzu anchi di Astria.

Lu mostru intantu rapidu Camina a passi granni, Purtannu, (oh infaustu seguitu!) Fami, miserj, affanni.

L'erbi cchiù vili, e inutili, Li radichi nocivi Cu l'animali spartinu L'omini appena vivi.

'Mmenzu li strati pubblici Lu passaggeri abbucca Cu facci smunta, e pallida, Cu pocu d'erba in bucca.

Li gammi vacillarisi

Senti l'agricolturi, Mancannu a li soi musculi Lu nutritivu umuri.

Si vidi a terra cadiri La matri illanguidita, L'addévu, oimèl trov'aridi Li fonti di la vita.

Non beni ancora saziu
Di l'apportati orruri,
Lu mostru avanza, e medita
Ruini assai maggiuri.

Eccu, chi li testi orridi
Da l'auti turri affaccia,
E li citta cchiù floridi
Disordina, e minaccia!
Scurri un trimuri gelidu
Di tutti dintra l'ossa,
E lu cchiù forti, e intrepiduo
Senti ogni fibra scossa.

A lu spaventu pubblicu,
A li comuni allarmi
Suggetti rispettabili
Misiru manu all'armi.
Friscau, sfardannu l'aria,
Lu primu acutu dardu<sup>1</sup>;
Però, pri quantu dicinu,
Arrivau lentu, e tardu.

L'Idra mustrau 'ntanarisi, Ma pri cuvari occulti Assalti cchiù terribili, Novi miserj, e 'nsulti.

I Si allude al bando emanato di dovere ogni posse di grani rivelarne la quantità. Ciò produsse, che a caus vari passaggi nelle replicate vendite, si moltiplicò la soi ne' riveli, e ne risultò una quantità illusoria.

Già l'autru dardu scagghianu Oime pri nui fatali! Lu feru mostru s'irrita. E agghiunci mali a mali. Lu fatu di Sicilia 11 Era di già a l'estremu. Oh statu deplorabili! Ah ch'in pinsarci eu tremu! Quannu l'eccelsu Principi, Chi a nomu di Firnandu Stava fra nui li retini Politici guidandu: Franciscu Caramanica, Chi nun valuta l'oru. Chi comu sulu a miseri. Ed a virtů ristoru; Illustri, granni, e splendidu, Ch'in menzu a soi fortuni. E un suli chi diffundisi A tutti li persuni; Visti delusi, e invalidi Li vrazza in cui confida. St'imprisa memorabili Supra se salu affida : E prima a la Dia Cereri In spiaggi a'nui luntanu Offersi in sagrifiziu Tesori a larga manu.

A Cereri, ch'in colure, E contra nui sdignata, Da nui pri castigarinni

Si allude alla meta imposta al grano, motivo per cui el poco, che ve n'era fu occultato.
 Allude alle considerabili incette di grani da esso fatte a gli stranieri obligando i propri suoi fondi.
 MELI.

Mia lira, ecu viraci Ofiri li voti unanimi A lu gran tempiu, e taci

# XLIII.

A S. E. Sig. Cav. D. Luigi Medici Segretariu allura di Statu di S. M. Re di Sicilia.

Cussi cu mia Polinnia si esprimi: Centu aláti cavaddi autu-vulanti Pascinu ad usu miu l'aerei cimi Di Pindu e si abbiviranu a l'ameni. Ripi di l'Ippocreni Di armoniusi Cigni risunanti. Picciuli tratti suppu a li mei voli L'Antipodi, li poli, Li spazi esterminati, Unni l'immenzi globi erranti, e fissi Natanu equilibrati, O attornu a propri chissic .... Figghia di Apollu lucl in mia risplendi, Chi avviva, e anchi li regni di la morti Popula di chimeri, e mostri orrendi. Di li Dei la Saturnia dinastia Regna in celu pri mia: Pri mia Nettunu impugna lu so forti Tridenti, e duna liggi a li profunni Voraggini di l'unni: Grati, e riconoscenti: A li mei doni Proteu: Glaucu, ed Inu Scheranu li soi armenti 🕛 Quann'iu mi cci avvicinu. Anfiuni pri mia spitrau li forti Salvaggi cori, e vausi alpestri attrassi,

D'unni Tebi surgiu di centa porti,

E Orfeu per Euridici in mia fidatu,
Di la sua lira armatu,
Drizzau vivu a l'infernu li soi passi;
A li suavi noti, present'iu,
Cerberu si ammutiu;
E da li cori atroci
Cadiu l'ira a li furj, in un balenu
Di Plutu lu feroci
Aspettu fu serenu.

Si allatu miu li campi cchiù salvaggi Vai passiannu, o voscura, o poggetti, O muntagni scoscisi, o vaddi, o spiaggi, Tutt'av'anima, e vita: in fonti, e in undi Najadi bianchi, e biundi, Satiri vidirai 'ntra li ruvetti; Silvestri Driadi, e Oreadi muntanari, Trunchi, e vausi animari A un sulu miu cumannu; E li Silvani di curnuta testa Li Ninfi assicutannu Scurriri la foresta.

Si un finu sentimentu in tia risbigghia
Un populu di affetti, eccu ch'in Gnidu
Jeu cci apr'un tempiu bellu a maravigghia;;
Dda, nell'attu chi inchiaga, e chi ferisci,
Li cori ingentilisci.
'Ncostu la matri Dia lu Din Cupidu;
Mia lira 'nganna l'aspri affanni, e gravi;.
Comu sfoga in suavi.
Noti lu rusignolu,
Mentri li peni soi trovano intantu.
(Ch'è puru un gran cunsolu)
Cumpagni a lu so chiantu.
Si nun cuntentu di li vari, e tanti

Si nun cuntentu di li varj, e tanti Sceni, chi 'ntra stu globbu, unni dimuri: Jeu generusa ti presentu avanti, Nni avrai cchiù granni e portentusi prov Eccu autri Munni novi, Di cui lu Geniu to n'è creaturi! Eccu l'età di l'oru, chi a tia piaci Cu la Virtù e la Paci! Su nomi sconosciuti La miseria, li guai, li patimenti, Perpetua gioventuti Li cori fa cuntenti.

Ma si stillusioni consolanti
B frasturnata da una turba immenza
Di mali, chi si paranu davanti,
Truvanduti suggettu a lu destinu
Di stu munnu mischinu,
Spera, e confida su la mia putenza.
Apru cummerciu cu l'età futuri
Di gloria in to favuri:
Sarai sempri presenti
All'ozj virtuusi, ed a li muti
Piaciri di la menti
Di l'ultimi niputi.

Ieu misi in celu, ed eternai di luci
D'Orfeu la lira, e Perseu, e li gemelli
Figghi di Leda Castori, e Polluci;
Fici a Baccu di stiddi 'na ghirlanda,
Chi detti ad Arianna:
Di Ariuni un Delfinu, e setti belli
Pleadi figghi di lu mauru Atlanti
In celu su brillanti:
'Ntra lu celesti largu
Obeliscu immortali è divintata
Pri mia la navi d'Argu
Di stiddi curunata.

Quannu salvari da l'oscuru obbliu Vogghiu un eroi, o un figghiu a mia dile Lu vestu tuttu di splenduri miu. Abbagghiatu lu tempu l'armi abbassa, Rispetta, ammira, e passa. Ritorna a ripassari, e a so dispettu Quantu cchiù scurri, equantu cchiù invicchisci Tantu cchiù fama crisci; Cussi Pindaru, e Alcidi Attraversu un torrenti d'anni, ed anni Di trattu in trattu vidi Farisi in mia cchiù granni.

Figghia di gratitudini un internu Disiju eu leggiu in tia: brami 'ntra l'astri Lu mecenati to chi splenda eternu? Serenati, è superflua tua premura, Superflua ogni mia cura; Chi ad onta di calunni, e disastri, Da tempu immemorabil'à dispostu Giovi per iddu un postu, E in celu a lu so latu In una splindirà di l'autri luni, Chi di lu so casatu Su lucidi curuni.

# XLIV.

A S. E. Sig. Marchisi SIMONETTI. — In occasioni chi dimandau all'Auturi li stampi di li soi poesii pri la secunda volta, stanti chi li primicc'eranu stati divorati da lu focu unitamenti all'autri libri e mobili, per un incendiu, chi suffriu la sua casa; di lu di cui dannu nni era statu compensatu da la munificenza di S. M. di cui truvavasi Ministru di Statu.

Murritiavanu Cu l'accidenti 'Neostu di Stronguli

-176-L'umani eventi. Vulcanu in colura, Chi da cchiù jiorna Cci ávia li cáncarí Dintra li corna, Forti sgridannuli Cu brusca cera, Si fici laidu Cchiù chi nun era. Ma (com'è solitu Di li vavusi. Chi cu li retichi Sù cchiù strudusi) Cci zuppichianu Facennu gabbu, E lu inciurianu Vicchiazzu babbu. A st'improperi Lu Diu di Lennu Muntatu in furia Persi lu sennu. Sutta li mantaci

Sutta li mantaci. Ardia un tizzuni L'afferra e scagghíasi Com'un liuni.

Chiddi 'mpanneddamu, Ed iddu appressu, Cchiù chi carpianu L'ànnu cchiù 'mpressu : Lu mari passanu,

E di continu Guardanu, e vidinu Chi cc'è vicinu:

Vennu in Calavria, Già lassi e stanchi, Ed iddu è 'nzemmula Quasi a li cianchi,
Scurrinu Voscura,
Vaddi, e muntagni,
E si lu sentinu
A li calcagni:
Juncinu in Napuli,
E 'ntra li tetti
Vannu ammucciandusi
Di Simonetti;

In Disconi chiludirei

Lu Dia pri chiudirci Qualunqui scampu Lu focu appiccica! Ed eccu un lampu!

'Na luminaria Di manu, in manu Sbampa, e in ogn'angulu Regna Vulcanu...

Ch'ài fattu! oh caspita? (Grida Minerva Chi 'ntra li cammari Lu focu osserva).

Ah lu miu tempin Tu m'ài distruttu! Cca di li studj Cugghia lu fruttu:

Cca la Giustizia, Cca lu Sapiri Cca cci regnavanu Li saggi miri...

Ma lu lagnaricci Di l'accadutu È spisa inutili, Tempu pirdutu.

Saprà ritorciri La mia saggizza Sta gran disgrazia In alligrizza.
Giacchi a lu meritu
Viju propenza
L'eccelsa Reggia
Munificenza,
Chi pronta ad apriri
Lu fonti granni
Teni a rifarimi
Di li mei danni,
E cu st'incendiu
Splindirà cchiui
La vera gloria
Di tutti dui.

#### XLV.

A lu Sig. Cymandanti Cav. D. GIUSEPPE POLL. In risposta ad un sonettu, chi avia scrittu a l'Oturi in lingua siciliana.

> Circannu Urania So figghiu Poli Di matematica Girau li scoli... Cc'è statu, dissiru. Ma passau avanti. S'inchiu la vertula. E arricchíu a tanti... Dunca vui fisici Datimi nova... Cci fu, rispusiru, Ma 'un si cci trova. Cci lasciau l'operi, Chiari, immortali, Dissi, aspittatimi, E allargau l'ali...

Unn'avi ad essiri?
Forsi dimura
Intentu all'operi
Di la natura?
Parrati, o Vausi,

Fonti, Undi, e Grutti? Chisti rispundinu In noti rutti:

Di pocu, oh caspita! Tu lu sgarrasti, Cci scursi, e celebri Lasciau li rasti.

Vidi, ed ammiralu, Vidi scherati Tutti chist'ostrachi Notomizzati!..

Basta, finitila, Ogn'unu sà Soi pregi, e meriti; Ma unn'è chi fà?

'Nzumma sgammannusi / La Dia si sfascia, Lu cridirissivu Unni poi l'ascia? 'Ntra lu Castaliu

Fonti, chi pisca Cu Musi Siculi In festa, e trisca!

# XLVI.

A la celebri Signura Connella Ellis Miss Knight, chi avia tradutti alcuni Idilj di lu Auturi nellu so idioma inglisi.

> Sospintu in aria Da sforzu, e impegnu

Sull'ali debuli Di lu miu ingegnu,

Arrivu a scepriri (Benchi di arrassu)

Lu tantu celebri Munti Parnassu.

Oh comu splendinu

Li costi attornu

Di ku cehiù vividu

Brillanti jornu! E allatu spiccanu

Di lu gran fonti

Omeru, Pindaru,

E Anacreonti!

Versu li margini Di dd'acqui chiari

Cigni castalj Sentu cantari:

Maruni, Oraziu

Gravi, e sonori, Tibullu teneru

Tocca li cori.

Cu stili armonicu Lu Ferrarisi

Spusa a li grazj

L'eroichi imprisi:

Li belli lagrimi Di Erminia, oh quantu

Torquatu, spiccanu

'Ntra lu to cantu!

A la gravissima Miltonia trumma

'Ntona l'Empireu,

L'orcu ribumma.

Pope li pelaghi Di umani cori

1. Bullion 1997

Sulca ou placidi Noti canori, L'accendi Apollini Tutti. e l'investi Di lu so energicu Focu celesti. Oh li Meoni Casti surelli ··· Ouantu sù armonici 'Ouantu sù belli! Ma... Lu so numeru Di novi fù, Pirch'oggi cuntasi Una dicchiù? Forsi chi sbaria L'occhiu? Ma intona Cu estremu giubilu Tuttu Elicona: Veni a compirinni -L'Aoniu coru -Miss-Knaight Anglica Decima soru.

# XLVII.

Scritta in occasioni chi S. E. Sig. Principi di BELMUNTI avia intraprisu di fari costruiri una casina nobili con una villa di attornu, supra di una eminenza, o sia d'una falda di muntagna, chi sporgi sinu ad un picciulu crateri di mari nominatu l'Acqua-Santa.

Surgi da l'unni Proteu, Fissa di l'Acqua-Santa L'occhiu a la schina sterili, S'infoca d'estru, e canta: Quantu felici augurii Ruccuni fortunatu Di sti toi nudi vausi Viju schirzari allatu!

Sublimi Geniu e splendidu Cu nobili armunia Bella natura, e industria Saprà spusari in tia:

Chissa chi sporgi in aria Tua frunti aspra, e pitrusa Sarrà di l'Orti Esperidi L'emula cchiù famusa.

Surgirà in menzu nobili Casina dominanti L'ampiu crateri e insemmula Tanti campagni, e tanti.

Quasi bell'Orti pensili Di Babilonia attornu Jardini di delizii Ti ridirannu intornu.

A lu suavi strepitu Di fonti e di acqui erranti Lu passaggeri estaticu Nun saprà jiri avanti.

Flora, Pomona, e Zefiru 'Ntra ssa tua costa intera Farrannu un gratu accordiu Di Autunnu, e Primavera.

Vaghi vuschitti in fertili Allegru, amenu situ Farrannu a li sensibili Cori suavi invitu.

Sagru sarrai ricoveru Dintra ssi macchi ameni Ad un felici Geniu Dilettu a li Cameni.

Bccu chi già propiziu
Lu Fatu a mia rispunni...
Dissi, avvirau l'augurii,
E si attuffau 'ntra l'unni.

### XLVIII.

# INNU A LUCINA.

Salvi Lucina pia,
Chi a li parturienti
Minuri li turmenti;
Chi avvivi, e metti in via
Li feti, e li conduci
A vidiri la luci:
E chi a li matri afflitti
Da li sufferti affanni
Calma, e ristoru spanni.
Estendi li toi dritti
Supra ogni miu cuncettu,
Ch'è partu d'intellettu,
Chi straccu, e fatigatu
Da la nimica sorti
Sulu produci abborti.

# XIL.

# LU DIVORZIU.

Stanca di viviri Vita pinusa, Fici divorziu

Allude al P. Michelangelo Monti. Questo Genio non ogna della Musaaltrui. Egli si è reso con la sua immortale.

Da mia la Musa;

Dicennu : È angustia Pri tutti dui Lu stari 'nzemmula Uniti cchiui.

Pri nui stu seculu, Ch'è se-dicenti Luminusissimu, Nun luci nenti.

Di voli altissimi Sarrà capaci; Ma unn'è Giustizia? Unn'è la Paci?

Unni si trovanu Virtù, e costumi? Dunca a chi servinu Sti tanti lumi?

Cu l'oru sbuccanu

Da un novu mumu Li guai, chi abbundanu Cchiù chi nun sunnu.

La genti a st'Idolu Stendi li manu, E anchi offri vittimi Di sangu umanu.

Virtuti, e meriti Sagrificati Sunnu a sta barbara Divinitati.

Si 'ntra stu pelagu Profunnu, e cupu Cercu ajutariti Cchiù ti sdirrupu:

Ma giacchl libera, E Dia sugnu iu, Un megghiu seculu Mi cercu. Addiu... L.

# Pri li nozzi di lu Signuri N. N.

\*O Baccu, o anima Di l'alligria Sti spusi amabili Cunsignu a tia. \*Deh tu abbivirali Di stu licuri. Facci produciri Frutti di Amuri. \*Lu primu è in gorbona: Forsi cci manca Un pedi, un anca. Ma si farrà. \*Tu, Baccu, avvivalu Cu lu to focu Mustracci ddocu L'attività. \*Cc'è lu narcoticu Superbu vinu, Chi scoti, tillica 'Nforza lu schinu. \*La rispettabili Sua vecchia vutti Li figghi in fieri Cunteni tutti. \*Longhi li masculi, Comu lu patri, Beddi li fimmini. Comu la matri. \*In chisti grazi Forma e costumi.

In chiddi meriti

Menti, e volumi. \*Baccu verifica Sta profezia Ch'ài fattu scurriri Pri bucca mia.

#### LI.

Pri li dui fratelli BARTOLOMEU e MARCO Co-STANZI, nativi di la Sambuca incisuri e disiynaturi.

> Curria per anni, e seculi Di la natura appressu L'Arti per acchiapparinni L'abbozzu o lu riflessu: Nun potti mai ragghiuncirla, Fissarla 'un potti mai: Sibbeni pochi Geni Cci avvicinaru assai. Si dici: chi la Grecia. 'Ntra l'autri cosi belli, La vitti quasi 'nzemmula Di Prassitèli e Apelli. Si vitti ancora ridiri Cu teneru 'mmizzigghiu Ora ad un Micalancilu, Ora d'Urbinu a un figghiu. r Ma tolti autri rarissimi, Chi à riguardatu in parti, Sfui a l'immensu numeru Proselitu di l'arti. Vanta però un prodigiu Oggi la nostra etati: Di l'una e l'autra in grazia

Cci stannu li dui Frati.

Li dui Costanzi uniscinu Rapporti tanti, e tali Chi fannu un gratu accordiu 'Ntra li dui gran rivali.

#### LII.

Cumposta estemporania ad una Comedianti, chiamata la DAVI, chi malgradu, chi nun era multu giuvina, cantava cu bona grazia, ed era eccellenti comica.

Sai, bella Veneri,
Sai tu pirchi
Li Grazj currinu
A la Davi?
Pri fari vidiri,
Chi ad idda stà
Rendiri amabili
Qualunqui età:
E chi tu propria,
Tu stissa, tù,
S'iddi ti lassanu,
Nun cunti cchiù.

# LIII.

## SAFFICA.

A S. A. R. D. LEOPOLDU BORBUNI Principi di Salernu — In occasioni chi fici cuniari una midagghia all'Auturi.

\*Sutta pindarich'ali eu viju pronti Sprofundarsi li nuvuli, spariri La tirrestri atmosfera, ed appariri Novu orizzonti. \*Di risu sconosciutu a li murtali Pura l'aria d'intornu brilla, e ridi; Sublimi, e maistusu dda si vidi

Tempiu immortali.

'Gloria vi regna: a pedi soi calpesta Supra di un tronu lucidu, e gemmatu, A lu devoraturi vecchiu alatu

La calva testa.

\*Cu li cent'ali chi 'ntra l'aria stenni Sta Fama in autu, la gran trumma abbraccia, E da l'unciati tempuli cei caccia

Ciatu perenni.

\*Proclamannu disfattu l'ingrussatu Ntra straggi, e sangui orribili colossu, Ch'autari, e troni avia di Europa scossu

E divastatu.

\*E chi l'esatta sua valanza Astria Di lu geniu Brittannicu a li manu, Di lu Russu, lu Prussu, e lu Germanu Depost'avia.

\*E chi lu munnu, chi di sti allegati Potenzi avia ammiratu lu valuri, Stavasi pri ammirarni spettaturi

\*Chiudi lu tempiu 'ntra li mur'interni Genj inventuri, eroi, poeti summi, Ch'in sonori sampugni, e liri, e trummi

Vivinu eterni.
\*Ma quali sfulguranti di surruschi
Fusca nuvula vidisi abbassari!
È Momu Momu di li frizzi amari.

E l'occhi bruschi.

"Malgraditu a li Dei si occulta, e fui:
Pensa a st'eroi scagghiari li mutteggi;
Ma in canciu di oscuraricci li preggi,

L'avviva cchiui.

\*Dici a l'amenu Ferrarisi cigna : Giacchì cca lu citari è cuipa estrema L'oscuri nomi, un purpuratu emblema

Ti mustru in signu:

\*E li tanti ministri rovesciati
'Ntra lu concavu visti di la luna,
Chi foru encomj toi, pri tua sfortuna
Mal'impiegati.

\*Poi scopri Augustu, e grida : insanguinatu Da li vittimi umani usurpat'ai L'imperiu di lu munnu, ed ora stai

Di gloria allatu!
\*E vui (dici ad Oraziu, ed a Maruni)
Pr'indorari chist'operi perversi
Qual'oprasti magia 'ntra vostri versi,
O pannidduni?

\*Taci lingua di assinziu, infami Momu, Vuci sull'arpa d'Urania 'ntunau, Cui fama ottinni mai si 'un s'imbrattau

Di sangu d'omu?
\*Ma pirchi, mala lingua, pirchi taci
Lu tempiu chiusu a lu bifrunti Gianu,
E chi lu munnu sutta Ottavianu

Respirau paci?
\*E chi tanti li fasti, e tanti-foru
L'oggetti di la sua beneficenza.
Chi lu seculu so per eccellenza
Ku dittu d'oru?

\*E quann'autru di granni lu so imperu Nun vantassi, sarria sulu bastatu Di avirc'in dui gran genj rimpiazzatu Pindaru, e Omeru.

\*Tantu operau munificenza summa, Chi da ruggiada, chi li germi avviva, Sepulti in terra, fici rediviva Meonia trumma, \*E la lira di Oraziu, chi cuntrasta A Pindaru l'imperiu di l'anni Vinc'in iddu li fasti cchiù ammiranni Di spata ed asta.

"St'esempiu ch'in grand'anima si stampa Foch'è, chi cadi supra linu, e stuppa L'investi, ed a l'istanti mi sviluppa Ardenti vampa.

'Guarda lu munnu, l'occhi in terra cala, Di eccelsa stirpi principi reali Vidi, ch'emulu d'iddu, impinna l'eli A 'na cicala!

\*Ch'avvezza cu li rauchi accenti soi Cantari all'arsu metituri, incalza Ora la vuci, e lu so cantu inalza Sinu a l'eroi!

\*Presenta cca non imbrattatu, e lordu Di umanu sangui, un cori generusu, Purtatu à lu sublimi, e grandiusu In Leopoldu,

\*Non la putenza di l'imperiu figghia, Ma li meriti Augustu ànnu esaltatu, Li stissi ora cci mettinu a lu latu

Cui cci sumigghia.

\*Di chist'astru Borbonicu la raja,
Chi la beneficenza attiva rendi,
Sviluppa li gran genj, e cca risplendi,
Tu Momu abbaja...

\*Ma diggià l'ali,indocili a li vogghi Di lu so non legitimu retturi, Mancanu, e 'ntra li grassi soi vapuri Terra mi accogghi.

#### LIV.

## 1 S. E. l'Ammiragghiu Nelson Duca di Bronti.

\*Mi guardi d'occhiu tortu L'istabili Fortuna, Melpomeni mi dona A l'immortalità sicuru portu, E mi concedi 'ntra li regni soi Purtaricci cu mia grandi, ed eroi.

Propizia eccu mi spira
La Musa, e da stu solu
Mi fa spiccari un volu;
Senti intra li soi cordi la mia lira
Li fatti illustri jirisi affuddannu
Di lu gran Nelson fulmini brittannu.

\*Salvi Brittagna invitta,
A cui Nettunu istessu
Lu so tridenti à cessu,
Tu liggi a regni, e l'ampiu mari ditta,
Ma di li figghi toi l'opri ammiranni
Pindu curuna, e a l'autri età li spann.

"Ntra l'Eliconi spiaggi Febu cc'impinna l'ali Pri alzarisi immortali Supra lu Vecchiu mai saziu di straggi, Chi tuttu agghiutti, escagghia ancora l'armi Contra li brunzi, e li sculputi marmi.

'Già l'ali autu-vulanti Movi la Musa arrassu, Resta lu vulgu bassu, Mentri a l'Eroi Brittanicu davanti Tutti l'età futuri invita, e chiama, E di l'imprisi soi spargi la fama. 'Tremanu a la so manu
Li figghi impii e feroci
Di lu delittu atroci,
Chi fici in tigri trasmutari l'omu,
E chi esaltatu avianu su l'augustu
Depressu tronu e 'nsanguinatu bustu.

\*Non d'acqui cchiù la Senna, Ma di accaniti genti Shuccau ampii turrenti, Olanna, Italia, e gla quasi Vienna Avia inundati; e immensi navi aduna Per ecolissari l'Ottumana luna.

\*Spavintata la terra
S'affretta d'ubbidiri
A lu superbu ardiri,
Chi troni, sutari, e tempj, e liggi atterra,
Nè cc'è cui lu rispincia, o lu minacci,
O si cimenti di guardarlu in facci.
\*Nettunu stissu oppressu

Sutta l'auti carini Di turriggianti pini Rumpirni appena ardisci lu riflessu, E a vindicarsi di l'insultu, un gridu, Nelson, Nelson, 'ntunau di lidu in lidu.

\*Senti la nota vuci.
Di lu gran Diu di l'unni
Lu figghiu, e cci rispunni
Prontu, e giulivu, ed a la nova luci
Scioti li vili di la squadra inglisa
Vola comu falcuni a la sua prisa.

"Già si cci avventa, scinni, Rumpi, fulmina, avvampa, E la sua gloria stampa A littiri di focu in milli 'ntinni, Mentri incerta la Morti si confunni 'Ntra l'orridu Vulcanu, e li sals'unni! \*Attonita la testa
Spinci Alessandria, e guarda;
E intantu l'aria sfarda
Di brunzi fulminanti 'na timpesta,
Chi li puppi 'nnimichi urta, e fracassa,
E navi, e genti sfrantumati lassa.

\* Già la vittoria insigni,
A cui pindia vicinu
D'Europa lu distinu,
Su li puppi Brittanni jisa l'insigni,
E la Fama l'annunzia ntra rimbummi
Di centu aperti vucchi, e centu trummi.

\*Ma la Gloria ti chiama, Nelson, a novi imprisi: Và, curri a vili stisi, Di la Sicilia sazia la gran brama, Lu so Re, la famigghia sua reali Portacci sani e salvi d'ogni mali.

\*Veni gran Firdinannu
Miu Re benignu, e saggiu,
Sutta lu to curaggiu,
Com'unni a scogghi rumpiri si vannu
Li gran vicenni, chi la sorti aggira,
E rimbummanu poi sù la mia lira.

\*La disiata calma
T'offri Palermu, e appresta
Ristoru, omaggiu, e festa;
Respira, e poi preparati a la palma;
La vittoria è cu tia, sì, l'à juratu
Mentri di Nelson cumbatteva allatu.

\*Partenopi infelici,
Ahimè quantu mi accora
Lu novu di Pandora
Vasu, ch'in tia virsaru li 'nnimici!
Ahi misera! ma calma lu to affannu,
Fidati a lu clementi Firdinannu.
MELI.

17

\*E tu Anglu-Sicanu
Eroi, chi a nui 'na parti
Di tua gloria cumparti;
Eccu di novi fulmini la manu
Già t'arma Bronti, chi a li tanti provi
Cridi in tia trasmutatu lu gran Giovi.
\*A nui vivi, e a la tua
Patria mill'anni, e cchiui,
Gloria di tutti dui.

Patria mill'anni, e cchiui, Gloria di tutti dui, Supra la navi d'Argu la tua prua Da li futuri astronomi osservata Sarà in celu di stiddi curunata.

## LV.

A lu Signuri Cavaleri D. GIUSEPPI POLI in occasioni di duvirisi alluntanari da la Sicilia.

\*Cui truzza cu lu Fatu?
Postu chi accussì voli,
Parta l'amicu Poli,
Ma cu l'augurii allatu.
\* Spirinu venti ameni,
E in fundu ad un gruttuni
Lu torbidu Aquiluni
Sulu racchiuda, e freni:
\* Li Genii precursuri
Di la sirena paci
Supra lu lignu audaci
Sparganu rosi, e ciuri:
\* 'Na specii ad iddu nova

<sup>1</sup> S. M. Ferdinando avea donato all'ammiraglio Nelso lo stato di Bronte per ricompensargli gli onorati serva resigli in tante varie vicende. D'ostrichi, o di cunchigghi<sup>a</sup> Nereu 'ntra biundi figghi Cci offra, si mai lu trova.

\*Scherzinu li delfini Attornu a la carina Pruennucci la schina Cu sauti, omaggi, e inchini:

\*Vulennucci spiegari, Chi nautru Ariuni in gruppa Cu la sua lira in puppa

Disianu purtari.

\* Scurri superba o navi Di un cussì raru pignu, In iddu a tia cunsignu Di l'alma mia la chiavi.

\*Sacci, chi pri sua dota Porta li cori additti D'ogn'unu chi lu vitti, O lu trattau 'na vota:

\* E di tant'autri, a cui La sorti avara dissi : Liggiti quantu scrissi, Nun vi si accorda cchiui.

\*A lu Sebetu amicu Portalu salvu, e sanu, Cunsoli a manu a manu L'afflittu patri anticu.

\* Vui Melicerta, ed Inu Itilu accumpagnannu; Spittaculu ammirannu D'un saggiu è lu distinu. \* Tali fu a li cilesti

<sup>&</sup>lt;sup>3</sup> Si allude agli studj prediletti del cavalier Poli su questo amo di storia maturale, in cui è riguardata come insigne opera sua.

Orfeu, chi si partiva Supra la navi argiva Sfidannu li timpesti.

\*Li novi mostri, e l'ira Di furibundi venti Frena cu lu potenti Incantu di sua lira.

\*Deh! ferma, o saggiu Traci! Ah! nun previdi quantu Custirà luttu, e chiantu Stu primu azzardu audaci.

\* Di turri fluttuanti Si abitirà lu mari Pri jiri a suggiugari Incogniti abitanti.

\* Lu fulmini inumanu Novu flagellu in guerra Insuppirà la terra Di sangu americanu.

\*Di l'oru a li murtali La massa aumentata Avrà multiplicata La summa di li mali.

\*E a mia caggiunirai Tanta tristizza, e pena, Chi un beni vistu appena Forsi 'un vidrò cchiù mai.

## LVI.

## LA BENEFICENZA

Pri monsignuri LOPEZ Arcivisc. di Pulermu.

\*Gran Diu di Pindu, chi a toi cari impresti Parti di tua divinità, di quali Sentimentu distingui li cilesti Da li murtali?

\*Suavità forsi d'ambrosia? ah tocca~ L'arma ugualmenti all'omu, e la ravviva. Lu travagghiatu pani, e d'una rocca L'acqua surgiva.

\*Vivia Giunu l'ambrosia, nè la menti Ci rudia menu lu nigatu pumu, Nè mai cissau, finchì Iliu, e la sua genti.

'Un misi in fumu.

\*Si ssu licuri nun cancella, e sgasta Da l'immortali ogni molestu affettu, Nun vi l'invidiu, o summi Dei, mi basta Lu vinu elettu.

\*Forsi amati uziári 'ntra piaciri, Luntani da li curi, e li disaggi? Quali drittu accussì putriti aviri

A nostri omaggi?

\*Sonnu, crapula, ed ozii lascivi, Appannaggi di sensu ottusu, e tardu, In vui di l'Asia lu tirannu vivi Pigru e 'nfingardu.

\*La voluttà, chi sutta l'usu manca, E lassa agonizanti lu disiu, Nè l'armi, nè li spiriti rinfranca, Nun è pri un Diu!

\*Vantáti lu putiri? Ma si spira O la vinditta, o la distruzioni, Tristu l'alloggiu so, guai pri la mira, Chi si proponi.

\* Putrà supporsi mai letu, e filici, Cui medita ruini, e 'ntra l'internu Cuva rancuri? un Diu cussì infilici

È Diu d'Infernu.

\* V'esalta dunca lu putiri, quannu. Spusa beneficenza, e senti e gusta La voluttà di risarciri un dannu

Di sorti ingiusta.

\*Si dari a la virtù li meritati Riguardi, ed a lu meritu cumpensi. Ccà conusciu li dei summi, e beati Digni d'incensi.

\*No lu piaciri, chi direttu veni, Ma chi circula in tornu, e si rifletti Da cori in cori, fà lu summu beni

D'armi perfetti.

\*Chistu è lu sentimentu riserbatu A li cilesti, e si mai cca nascíu, Cui pò, e cui sa gustarlu, oh fortunatu! E quasi un diu.

\*Chi dirrai tu, Sicilia, di cui vigghia A lu duppiu timuni, mentri lutta Cu tempesta, chi scoti, urta, e scumpigghia

L'Europa tutta?

\*Chi, novu Ulissi, dintra l'utri affrena Li venti furibunni, e in leta calma Teni lu mari, e a l'aria serena

Li veli spalma?

\*Chi nun chiama piaciri? 'un è cuntentu Si non chiddu chi ad autri in tutti banni Diffunni, e chi da centu cori, e centu Trabucca, e spanni?

\* Vurrai cu stiddi, e custillazioni Sculpiri lu so nnomu a littri eterni. Ma nun mindica l'ostentazioni

Di oggetti esterni.

\*Resti la vana gloria dipendenti Da li parranti vucchi di la Fama, Chi godi in se beneficenza, e senti Sazia la brama.

\*Cundizioni pocu a invidiari Sarría chidda d'un diu, quannu appujatu Fussi lu so contentu a tempii, e otari Di l'omu gratu.

#### LVII.

A S. E. Sig. Duca d'Ascoll.—In occasioni dila sua promozioni a maresciallu di campu.

\*Scuvanu ancora da li nidi antichi, Ristati in funnu di la vecchia lira Amuri nichi-nichi. Di cui risona 'ntra l'oricchiu miu Lu duci ciuciuliu. Chi 'ntra li noti d'idda si raggira, E mi richiama in menti li cchiù grati 🚁 Illusioni di la virdi etati. \*M'appena ch'eu mi provu d'affidari A li soi cordi d'Asculi lu nnomu, Si mettinu a trimari Smarriti l'Amurini: e cui si ammuccia. Cui sutta l'ali agguccia La facciuzza scantata... Eu gridu: E comu, E d'unni mai ssu insolitu timuri Pri un tantu saggiu, e affabili signuri? \*Nun sai tu, mi rispusiru, chi nati Semu da l'Oziu, e da la Paci, e semu D'immagini addivati. Di curi e di pinseri, non già gravi, Ma téneri, e suavi? Nun sai tu quali orguri all'armi avemu. E a lu tunanti concavu mitallu? E proponi di campu un maresciallu! \*Oh locchi! eu ripigghiai, l'armi ch'impugna Supri tiníri arrassu, e pri tagghiari A' gaddi pizzu, ed ugna. Chisti, chi reggi vigilanti squatri,

La paci vostra matri
Fannu, comu in so nidu, cca rignari,
Abbrazzata a lu tronu venerannu
Di l'amabili nostru Firdinannu.

\*Sacciati ancora, chi a li soi cunsigghi Fida lu saggiu Re di lu so statu, Di nui so cari figghi La saluti nun sulu, ma l'internu Ordini di governu. Quantu felici augurj lu Fatu Cci duna a compromettirni, e a sperari Da un Asculi a la testa di l'affari!

\*A sti grati notizi cunsulanti Sentu la lira mia, chi rendi un sonu Cchiù allegru e cchiù brillanti, L'Amuri da li cordi sbulazzannu Drittu a li cori vannu. Però quantu è propiziu lu so tonu

A li gentili, e a li suavi affetti, Tantu menu è adattatu a gran suggetti.

## LVIII.

A D. RAFFAELI POLITI in occasioni di aviri dipintu un graziusu picciriddu in attu di ridiri.

\*'N'amabili, e ridenti Geniu di un tali risu, Chi uguali sulamenti Pò darsi in Paradisu, \*Appena ch'è trasutu Dintra la stanza mia Mi à già ringiovenutu A modu di magia. \*Lu risu so mi spinci A ridiri, è brillari. E l'anni mei costrinci A jirisi ammucciari. \* Mi apporta 'ntra lu sangu L'anticu briu, lu focu Di Anacreonti, a rangu Cu tutti mi la jocu. \*Oh Chimici assumati. Pirchi tanti fatichi? Lu lapis vui circati 'Ntra storti, e 'ntra lambichi! \* Vuliti rinovari Li jorna già pirduti? Vuliti ripigghiari La prima gioventuti? \*Lassáti stu caminu: Lu lapis truviriti Sulu ne lu divinu Pinseddu di Politi.

#### LIX.

Su la caduta di BONAPARTI.

\*Viju la gran catastrofi
Di Europa, e inorridennu
Esclamu: O di l' eserciti
Supremu Diu tremennu,
Ahi! comu lu to sdeguu
Scurri di regnu in regnu!
\*Di li Nabbuccodonossor
Li statui colossali
Viju abbattuti cadiri,
Non da colossi uguali,
Ma da pitruddi leggi,
Chi lu to vrazzu reggi.
\*Ma comu rutulannusi

#### LX.

Pri un corpu di li soi poesj mandatu ad celebri poetissa francisa.

\*'Na musa sicula Scausa e in cammisa S'offri a 'na nobili Musa francisa. \*La prima è povira, Cci manca l'isci, L'autra è magnanima, La cumpatisci. \*L'una à lu geniu Pri so parenti, L'autra lu spiritu E li talenti. \*L'una li rustici Ninfi e capanni, E l'autra celebra L'eroi, li granni. \*Chist'è ch'Apollini Scegghi, e destina A lu gran meritu

Di Carulina.
\*Fra macchi ruvidi
: D'un voscu cecu
:L'autra rannicchiasi
: Pri faricci ecu.

#### LXI.

Invitu a Nici, chi dormi di prima matina, ad arrisbigghiarisi.

\*Arrisbigghiati, mia Nici, Vaja nesci di lu lettu, Senti Zefiru chi dici, Bedda Nici cca t'aspettu. \*Già l'aurora teni in manu Lu pinzeddu a culuriri L'emisferu di luntanu. E tu pensi di durmiri? \*Febu ardenti a l'orizzonti Ah! s'affrunta d'acchianari: Nun fa luciri li fonti. Nè li munti arrussicari: \*Pirchì 'un trova lu splenduri Chi cci duna lu to visu. Unni adduma, e punci amuri 'Ntra lu jocu e 'ntra lu risu. \*L'ocidduzzi armonïusi, Chi rallegranu lu pratu, Ciuciulianu cunfusi Senza briu e senza ciatu. \*Ca nun sannu li mischini Unn'è Nici ch'è l'oggettu Di lu briu, e lu gran fini Di lu cantu e lu dilettu. \*Li ciuriddi 'mmenzu all'erbi Sfaiddanti di biddizzi.

MELI.

Ch'intricciavanu superbi La ghirlanda a li toi trizzi;

\*Ora smorti e smusciuliddi Cu li pampini quagghiati Nun cuntrastanu a li stiddi Li splenduri, e sù sprizzati.

\*Nè cehiù spanninu lu ciauru, :Chi già l'aria profumava, ·Cchiù suavi di l'addauru, E lu cori cunfurtava.

\*La ruggiada trimulanti, Cristallina e rilucenti, Chi si mustra 'ntra li pianti Comu perni d'orienti,

\*Cchiù nun pensa di furmati Dda cullana vaga, e fina, Chi sirviva pri adurnari La sua gula alabastrina.

\*Dunca, Nici, nun durmiri
Spinsirata sutta l'ali
Di lu sonnu, chi muriri
Fa pri pocu li murtali.

"Ntra li rosi e 'ntra li gigghi Stai durmennu? Ah dun'accúra Chi 'nzamai nun t'arrispigghi Langui tutta la natura!

## LXII.

1

\*Amicu teni pedi?
Talè ch'è spiritusa!
Talè ch'è curiusa!
Talè chi novità!
È donna scavunisca?
O Greca orientali?

O qualchi novu armali Chi si strascinirà?

2

"Cc'è robba pri lu pecuru, Cc'è fudda assai a lu latti, Gattianu li gatti La pasta a manu cc'è. Amicu a chi cci semu Videmunilla tutta; Sta sira è passa rutta Pri st'errami tuppè.

3

\*Ma nui lassamu a tutti 'Ncugnamunni cu chista, Nun fa cattiva vista Lu purtamentu sò.

Ddi causi a la turchisca, Ddu cappidduzzu sgherru, Un pappagaddu, un merru. Esprimiri li pò.

4

\*L'amicu so sirventi, Chi a latu fissu teni, Cancaru! si manteni Cu tutta proprietà. Cci sù tant'autri a cantu, Chi fannu li buffuni,

Ma sunnu muscagghiuni Ch'appizzanu cca e ddà.

\*La vuci è troppu flebili, Ch'è modda a lu parrari! Cui sa si 'ntra l'amari È grevia accussi? Ma l'apparenza inganna: Sarrà di bona grazia. Chi a tutti quantu sazia

R.

"Ma cosa cc'è di malu
Chi smovi lu pitittu
A cui 'un camina drittu,
A cui severu stà?
Li gammi si cci vidinu,
Lu cintu cumparisci,
Ed accussi cchiù accrisci
La curiusità.

7

É 'na lanterna magica, Amicu, sta banchetta; Statti cuetu aspetta Cc'è nautra novità.

A la pittinatura
Mi pari Bradamanti
Cu tanti pinni e tanti,
Chi guirriggiannu và.
8

\*Amicu pigghi erruri, Scappau qualchi cavaddu, 'Mpinnatu, comu un gaddu, All'usu anticu sò.

Chi vai scacciantu, pesta! Nun senti a lu parrari Ch'è donna, e si fa amari Pirchì lu so 'un è sò.

\*A sta figura nova Chi tira tanti ucchiati 'Ncugnamucci a li lati Pri vidiri cni è.

Ppu chi franzisaria! Mi suppunia cui era! Cu tutta sta chimera, Cu tuttu stu tuppè.

10

\*Adaciu ca cc'è robba! So matri l'ama puru, Si cridi, chi a la scuru Nun si conuscirà:

E fibbia di scarpa, Chi porta 'ntra dda testa Chi cci vegna la pesta È 'na difformità,

11

\*Ch'è linna, ch'è ammastrata! Chi bizzarria, chi sfrazzu! Talè com'un spicchiazzu Cci luci ddu miml.

Aneddi, scocchi, e noliti Di supra leva, e metti, E vecchia e bona sdetti A sti franzisari.

**12**.

\* Mi nni vogghiu iri amicu
Facennumi la cruci,
Li senti quantu vuci,
Chi parracia chi cc'è?
È na suvirchiaria,
Vonn'essiri sparrati,
E sta sua novitati
Finisci cu l'olè.

LXIII.

## AMURI NAVIGATURI.

\*Lu regnu d'amuri Cui voli girari Bisogna imbarcari La sua libertà.

\*Però cui s'imbarca Senz'arti, e viscottu S'annega 'ntra un gottu Ne junci cchiù ddà.

\*Cu multa accurtizza Si pisca un istanti, Ca troppu è incostanti St'Oceanu, oimè!

\*S'osservanu prima Di l'occhi li stiddi, S'influssi, o faiddi Di Amuri cci n'è.

\*L'Amuri è pilota Chi ammutta di paru, Circannu lu scaru Di geniu sò.

\*Cu reguli esatti Cuntempla, talia La lattia via Cchiù dintra chi pò.

\*La bussula guarda,
E pri tramuntana
La prima quadana
Ch'acchiana all'insù.

\*Appoggia la prua D'Alcidi a li signi, E avviva l'ordigni Chi dintra cci sù.

\*Passanu lu capu Di Bona Spiranza L'insultu s'avanza Cchiù granni si fà.

\* Lu celebri strittu, Com'è a Gibilterra, Nun pena nun guerra,
Ma spassu cci dà.

\*Ammutta li rimi
Si vidi la calma,
Li vili poi spalma
Pri curriri cchiù.

\*Sbalzatu, agitatu
Da moti ineguali
Si trasi in canali
Va tenilu th.

#### LXIV.

\* Nun cchiù a Porta Filici, Nun cchiù 'ntra dda marina, L'Autunnu s'avvicina, Lu friscu spiacirà. Li cafitteri sbignanu, La musicata speddi,

E li puddicineddi Nun jocanu cchiù ddà.

\*Ddi fodiduzzi bianchi Puliti, e trasparenti Ddi curti vistimenti Nun s'usirannu cchiù.

La donna, chi vinia Scuverta, ed attillata Nun po tutt'ammastrata Nesciri in chiazza cchiù.

\* Dd'ucchiati, vezzi, e noliti, Dd'amuri a tutt'in faccia, Ch'ognunu a fari 'n caccia. 'Neasa si spiddirà. Comu chidda simenza Chi siminaru alcuni Dintra ddu bastiuni All'annu fruttira.

l.

\*Diversu briu cumincia Pri chiddi gran citati, Cc'è la disparitati Si fa quantu si pò. Pri li signuri nobili. Ridutti, ed opri boni, La cunvirsazioni Fissa unni Cisarò.

5

\*Pri chisti fa lu munnu; La carni e lu dimoniu, Focu di S. Antoniu Cui si cunvirtirà. Quant'aprinu la vucca

Quant'aprinu la vucca Carrozzi, e vulantini Gran tavuli, e fistini, Tutti commodità.

\*Si tratta a la francisa, Nun sù nenti gilusi, Sù tutti affittusi, Nun cc'è nè meu nè tò. Pr'iddi è impolizia Qualura la sua dama 'Un joca, 'un balla, 'un ama,

7

Ma fa lu fattu sò.

\*Anzi taluni stilanu Chi lu maritu và, Pri stari in libertà Unni la mogghi 'un cc'è. 'Annu morali a parti, La liggi sua briusa 'N'è nenti scrupulusa Ognunu fa per sè.

8

\*Tutta la sua limosina Cu li cumidianti, Pirchì sù casti, e santi, Nè sannu diri nò.

Cui nun proteggi a chisti, Cui nun cci spenni e spanni, Nun è signuri granni Nè sa l'obbligu sò.

\*Ma comucchi l'Invidia 'Ntra stu paisi regna, Chi fora a tutti sdegna Stu bruttu fari ccà.

La vonnu gariggiari Cu li signuri nobili, Pirsuni bassi, e ignobili Misi in prosperità.

ĺO

\*Appena è fattu judici ' Un picciulu avvucatu, Voli mutari statu Cu fari di lu cchiù.

Chi lussu! Chi superbia! 'Ntra sta professioni, Quantu mal'azioni, Chi aggravi cci sù.

11

\*A forza di dinari." Lu drittu s'è decisu,

Non sono più que tempi.

Lu puvireddu è 'mpisu : Chi liggi è chista ccà?

E, giustu Diu, permetti Chi doppu la sua morti Li figghi un fannu sorti, E tuttu si disfà?

12

\*Nescinu ancora in chiazza Certi niguzianti 'Tant'autri mircanti, Cust'aria accussì.

Sù misi in cacaticchiu Taluni professuri, Chi a forza d'imposturi Fannu qualchi tarl.

· 13

\*Si vestinu a cridenza, Tincinu li mircanti, Scrusciu e carta vacanti, Badagghi in quantità.

Cu sei tarl un garzuni Tennu di piluccheri Basta chi la mugghieri Frisata affaccirà.

14

\* Nun cc'è suggizioni
Pri li figghiuzzi schetti,
Tuttu si cci permetti;
Ma basta...'Un parru cchiù.
Cui pri cunvinienza,
Cui pri nicissitati,
E poi sta libertati

Finisci a frustustù. 15

\*Ancora 'un sunnu in liti E lu maritu, e mogghi,

Chi purcarii, chi imbrogghi, Mischina mia chi cc'è. O tempora, o costumi! Sclamava Ciciruni. Seculi cchiù briccuni Di chisti nun cci nn'è. 16

\*Chi senti ddu mastricchiu. Ddu signa piluccheri, Ddu poviru stafferi Cu tanta vanità. Un misi di scarsizza, 'Na lunga malatia, La sua baggianaria

Pri l'aria si nni và. 17

\*Veni lu scancia, e mancia, Nun ànnu ch'impignari, Nun sannu comu fari, Mugghieri pensa tù. Dura nicissitati

Meritamenti poi, Pri chisti sfrazzi soi. Pri fari di lu cchiù.

18 \* Figghioli cumpatitimi, Lassatimi parrari, Facitimi sfugari Ca scattu masinnò.

Ma cui s'incugna troppu, Cui scherza 'ntra stu mari, Certu s'àvi annigari Povira umanità.

#### LXV.

Pri l'elezioni di Diputatu di la Università di li Studii di Palermu in pirsuna di S. E. D. GIUSEPPI VINTIMIGGHIA Principi di Belmunti.

Dignum laude virum Musa vetat mori.

Hon. od. x111. lib. 1v.

\*Saziu oramai di l'Elicona, e stuffu Di dari corpu ad umbri, e a vani idei, O santa Verità, li labbra mei 'Ntra lu to fonti attuffu.

\*Ora chi fridda età cunverti in petra Lu corpu, e l'ali di la menti in chiummu, Nun mia, ma vuci pubblica rimbummu, Fatt'ecu di Triquetra.

\*Non vicenni d'imperj, e di guverni, Lordi d'umanu sangu sparsu a ciumi, A nutari vegn'iu 'ntra li volumi Di li registri eterni;

'Ma l'omu di la pubblica impurtanza Portu in cima di l'epochi a Minerva, Chiddu, chi di l'onuri nni preserva

Di gotica ignuranza;
\*Chiddu chi avviva la dimissa frunti
A li scienzi, e li susteni amicu,
Ch'eternu vivirà Giuseppi, eu dicu,
Principi di Belmunti.

\*Chi da pianeta, chi propiziu raggiu Assorbi da lu suli, e poi dispenza, Regia profunni cca munificenza

A pubblicu vantaggiu.

\*Pri cui Filosofia s'allegra e torna A visitari la sua antica sedi, Unni a cantu d'Empedocli, e Archimedi Gudiu felici jorna.

\*E li Siculi Genj sviluppannu L'ali, chi prima avevanu 'mpicciati, Volanu pri li spazj esterminati Li sferi misurannu.

\*Autru la luci anatomizza, e sparti; Autru la mobil'aria assoda, e fissa; L'acqua dividi in arj, e poi la stissa Da l'arj forma ad arti.

\*Cui sciogghi li cumposti, e li sfigura, E l'elementi rimarita, e unisci, Vidi li novi corpi, e nni stupisci

Attonita Natura.

\*Autru dà senzu, ed anima a li marmi, Cui tili avviva, e cui culonni ed archi Opponi di lu tempu e di li Parchi

A l'insensibil'armi.

\* Focu d'estru immurtali chi rapisci
Sublimi genj a li fortuni, e all'oru,
L'associa in Pindu a lu Pieriu coru,

indu a lu Pieriu coru, Ch'alletta, ed istruisci. utri prodigi da vantari

\*Chisti ed autri prodigj da vantari Sicilia ti è accurdatu pri li curi D'un figghiu a gloria tua natu, e ad onuri, Chi divi immurtalari.

\*Quali midagghia, o nobili trofeu, Si divi a la sua gloria in monumentu? Spirami Apollu tu... basta ti sentu, Lu pubblicu Liceu!

MELI. 19

'Chistu sarà lu tempiu augustu, e piu, Unni 'ntra li bell'arti e li scienzi Li nostri eterni avrà riconoscenzi Sin tutelari Diu.

#### LXVI.

A la Maistà di FINDINANNU III Re di li dui Sicilii — In occasioni di la ricurrenza di lu so jornu nataliziu.

> Privilegiu anticu, e granni Sempr'è statu pri li Musi Penetrari a tutti banni. Puru ancora a porti chiusi: Di lu celu 'ntra l'internu Cu li Dei stari in delizi. Spissu scurriri l'infernu, E purtaricci notizj. A lu vivu Omeru espressi Di li Dei l'aggiuntamenti. Pirchi a tutti ddi congressi La sua musa fu prisenti. Putia mai iddu sapiri. Ntra sta bassa terra chiusu Li cuntrasti, e dispariri. E l'intrichi di dda susu? Danti dici : chi trasiu Wivu in Diti. Eu nun cci juru; Chi la Musa sua cci jiu Chistu sì vi l'assicuru: Pirchi ddocu la gran prova Nun cunsisti intra l'entrari; Prova granni, ch' 'un si trova E niscirinni, e scappari. Anchi Milton, anchi Tassu

Li soi Musi cci mannaru, Chi di Phutu, o Satanassu Li comblotti rappurtaru.

M'a chi jiri cchiù citannu Quann'è cosa chiara, e certa, Chi li Musi usn'è chi vannu 'Annu sempri porta aperta;

Dunca, Musa mia, tu sai Quantu divu a lu Suvranu, Tu, chi ostaculi nun ài Vacci, e basacci la manu.

Chiavi 'un àju, 'un sù fasciatu, Nè sù ammisu a un tentu onuri, Cumpatisci lu miu statu Vacci tu, fammi favuri.

Oggi è festa, pri nui, granni Di alligrizza, pirchi torna 'Ntra lu circulu di l'anni Lu cchiù bellu di li jorna,

Chiddu appuntu, chi a purtatu A la luci stu rignanti, Chi a vassalli onesti è statu Un benignu patri amanti.

Dicci...(cca m'imbrogghiu anch'iu) Portu augurj... Ma stà a tia L'avvirarli? Ah vogghia Iddiu, Tu rispunni, stassi a mia.

# CANZUNI.

I.

Scritta in tempu, e nell'occasioni chi s'incominciava a costruiri la Villa Pubblica pri lu zelu patrioticu di lu fu Eccmu D. An-TONINU LA GRUA E TALAMANCA allura preturi di Palermu.

> Ntra lu pettu nun cci à cori Cui nun godi la marina. Cu sta bella siritina 'Ntra sta villa chi sì fà?

Già si sviscera la terra Pri impristaricci li marmi, Ouantu ciarmi, chi rinserra La funtana chi cc'è ddà! Lu gran Geniu d'Aduni Da l'esperidi vinutu, Va spargennu 'ntra st' ignuni La cchiù bella amenità. 'Ntra lu pettu ecc.

Zittu zittu : sentu scrusciu! Talè l'acqua comu casca Di dda vasca, e musciu musciu Lu spannenti si nni và! Chianci, e fa milli raggiri 'Mmenzu all'ervi, unni si trova, Forsi prova dispiaciri A lu nesciri di ddà. 'Ntra lu pettu ecc.

3.

Senti senti comu ciata Lu frischettu 'ntra ssi frunni! Cci rispunni innamurata La Marina poi di ddà.

Quantu Grazj, quantu Amuri Nni sbulazzanu d'attornu! Di lu jornu lu splenduri Cedi all'umbra chi cc'è ccà.

'Ntra lu pettu ecc.

Oh li Ninfi di l'Oretu Vranchi vranchi, linni linni!

Giovi scinni, e stà cuetu
S'è possibili cchiù cca.
Tutti gridanu a lu celu :
Viva Amuri, viva cui
Fici a nui cu lu so zelu
Sta felici libertà.
'Ntra lu pettu ecc.

H.

# LI PISCATURI.

Supra lu scogghiu
Di Mustazzola
L'aipa vola
L'aiba si fà.
Picciotti beddi
Viniti a mari,
L'acqui sù chiari,
La varca è ccà.
2
Sunati brogni

Figghi di l'unni, Ca vi rispunni Prontu l'olè. Concavi grutti Via risunati,

Via risunati, Arrisbigghiáti L'ecu chi cc'è.

3 Sta gran chiaría Sparsa d'intornu , D'un bellu jornu

Fidi cci fà.
Un frischiceddu
Chi appena ciata,
L'unna salata
'Ngrispannu và.

Deh veni, o Dori, Vuci d'argentu, Quintu elementu, Novu Perù.

Veni a cantari Dda canzunedda: »Un'Anciledda »E forsi cchiù.

Cci vogghiu a Nici Di pettu quatru, Chi l'occhiu latru Muvennu và.

La sua prisenza L'almi ristora, Comu l'aurora L'ervi d'està.

> 6 Cinta à la frunti

Di juncu, e d'arca, E nun s'imbarca Nici! pirch!? Nici pretenni

L'autri imbarcari, Nici piscari Soli accussi.

7

Ràisi Andría Pripara l'amu, Idd'è lu chiamu; Ecculu ddà.

Avi 'na riti Di fina magghia, Chi la fragagghia Scupannu và.

R

Jamu a li nassi; Oh chi piaciri! Jamu a vidiri, Chi pisca cc'è.

Vidremu sbattiri Vivi e virmigghi, Scrofani, e trigghi A tinghi-tè.

Lu mari invita, Lu friscu alletta; Via chi s'aspetta? Via chi si fà?

Picciotti beddi, Viniti a mari; L'acqui sù chiari; La varca è ccà.

IIL

O bedda Nici,
Scuma di zuccaru,
E chi ti fici,
Ca 'un m'ami cchiù?
Nun cc'è jurnata,
Chi 'un sì 'ncagnata;
Chi sorti rética
La mia chi fù!

Chi ti nni veni,
Bedda, ad amarimi?
Vogghimi beni,
Chi custa un sì?
Gnocu-gnucannu
Vai rifriddannu!
Santu dipantani!
Dimmi pirchi?

M'ài pr'importunu,
Pirchi lu sáturu
A lu dijunu
Fidi 'un cci dà.
Lássati amari,
Biddizzi rari,
Via cumpatemunni
Pri carità.

'Ntra ssi labruzzi Cc'è l'incantisimu, Dintra ss'ucchiuzzi Cc'è un non sò chì, 'N'amaru duci, Chi s'introduci, E manna 'mpásimu L'arma a ddl-ddl.

5

Pri quantu aduru Ss'ucchiuzzi amabili, Bedda, ti juru, Chi 'un pozzu cchiù. Si tu 'un ti muti, Si tu 'un m'ajuti, Eu moru, e causa Nni sarrai tù.

## IV.

Allurtimata
Jeu chi ti fici?
E vaja, Nici,
Vaja, chi fù?
E vaja via,
Vaja, biddicchia,
Ridi tanticchia,
Vaja 'un sia cchiù!

No, nun cei vaju Cehiù dda unni chidda; No, picciridda, No, figghia, nò.

Nun ti scantari, No, gioja mia, Autra, chi tia Nun amirò,

Tu puru ajeri, (Mi nni addunavi) Puru jucavi Cu chiddu ddà. Poi si joch'eu, Fai lu cucchiáru, Ed eu l'amaru Nun dissi un'à.

/s.

Mi mi fai tanti; Mi rispittiju, Pirchi lu viju Ca 'un m'ami cchiù. Tu mi voi mortu; T'àju stuffatu,

T'àju stuffatu, Cu stu filatu Mi dici sciù.

5

Sl, ca spirisciu, Mi chiancirai, Si sintirai : Iddu nun cc'è... Ma tu chi chianci!

No, gioja mia, Nun dicu a tia, Via, spagna-rè.

V.

ť

Forsi pirchi nun m'ami, Aju a cripari in peddi? Ad autri assai cchiù beddi Cci dissi sciù-nna-ddà.

E tu, ti cridi forsi, O pezza di sumera, Chi autr'asina a la fera Di tia nun cci sarrà?

 $\mathbf{2}$ 

'Mmátula ti nni veni

Cu l'aria, e lu sfrazzu, E via chi sugnu pazzu! O qualchi gnignali!

Jeu cchiù stimari a tia? Jeu fariti cchiù 'nnormi? Va curcati, va dormi, Cosa pri mia nun sl.

3

Bon'è ca t'àju ad occhiu. Cridimi, ch' 'un mi pischi; Sti modi picciuttischi Cu mia 'un cuntanu cchiù.

Si 'un vai di francu-a-franca, Si nun stai cchiù a li patti, Chi t'àju a diri? Statti : Però cci perdi tù.

Ch'a mia, chi sù tinutu Pri onestu, e facci bianca, 'Na crocchiula nun manca, Certu la truvirò.

Sarrà carni di vacca, Non jencu, comu tia, Almenu è tutta mia, Ma in tia 'un cc'è meu, nè tò.

5

E comu la sai tutta!
Davanzi billi-balli,
Darreri pri tri calli
Tu canci anchi a lu rè.
Cunta cu mia ssa robba?
Chi cridi ca sugn'orvu?
'Ntra picciunastra, e corvu
Gran differenza cc'è.

6 Tu cridi ca sti chiacchieri Sù ditti pri 'un inciuria? E chista prima furia Fra brevi passirà?

E sti paroli a sganga, Ti cridi tu, gramagghia, Chi sù fumu di pagghia, Chi allura si nni và?

7

T'inganni puviredda; Ver'è chi l'autri voti Ti fici sti rivoti, Chi poi 'un duraru cchiù; Ma l'arcu poi si rumpi Si assai lu tiri, e smovi, E truniannu chiovi: Ora stà allerta tù;

8

Jeu poi ch'aju a 'nfuddiri Cu tia curuzzu amatu? Nun mi l'aju sunnatu, Ne mi lu 'nzunnirò.

Agghiuttu, agghiuttu, agghiutt Ch'è stomacu di ferru? Ma guarda si poi sferru, Lu peju iddu è lu tò.

9

Si foddi, si 'nfirnicchia, Si fausa, e si ciraula, Oh pesta! chi diaula! 'Nautra 'un si truvira! Finemula sta vernia: Jeu mancu cu vossia': Vossia mancu cu mia<sup>2</sup>: Bongiornu...scucchia...ccà.

<sup>1.2</sup> Qui si sottintende, acrò, acrà amicizia.

VI.

## LU CUNSIGGHIU.

1

Pri diriti lu veru, Amicu miu, ti chianciu, Vidi ca pigghi un granciu, Chi 'un ti lu scordi cchiù.

Lu munnu è malu assai Amicu cridi a mia; Lidda ti cutulia, E'un ti nni adduni tù.

2

Tu cridi (oh cecu Amuri, Chi annorvi anchi l'amanti!) Chi Lidda, comu avanti T'à amatu, t'amirà;

E veru comu avanti Lidda ti cutulia, Prima cu pulizia, Ora cu libertà.

Prima ch'era sulidda La povira picciotta Cu fari l'alcirotta Facia lu fattu sò. Ora, ch'è situata, Carrozzi, e menzu munnu,

3

Lidda firria tunnu Nè à lu pinseri tò.

Tu di sta cosa, eu criu, Nni si menzu squadatu: Ch'o fui da l'autru latu Jucannuti a bue;

MELI.

O misa in gravitati Pri darisi chi fari Cumincia a cumannari Li paggi e li lacchè.

5

Cchiù chiaru l'ávi a diri Chi cci ài siccatu l'arma? Si tedia, si sdisarma Lu sangu 'un cci cunfà.

Sù genj tanti voti, Ch' 'un currinu di paru; S'è chistu 'un cc'è riparu : Nè áv'idda reità.

6

Vidi s'cu sù sinceru : Sì beddu, e graziusu, Sì duci, ed amurusu, E vai quant'un Perù;

Ma chidda seguitannu Lu stili fimmininu, 'Nclina cu lu scintinu : Cci ài a dari liggi tù?

7

Risbigghiati 'na vota: Nni mancanu fodeddi? Forsi lu munnu speddi? Lassala gnignali.

Lidda è 'ndiavulata, È viva, è pizzutedda, Ti à misu la fodedda, Juracci ch'è accussì.

8

Va lassala, va chiantala, Lu vidi quant'è ingrata? Vidi quant'è ostinata? Nun cci pinsari cchiù. Sciògghiti ssa catina, Va cérca di sfrattari, Si nun ti voli amari, L'ài a fari a tu pri tù?

### VII.

## LISA A FULANU.

1

Chi cc'è'un semu cchiù nenti?
A chi nun sù cchiù chidda?
E la tua crucchiulidda
Nun cci fai cera cchiù?
Figghioli 'un cc'è cchiù munnu
E cui lu vulia diri?

Li ciammi, e li suspiri Fineru a frustustù!

2

Tu ora si cuntenti?
Sciala, ch'ài fattu prisa,
Com'ora chianci Lisa,
Appressu poi cui sà?
Senti lu munnu è rota,
Amuri à li saitti,
Forsi li mei vinditti
Un jornu li farrà.

Teni tu forsi ad occhiu Qualchi pupidda nova! Sl, sl, curuzzu prova, E nun ti dicu cchiù. Nun manchirannu a mia... Basta mi dugnu vinta... Jeu sugnu la cchiù tinta; Lu restu lu sai tù.

Ŀ

Tu sai... (Bensl àju fattu La mia obbligazioni); Ma tu sti tratti boni Cu mia nun l'ài però.

Appena chi ti cuntanu Quattru farfantarii, Tincagni, e 'un mi talii, Chistu è lu stili tò.

5

'Mparissi mi fai l'omu, Ma nun conusci beni Lu ventu d'unni veni, Nè vidi lu pirchì.

Lu veru piseaturi Va in cerca a la maretta; Tannu la lenza jetta, Capisci gnignali?

'n

Lu dicu a leta facci: Sti chiacchiari, e imposturi, Ridundanu in miu onuri, E nun è vanità.

Tu ora già mi senti; Nè occurri di spiegari, Ti vonnu scavaddari, E l'asinu cci stà.

Cu mia nun fannu pani Però 'un facemu nenti, S'eu tiru, e tu l'allenti, Ma teni forti tù.

Voi dari cuntintizza A tanti bonavogghia? Lassali diri, avogghia, Finemula, 'un sia cchiu. 8

Ch'è beddu stari in paci! Viviri arripusati, O armi 'nnamurati, È veru si, o nò? Qualchi peripateticu Dici però, ed attesta: Chi Amuri 'ntra timpesta Sbampa lu focu sò.

E siasi comu vogghia, Timpesta cci nni à statu, E via, curuzzu amatu, Fa paci, e dimmi sì. Sì bonu, sì bon cori; Ma cosi tinti nn'ài Ma mi nn'ài fattu assai, Nun sù nè dui, nè trì.

10

Vidi ca poi la spezzi,
Nun la stirari tantu,
Jeu stissa mi nni scantu,
E via... chi gustu cc'è?
Semu chiddi chi semu,
'Ntra nui sti cosi? oh babbu!
Ogn'unu si fa gabbu,
Cui senti fa l'olè!

11

Pri mia nun ti dicu autru; Pensa s'ài cori in pettu, Chi tu di lu miu affettu Nni ài provi in quantità.

Lassami in abbandunu; Scurdariti di mia, Lu lassu diri a tia, S'è prova d'onestà.

FINE DEL PRIMO VOLUME.

• 

## INDICI.

## BUCCOLICA.

```
I NTRODUZIONI. - Sonettu I. p. 3.
                 Sonettu II. p. 3.
I.
      Egloga - Primavera p. 4.
I.
      Idiliu - Dameta p. 7.
11.
      Idiliu - Lu craparu p. 12.
11.
      Egloga - Li munti Erei p. 15.
III. Egloga — Piscatoria p. 24.
IV. Egloga — EsTA' p. 27.
III. Idiliu - Dafni p. 34.
IV. Idiliu - Teocritu p. 38.
V. Egloga — AUTUNNU p. 46.
     Idiliu — Mirtillu p. 52.
VI. Idiliu - Martinu 55.
 VII. Idiliu - Polemuni p. 63.
 VIII. Idiliu - Invernu p. 69.
 IX. Li piscaturi p. 79.
      Idiliu - La villa favurita p. 84.
 Parafrasi p. 89.
                       ODI.
```

I. Lu viaggiu retrogradu p. 92. 11. La pascita d'amuri p. 95. Ш. Li capiddi p. 96. lV. Lu gigghiu p. 98. v. L'occhi p. 99. VI. Lu labbru p. 101. VII. La vucca p. 102. VIII. La vuci p. 103. IX. L'alitu p. 104. X. Lu pettu p. 105. Lu neu p. 106. XI. Lu non-so-chi p. 107. XII. XIII. La simpatia p. 108. XIV. Li grazj p. 109. XV. Lu gesuminu p. 110. XVI. L'aruta p. 111.

```
XVII
            La colica p., 113.
XVIII.
           La munita fausa p. 114.
XIX.
           Li baccanti p. 115.
XX.
           Lu rusignolu p. 118.
XXI.
            Lu briu p. 119.
XXII.
            D. Chisciotti p. 122.
XXIII.
            La morti di Saffu p. 124.
XXIV.
            La paci p. 125.
XXV.
            La fortuna p. 128.
XXVI.
            Lu geniu d'Anacreonti. p. 129.
XXVII.
            L'indoli d'amuri p. 131.
XXVIII.
            La cicala p. 182.
XXIX.
            Innu a Baccu p, 135.
XXX.
            In lodi di lu vinu p. 140.
XXXI.
            La ze-Sciaveria p. 142.
XXXII.
            Contra la sua professioni di medicu p. 145.
XXXIII.
            Scherzu su la condiscendenza di D. Marianu
              Scassu p. 146.
XXXIV.
            La canuzza p. 149.
 XXXV.
            Lu sistema di Linneu p. 150.
 XXXVI.
            Dafni p. 152.
 XXXVII.
            La filosofia d'Anacreonti p. 153.
 XXXVIII. Su lu stissu suggetta p. 155.
 XXXIX.
            L'illusioni p. 155.
 XL.
            Innu a Diu p. 162.
 XLI.
            A la musa p. 163.
            A S. E. D. Franciscu d'Aquinu p. 165.
 XLII.
 XLIII.
             A S. E. D. Luigi Medici p. 172.
 XLIV.
            A S. E. marchisi Simonetti p. 175.
 XLV.
             A lu cumandanti D. Giuseppi Poli p. 178.
 XLVI.
            A la sig. Cornelia Ellis Miss Knight p. 179.
 XLVII.
             A S. E. sig. principi di Belmunti p. 181.
 XLVIII.
             Innu a Lucina p. 183.
 XIL.
             Lu divorziu p. 183.
 L.
             Pri li nozzi di lu signuri N. N. p. 185.
 LI.
             Pri li dui fratelli Bartolomeu e Marcu Co-
               stanzi p. 186.
 LII.
             Ad una comedianti chiamata la Davi p. 187.
 LIII.
             Saffica p. 187.
 LIV.
             A S. E. L'ammiraghiu Nelson p. 191.
 LV.
             A lu cav. D. Giuseppi Poli p. 194.
             La beneficenza p. 196.
 LVI.
 LVII.
             A S. E. sig. duca d'Ascoli p. 100.
```

LVIII. A D. Raffaeli Politi p. 200.

LIX.

Su la caduta di Bonaparti p. 201. Pri un corpu di li soi poesi mandatu ad una LX.

celebri poetissa francisa p. 204.

Invitu a Nici p. 205. LXI. LXII. Amicu teni pedi p. 206.

LXIII. Amuri navigaturi p. 209. LXIV.

Nun cchiù a porta filici p. 211. A S. E. D. Giuseppi Vintimigghia p. 216. LXV.

LXVI. A la Maistà di Firdinannu III p. 218.

#### CANZUNI.

I. All'Eccmu D. Antuninu la Grua p. 220.


Li piscaturi p. 221. 11.

() bedda Nici p. 224. 111. IV. Allurtimata p. 225.

Forsi pirchi nun m'ami p. 226. v.

VI. Lu cunsigghiu p. 229.

VII. Lisa a Fulanu p. 231.



## POESIE SICILIANE

D [

# GIOVANNI MELI.

SESTA EDIZIONE SICILIANA.

8

Vol. SECONDO.

Palermo,

ROBERTI EDITORE PROPRIETARIO.

Lurgo Casa-Professa nº 17.

1839.

TIPOGRAFIA E LEGATORIA ROBERT

## LIRICA.

.

## CANZUNI E OTTAVI.

T.

Littira all'illustri D. GIACINTO TROYSI—Su lu statu presenti di la morali filosofia.

> Vui, chi chiuditi in pettu Sana filosofia. E dintra l'intellettu L'oraculi di Astria, Chi uniti a li talenti Un'alma dritta, e saggia, Spiegáti: sta presenti Età pirch'è malvaggia? Fatt'ánnu vol'immenzi. E all'augi soi si vidinu E l'arti, e li scienzi; Ma l'omini s'ocidinu! Chi cosa vi nni pari? Cehiù chi li lumi criscinu. 'Neanciu di migghiurari, L'omini insalvagiscinu! Dirremu: chi li lumi Cei fannu stravaganti? Ah! manca lu costumi. Scienza echiù impurtanti! D'ogni società Sù oggetti di grandizza L'arti, e scienzi; ma La basi è la saggizza. Idda rimetti in strata L'umani passioni,

E in forma regolata
La società disponi:
Idda sviluppa, e stendi
Li facultà morali,
Ed ammansisci e rendi
L'omini sociali:

Idda è l'utili, e pura Filosofia di l'omu : Ma l'omu, o la trascura, O abbusa di lu nomu.

Quannu qualcunu affattu Nun à sensu comuni Lu vulgu dici : è mattu, O gran filosofuni :

Metti 'ntra 'na valanza, E a li dui lati appizza L'ultima stravaganza, L'estrema saviizza.

E in verità parrannu Diciti : cui cci curpa? Stu nomu venerannu In oggi cui l'usurpa?

Chiddu di testa sbaria, Chi a nudda cosa è bonu, Chi fa casteddi in aria, E nesci fora tonu:

Chi teni un capitali Di filastrocchi a menti, Chi parra o beni, o mali A sturdiri li genti:

Chi oltramuntani cita Oturi aspru-sonanti, Chi a 'na vocali unita Cci ànnu sei consonanti:

Ch'impugna e disapprova Li cosi stabiliti, E a modu so rinova Liggi, costumi, e riti; Chi cu Platuni pubblic

Chi cu Platuni pubblica, Quasi 'ntra 'na pinnata, 'Na florida Repubblica Da stari in scaffarrata...

Sti tali sù fantastici, Superbi d'intellettu, Nati cu moddi elastici, Ma maj vidinu nettu.

Vi parinu impiegati Tutti a l'oggetti esterni, Ed iddi sù occupati Da li fantasmi interni.

E chisti li producinu Cu entusiasmu tali, Chi a cridirli v'inducinu S'aviti pocu sali.

Sti dotti, sti eruditi Non da paroli, ed atti, Conuscirli duvriti Da l'operi, e li fatti.

Vestinu pinni vaghi, E spissu senza macchi, Però rubbati a paghi, E sutta sù curnacchi.

Tuccatili cchiù a funnu, L'internu esaminati, Diversi, oh quantu sunnu Di comu vi pinsati.

Lu vulgu, ch'era illusu Da chiacchiari, e paroli, Si un dottu viziusu Scopri, di cui si doli? Di la filosofia,

E ad idda in coddu jetta

Tutta la strammaria Di un'anima scurretta.

Lu vulgu 'mbrogghia, e 'mmisca La vera cu la finta.

E mentri l'una trisca,

L'autra di obbrobriu è cinta:

L'autra chi sulu attenni All'opri saggi, e boni, E lu so imperiu stenni Supra li passioni.

È sta saggizza intantu Cu vesti, ohimè! strazzata, Muta si stà da cantu

Povira, e disprizzata!

Li tempi, oimè! canciaru,

Filosofia mischina! In quali statu amaru

La sorti ti cunfina! Tu, chi a li trona allatu, Cara a sublimi ingegni

Li savj liggi ài datu A nazioni e regni :

Tu, chi a li sedi augusti Di li Vespasiani,

E di l'Aurelj fusti

Delizia di li umani:
Tu... Ma tu godi in tia

Paci, e serenitati, Deh chianci, o musa mia,

Supra l'umanitati!

Chianei chi regna, e spurpa La ciarlatanaria, E anchi ku nomu usurpa

Di la filosofia.

## II.

## Littira a lu sig. D. FRANCISCU PASQUALINU.

Lasciu li vani tituli Judici, e prisidenti, Sù onuri pri chist'isula, Fora di cca sù nenti.

Ieu scrivu a lu politicu, All'eruditu e saggiu, Chi sapi di la storia Cavairinni vantaggiu.

Vegnu a comunicarivi Stu dubbiu, chi mi veni: Dannatu è a morti Socrati Da l'erudita Ateni:

Mentri poi la stississima Morali suprafina Quasi da Diu Confugiu Onurasi a la Cina.

Pirchi in un regnu esaltasi Dunqui la saviizza, E si castiga in 'nautru Cu tanta riggidizza?

È veru, chi 'ntra l'omini Nun fannu eccezioni, Pirchl sù frequentissimi Li contraddizioni.

Ma puru anch'è verissimu, Chi la morali è innata Nell'omu, e perciò merita D'essiri rispittata.

Ciò non ostanti osservasi, Ch'è affari anchi di moda; In tempi nun si calcula, In autri poi si loda.
Fu Roma 'ntra cert'epochi
E saggia e virtuusa;
In autri fu un prostribulu,
E in tuttu viziusa.
Puru a ddi tempi Seneca
Massimi saggi, e boni
Spacciava, ma nun ficiru

Nessuna impressioni.

Ma Seneca era un singulu,
Nè putia dari tonu,
Mentri lu malu esempiu

Parteva da lu tronu . Era un torrenti rapidu, Chi cadía d'autu a basciu, E tuttu strascinavasi Cu gridu summu, e scasciu.

Di Seneca li massimi, Si dici poi, chi esatti, E uguali nun currevanu Cu li soi propri fatti.

Cci criu, pirchi sti Senechi Pur'anchi a tempi nostri Cci sù chi ciarmulianu Pri strata patrinnostri.

Turnannu dunqui a Socrati, Ultra, chi fu un privatu, Truvau in Ateni un populu Diversu assai muntatu:

Lussu, bell'arti, e littiri Eranu in chiaru lumi, Ma multu trascuravasi Per iddi lu costumi. Dicchiù, ehi la politica

<sup>:</sup> Si sa che Seneca su a tempi che regnava Nerone.

Di allura suffria mali, Ch'avissi un predominiu Cchiù d'idda la morali.

Vosi a la testa mettiri Confugiu la natura Di un populu assai docili, Capaci di cultura.

Pirtantu putia imponiri, E fari da torrenti Cu strascinari l'omini A li soi sentimenti.

Putev'anchi componiri In postu si elevatu Saggia morali pubblica, Politica di statu.

E poi torna a ripetiri, Puteva a manu franca Massimi saggi imprimiri 'Ntra cori carta bianca.

Ma duvi la malizia Cci à impressi li soi intrichi, Voi cosi novi imprimirci? L'impasti cu l'antichi,

E un mistu poi risultanni D'un orridu ircocervu Chi pri dumarlu 'un bastanu, Virga, vastuni e nervu.

No, la virtù nun penetra 'Ntra cori già corrutti; Cci vonnu pri riducirli Castighi, e cosi brutti.

Sti cori nun conuscinu Fiducia, nè amuri, Ma sulu, comu bestir, Sentinu lu timuri.

Ateni ritruvavasi

MELI.

'Ntra stu cattivu statu A tempi chi fu Socrati A morti cunnannatu. i. Tralasciu a li politici L'autri riffissioni, Chisti a 'n'amicu bastanu. Ch'avi cognizioni. iria y f

III.

. 1 Spacca l'alba da lu mari Eccu già lu suli affaccia. **E li tenebri discaccia** Cu lu chiaru raggiu sò : Lassa dunca la capanna Cu sta bedda matinata, Pa ch'iu passi sta jurnata. Dori bedda a latu tò.

"Senti comu 'ntra li rami Ciaciolianu l'oceddi. E li pecuri e l'agneddi "Ntra lu chianu fannu mme. Oh che bedda da la luci "... Indorata la muntagna! Ch'è vistusa la campagna, E chi friscu poi chi cc'e!

"Nnargintata l'acquazzina 'Ntra li pampini spicchia Lu so lumi, o Dori mia, Nesci prestu, e vinci tù. Jamuninni a lu to gratu Fertilissimu jardinu, Tu lu sai, quann'è matinu La campagna piaci cchiù.

4

\*Ddu jardinu di piaciri È 'na cosa prelibata, La so zagara sparata Oh chi ciauru chi fà! Lustri lustri, frischi frischi Sù li rosi, e l'amaranti E li pianti tutti quanti Sù di rara qualità.

\*Ma l'aranci bastarduni, E li fraguli 'ncarnati 'Ntra li pampini ammucciati Oh chi zuccaru chi sù!

Dori mia, si mi cci porti Nenti cogghiu, e nenti manciu, Ma dui fraguli, e 'n'aranciu Dui ciuriddi e nenti echiù.

## IV.

\*Duci sonsu venitisni Supra st'occhi chianciulini Duna tregua a li mischini, Veni sonnu, ed unai si?

Chidda immagini gradita Chi lu cori mi ristora Porta... Ah tu si lentu ancora Pirchi tardi, dimmi, di?

\*Deh veni, ed aprimi Ddi vaghi sceni D'oceddi varj, Ch'all'umbri ameni Volanu cantanu Fannu zi zi----\*E Nici amabili 'Mmenzu a ddi ciuri
Chi accogghi e premia
L'ardenti amuri
Veni e lusingami
Sonnu accussl.—
\*'Ntra st'amabili quieti
Duci sonu spiega l'ali,
O sullevu di li mali,
Sula mia tranquillità.

## V.

Gazzetta problematica relativa all'impostura di lu codici Arabu di l'abati Vella.

\*Azzardannu 'na jurnata Visitari li murtali Verità fu sfazzunata. Ristau nuda a lu spitali. \*Poesia, chi pri natura È sensibili, in vidirla Si nni afflissi, e pigghiau cura Di ajutarla, e di vistirla. \*Ma duvendula guardari Da li novi insulti, e danni, Ouali menzu pò truvari, Acciò l'occhi all'omu appanni? \*Trova a sorti un guardarobba, Duvi sarva la Minzogna Di li vesti, unni si addobba Tuttu quantu cci abbisogna. \*Poesia niscíu di ddà Veli. ed abiti sfrazzusi : Nni cupríu la Verità, E dda dintra la cunfusi. \*Cu sti adorni munsignari

A st'afflitta pri li strati Fu permissu caminari Senza cauci, e bastunati.

\*Vella : intantu truvau sparsi Pezzi d'abiti mischini, Chi avia vistu lacerarsi Verità di l'assassini.

\*Cerca, cogghi, unisci, accozza, M'a sarcirli si cunfusi! E 'ntra mentri singa, e abbozza, Va circannu cui li cusi.

\*Cu sta industria scaltra, e zotica, Si nni vidi risultata Menza turca, e menza gotica Una specii di frazzata.

\*Ch'avi a farinni di chista? Nun è a moda di lu regnu, Nun à grazia, nun à vista, Pensa... Ed eccu alza l'ingegnu.

\*Pronti sempri a li bisogni
Sulia teniri a lu croccu
Multi rancidi minsogni
Di Sicilia, e di Maroccu;
\*Nni scelsi una, e cci ammugghiau

Sta frazzata tutta in giru,

E poi figghia la spacciau
D'un Visir, o d'un Emiru.

\*Sta Minzogna Saracina Cu sta giubba mala misa Trova cui pri concubina L'accarizza, adorna, e spisa.

L'abate Vella maltese che pubblicò in Sicilia la mentita traduzione d'un Codice Arabo, che riguardava l'istoria di quest'isola nell'epoca saracena, che da indi a poco fu riconosciuta impostura.

'E cridennula di sangu. Comu vanta, anticu, e puru, D'introdurla in ogni rangu Si fa pregiu non oscuru.

\*Sti dui mascari a lu munnu Eccu nescinu: la prima Verità cunteni in funnu, Benchì supra fauli esprima. \*L'autra occulta la Rugia 'Ntra 'na spogghia assai bizzarra,

Ma chi un tempu cumpunia La veridica zimarra.

Tutti dui cercanu a gara D'incuntrari, e dari gustu, Sorti l'anima, e prepara Fumu a l'una, a l'autra arrustu.

Da stu fattu si putria Da nui diri: chi Fortuna Ama sulu la Bugia, Sulu ad idda proi e duna.

Ma poi comu mi spiegati, Chi in conuscirla pri tali Già li spaddi cci à vutati, Cci à suttratti li rigali?

Dunca s'avi a gindicari, Chi pretisi sulu e critti Verità di primiari

'Ntra la spogghia, chi nni vitti; In effettu quannu doppu Scupriu megghiu, armannu lenti, La Minzogna fici un scoppu E pirdiu li cumplimenti.

Ma lu dubbiu torna arreri : Si la Sorti apprezza, e stima, Verità, pirchi darreri Nun la cerca di la rima? Cu la lenti, chi scupersi,
La Minzogna mascherata,
Pirchl'un scopri in rimi e versi
Verità ch'è dda ficcata?
Si la scopri? e pirchl'un pensa
Di emendari li soi sbagghi,
E a lu veru nun dispensa
Di lu fausu li spinnagghi?
Stu problema a discifrari
Si proponi a genti accorti,
Chi si fidanu azziccari
'Ntra lu libru di la Sorti.

### VI.

A la signura D. MADDALENA MAYER l'indumani di la jurnata, ch'era ricursa la festività di la santa di lu so nomu'.

\*Avennu vistu chi la musa mia, Comu 'na criatedda zizza zizza, Pri li curti si aggira e si firria, E mi sburdi l'affari, e li sirvizza, Ora chi vecchiu sù, tardu, e melenzu Mannu ad idda, e profittu di stù menzu;

\*Pirchi di mia nun ànnu chi nni fari, Chi un'omu è omu mentri ch'avi focu, Ma senza focu 'un vali tri dinari, Quann'iddu forsi è accettu in ogni locu, Non pri la grazia, meritu, e lindura, Ma pirchi parra in iddu la natura.

"Jeri duvía veniri ad augurari Li centumila santi Maddaleni

<sup>1</sup> Queste e le somiglianti altre stanze essendo di un genere deo, sono state poste tra le canzoni, meglio che tra pocetti.

A chidda Maddalena singulari, Chi centumila pregi in pettu teni; Ora m'accorgiu quant'è necessariu Lu studiari a funnu lu lunariu.

\*Pirchl si uguali a tutti li sennati Genti di gustu, avissi studiatu Stu libru, chi cunteni registrati Li santi, chi già s'annu impossessatu Di li jorna di l'annu, pri sua stanza, Nun avirria commisu sta mancanza.

\*Ora chi menzu cc'è di riparari? Mannu la Musa mia pri fari scusa, Fors'idda truvirà modu a placari Un'alma tantu saggia, e generusa; Lu bon pasturi cumpatisci, e guarda La crapa zoppa, chi junci cchiù tarda.

### VII.

A S. A. R. la principissa di li dui Sicilii D. MABIA CRISTINA duchissa di lu Ginuvisi.—In occasioni di lu so ritornu in Sicilia.

1

Sbuttannu un ciascu chinu a bucca stritta L'acqua quantu cchiù a nesciri si affretta Tantu menu nni sbucca, e scurri dritta; Ma sugghiuzzannu, ed a guccia si jetta; Tal'iu: la gratitudini mi ditta Palisari di l'obblighi la detta, Ma sibbeni mi spremu, e mi allammicu, Quantu cchiù vurria diri, menu dicu.

Chista è stata la causa, anzi l'intoppu, Pri cui nun sù vinutu cu pristizza. Ma lentu, lentu, com'un mulu zoppu, Ultimu mi prisentu a vostr'Altizza. Sarria cursu lu primu, e di galoppu, S'avissi lu talentu, e la pruntizza Di diri tuttu, e di spiegari beni Quantu lu ciascu miu dintra cunteni.

Ma riflittennu poi 'ntra li dui mali Ch'è menu chiddu d'essiri apprizzatu Pri l'omu lu cchiù inettu, e zuzzanali, Chi pri un sconoscenti, ed un'ingratu, Pri tantu, comu a tempiu d'immortali Dia, lu divotu accosta umiliatu Confessannu la propria debolizza, Tal'iu vegnu a inchinarmi a vostra Altızza;

Acciocchì, comu fannu li fidili Pri prodigj, e miraculi ottenuti, Chi portanu li torci, e li cannili, A la santa, o cci appenninu li vuti; Jeu seguitannu stu comuni stili Pri attistari li grazi ricivuti, Nun sapennu spiegarmi staju mutu. E me stissu divotu offru pri vutu.

## VIII.

Cantu funebri pri la morti di lu celebri Sac. D. Franciscu Carl riformaturi di lu gustu poeticu e letterariu in Sicilia, professuri di teologia dommatica nella regia Università di Palermu, e privatu letturi d'instituzioni legali ec.

Gridu di malu tempu 'ntra li gulfi Fu la notizia di tua morti in Pindu , Saggiu figghiu di Urania. In ogni pettu

Chi da bravu pilotu annunziava La via sicura 'mmenzu a li fatali Contraposti voragini a li scogghi: E ora li testi scarpisava all'Idra Di ria credulità precipitusa: Ed ora da li pulpiti scagghiava Li scoti-cori fulmini, e saitti Contra la miscredenza (uguali mostri, Benchi opposti di geniu) e ora sfardannu La di modestia, di pietà, e di zelu Maschera a la crudili Ippocrisia. Cui megghiu d'iddu, cui cu cchiù chiarizza. Cui mai cu cchiù sublimi dignitati Di li celesti, e li divini cosi E scrissi, e perorau? ahi chi la vucca Suavi di lu saggiu si ammutiu, E si ammutiu pri sempri! ah! chi di nui Ahi cruda Parca, e chi nni sarrà cchini!

In iddu si astutau lu gran fanali
Pri cui l'omu attuffatu sinu a gula
'Ntra un mari immensu di corruzioni
Vidia li sparsi tavuli, chi Astria,
La terra abbandunannu avia lasciatu
Pri nun farlu d'intuttu naufragari.
Ora regnanu l'umbri di la notti,
Nun cc'è cchiù cui li dissipi, e disperda,
Cui nni mustri li tavuli, o lu portu,
La timpesta cchiù 'nforza! ah! chi di nui
Ahi cruda Parca, e chi nni sarrà cchiui!

Cussi chiancia di l'Eliconj Cigni Lu desolatu coru; e in luntananza Paria sintirsi un strepitu, un fracassu Di centu rutti in flaggillati scogghi Unni mugghianti in timpistusu mari. Ma la tua vuci, Urania, fu l'aurora Chi doppu oscura, burrascusa notti Ultimu addiu di rigida stagiuni
Si affaccia nunzia di serenu jornu
Supra di un carru di brillanti raggi.
S'intananu li turbini, li negghi
Si accastéddanu in cima a li muntagni,
E avvivata da un gratu zefirettu
Ridi azzurra la facci di lu celu;
L'importunu lamentu ormai finiscia,
('Ntona la duci vucca di li canti
Primogenita in Pindu all'arpa nata).

L'importunu lamentu ormai finiscia, Quali compensu è a la Virtu la Terra, Si in balenarni all'occhi soi 'na striscia Cci movi, pri oscurarla, eterna guerra?

Gotica ruggia orva ignoranza alliscia, E lu sviluppu a li gran Genj serra. Lingua di affannu addunca si ammutiscia; La crita, e non l'eroi Atropu atterra,

Lu Geniu so immortali è cca ridenti, Spazia 'ntra l'Eliconj virduri; Chi di lu tempu azzannanu lu denti.

A vui si spetta, o saggi età futuri, Judici di la sua cchiù cumpitenti : Di sublimarlu a li dovuti omuri.

## IX.

Interpetrazioni di l'augurj su la statua di Europa di lu chianu di lu Palazzu, abbattula da un fulmini, mentri la Sicilia vineva minacciata d'invasioni da la truppa nimica, radunata a li spiaggi di la Calabria.

1

Delficu Apollu si tu sì lu stessu, Chi regni in cima a la muntagna Aschria, MELI. 2 A mia to Sacerdoti sia concessu L'arcani eventi penetrari in tia : Qual'ordini di così a chisti appressu Cuva lu Fatu dintra la sua idia Spiegami, e quali auguri cci a purtatu Lu tronu, chi l'Europa à ruinatu?

Sò chi lu celu 'ntra li gran vicenni
Parra di li prodigj lu linguaggiu,
E ora a dritta, ora a manca un lampu accenni,
O un fulmini ritortu, o vibra un raggiu.
Dunqui si un tronu ruinata stenni
La statua di l'Europa, eccu un presaggiu:
Quali presaggiu? Si già si sapia,
Chi ruinata Europa, ohimè, gimia?

Forsi chi la Sicilia amminazzari
Lu fulmini à pretisu? Ma fratantu
Pirchi in Europa la vinni a circari,
Duvi spirisci all'autri regni accantu?
S'iddu li miri avia particulari,
E diretti per idda, oh quantu, oh quantu
Siculi emblemi, e statui di Palermu
Spizzari avria pututu a colpu fermu.

S'iddu la regia statua di Filippu,
Benchi in brunzu, ed in autu, à rispettatu
Quartu di l'austriacu inclitu cippu
Chi a lu nostru Borboniu s'è 'nzitatu,
Resta dunqui lu Re, dunqui fa lippu
Lu populu, da cui lu regnu è ornatu.
Regnu, populu, re tuttu in sè chiui;
Dunqui lu celu nun l'avi cu nui.

Sò puru, chi a lu spissu sti ruini Sù jochi di l'elettrica sustanza,

Fluida capricciusu senza fini. Chi percia mura, penetra ogni stanza, Gira attornu a li letti, alza curtini Senza discrizioni, nè crianza. Di chistu 'un cc'è da farinni concettu. Pirchì opera da pazzu, e senza oggettu.

Parratu à l'omu. Parri ora lu Diu (E replicannu la prighera, sentu 'Na viva ciamma 'ntra lu pettu miu, E la prisenza sua già nni argumentu) » La libertà di Europa si nni jiu; » Chista schiava però pri cchiù tormentu, » Strascinannu li soi catini gravi, »Furzata è a fari l'autri regni schiavi.

» Da tutta Europa genti collettizia » Contra di la Sicilia s'incamina »Cu titulu onoratu di milizia » Pri spartirsi cun idda la catina: »Già spiega pri assaltarla arti, e malizia; » Ma lu fulmini inglisi di Missina, » Juntu a lu focu nazionali. atterra » La schiava Europa, chi fa a nui la guerra.

#### Χ.

A S. E. Signuri D. FIDIRICU LANZA Duca di Castel Brolu — In occasioni chi l'Auturi vinia spissu ricircatu di la risposta a multi obbligantissimi poesii, chi avia scrittu in sua lodi.

\*Jesi jesi m'intisi traspurtari Da dui cavaddi alati a chiddi auturi, Unni la gloria soli curunari

Li saggi,ch'a la specii fann'onuri; Arrivatu pinsai di visitari La Rigina, chi spargi lu splenduri, Ma mi sentu tirari pri darreri, E dirmi: Me patruni, e lu lueri?

'Vossia è vinutu cca cu dui vitturi, Chi cci adduau Don Fidiricu Lanza, Mi dirrà: L'appi gratis, e pri amuri (A la bon'ura). E datimi la mancia? Cussì lu vitturinu fa rumuri, E pocu manca, chi nun m'attapancia. Va beni, (cci diss'eu), cci sù obligatu; Ma a stu signuri di', cui l'ha prigatu?

\*Jeu radeva la terra vasciu vasciu Cu li mei muli di lu milli, e trì, Quannu di bottu 'ntra stu locu m' asciu Senza sapiri comu, nè pirchì, Dunca chi trasi a fari tantu scasciu, Si lu patruni to vosi accussi? Intantu cu sti vuci vennu avanti Di l'immurtali tempiu l'abitanti.

\*Chi ben'istrutti di la quistioni
S'incugnanu a li bestii esaminannu
Lu mercu impressu, e li distinzioni,
Chi 'ntra l'armi di Lanza illustri stannu:
Trovanu li cavaddi agili, e boni,
Multu allimati, e vann' anchi ammirannu
Lu pilu, l'ali, e lu coddu d'entrammi,
E l'ugna, e la sviltizza di li gammi.

\*Poi vutatisi a mia dicinu: Abati, Ultra lu mercu chi cc'è tantu notu Conuscemu ss'armali, pirchi usati Sù a ssu viaggiu, e stannu sempri in motu, Chi lu patruni so s'à fabbricati Dintra stu tempiu, cui tantu è divotu, Stanzi di stili siculu, e obelischi Urnati di ritratti. e di rabischi.

\*Cc'è lu ritrattu to, tantu ti basti;
Nun cci purtari cca l'originali,
Pirchi cci perdi quantu guadagnasti,
Ca t'à prizzatu cchiù di quantu vali.
Cu la prisenza la tua fama guasti,
Nun annunzia l'aspettu un capitali,
Ma lu ritrattu ti fa troppu onuri,
Basta accussì, ringrazia lu pitturi,

\*Chi generusu e prodigu all'eccessu
'A dimustratu lu so signuriu,
Chi dintra l'alma cci manteni impressu
L'altu lignaggiu, d'unni discinniu.
La terra Febbu illustra, e lu riflessu
Torna a se stissu, e accrisci lu so briu.
Cussi ludannu a tia, stu gran signuri,
Crisci a se stissu gloria, e splenduri.

\*Sicchè d'unni vinisti ti nni vai, Pirchi è l'ura pri nui di jiri a spassu; Di Lanza in grazia, comu tu ben sai, Lu to ritrattu nun starà mai bassu. Statti cuntenti ái guadagnatu assai, Chi nun è picca chist'occhiu di grassu. Mi salutanu infini cu carignu, Jeu mi cogghiu li pezzi, e mi la sbignu,

\*Lu vitturinu nonostanti in terra
M'incueta e perseguita ogni jornu,
E pri la mancia sempri mi fa guerra,
Ne mi lu pozzu livari di attornu.
Afferru finalmenti pri 'na cerra
La Musa; e fattucci ad Apollu un cernu,
Scrissi in fretta sti stanzi ab hoc, ed ab hac,
E dissi: tè fattinni un trich-trach.

\*Mi ringrazii assai lu to signuri, Chi mi à fattu vulari tantu in autu, E chi 'un mancau pri lu so bon'amuri, Ch'eu fussi dda cu Omeru, Oraziu e Plautu, Ma lu pocu miu meritu st'onuri Mi á fattu abbandunari cun un sauto; Poi mi lu preghi in termini distinti, Chi nun mi mettu cohiù 'ntra sti procinti. 'Pirchi pri la mia età, pri li mei siddi

Pirchi pri la mia eta, pri li mei sidd Li Musi, chi mi vidinu la giucca, Si un tempu mi facevanu sganghiddi, Ora di mia si jocanu a la cucca : Si l'assicutu sfuinu comu anciddi, 'Mmatula fazzu la vava a la vucca, Sù fimmini li musi, ancorchì dotti, E si cuufamu cchiù cu li picciotti.

#### X1.

## Accademia di l'antiquarj.

"Conciossiacosachi signuri mei Sanuu truvatu 'ntra la Bagaria 'Non una, o dui, non tri, non cincu o sei, Ma statui multi d'una nova idia, Li nostri Mecenati, e Corifei 'Annu indossatu chistu omuri a mia, D'esponiri a lu vostru intendimentu Lu men qualunqui siasi sentimentu.
"Li mei forzi a stu pisu sù ineguali, Ma mi cunveni avirci pazienza, Ca li cumanni sunnu tanti, e tali, Chi lu negarmi fora impertinenza:
Vi pregu intantu a nun ajari a mali, Eficu vi prumettu prima ch'accumenza Certi episodii, ch'in tanta misoria

s Si allude alle statue poste da uno degli antichi principi di Palugonia in una villa presso la Bagaria.

Servinu a dari lumi a la materia.

\*Ch'origini abbia mai la statuaria
Nun vi lu sapria diri tali quali,
L'opinioni di l'oturi è varia,
Ma 'ntra di nui la conjettura 'un vali;
L'unicu documentu, chi nun sbaria,
È chi la prima statua fu di sali:
Ma s'era in pena a la curiusitati,
Tutti li donni sarrianu salati.

#### XII.

Alludennu a la perfetta somigghianza, e alla velocità di lu pitturi RAFFAELI PULITI siragusanu.

Restu trasiculatu, ancorchi vecchiu; Comu Puliti appena iu guardu a tia, Tu mi renni la vera efligi mia; Ti cridia bon pitturi, ma no specchiu!

#### XIII.

Pri la celebri villa di lu Signuri Principi di PALAGUNIA.

Giovi guardau da la sua regia immensa La bella villa di la Bagaria; Umni l'arti impetrisci, eterna, e addensa L'abborti di bizzarra fantasia; Viju, dissi, la mia insufficiensa, Mostri n'escogitai, quantu putia; Ma duvi terminau la mia putensa, Dda stissu incominciau Palagunia.

## XIV.

Bedda, chi tessi riti a la gugghiola, Nun ti straccari tantu, vita mia, Ca già facisti prisa, mariola, Stu cori 'ntra ssi magghi sbattulia, Chi bisogn'ai di riti, e di lazzola? Lu turdu già 'ngagghiau, suggettu è a tia, Succurricci a lu mancu la scagghiola, Quantu almenu l'afflittu pizzulia.

#### XV.

All'animali nun cci mettu peccu, Pirchì è seculu, in cui sù li cchiù forti; Oggi nun luci, chi stu sulu meccu, E tutti l'autri sù astutati e smorti; Senza cuntari lu Crastu, e lu Beccu, Ch'ànnu già d'oru li soi corna torti, Signuri mei, viditi, ca lu Scecu, È un gran mobili all'occhi di la Sorti.

## XVI.

Nun si pò stari cu la vucca ciunca, Quannu lu cori.è a tagghiu di lavanca, Quannu riguri li spiranzi trunca, Quannu l'armuzza di suffriri è stanca; Bedda a li peni mei smoviti addunca; Mustrati beddu cori, e carta bianca; Cunsolami di un sì, chi mi arriunca; Finiscila 'na vota, e pirchi mança?

#### XVII.

## Ricetta contra lu filatu Ippocondriacu.

Recipe quattru amici menzi pazzi; Un ripostu, 'na chianca, e 'na 'ncantina; Vinu a zibbeffu, trunzi, e ramurazzi; Pasta, sosizza, e carni salvaggina; Scattagnetti, liuti e citarrazzi; Balla, cavarca, nata, opra, camina; Sempri frusciu ad aremi, e fagghiu a mazzi; Sempri testa vacanti, e panza china.

## XVIII.

#### Ricetta contra la Sonnolenza.

Recipe casa 'ntra li quadarara; Un reticu nutricu 'ntra lu lettu; 'Na mugghieri 'mprisusa e gridazzara; Cincu purci chi 'un ajanu rispettu; 'Na camula chi rudi la cannara; Rugna 'ntra vrazza, gammi, cosci, e pettu; Pinseri in testa migghiara migghiara Prova, e a l'istanti vidirai l'effettu.

#### XIX.

Comu striscianti serpi in primavera Mentri in menzu a dui petri si fa via, Cci lassa la sua spogghia tutta intera, A signu chi cui passa, e li talia, 'Ntra li dui nun distingui cchiù la vera; Tali si un saggiu va da Patania Lassa, senza viniricci scurciata, La peddi 'ntra 'na tila 'mpiccicata,

#### XX.

## Ricetta pri l'Isteria.

\*Recipe ogn'ura pri l'emulsioni Sucu di centunervi, e un stumacali, Chi chiama, e cura li tentazioni, Poi vesti ricchi, addrizzi, sfrazzi, e gali, Pri li 'nnormi, muticchi e finzioni, Maritu loccu, e parenti minnali, E si cc'è cui cci fazza un'unzioni D'ogghiu di piricò sana ogni mali.

#### XXI.

# Ricetta pri lu sistema di MICELI truvata 'ntra 'na rocca.

\*Recipe di Miceli la sustanza Modificata beni cu l'essenza; Poi l'essenza, li modi, e la sustanza Li commini, e nni estrai 'na quinta essenza; Poi 'mbrogghia arreri l'essenza, e sustanza; Riduci la sustanza ad un'essenza, Cussì 'ntra modi, 'ntra essenza e sustanza Truvirai d'ogni scibili l'essenza.

## XXII.

## Ricetta pri un Procuraturi.

\*Recipe un ciriveddu raggirusu
'Na facci tosta, e chiacchiari a bon cuntu,
Misce a curialata fatta all'usu,
Spisi di liti, ed item 'ntra lu cuntu

Pista scorci d'onuri, e fa 'nconfusu Pinnuli 'mpanniddati cu l'affruntu; Chistu sarrà un rimediu famusu Pri arricchiri 'ntra quantu ti lu cuntu.

#### XXIII.

## Ricetta pri lu Caudu.

\*Recipe 'na varcuzza cu tinnali Gammaru, lenzi a manu, e trimulina, Pisca pri sinu all'Acqua di Cursali, Spogghiati e nata 'mmenzu di dda rina; 'Ntra la varca 'ncammisa poi ti cali Quattru muletti, e 'na capunatina, La sira riturnannu tali quali Ti pigghi li surbetti a la marina.

#### XXIV.

## Ricetta pri lu Friddu.

\*Recipe un cammarinu addammusatu,
'Na buffittedda 'mmenzu, e li tarocchi,
'Na bracera di focu, e amici a latu,
Chi fumanu, e pipianu lo cchi locchi,
Cileccu, turca, e cappucciu calatu,
Petrafennula dura comu rocchi,
Rosoli, cuddureddi, e poi muscatu,
Poi lettu, e 'na mugghieri cu li fiocchi.

## XXV.

Ricetta pri la Vigilia.

\*Recipe un libriceddu secentista,

Chi sia misticu, asceticu, e morafi,
Tri fogghi di Scolastica Scutista,
Dialoghi latini, e matrigali,
Ermogiu, Paracelsu, autru alchimista,
Un romanzu spagnolu senza sali;
Dacci un'ucchiata, chi a la prima vista
Tuttu allucchisci, e ti cadinu l'ali.

#### XXVI.

Scherzu estemporaneu in una Conversazioni di Donni brillanti.

\*Ora cu mia li donni s' affrateddanu!
Ora ca l' anni sutta mi cafuddanu,
E lu viguri in gran parti struppeddanu,
E chi li tanti guai m' impidicuddanu!
Eccu li ricumpensi, chi ammunzeddanu
Li Musi a chiddi, oimè, chi si smiduddanu:
Chi quannu li miserii si feddanu,
Tannu l' amici a mancjari si affuddanu.

## XXVII.

Aforismu supra l'Omu e la Donna.

Lu naturali istintu sempri soli Tirari li dui sessi a stari amici, Iddi però cu smorfii, e cu paroli Si trattanu cchiù tostu da 'nnimici. La donna 'un dici mai chiddu chi voli, Ma l' omu voli cchiù di quantu dici, Si nun fussiru finti, e marioli, E l'una e l'autra foranu felici.

#### XXVIII.

#### Ritrattu d' un Innamuratu.

"Visu, uditu, oduratu, gustu, e tattu Nun mi sù d'usu cchiù, nè di profittu, Muríu l'amicu miu arsu, e disfattu 'Ntra catini d'amuri avvintu, e strittu. Chistu ch'ora viditi scuntrafattu, Chistu fantasma pallidu, ed afflittu, Chistu è di un sfurtunatu lu ritrattu, Chi amau cu amuri granni, e nun fu crittu.

#### XXIX.

In occasioni chi diversi amici pri mezzu di sescrizioni pinsavanu di fari scolpiriall'auturi un bustu di marmu, chi fu poi eseguitu a spisi di lu principi di Trabia.

\*Li Genii scelti, e saggi di Triquetra Vidennu tanti glorii, e tanti onuri Prodigarsi a sampugna, lira, e cetra, Mentri d'iddi trascurasi l'oturi, Chi và la vita, e la vicchizza tetra Stimpuniannu cu li soi suduri, Mossi a pietà l'ánnu mutatu in petra Pri 'un sentiri bisogni, nè primuri.

#### XXX.

Pri la Sig. D. CATARINA BRANCIFORTI, ora principissa di Butera.

\*Vanta la Grecia 'ntra l'antica istoria Mell. 3 'Na Elena, di cui dici mirabilia:
'Na Cleopatra Egittu: e fa memoria
Roma d'una Lucrezia, e d'una Ercilia:
Li nostri antichi vantanu vittoria
Pri Laidi:, ma lu so mistéri umilia:
Oggi però è a lu culmu di la gloria.
Vanta dui Catarini: la Sicilia.

## XXXI.

# Estemporania pri na nova Accademia.

\*Viju spaccari l'alba, un ventu friscu Ciuscia da lu Parnassu, e 'mpuppa drittu 'Ntra st'accademia nata ora di friscu, E smovi a puitari lu pitittu; Ma l'estru di l'età nun è maniscu, Lu gaddu vecchiu, pri quantu s'è dittu. Nun produci autru chi lu basiliscu, Chi spirati di mia? Dunca? mi zittu.

## XXXII,

Pri lu ritornu di S. M. Firdinannu a lu guvernu dopu lu so ristabilimentu in saluti. Ricitata'ntra l'Accademia di lu Bon Gustu.

\*Si dici ed in latinu, ed in vulgari, 'Na vota l'annu è licitu impazziri, Benchì 'na vota pocu assai mi pari, Ma li savj accussì vosiru diri.

<sup>&</sup>lt;sup>1</sup> Celebre meretrice siciliana della città di Iccari, ogi Carini.

<sup>&</sup>lt;sup>2</sup> L'anzidetta signora Caterina Branciforti ed un'altra bell siciliana dello stesso nome.

Ma in quali occasioni si pò fari? Naturalmenti 'ntra li gran piaciri. Eccu lu casu nostru singulari, Pro reditu felici excelsi Viri.

### XXXIII.

Pri lu Patri Birnardinu monacu di S. Antuninu.

\*Cca riposa lu Patri Birnardinu, Botanicu pri vuci universali, Salvucchi nell'idia di chiddi tali, Ch'arbitri foru di lu so distinu; Di li soi meriti autru si nni vali, L'erruri d'autru cadiu in iddu a chinu, Lu crepacori cci appurtau la morti, Chista è di li grand'omini la sorti.

## XXXIV.

Estemporania pri 'n'accademia in lodi di An-CHIMEDI, diretta all'auturi di lu discursu.

\*Pri lodari a doviri un'Archimedi La mia musa nun á tantu valuri, Cci voli un Geniu di la prima sedi, Un Geniu di lu miu multu maggiori. Ma pri 'un ristari scausu d'un pedi Dicu: fu tantu in iddu gloria, e confir, Chi 'na gran parti nni trabbucca, e cedi. Supra di lu so egregiti lodaturi.

#### XXXV.

## Pri la fuga di Bonaparti dall'isula di l'Elba.

Mentri si pensa sciogghiri lu gruppu, Chi la sorti di Europa chiudi e serra, L'audaci Corsu acchiappa pri lu tuppu La Fortuna, ed armatu in campu sferra: Eccu si fa maggiuri l'inviluppu, E lu tempiu di Gianu si disserra! L'occhi mi bendu, aimè! l'oricchi attuppu, Sonnu la paci fu, vigghiu è la guerra.

#### XXXVI.

## Lu specchiu di lu disingannu o sia la cutuliata.

\*Oh! vera inclita matri di li Dei, Basi, e sustegnu di l'illustri eroi, Scinni, ti pregu, 'ntra sti versi mei, Cutuliata cu li grazj toi; Pri tia si fannu spassu li nichéi, Lu spusu abbrazza li figghi non soi, La summa di li cosi è in tia appujata, E 'un si respira, chi cutuliata.

'Oh ch'e bellu lu munnu cuncirtatu!
Oh chi machina immenza! oh chi stupuri!
L'omu! o poi l'omu è privileggiatu,
Ogni cosa è criata in so favuri.
Benissimu: vossia á chiacchiariatu:
Vossia mi dica: nn'á avutu duluri?
Vicchiaja, infirmità, nn'á mai pruvata?
Provi, e poi vija, s'è cutuliata.

\*Oh! bella Primavera, oh! comu ridi 'Ntra ciuri, ed ervi la campagna tutta! Sicciru gial lu caudu mi ocidi.
La terra ciacca, ogni riconca è asciutta.
L'Autunnu poi di frutti nni providi;
L'Invernu nni sequestra a stari sutta;
'Nzumma di beni, e mali capriata,
Passau l'annu: chi fu? cutuliata!

\*Oh! ch'è gratu lu mari : oh! l'orizonti Comu vagu si pinci 'ntra l'arburi! Eccu lu oarru, chi guidau Fetonti! Eccu la bedda stidda di l'Amuri! Oimè si turba! oimè! comu su pronti Li turbini, chi portanu l'orruri, Oimè, comu di ventu un rofulumi Dda navi s'agghiuttiu! cutuliumi!

"Chi pezzu d'ome bonu! chiesa, e casa, V'assicuru 'na pagghia aun cci pisa, Ogni santuzza chi vidi la vasa, E 'un si la tocca, chi cu la cammisa. Ah! mariolu, è fatta già la vasa, 'Avi cchiù impieghi in manuchi un cci pisa, E l'orfana, e la vidua cc'è affidata, La cchiù chi frutta è sta cutuliata!

\*Oh! chi bedda picciotta! oh ch'è sciacquata! Oh chi vezzi! oh chi sangu! oh chi attrattiva!

\*É prena, figghia, e l'omu picchiannu Nasci, poi fa lu cuntu, poi si smamma, Poi cuva, poi valori, e ogn'autru affannu, Dipoi va sulu, e dici pappa, e mamma, Poi crisci, e va li donni assicutannu; Gira, viaggia, acquista; già la gamma Vacilla, è vecchiu, mori, e in tri assaccuni La scena già finiu, cutuliuni!

\*Cutulia Fortuna, ch'a un'avaru
Pri sua felicità mustra un tesoru.
Natura cutulia, chi a lu craparu
Prumittennu cci và l'età di l'oru.
Cutulia lu cori, a cui àvi a caru
Posti ed onuri, dignità e decoru;
Sù sfilocchi di cutra a chiddi dati,
Chi vonnu essiri cchiù cutuliati.

\*Si dunca cutulia l'aria, e lu mari, E la natura, e tutti l'elementi, Oh! nobil'arti di cutuliari, Oh! eterna, e prima liggi di li genti, Oh! eroi di dui culuri chi a chiantari La vinisti a sti spiaggi espressamenti, Tu lu Confuciu sì, tu Maumettu, Tu vera stidda, tu profeta elettu.



# SONETTI.

I.

## A S. A. R. D. LEOPOLDU BORBUNI principi di li dui Sicilii dedicannucci l'oturi li soi poesj.

Cui pensa dedicari un'operetta È com'un patri, chi ávi a dari statu Ad una figghia spintulidda e schetta, Chi 'un cci ávi nasca pri lu celibatu:

L'illustri sangu in unu assai l'alletta, In autru la ricchizza, lu prigiatu Meritu in chiddu. Ma s'è saggiu aspetta Provi di cui cchiù d'idda è 'nnamuratu.

Reali Altizza, lu miu casu è chistu : Truvava in vui li tri condizioni, Ma li provi d'amuri 'un l'avia vistu,

Ora ca viju, chi lu gran viaggiu Smuntata nun vi l'à di opinioni, Vi la dugnu di cori, e vi la 'nguaggiu.

II.

## Fiducia in Diu.

Lu fragili sapiti essiri nostru Gran Diu, chi nni facistivu l'impastu: St'anima ch'àju in pettu è ciatu vostru; Siti a sta carni un graziusu ingastu. Pri nui vi ristrincistivu 'ntra un chiostru

D'uteru santu, immaculatu, e castu:

E comu ardisci l'infernali mostru Li vostri dritti mettiri in contrastu? Funda forsi l'iniqua sua speranza

Supra li mei peccati, e multi, e granni?

Ma lu cumpensu oh quantu, oh quantu a
[vanza.

Eccu la Cruci, chi a turrenti spanni Misericordia! Eccu la mia fidanza; Mi attuffa in idda, e cchiù nun timu allami.

#### III.

In occasioni di essirsi stampati multissimi componimenti poetici pri la riacquistata saluti, dopu di una gravissima malana di S. E. Sig. D. Franciscu na hoguna allura Vicerò in Sicilia.

Si ad corribili nothi timpistusa,.

Succedi un serenissimu matinu.

Spogghia la trista immagini affannusa.

E canta ogni ocidduzzu in so latinu;

Tali risena in bucca d'ogni Musa;

Lu grandi, e lu beneficu d'Aquiani.

Ora chi sua saluti preziusa

A vuti nostri cessi lu destinu.

Stridirà forsi rauca qualchi canna:

Ma 'ntra l'affetti granni la Natura,

Nun soffri liggi da la sua tiranna:

L'arti'un cc'ècca, chi lima, e chi misura;

Ma gioja, chi si spanni d'ogni banna,

Comu inunda lu Nilu ogni chianura.

#### IV.

A S. R. M. di FIRDINANNU III BORBUNI. — In ringraziamentu di una pensionetta conferita a l'oturi.

Benignissimu Re, sceltu da Diu
Per organu di sua beneficenza,
Di cui l'impronta viva nni port'iu,
Pri provi avuti di vostra climenza,
Oh l'ingegnu ajutassi a lu desiu,
Pri espressarvi la mia riconoscenza?
Ma l'unu è tardu, e già mi dici: addiu;
L'autru, senz'iddu, è privu di potenza.
Ma sù l'encomj poi la vera paga
Di li grandi azioni? ah no, traluci
In iddi un non so chl, chi l'alm'appaga,
Tali avviva, e li campi riproduci,
Lu suli, chi li rai spargi, e propaga,
Ma torna a la sua sfera poi la luci.

## Ÿ.

Chi d sirvulu pri memoriali fallu da l'oturi a S. R. M. in seguitu di la supraditta penzionetta.

Si è compiaciuta Vostra Maistati Conferirmi 'na certa pensioni, Ch'è vera acqua di aprili a siminati Pri la ristritta mia condizioni. Ma decimi suttratti, e menzannati, Ceduli, assenti, ed autri espenzioni, Pri cui nun ávi summi cumulati, 'Ntra li prim'anni è costernazioni. Pirchl l'esitu è certu, ed è per ora; L'introitu è sminzatu, ed è futuru, E si cci arrivu nun lu sacciu ancora. Perciò la pregu : chi si benignassi, Pri farmi di la grazia sicuru. Chi di li pisi e spisi la esentassi.

Si trunca li mei passi La Parca, chi nun sta troppu a li patti, Si è fatta la minestra pri li gatti, Murennu a spisi fatti,

Pagatu aju lu ciauru e non gustu, Lu fumu è statu miu, d'autri l'arrastu.

## VI.

Pri la morti di lu celebri canonicu D. Rusa-RIU DI-GREGORIU.

L'enormi ineguagghianza, chi la sorti Frapponi tra lu debuli e potenti, 'Ntra re, e vassalli, nobili e pizzenti, Equilibru sul'iu, dissi la morti.

Però, gridau Minerva, tu nun porti L'eguali vantu su li sapienti, Li cui pinseri, figghi di la menti, Restanu 'ntra li carti e vivi e forti.

Restanu 'ntra li carti e vivi e forti.

Cussi spira, e rispettu si concilia

Dintra l'operi soi, 'ntra la sua storia,
Gregoria nostra, e lu to fastu umilia.

Calma dunca superba la tua boria,
Chi ancorchi si subissi la Sicilia,
Resterà d'iddu viva la memoria.

#### VIL

## Origini di la Poesia.

Quannu nuda azzardau la Viritati Mustrarisi cca 'nterra a li murtali, Fu sfazzunata, e cu l'anchi stuccati A li Licei ricursi pri spitali.
Sula Filosofia nn'appi pietati, L'accugghíu, la curau di li soi mali. Ma comu cchiù appariri pri li strati Stanti l'odiu di l'omini fatali?
Cca fu, chi tutti dui si stracanciaru Cu mascari, bautti, e dominò, Chi da la finzioni s'impristaru.
La favula è stata dunca, ed è lu sò Salvu-conduttn; e tutti tri di paru

#### VIII.

Cumponnu, o Poesia, l'essiri tò.

All' Ill. Sig. Presidenti Cav. [D. GIUSEPPI POLI. — In occasioni di una gravi sua malatia.

Morti contra di Poli l'arcu impugni! Chi fai? rifletti. Nenti cci guadagni, Ddocu cci sù li Troi, e li Cutugni, Chi ti fannu ammulari li calcagni. E datu, chi l'accarpi, e lu sgranfugni,

Anzi lu pisti, o chi nni fai lasagni.
Da l'immortalità comu lu scugni?
E da li cori umani lu scumpagni?
Un boni chi si pondi cabin si apprezza

Un beni chi si perdi cchiù si apprezza; Un omu insigni, chi da tia si accozza, È un vinu chi deponi la sua fezza. Pensacci dunca, li toi cunti sbozza... Jeu cussi dissi : idda lu dardu spezza. Ed a lu muru si sbatti la crozza.

#### IX.

A l'Accademia Patriottica. — In occusioni di un discursu ricitatusi a favuri di l'idioma sicilianu.

Vivi la matri vostra, Iddiu la guardi, Amatila, e 'un circati 'na matrigna: Sia cura, e triddu di muli-bastardi Lu zappari di l'esteri la vigna. L'istintu di natura anchi a li Pardi, Anchi a li Tigri stu duvir'insigna; Urla lu Lupu quann'á fami, o s'ardi, Nè s'impresta lu gergu di la Signa. Lu sulu Pappagaddu 'nfurgicata S'ávi 'na lingua pri parrari a matti, Facennu d'ocedd'-omu capriata.

Multi accedemi eu sacciu accussi fatti Grec'-Itali-Latini. Allurtimata Ch'aviti 'ntisu? 'Na sciarra di gatti.

## х.

Chi duvia sirviri pri Magistrali in lodi di la musica.

Splendi stiddata la celesti lira, È figghia di lu celu l'armunia, Armonica ogni sfera in aria gira. Saggiu di Samu eccu mi appellu a tia.

Di lu Tartaru Orfeu disarma l'ira.

Surgi Tebi da grata miludia, Pani a Siringa nova vita inspira, Musica di li cori è la magía. Spetra, e arrimodda alpestri e duri petti, Scoti li pigri, e a vili dà curaggiu, Spiega, trasfundi, ed eccita l'affetti.

Metti in fuga ogni Geniu malvaggiu, Tocca l'intimi tasti a li diletti, Di eternu gaudiu anticipatu saggiu.

#### XI.

All'ill. Sig. Marchisi D. AGUSTINU CARDILLU.

—Pri un cumplimentu di carni salvaggina,
chi l'oturi, pri un sbagghiu di cui era statu
incaricatu di dividirla, nun riciviu.

Nun aviri rigali è 'na disgrazia, Ma stadisgrazia includi anchi un vantaggiu, Chi'un s'àvi obbligu, e a nuddu si ringrazia; E un'omu cu lu so campa da saggiu.

Puru st'occhiu di grassu, chi nun sazia, La sorti mi lu nega pri cchiù oltraggiu: Mi fa schiavu a la vostra bona grazia, Senza tastari lu porcu salvaggiu:

Pirchi m'insigna la Religioni, Chi l'atti meritori, e li piccati Si fannu ancora cu l'intenzioni.

Perciò, Signur Marchisi, meritati, Chi eu vi professi un'obbligazioni Cu labbri asciutti, e li denti mundati.

# XII.

A lu supradittu in occasioni di raccumandarci un Agrimensuri.

Cui li debiti soi nun pò pagari,
Ed è di facci bianca, omu d'onuri,
S'ávi 'na gioja si la va a 'mpignari,
O la cedi a lu propriu credituri;
Chistu sugn'iu. Nun pozzu sodisfari
L'obblighi a un Casaceli Agrimensuri,
Omu 'ntra lu so impiegu singulari,
E chi mi á fattu varj favuri.
'Aju 'na gioja (Tali apprezzu in menti
Ddu filiddu di grazia, di cui dignu
Vostra bontà mi á fattu, o Presidenti):
Chista, si permettiti, mi la 'mpignu,
Ed in miu locu ad iddu vi cunsignu.

# XIII.

In risposta ad un invitu di l'accademici di poesia siciliana chi dopu varj e disgraziati vicenni avianu fissati li soi radunamenti in casa di l'illastri marchisi Roccaforti.

Sia lu meritu vostru, o vostra sorti,
Vi lasciai 'nvaddunati, ora vi trovu
Appiccicati 'ntra 'na Rocca forti!
Piaciri granni in verità nni provu.
Cussi vitti virmuzzi in menzu all'orti
Rannicchiáti 'ntra un stucciu fattu ad ovu,
Sfúiri, mentri già parianu morti,
Cu l'ali aperti, e vistuti di novu.

Muvennu dunqui l'ali da sta Rocca Siti in Parnassu senza cíu, nè bau, Firriatilu tuttu ca vi tocca:

Di mia a cui spija dirriti : scacau; La vostra grazia, ch'unni tocca stocca, Nni fici cottu a fumu un muciumau.

## XIV.

Contra l'abusu in medicina di lu sistema di Braun.

Di la sua vita all'ultimi simani
Lu vecchiu Nannu miu Carnilivari
L'estremu fatu vulennu evitari
Tinni 'na giunta di Brauniani.
Decisiru: li solidi sù sani;
Ma la diretta debolizza appari,
S'ecciti cu gran stimuli e manciari
Carni, sosizza, pirnici, e faciani...
Fratantu cchiù si avanzanu li baschi;
Sdillinia!... Ed iddi esclamanu: E prisenti
Debolizza indiretta! Olà li ciaschi...
Morsi.. Eh beni... ch'importa? Nun è nenti,
Ma muriu saziu fina 'ntra li naschi,
E fu curatu magistribilmenti.

## XV.

All'illustri Sig. Presidenti Cav. D. GIUSEPPI POLI. — In risposta ad un so sonettu in lingua siciliana.

Quannu la sorti voli fari un dannu Ad un nnimicu so particulari, Şenza ch'idda si avissi a incommodari, Bast'a farlu poeta memorannu.

Ducentu mila versi oggi nun vannu Nè a procacciarvi un tozzu, nè a pagari 'Na sula detta, e sia di tri dinari, Nè a sgravarvi di un cancaru, o malannu.

E voi, signuri D. Pippu, friscu, e linnu Faciti versi! E lu peju è, chi sunnu Bonissimi, e di fari a tutti spinnu.

Nun vi basta tuccaricci lu funnu A li scienzi? Vuliti iri in Pinnu? Ma daticci un addiu primu a lu munnu.

#### XVI.

Scrittu in tempu ch'era preturi D. ANTUNINU La Grua e Talamanca allura marchisi di Regalmici.

La testa Oretu isau da la currenti, E vitti a li soi spaddi un Pariginu? Si strica l'occhi, e acchicchia cchiù vicinu: Santu pri l'arma, dissi, è conuscenti!

E iddu, o nun è iddu? oh certamenti Nun la sbagghiu, è Palermu meu cucinu, Talè ch'è linnu, pari 'n'amurinu! Comu ringiuviniu 'ntempu di nenti!

A pedi di Voscenza Patrun miu; Godu in vidirlu prosperu e felici; Tantu riccu però nun vi cei criu.

Palermu aggiusta un bucculu, e poi dici: L'abbundanza e scarsizza la fa Diu La pulizia l'à fattu Regalmici.

## XVII.

Umbri, figghi a la notti, chi abitannu

Stati 'ntra grutti, ed orridi furesti, Deh! chi l'estremu miu spiritu resti A chianciri cu vui lu propriu dannu.

Si mai eca junci, a casu caminannu, Chidda chi l'alma di riguri vesti, In flebili lamenti, e vuci mesti, Diciticci : muriu, muriu d'affannu.

D'un'inutili lagrima si forsi Bagna la fridda cinniri, 'un spirati, Chi sia cumpassioni di cui morsi:

E strania ntra ddu cori la pietati; E si chianci nni è causa, chi si accorsi, Chi mortu iu, nun ce'è cchiù cui pr'idda pati.

## XVIII.

#### L'insonnu di 25 anni.

Sunnai: chi un feru turbini di guerra Scossa l'Europa avia da capu a funnu, Ed abbattuti augusti troni a terra, Ed ogni sacru locu risu immunnu:

Stava pri liggi: « cui à cchiù forza afferra» L'Insolenti, l'Audaci, o Vacabunnu Dava lu tonu, e cc'era un serra-serra, Parevami la fini di lu munnu:

L'omini chi murianu a miliuni, Di fami, pesti, spati, jazzi, e focu: Tuttu era in aria, ed a concavuluni;

Era arrivatu lu miu sonnu ddocu Chi mi arrisbigghiu 'ntra un'arrivuluni, E ritrovu li così a lu so locu.

#### XIX.

Recitatu 'ntra la sala Senatoria in occasioni diun'accademia espressamenti radunata pri festeggiari lu ritornu a lu tronu di FIRDI-NANNU III.

Ridinu l'elementi! Un zefirettu Spira da lu Parnassu, e 'mpuppa drittu, Cca di cigni oretei 'ntra coru elettu, E di cantari smovi lu pitittu.

Duci è sfugari da lu chiusu pettu La gioja in canti! E cui po stari zittu? Di pubblica alligrizza è un gran suggettu Lu re, chi assumi lu so innatu drittu;

Chi guidatu d'Astria lu tronu ascendi, Chi di la patria va rammarginandu Li chiaghi aperti di li rei vicendi.

Giubilu è chistu, ch'autu sbulazzandu Da cori in cori, manifestu rendi, Chi in iddi rignau sempri Firdinandu.

## XX.

Pri la munificenza di S. A. R. LEOPOLDU pri avirci fattu cuniari una midagghia.

'Farà stupiri a la posteritati Lu sentiri, chi un Tassu, e un Ariostu, Chi a l'Immortalità sedinu'ncostu, Appena in vita foru calculati.

E un Meli, chi sti genj sì elevati Venera, stannu all'infimu so postu, Vija se stissu 'ntra miragghi espostu A la sua propria, e a li futuri etati. Opposi a li dui primi la Fortuna Cu pedantisca invidia, e un Eminenza Di li bell'arti, e littiri dijuna;

L'ultima adotta di l'onuri a soldu, Poi lu cunsigna a la munificenza D'un Borbonicu Germi a un Leopoldu.

## XXI.

## A S. E. la principissa di Trabia.

\*Parru seriu, non d'omu, chi si sonna, Jeu sempri fui divotu di sant'Anna, Pirchi la matri fu di la Madonna, E di lu nostru Redenturi nanna.

Ora mi appoju cchiù 'ntra sta culonna, E di versi cci appennu 'na ghirlanna, Pirchi à datu lu nnomu a 'na gran donna, Pri cui tuttu lu munnu grida: Osanna.

Osanna gridu anch'iu, e a tutti hanni, E supra tuttu in casa di Trabia

Si replichi st'Osanna pri milli anni.
Però cci vogghiu ntra sti festi a mia
Milli festi di chisti allegri, e granni
Cu sta nobili, e illustri cumpagnia

## XXII.

In occasioni di un pranzu datu dall'Ill. sig. conti CASTELLI a li fondaturi di l'accademia siciliana radunati pri oryanizzarisi.

\*Si 'ntra lu latti di 'na lupa scursi Lu rumanu gran geniu triunfanti, Da cui l'invitta capitali sursi, Chi di lu munnu fu la dominanti; In moi la viti, (non già kupi, ed ursi)
'Ntra l'auguri cchiù prosperi e brillanti,
Cuncerta 'n'accademia, e a larghi sursi
Vivemu l'estru, chi si sciogghi in canti.
Conti vui, nostru Romulu, li mura
Difinditi d'attornu da l'audaci
Esterni insulti d'ignoranza oscura.
E si di dintra un qualchi Remu..ah taci,
Taci, o Musa, rispetta la futura

Regia di li toi soru, e di la paci.

#### XXIII.

A l'Amicizia --- Recitatu'ntra l'accademia siciliana, in cui D. FRANCISCU SAMPOLU fici un discursu supra l'amicizia di Damuni e Pizia.

\*Viju autri mia, benchi da mia divisi
Spartirisi da mia li soi diletti,
E li peni addulcirimi, e li pisi,
Santa Amicizia, oh quantu giuvi e alletti!
Tu multiplichi in kochi, ed in paisi
L'esistenza di un sulu, e tu permetti,
Chi un cori apertu all'autru si palisi,
E li cunsigghi soi sinceri accetti.
Tu dintra l'almi virtuusi e forti,
Metti radica tali, chi resisti
Ad ogni sforzu di 'nnimica sorti.
E in fatti eroica gara producisti
In Damuni, ed in Pizia pri la morti;
Ma cessi lu tirannu, e tu vincisti.

#### XXIV.

## L'origini di la Favula.

\*Nuddu esponi 'na gioja priziusa
A l'arbitriu di tutti, e boni e mali,
Ma si la sarva in marzapani chiusa,
Pri farinn'usu poi 'ntra festi e gali.
Cussì la saggia Antichità gilusa,
Di multi verità cchiù principali,
Li chiusi sutta scorcia favulusa
Pri occultarli a lu vulgu zuzzanali.
Pirchi a stu munnu la bugla rignamu,
Cosa chi cu lu veru ávi rapportu,
Passa pri lu cchiù gravi contrabbannu:
Sulu di Apollu qualchi figghiu accortu,
Li verità 'ntra favuli adumbrannu,
Arriva ad ottinirci un passaportu.

## XXV.

Su lu propositu di multi fogghi pubblici maledici chi si stampavanu nellu 1812 in Palermu.

\*Mentri ceca Discordia infuria, ed ardi, E scoti di l'Europa imperj summi, Tu Sicilia da tia stissa ti sfardi, E di fogghi maledici rimbummi! Dicci a li figghi toi muli-bastardi, Chi senza la cuncordia si succummi, L'allianza assai pò di li gagghiardi, Ma ái tanti cani corsi 'ntra li lummi. Sù sfilocchi di cutra carti e stampi, Chini di maldicenza, e cosi brutti,

Anzi di l'odj attizzanu li vampi. Curri, o pazza, al'abissu, chi ti agghiutti, Miraculu d'Iddiu, chi ancora campi Cu li visceri toi, guasti e corrutti.

#### XXVI.

A lu pitturi D. GIUSEPPI PATANIA doppu di aviri visitatu lu so studiu di pittura, e di avirlu truvatu in cumpagnia di diversi littirati chi lu videvanu pinciri.

\*Dissi, chi nenti invidiu 'ntra stu munnu S'aju un tozzu, e la paci sta cu mia; Ma doppu ch'eu conusciu a Patania, Di la mia indifferenza nun rispunnu.

Vidiri un omu riccu sinu a funnu
D'una fecunua e ricca fantasia,
E quantu pensa, imagina, e disia,
Lu crea, e anima in tili nettu, e tunnu.

Vidirlu 'ntra la stanza 'mmenzu a tanti
Parti di lu so geniu, e curunatu

Da genti saggia e di bell'arti amanti. Cunfessu a tali vista, chi tentatu Jeu sugnu da l'invidia, non ostanti Ch'aju lu tozzu e la mia paci a latu.

## XXVII.

Pri lu capu d'annu a lu marchisi N. N.

\*Signur Marchisi 'ntra lu terzu celu, D'unni chiuviti a vostri amici manna, Jeu di viniri a rivirirvi anelu; Ma vurria a nienza scala 'na locanna. Mentri chi 'n carta stu disiu rivelu, Chi m'impegna in un tempu, e chi mi affan-Mossu a pietà di mia lu Diu di Delu [na, Opportunu lu Pegasu mi manna;

Dicennumi : È da mia multu ben vistu

Stu signuri, fa tu li mei doviri Sauta, cavalca, ca tuttu è provistu.

Dicci, jeu vegnu a farivi sapiri, Chi di sti capi d'anni, comu chistu, Milli, e cchiù, vi nni restanu a godiri.

#### XXVIII.

A lu conti Castelli, poi principi di Turrimuzza contra alcuni poeti siciliani.

\*Scuvai di puddicini 'na ciuccata, E allura li sintii ciuciuliari Cu la scorcia a li frinzi 'mpiccicata, Mi lusingai, chi mi nni avia a priari.

Ma ora ch'ánnu la cricchia giả spuntata, Si mettinu 'ntra d'iddi ad aggaddari, Nè trovu a cuntintarli nudda strata, Nè 'nzemmula, nè suli vonnu stari.

Cerca ognunu cumpagni a sulu oggettu Di putiricci dari pizzuluni; (Dicinu chisti) appara tu, ch'eu mettu.

Cui s'arrisica staricci in comuni?
Si a mia chi pri accurdarli m'intromettu,

Pri la facci mi tiranu a sautuni.

O Conti miu patruni, La cinsura pri quantu iu viu, e sentu<sup>1</sup>

Si allude al comitato censorio, che si era voluto introre nell'Accademia Siciliana, il quale dovea passare a sione tutti i componimenti pria di reciarsi, il che consul a discioglierla. E di pizzuliari lu strumentu. Da chistu iu 'nni argumentu, Chi pri cuitari sti sautampizzi Lu menzu è di tagghiaricci li pizzi.

#### XXIX.

In lodi di l'abati D. VINCENZU RAIMUNDI pri la traduzioni di alcuni pezzi in latinu di li poesj siciliani di l'Oturi.

\*Un cannistru di frutti eu vitti in Pinnu D'una specj pirduta oggi fra nui, Belli da fari a qualunqui omu spinnu, Musi, esclamai, oh fortunati vui!

Dissi una d'iddi : robba tua ti vinnu; E puru tu nun li conusci cchiui, Di tua smemoratizza ti riprinnu, Nun sai cui cca primu a chiamarli fui?

Sti puma pregiatissimi, chi tocchi, Sù produtti da l'arvuli, chi a scaccu Tu chiantasti a li lati di li rocchi;

Passau Raimundi seculi 'ntra un sbraccu, Vinni, e supra sti trunchi 'nzitau brocchi Di l'orti di Virgiliu, e Oraziu Flaccu.

## XXX.

In lodi di la prima ballerina la sig. CAMPILLI: pri lu ballu nellu teatru Carolinu di l'incantu di Armida.

\*Nun sù favuli no li maghi, e fati, Nè poetici sogni la magía : Nun esisti 'ntra spiriti dannati, Nè in grazia, arti, avvenenza, e simpatia. Nè la vaga Campilli la truvati, Ch'ora si mustra eguali ad una Dia, Chi gosta la sublimi voluttati, E nni fa parti ancora a la platia.

Ora in idda si vidi la brillanti Alligria, ch'a turrenti si propaga, E 'mbriaca di gioja và baccanti.

Ora s'abbatti, smania, e la sua chiaga Disia di midicaricci egni astanti, Vuliti echiù prodigi pri na maga?

#### XXXI.

Compostu su la spiranza chi la maistà di lu lu Re e la Rigina avennu cumpatitu benignamenti li poesi siciliant, si fussiru invogghiatt di conusciri l'oluri.

\*Quantu megghiu pri mia, ch' cu fussi statu Non Meli oturi di ogni libru miu, Ma libru stissu, acciecchi fussi anch'iu Da l'augusti Patruni tolleratu. \*\*Ma mentri chi miu figghiu è gusciddatu, Jeu mi meru di fami, e di disiu, Iddu sta in autu, ed eu 'nterra mi viu, Iddu è suffertu, ed eu su scarpiaatu.

Kortuna a li mei figghi cci fa onuri, Ma vicinu a lu padri un si cci accampa, Maesta currigiti lu so erruri:

Sumministrati l'ogghiu a la mia lampa; Possibili, chi nenti pri l'oturi, E poi tanta bonta pri la sua stampa!

# - 58 - XXXII.

Pri la morti di S. M. M. CABULINA d'Austria rigina di li dui Sicilii.

\*Nun cchiù l'Europei munti, e li caverni Di strepiti echeggiavanu, e rimbummi, Bi li tammuri marziali, e trummi, E di li brunzi machini d'inferni;

Nè cchiù strappati a forza da materni Vrazza li cari figghi a peni summi, Vinianu esposti a ferru, a baddi, a bummi Pri ambiziusi voluttà superni.

Spurgiuta avia la Paci la serena Testa d'in celu, chi di l'empia guerra L'ira, lu sdegnu, e li fururi affrena.

Ma la felicità nun regna in terra, Eccu la Parca, oimè! cancia la scena, E Maria Carulina Augusta atterra!

### XXXIII.

Pri la beneficenza di monsignuri LOPEz arciviscuou di Palermu.

\*'Aju apprisu inultránnumi nell'anni Chi regna da li cámmari a la sala, Cugghiuniata 'ntra li curti granni, Ma imbellettata, e in abiti di gala:

S'insinua duci duci in tutti banni, E fa spissu carizzi cu la pala... Cca però meli da li labbra spanni, E muli, ed oru splendida rigala.

Cca 'ntra la mitra, e fascia oggi si stalla, Spogghia l'indoli antica, e si modella Su li virtuti di Minerva, e Palla.

Suvrana metamorfosi novella. Canciata sta Crisalidi in farfalla. Cugghiuniata, ardiscu dirlu, è bella!

#### XXXIV.

Supplica a S. R. M.

Siri

Giuvanni Meli vassallu fidili A lu benignu so munarca esponi Chi la sua mischinedda pensioni, E già consunta da mali suttili.

Li pensioni sù comu in aprili Li semineri, chi in se stissi boni. Però suggetti a vicenni crudili, Risini, siccità, inondazioni:

Prezzi accrisciuti, e introiti mancati. Si cerca tuttu ed antru nun si trova. Chi lu vacanti titulu di Abati,

Chi nun lu pò impignari nè per ova, Nè pri pani, si vostra Maistati Supra di 'na cummenda 'un ci lu 'nchiova.

Quattr'ordini si trova, E 'na tonsura dintra l'arma già, Pirtantu è Preti, cchiù di 'na metà: Cadenti è la sua età,

E'ntra lu brevi di sua vita spaziu. Pensa raccumandarsi a San Pancraziu.

Di Augustu ottinni Oraziu Un pudiri, e Virgiliu anchi l'ottinni.

Meli nun á pudiri, e nun á nninni; Vulari senza pinni

Abatia vacante che l'autore domandava.

Li cigni Aschrei nun ponnu; impinnau l'ali

Cesari a chiddi cu li soi rigali.

Gloria tirrena un vali, Benchi fussi distisa, e fussi eterna, A ristorari un stomacu a lanterna.

Quannu la sua lucerna Faceva qualchi lustru e qualchi spiccu,

Cu li suduri soi si sintia riccu. Ora lu mecciu è siccu,

Forzi, occhi e menti ci vannu mancannu, Nè pò jiri malati visitannu.

Nun parru di lu dannu, Chi ad iddu fattu cci: á la poesia Cancillannu di medicu l'idia:

Cu estrema pulizia Cci á suttrattu l'arrustu, e l'á lassata, Comu salami a fumu cuvirnatu.

'Ntra stu cattivu statu Di vecchiu bisugnusu, e mali sanu, Chi autru pò fari? A vui stenni li manu:

O vui, Patri e Sovranu, Cumpiacitivi, mentri Meli campa, Sumministrari l'ogghiu a la sua lampa.

# POESII DIVERSI.

# DITIBAMMY.

#### SARUDDA

Sarudda, Andria lu sdatu, e Masi l'orvu,
Ninazzu lu sciancatu,
Peppi lu foddi, e Brasi galiotu
Ficiru ranciu tutti a taci-maci
'Ntra la regia taverna di Bravascu,
Purtannu tirrimotu ad ogni ciascu.
E doppu aviri sculatu li vutti,
Allegri tutti misiru a sotari,
E ad abballari pri li strati strati,
Rumpennu 'nvitriati
'Ntra l'acqua, e la rimarra, sbrizziannu
Tutti ddi genti, chi jianu 'ncuntrannu.
E intantu appressu d'iddi
Picciotti, e picciriddi,

Vastasi, e siggitteri, Cuechieri cu stafferi, Decani cu lacchè, Cci ijanu appressu facennucci olè. Allurtimata poi determinaru

Di jiri ad un fistinu
Di jiri ad un fistinu
D'un so vicinu, chi s'avia a 'nguaggiari,
B avia a pigghiari a Betta la Cajorda,
Figghia bastarda di fra Decu, e Narda:
L'occhi micciusi, la facciazza lorda,
La vucca a funcia, la frunti a cucchiara,,
Guercia, lu varvarottu a cazzalora,

Lu nasu a brogna, la facci di pala, Porca; lagnusa, tinta, macadura, Sdisérrama, 'mprisusa, micidara.

Lu Zitu era lu celebri Ziu Roccu, Ch'era divotu assai di lu Diu Baccu, Nudu, mortu di fami, tintu, e liccu; E notti e iornu facia lu sbirlaccu.

Eranu chisti a tavula assittati
Cu li so' amici li cchiù cunfidati;
'Ntra l'autri cunvitati
Ec'era assittata a punta di buffetta
Catarina la Niura,
Narda Caccia-diavuli,
Bittazza la Linguta,
Ancila Attizza-liti,

E Rosa Sfincia 'Ntossica-mariti. Eranu junti a la secunna posa, Cioè si stava allura stimpagnannu. Lu secuppu varrili.

Lu secupnu varrii, Ch'era chiddu di dudici 'ncannila Ben sirratu.

Nvicchiatu, Accutturatu.

E pri dittu di chiddi, ch'ànnu pratica, Era appuntu secunnu la prammatica.

Quann'eccu a l'improvisu, chi cci scoppanu, E, comu corda frádicia, si jéttanu Sti capi vivituri li cchiù 'nfánfari, Chisti sei laparderi appizzaferri, Chi sgherri sgherri dintra si cci 'nfilanu, Vennu ad ura, ed appuntu, anzi l'incappanu Cu lu varrili apertu e si cci allappanu.

Primu di tutti Sarudda attrivitu Stenni la manu supra lu timpagnu, E cu un imperiu di Alessandru Magnu A lu so stili, senza ciu, nè bau. A la spinoccia allura s'appizzau.
Poi vidennu dda 'ncostu 'na cannata
Di vinu 'mpapanata,
Cu' un ciauru chi pareva 'na musia,
La scuma, chi vugghieva, e rivugghia,
L'aguanta, e mentri l'àvi 'ntra li pugna,
Grida: curnuti, tintu cui cci 'ncugna.

Tólama, tólama,
Sciállaba, sciállaba,
Tumma, tumma, tumma,
Cori cuntenti, e tummámu cumpà.
Gannati, arci-cannati, anzi púrpaini,
Tumma, tumma, cumpagnu, a trinch-vaini;
Chi cu 'na 'nzirragghiata di sciroppu
Si campa allegru, e si vinci ogn'intoppu;
E cci fa fari sauti, comu addáini,

L'avirrò pri un sollenni cacanáca Erramu, tintu, putrunazzu e vili, Cui di nui chista sira 'un s'imbriaca, E chi nun crepa suttu lu varrili.

Scattassi lu diántani,
Chi vogghiu fari un brinnisi
A Palermu lu vecchiu; pirchl in pubblicu
Piscia, e ripiscia sempri di cuntinu
'Ntra la funtana di la Feravecchia;
E pisciannu, e ripisciannu
Lu mischinu cchiù s'invecchia.

Jeu vivu in nomu to, vecchiu Palermu; Pirchl eri a tempu la vera cuccagna; Ti mantinivi cu tutta la magna, Cu spata e pala, cu curazza ed ermu:

Ora fai lu galanti, e pariginu, Carrozzi, abiti, sfrazzi, gali e lussu; Ma 'ntra la fitinzía dasti lu mussu; Ca sl fallutu, oimè! senza un quatrinu. Oziu, jocu, superbia 'mmaliditta T'annu purtatu a tagghiu di lavanca; Tardu ora ti nni avvidi, e batti l'anca; Scutta lu dannu, pisciati la sditta.

Ma vajanu a diavulu St'idei si malinconici, D'ora 'nhavanzi in cumpagnia di Baccu Vogghiu fari la vita di li monaci, Quali cantannu, vivennu e manciannu, Campanu cu la testa 'ntra lu saccu.

Quannu di vinu
Eu fazzu smaccu,
Tutti li cancari,
Tutti li trivuli
Li pistu, e ammaccu.
Sorti curnuta mi ai sta grazia a fari,
Chi cantannu, e ciullannu, comu un mattu,
Pozza tantu cantari. e poi ciullari,
Pri fina, chi, facennu un bottu, scattu.

Di stu gottu, chi pari 'na purpania, Mentri lu vinu in pettu mi dillúvia, Eu sentu, amici, 'na calura strania, Chi dintra va sirpennu cúvia cúvia,

Ed intantu li so' effluvia
A la testa si nni acchiánanu;
Mi gira comu strúmmula,
Mi va comu un animulu,
Mi fa cazzicatúmmula
Lu beddu ciricócculu;
Li mura mi firrianu;
Li porti sbattulianu;
Lu solu fa la vózzica;
Lu munnu, oimè! s'agghiómmara;
Li testi già trabbállanu;
Tavuli e seggi pri alligrizza ballanu.

Sárvatí, sarva; Chi tirribiliu! Guarda, guarda, chi stráverin!
Si nni vinni lu dilluviu!
Giovi á già abarrachiati
Catarratti e purticati!
L'autu Empiriu purpurinu
Chiovi vinu: allerta tutti;
Priparati tini e vutti.

Crisci la china;
Oimè! unni scappu?
Dintra 'na tina
Trasu pri tappu;
No, nun è tina,
Pigghiavi sbagghiu,
È un quartaloru
Senza stuppagghiu;
Chi cula, e chi pircula
L'ambrosia biata,

Dintra sta sollennissima cannata.

Dammi, o cannata,
Nautra vasata...
Chista è guarnaccia.
Chi cui la tempira,
Merita in faccia
Sarrabuti.

L'acqua 'un fu fatta no pri maritarisi.
L'acqua fu fatta pri starisi virgini,
O 'ntra lumari,o 'ntra ciumi,o 'ntra mayuli.
O 'ntra laghi, o 'ntra puzzi, o 'ntra funtani,
Pri li granci, li pisci, e li giurani.
Si l'ogghiu cci junciti, si sta suvuli;
'Mmiscata cu la terra fa rimarri;
'Mmiscata cu lu vinu fa catarri.

Dunca a menti tinitilu Stu muttu praciribili, Chi l'acqua mali facini, E vinu cunfurtibili.

Cui disia di stari allegru, Viva sempri vinu niuru, Vinu niuru natu in Mascali; Chi pri smorfia signurili Si disprezza in ım barrili; Poi si accatta comu archimia, 'Mbuttigghiatu, 'Ncatramatu. Siggillatu, Da un frusteri, tuttu astuzia, Chi cci grida pri davanzi, Trinch lansi, vin de Fransi. Pri la monaca racchiusa, Ch'avi sempri ostruzioni, Facci pallida, e giarnusa, Isterii, convulsioni, Viva, viva a tuttu ciatu, Lu muscatu di Catania, o Siragusa;

Nun è cura radicali, Ma minura li soi mali.

A li schetti affruntuseddi, Chi sù timidi, e scurtisi, Calavrisi Li sbulazza,

E li fa nesciri in chiazza,
Li cattivi li mischini,
Chi su scuri, e 'ngramagghiati,
E ánnu l'occhi sempri chimi
Di li tempi già passati,
Pri nun aviri cchiù filati e baschi
Durmissiru la notti cu dui ciaschi.
Maritati, chi o li siddi,

Maritati, chi o li siddi,
O la scura gilusia,
V'à livatu l'alligria,
E vi à risu laschi, e friddi,
Si vui tummati malvacia di Lipari,

'Nfurzati, e quadiati comu vipari. Pri chiddi debuli, Chi 'ntra lu stomacu Cci ánnu lu piulu, Chini di viscidu, Di flemmi, e d'acitu, Cu facci pallida, Cu carni sfincida. Dívinu viviri Lu Risalaimi. Chi è sanatodos. Anzi è lu lapisi Di li filosofi: E si vivennulu, E rivivennulu. Nun si sullevanu, Nè si ristoranu. Torninu a biviri A battagghiuni Varrili. e ciaschi. Finchi abbuluni Cci nescia pri l'oricchi, e pri li naschi. Pri qualchi malinconicu mischinu. Ch'àvi l'occhi 'nfurrati di prisuttu: E 'ntra un munnu di beni, e mali chinu, Lassa lu bonu, e s'applica a lu bruttu; Chi sta mestu, e distrattu 'ntra un fistinu; E'ntra lastimi poi s'àpplica tuttu: Vinu di li Ciacuddi lu quadia, E lu guarisci di la sua fuddia. Si qualchi Bácchiara Simplici, e tennira, Senti 'ntra l'anima Qualchi simpaticu Vermi, chi rusica, E prova spasimi,

Sintomi, e sincepi,
Granfi di matiri,
Cu affetti sterici,
Ed autri strucciuli
'Ntra ventri, ed uteru,
Si la voli poi 'nzirtari,
E scacciari
Sti fantastici virmazzi,
Viva guarnaccia di li Ficarazzi:
Trinchi, tummi la guarnaccia,
Chi un diavulu a nautru caccia.

Bisogna cunviniri, amici cari,
Tutti li vini sunnu beddi e beni;
Sunnu la vera ambrosia di li Bei;
Ma in bona paci dittu sia 'ntra nui,
(Sacciu, chi parru cca cu mastri mei)
Lu vinu cchiù eccellenti, e prelibata,
A miu pariri, è chiddu accuttaratu.

Chistu vinu è accussi finu, Chi da dami, e cavaleri, Da magnati, e da frus**ter**i, Çu lu mussu strittu, e 'nouttu, E chiamatu vinu asciuttu,

Li francisi 'nnamurati
Vonnu vini dilicati:
Vonnu a Cipri, ed a Firenza,
A Pulcianu, ed a Burgogna,
A Sciempagna, ed a Bordò;
Jeu dirria cu sua licenza:
Chi 'un sù vini chisti tali,
Ma sunn'acqui triacali.

E si lu 'Nglisi si vivi la birra, È signu incuntrastabili, Chi 'ntra li soi ricchizzi è miserabili; Nui, chi vivemu vini spirdatizzi, Semu cchiù ricchi di li soi ricchizzi. Oh Castedduvitranu beni miu!
Ciammi di lu miu cori, vita mia!
A pinsaricci sulu m'arricriu,

Lu gran piaciri, ch'eu provu di tia.
Oh Garini Carini! oh nomu! oh idia!
Chi mi trapana l'arma di ducizza!
Oh Arcamu! oh Ciacuddi! o Bagaria!

Ricettu di la vera cuntintizza! Chiova sempri lu suli a vui d'intorpu L'influssi a li magghiola cchiù propizj;

Nè mai vacca cci arraspi lu so cornu; Nè cci accostinu mai merri, e malvizi.

Oh Baccu allegra-cori, Straviu di li murtali, 'Ntra gotti e cantamplori Annéi tutti li mali.

Pri tia lu munsignaru
Dici la viritati;
Lu pigru fai massaru;
Scacci la gravitati.

Pri tia lu sangu tardu Rivugghi 'ntra li vini; Pri tia si fa gagghiardu. Cui è debuli di rini.

La gilusia tu scacci, Asciuchi tu li chianti; Tu levi di la facci L'affruntu di l'amanti.

Tu l'estru in testa attizzi, Nun sulu a li poèti, M'anchi a lu vulgu 'mmizzi D'Apollu li secreti.

Benchl iu sia cuticuni, Avvezzu a li taverni, Un sulu to vuccuni Mi fa scappari perni. MELI.

Vogghiu cantari, Vogghiu ballari, Vaja sunatimi Li scattagnetti; Vajanu a cáncaru Corni e trummetti. Nun vogghiu cimmalu, Nè vijulinu. Mancu sarteriu. Nè minnulinu; Chisti mi pracinu, Però mi spiranu Certu pateticu, Chi fa addurmisciri; E catámmari catámm**ari** Mi fa jiri in visibiliu.

Si vuliti, ch' eu canti 'na canzana Vogghiu sunata la napulitana, Cu' un tammureddu chinu di cirimuli, Cu lu liutu, e la citarra chiana.

Cu lu liutu, e la citarra chiana. Amuri mi fa in pettu ticchi-ticchi,

Lu senziu và pri l'aria ab hoc, e abbacchi, La bedda fa a la gula nnicchi-nnicchi; Aimè! ca scattu comu un tricchi-tracchi; Veni, ca ti farrò salamilicchi; Ssi toi biddizzi quantu sù vigghiacchi! Bedda cannata mia tu fai li ricchi, Veni fammi a la gula tracchi-tracchi.

Caspita! caspita!
Mi pigghia sincupa,
Nun pozzu cchiù.
Già mi pricipitu,
Cumpari Brazzitu,
Tenimi tù.

Ahi! chi sintómu, aimè! Chi motu di riversu, ch'eu mi sentu, Prima ch'eu mora cca, comu un stè-stè, Sintiti, amici, lu miu tistamentu.

Quannu mi scatta l'arma, e lu battisimu Vogghiu, chi vegna in locu di cunventu Cu li carrabbi in manu, e vutti in coddu, Tuttu tuttu l'interu lummardisimu.

Vogghiu chi l'ossa mei stassiru a moddu Dintra 'na tina, china a tinghi-tè D' un vinu, chi pò vivirni lu re.

Nun vogghiu essiri espostu supra terra, Ma 'ntra lu Burgu dintra un magasenu; Vogghiu, chi si facissi un musuleu, Autu tri canni e cchiù di lu tirrenu, Di stipi supra stipi, e supra jeu: Si spezzinu ddu jornu in mia memoria, Gotti, carrabbi, carrabbuni, e ciaschi; Sunassiru li tocchi, e li martoria Li quartalori, e tutti l'incantini.

A vucchi chini, taverni, e facchini, 'Annu a cantari, ed ànnu a celebrari : L'offiziu di vinu pistammutta, Senza ristari mai cu vucca asciutta,

Vi lassu 'ntra lu vinu, o cari amici,
L'unicu gran segretu imparegiabili,
Pri cui putiti farivi felici,
Ad onta ancora di la sorti instabili,
E quannu arriviriti a 'mbriacarivi,
Stu munnu tuttu guai, 'mbrogghi e spurcizi,
A modu di portentu, ed arti magica,
Divintirà teatru di delizi.

'Mmatula, 'mmatula,
Tanti spargirici,
Tutti s'affumanu,
Ciusciannu mantaci,
E fannu premiri
Chini d'inchiastri, e intrichi,

Li storti, e li lammichi. Pri circari a tanti mali. Lu lapis midicina univirsali. Jeu nun negu, chi si dii: Ma nun sta'ntra li burnii, 'Ntra li stipi, e 'ntra l'armarii, Di affumati aromatarii; Lu truviriti, Si giririti Di li lummardi, taverni, e facchini. Li stipi, vutti, quartalori, e tini. A li 'nnimici mei, pri camulirisi Li civa di li corna, eu tutti lassu Ddi pinseri, chi sfrattu, e mannu a spassu: Si smiduddassiru, Sfirniciassiru, Circa l'origini Di munnu, e d'omini. Di venti, e grandini. Pri quali causa Nun pò firmarisi Un mulu, un asinu. 'Na petra in aria? Pirchi producinu Nuari, ed orti Longhi li vrocculi; Chiatti li cavuli; Russi li fráuli, Citrola torti? Pirchi la vina Dintra li fauci Nni punci, e múzzica, Gattigghia, e pizzica, Titilla, e stuzzica? E l'acqua si nni cala

Locca locca, muscia muscia

Jeu sti dubj, sti pinseri, Nu li sciogghiu, nè indovinu; Ma l'annegu, tutti interi, 'Ntra 'na ciotula di vinu.

Viju li genti a quattru a quattru! oimè! Sta nuvula 'ntra l'occhi chi cos'è? La testa pisa assai... chi cosa cci aju? Li gammi nun annervanu!...chi fù? Jeu ca...eu ca...eu caju... Tenimi...ajutu...ivi!... nun pozzu cchiù.

Cussi lu Su Sarudda
'Mmenzu la fudda lascu s'abbanduna,
Cu l'occhi 'nvitriati,
Li vrazza sdillassati,
Lu pettu mantacia,
Parra già cu li naschi, e tartagghia...
Abbucca...fa un gran sforzu e si ripigghia...
Camina un pezzu ad orsa...cimiddia...
Poi pigghia un strantuluni...si ricúpa...

Búffiti 'nterra 'na stramazzunata.

Cursiru allura li cumpagni amati,
Tutti 'ngriciati ancora peju d'iddu;
Lu spincinu esi-esi a cuncumeddu:
Poi 'ntra li vrazza, comu un picciriddu,
Si lu purtaru a cavu-cavuseddu.

Gira...sbota...traballa...allurtimata

# Paradrasi

Di lu dialogu di li Morti, scrittu da lu celebri Bernardu Fontanelli.

Interlocuturi-Aristotili & Anacreonti

Arist. Mai mi sarria cridutu, Chi un auturi di allegri canzuneddi,

Ardissi cumpararisi a un filosofu. E ad un tali filosofu, ch'avia 'Na riputazioni comu mia! Anacr. Tu multu in autu ái fattu risunari, Stu nnomu di filosofu, e si vidi, Chi nni sì lesu, e ti nni voi priari. Cu li mei canzuneddi eu sù arrivatu. Ad essiri chiamatu « Lu saggiu Anacreonti » e a miu pariri Stu titulu di saggiu vali cchiù, Di chiddu di filosofu chi ái tu. Arist. Cui t'á datu stu titulu 'un sapía Forsi 'nzoccu dicía. Ma cos'ái fattu, comu ái meritatu Stu titulu onoratu? Anacr. Jeu nun aju fatt'autru in vita mia. Chi viviri, cantari, Fari l'amuri e stari in alligria; E cu sta mia manéra di campari Mi s'è accurdatu in ogni età fratantu Lu titulu di saggiu, e mi noi vantu. Ouannu tu di filosofu lu nnomu A summi stenti ti l'ai procacciatu, E infiniti travagghi t'á custatu. Dimmi la viritati : Quanti notti ái impiegatu a discifrari L'intricati e spinusi questioni Di la tua dialettica, Ch'apporta a cui la studia la febbr'ettica? Com'ái fattu a componiri Grossi volumi di materi oscuri. In cui forsi a lu spissu Nun cumprinnivi tu mancu a tia stissu? Arist. Benissimu. Ti accordu. Chi pri arrivari a la vera saggizza

Tu ti ái saputu scegghiri 'na strata

Cchiù commoda, e cchiù grata; E ti suppognu summ'abilitati Pri aviriti truvatu Cu la simplici lira e la buttigghia, Lu menzu d'acquistariti cchiù gloria, Chi cu vegghi e travagghi di mult'anni Nun si acquistaru omini dotti, e granni. Anacr. Tu cridi trizziari? Eu ti sustegnu, Ch'è multu cchiù difficili Lu viviri, e cantari Com'eu aju vivutu e aju cantatu, Chi lu filosofari Di lu modu, ch'ái tu filosofatu, Pirchi (attentu, chi cca sta lu busillis) Pri biviri, e cantari, comu mia Bisogni aviri l'anima espurgata Di li rei, violenti passioni; Oh quantu sta savurra, e sta munnizza Si opponi a la saggizza! Bisogna poi nun aspirari mai, A cosi chi 'un dipendinu da nui: (Avanti ca cc'è cchiui); Di stari sempri espostu e priparatu. A pigghiari lu tempu comu veni; Ed abbisogna in summa D'aviri prima ntra lu propriu internu Misi beni in assettu, e priparati Multi picciuli cosi Da l'omini, anchi dotti, trascurati. E sibbeni 'un ci vogghia pri st'espurgu 'Na summa dialettica, ma puru L'arrivaricci è un ossu multu duru. A lu cuntrariu poi cu menu spisa Si pò filosofari. Comu filosofaru li toi pari. Nun fusti pri arrivaricei obligatu

A guaririti prima Di l'avarizia, e di l'ambizioni: Ma ti godisti larghi pensioni 'Ntra la superba curti di Alessandru: Nni ottinisti un rigalu Di cincu centu mila scuti, e chisti Non tutti li spinnisti In sperimenti fisici a tenuri Di la gran menti di lu donaturi: Dicu in conclusioni. Chi sta tua sorti di filosofia Porta a cosi, chi scordanu lu tastu. E a la filosofia fannu cuntrastu. Arist. Bisogna diri : chi forsi cca jusu Ci sianu mali lingui, e chi sti tali Di mia t'aianu fattu Cattivu lu ritrattu. Ma siasi comu vogghia, convenemu Chi l'omu è omu in quantu á la ragiuni. Nè cc'è cosa cchiù digna, ch'insignari A sirvirinni d'idda Pri studiari a funnu la Natura, E sviluppari l'intricati enimmi. Chi cci presenta sutta forma oscura. Anacr. Viju, e stupisciu, l'usu di li cosi Com'è canciatu 'ntra l'umani testi! E chissa chiami tu filosofia? E stiracchiata assai, cridilu a mia. A li curti : la vera Filosofia riguarda li costumi, Ed è cosa ammirabili in se stissa, Ed útili anchi all'omini: Ma a chisti nun cci sona Di aviri stu suprossu, Chi s'ingerisca 'ntra l'affari d'iddi. E regolassi li direzioni

Di l'interni sfrinati passioni. Pertantu la stramannanu In celu a situari li pianeti. A calcularinni li moti, o puru L'abbijanu a percurriri la terra Pri esaminari tutti Li soi materiali, e li produtti; Cercanu insumma sempri d'impiegarla Luntana d'iddi pri quantu è possibili, Acciò non iscoprissi Quantu cc'è in iddi di repreensibili. Fratantu comu vonnu a pocu spisa Chiamarisi filosofi ánnu usatu Li menzi e l'accurtizza Di estendiri stu nnomu insinu a chiddi, Chi osservanu li stiddi, e a chiddi tali. Chi studianu li causi naturali. Arist. E quali nnomu mai Cridi convenienti Di darisi a sti genti? Anacr. Nun á chi fari la filosofia. Chi cu l'omini suli, e nenti affattu Cu lu restu di tuttu l'universu: Pensa all'astri l'Astronomu. Lu Fisicu contempla la natura, E attenni lu Filosofu A la perfezioni di se stissu. Ma a sta condizioni tantu dura Cui si l'avirria 'ntisu Di essiri mai Filosofu? Nessunu. Ed eccu lu motivu. Pri cui s'á dispinsatu A li Filosofi essiri Filosofi; Da tuttu chistu ben si vidi comu Vinni a Fisici, e Astronomi stu momu. In quantu a mia nun sugnu:statu mai Di st'umuri bizzarru,
Da impegnarimi a rendiri svilatu
Quantu natura a nui teni ammucciatu;
Nonostanti mi pozzu millantari
D'essirci menu di Filosofia
In tanti libri scritti apposta pr'idda,
Chi 'ntra qualch'una di ddi canzuneddi,
Chi tu disprezzi misu in gravità.
Vàjanni per esempiu chista ccà.

Si l'oru prolungassi La vita eu circhiria Menzi, pri cui abbundassi Dintra la cascia mia.

Acciò quannu la morti Mi battiria li porti Putissi cu li 'nninni

Putissi cu li 'nninni Diricci : Tè vatinni.

Ma si la Parca 'un cura L'oru nè li dinari, Pirchì tanta primura A cogghiri, e 'mburzari?

Si lu destinu è tali, Chi nun si smovi a nenti, L'affligirni nun vali, Nè vannu complimenti, Chi resta dunqui a fari?

Godiri di la vita
Mentri chi pò durari
Passarla divertita:
L'amuri, la buttigghia,
D'un vinu chi suttigghia
Li canti l'alligria,
La bona compagnia.

Arist. Si tu filosofia nun voi chiamari, Si non chidda, chi guarda lu costumi, Dintra li libri di la mia morali

Trovi cosi, chi misi a paragum Vincinu chista, e l'autri toi canzuni. Pirchì da oscuritati. Di cui rimproverati Sunnu alcuni opri mei, (E chi in qualch'una forsi si cci trova) Nun cci nn'è, nè prevali 'Ntrà li mei libri supra la morali, E lu munnu cunfessa : Chi nun cc'è di cchiù bellu, e di cchiù chiaru, 'Ntra l'operi cchiù boni Di quant'eu scrissi sù li passioni. Anacr. Oh chi abusu! oh chi abusu! Nun si tratta Di definiri metodicamenti Li passioni (comu mi si dici Chi ai fattu tu) di vincirli si tratta. L'omini condiscindinu a mustrari Li propri mali a la filosofia Acciò li conuscissi; Ma no a l'oggettu, chi cci li guarissi. Sù malati, chi lastimi, e lamenti Cuntanu pri sfugarisi a lu medicu; Ma poi dieta, nibba, Nè vonnu oprari li medicamenti. 'Annu perciò truvatu lu segretu Di farisi 'na tali Specia di morali. Di cui la vicinanza d'iddi sia Ouantu vicina cc'è l'astronomia. Putiti mai tratteniri li risi Sintennu genti additti a lu guadagnu, Chi pri accriscirlu cchiui Predicanu disprezzu a li ricchizzi? Chi differenza cc'è 'ntra chisti tali, E lu surci rumitu, chi 'ntanata 'Ntra' na pezza di caciu piacintinu

Fattu so riverenza chiattu, e tunnu, Predica l'astinenza. E lu summu disprezzu di lu munnu ?

# electe.

I.

Venerandu Silenziu, chi t'aggiucchi 'Mmenzu li rami di sta silva oscura, Unn'autri nun ti sturbanu, chi cucehi:

Scusa, s'eu vegnu in chista insolit'ura · A sturbari li toi muti riposi,

Cu chianciri la mia mala vintura :

O petri, o trunchi, o duri e surdi cosi, Felici, chi di stupida sustanza Natura matri cingiri vi vosi.

Ahimè! chi lu miu cori è fattu stanza Di pietusa mestizia pri lu sensu, Chi natura cci misi in abbundanza!

 Amu pri miu tormentu, oimè! si pensu; Amu, si eu dormu: ed amirò a la fossa. Cinniri nuda senza miu cunsensu.

Aimè! chi ogni mia fibbra appena smossa Trema tutta, si scoti, e un sulu sguardu M'arriva a penetrari sinu all'ossa.

L'imagini di chidda, pri cui ardu, Mi sta accussi'ntra l'occhi, chi a stu puntu Mi pari, chi cci parru, e chi la guardu.

Vita di l'arma mia, éccumi juntu, Pri amari a tia, 'ntra sti penusi istanti... M'aimè! ca sfui, e nun mi duna cuntu?

L'ervi, e li trunchi, chi mi sù davanti. Sclamanu in ogni motu, in ogni gestu: Unn'è la vita tua, miseru amanti: D'unni mi votu, oimè! cchiù mi funestu... Tenebri, orruri, luttu, crepacori, Taciti, oimè! chi d'un jacobbu mesta, Sentu 'na vuci, chi mi dici : mori.

#### 11.

#### Lu chiantu d'ERACLITU'.

Spelunchi, avvezzi sulu a riferiri L'aspri lamenti di li sventurati, Chi nasceru a lu munnu pri patiri; Fantasimi, chi infausti guvirnati, Pri menzu di l'orruri, e lu spaventu

Sti lochi a la mestizia cunsacrati;

Eccu, chi in olocaustu iu vi presentu. Teatru orrendu di miseria umana, Chista, chi vita chiamanu, ed è stentu. Stennu li vrazza a la spiranza vana,

Ma poi mi avviju, ch'è la sula pena, Chi nui da lu non essiri alluntana;

Chi si un lampu serenu luci appena, Di un subitu svanisci a lu pinsari, Chi affannu, e morti chiudinu la scena.

Omu superbu, e ardisci cchiù vantari Lu pinseri, la menti, e la ragiuni, Ddi tiranni, chi t'annu a turmintari?

Sutta un giugu di ferru a strascinuni Lu bisognu ti umilia, e l'avveniri Ti pisa supra comu un bastiuni.

D'unni a li mali toi, d'unni poi aviri Riparu e scampu, si cu punta acuta

L'autore in questa e nella seguente elegia si è proposto i mettere in veduta molti pensieri, che naturalmente si afcciano alla mente del filosofo privo del vantaggio della velazione.

La menti stissa ti veni a firiri?

Invidiirai la stupidizza bruta, Chi licca lu cuteddu, chi l'ocidi; E mori comu vampa, chi s'astuta,

Miseru, oimè! si chianci, oimè! si ridi, Miseru forsi cchiù, chi un cecu, o pazzu

L'infinita miseria nun vidi.

Quali fannu di tia vili strapazzu Li passioni, venti impetuusi,

Da cui sì spintu, e nun vidi lu vrazzu! L'ambizioni, oime! t'attacca, e cusi

'Ntra un'angulu di sala, e alliscia e indora Li pinnuli cchiù amari, e intussicusi.

L'intressu di lu cori caccia fora Li doviri cchiù santi, e listi listi L'odiu ti sbrana dintra, e ti divora :

Ora a lu beni d'autru ti rattristi; Ora gedi d'un mali, ora ti penti, Torni a pintirti poi ca ti pintisti :

La gilusia t'agghiazza; in peni, e stenti Amuri ti fa scurriri la vita;

L'ira in bestia ti cancia, e l'oziu in nenti.

A middi eccessi gioventù tincita;

Tabbatti e stalidicai la vicabiaia

Tabbatti e stolidisci la vicchiaja, Chi è di tutti li mali calamita.

Ora l'orrenna povertà t'impaja Sutta la smunta fami, e pri cchiù luttu L'asinu ti quacía, lu cani abbaja.

Ora infangatu, e in middi vizi bruttu, Piaciri 'un cc'è, chi a tua lascivia basti, Quasi d'umanità spugghiatu in tuttu.

Miseru! e in quali abissu penetrasti Cu respirari l'auri di vita! Ahi! quantu caru l'essiri cumprasti!

Complessu miserabili di crita, Unni regna la barbara incertizza, Chi spargi di velenu ogni ferita.

E chistu è l'omu?... Abi! nenti; ahi stupi-Assurbiti di mia sinu a lu nnomu, [dizza O canciatimi in ciumi d'amarizza.

Cci è lagrimi chi bastanu pri l'omu?

#### III.

### Su lu stissu suggettu.

Nivura malincania, tu chi guverni Cu lu to mantu taciturnu e cupu, L'immensi orruri di li spazj eterni,

A tia 'atra li deserti urla lu lupu; Pri tia la notti lu jacobu mestu Di luttu inchi la valli, e lu sdirrupu;

La scura negghia di cui l'alma vestu Mi strascina pri forza, e mi carria A lu to tronu orribili e funestu.

L'umbri caliginusi, amaru mia! Unni sedi la morti e lu spaventu, Sù la mia sula, e infausta cumpagnia.

Purtatu supra l'ali di lu ventu, Murmura 'mmenzu l'arvuli e li grutti Di l'afflitti murtali lu lamentu.

Fatta centru a li lástimi di tutti L'infelici alma mia china d'affannu, Lu tristu amaru calici s'agghiutti.

Chist'atomi, ch'eu staju respirannu, Sù li suspiri di tanti mischini, Chi stannu a st'ura l'anima esalannu;

Sti terri ch'eu scarpisu sularini, Sunnu (oh vicenni infausti, e lagrimusi!) Sù di regni e citati li ruini;

St'ervi, sti pianti, st'arvuli frundusi Sù cadaveri d'omini e di bruti, Cu terra ed acqua 'nzemmula cunfusi.
Cci stannu attornu friddi e irrisoluti
L'ambri cumpagni estichia e li countest

L'umbri cumpagni antichi; e li scuntenti Sù cundannati a stari sempri muti.

Volanu intantu l'uri, li mumenti; E ogn'unu d'iddi porta supra l'ali

E ogn'unu d'iddi porta supra l'ali Stragi, ruini, guai, travagghi, e stenti.

L'origini qual'è di tanti mali? Lu sensu, oimè! lu sensu chi repugna D'unirsi a corpi fragili, e murtali.

Cussi tirannu l'omu vivu incugna A un cadaveru pútridu, ed unisci Carni a carni, ossa ad ossa, ed ugna, ad ugna.

Si lu sensu a li Dei si riferisci, Quali fatalità barbara, e ria

A stu signu l'umilia, e assuggettisci?
Piaci forsi a li Dei la tirannia?
O forsi si dirrà : chi cchiù potenti
D'iddi lu fotu a lu destinu sin?

D'iddi lu fatu, e lu destinu sia?
Forsi è in pena di l'omu sconoscenti?

Ma pirchi nni participa lu brutu, E ogni animali simplici, e innoccenti?

Innatu a la materia, o so attributu Forsi è lu sensu? ma pirohi guastannu L'ordini in idda, lu sensu è finutu?

Forsi esisti da se? ma unn'era quannu L'ordini di lu corpu, e l'armunia Nun era ancora jutasi furmannu?

É forsi parti di l'eterna idia? Di la causa increata? e s'idda è eterna , Pirchi fu in tempu l'esistenza mia?

Lu pinseri, chi pagita e s'interna, Nun discerni chi tenebri, ed orruri, Di cui resta abbagghiatu, e si costerna; Forsi st'abissu d'umbri cussì oscuri

E l'infinitu "mitu fatali

Situatu 'ntra l'omu, e lu fatturi ? Indarnu umana menti azzanna l'ali Dintra di sta caligini profunna, Chi a penetrarla la sua forza 'un vali.

Chistu è lu sagru velu, chi circunna La prima essenza, centru, comu un sassu

Di li diversi circuli di l' unna;

Chi presenti in ogni opra, in ogni passu, Penetra, avviva, ed occulta a lu sensu La manu, lu disignu, e lu cumpassu.

Oh tu, causa, principiu, eternu, immensu 'Ntra li tanti attributi 'un sarrai bonu? E infelici nni voi senza compensu? Lu ma!! è gloria a lu to eccelsu tronu.

#### IV.

# Su lu stissu suggettu.

Notti, chi rendi a li terreni oggeta Lu veru aspettu so nivuru, e tristu, Di cui la luci nn'impidia l'essetti, Ceca si tu, nè l'autri globi ài vistu In tia dispersi e 'ntra lu primu nenti Gemellu to, comu sarà di chistu.

Sta fragili mia spogghia già cadenti Sutta di li corvini toi grand'ali Sarà turnata a soi primi elementi.

Lu pinseri però raggiu immortali Di eterna luci spetta a lu so tuttu A la sfera suprema originali.

Intantu mentri chi cu peni, e luttu L'intressi di stu massu di sustanza, Da la terra sburzatumi, jeu scuttu,

Quantu stu alloggiu di terrena stanza, Quantu caru mi custa! Oh cnormi usura Pri una pinusa, efimera tardanza!
Appena chi nn'impresta la natura
Lu so tirrestri fangu, oh quanti mali
Manna missaggi a rimburzarlu allura!
Cuvi, frevi, valori, ed autri tali
Malanni, e infirmità tormentatrici,
Pri cui stu munnu è all'occhi mei spitali!
Chiddi, chi 'un ànnu addossu sti nnimici
Sunnu da li passioni tormentati,

Frutti di la fangusa sua radici.

Quasi fussiru pochi l'espressati Mali chi all'omu manna la natura, Quant'autri lu so funnu nni á scuvati!

L'odiu tinaci, la smorta paura, Lu tradimentu, chi si teni forti A la silenziaria congiura;

La vinditta, chi áv'armi di ogni sorti; La guerra chi di l'utili metalli

Nni á furmata la fauci di la morti :
Porta di appressu, e 'ntra li soi intervalli

La zarca fami, e smunta caristia, E la pesti chi colpu mai nun falli:

La spogghia-orfani e vidui ippocrisia , Chi spissu á insanguinatu e tempi, e otari:

L'invidia, chi li cori camulia:

L'ambizioni idropica, astutari Chi mai pò la sua siti vijulenta Di appropriarsi celu, terra e mari;

E l'avarizia magra, e macilenta, Chi a filu duppiu unita a lu suspettu Vigghia l'interi notti, ed arriventa.

I Vae volis Scribae, et Pharisaei hypocritae, quiu medetis domos viduarum, orationes l'agus orantes; preper hoc amplius accipietis judicium. Ev. sec. Matt. cap.2 vers. 13.

'Ntra un cori di sti rei aliti infettu Putrà mai la saggizza lu costumi. E la giustizia aviricci ricettu?

Ma comu sti fangusi, infetti fumi Ponnu essiri in contattu, e tormentari Stu chiaru raggiu di celesti lumi?

Cca mi perdu! Iddu stissu rischiarari Nun pò stu gruppu oscuru, e portentusu, Unni si vennu sti essiri a tuccari:

Nè lu motivu sa, pri cui sta 'nchiusu.: E vidi 'ncatinata la sua sorti Da un sovranu decretu imperiusu.

Benchì fragili sianu li porti Chi chiudinu stu lucidu balenu. Nuddu pò aprirli, salvu chi la morti.

La morti ? Ma quantu orridu è lu trenu Chi l'accumpagna! Oh misera, oh scuntenta Umanità! Lu carceri terrenu

Ti affliggi, e lu scapparni ti spaventa!

## V.

Tributu di lodi, e di rennimentu di grazi a S. Rusulia virgini palermitana, pri aviri preservatu la Sicilia da lu flagellu, chi d devastatu l'Europa.

Salvi virgini santa curunata Di rosi, chi produssi la Quisquina, Quannu da li toi pedi fu tuccata.

Stu tributu di gloria a tia distina La patriota musa, chi ti ascrivi Prima sua, poi celesti citadina.

E pocu cosa a quantu idda ti divi; Ma di lu celu a un'anima felici Cosa pò dari cui cca 'nterra vivi?

Prima Iddiu sia lodatu, chi ti fici Cussì adorna di grazi, e virtù rari, E amanti di la patria, e protettrici.

Tralasciu li prodigi singulari,

(Cui pò cuntarli?) chiddi da l'Eternu Chi ai saputu pri nui sempri impitra. i.

Parru di lu prisenti aspru guvernu Chi fa di Europa lu flagellu riu, Vomitatu in Parigi da l'infernu.

Inginucchiata avanti a lu gran Diu; Presevami, dicisti, da la trista

Corruzioni lu paisi miu:

Jeu fui l'antica tua cara conquista, Chi facisti in Sicilia, e sin d'allura Tua santa grazia mai persi di vista :

Per idda abbandunai li patri mura, E si tutt'ora mi sù tantu a cori, Quantu potti spartenza essirmi dura? Fallu, o Diu, pri l'acerbi batticori,

Ch'iu pruvai quannu sula a pass'incerti Partivi in tuttu simili a cui mori.

Pri voschi, e pri camini aspri, e diserti Mi strascinava la tua grazia santa, E li pedi di sangu avia cuverti.

Comu timida cerva, chi si scanta A un moviri di pampina, eu trimava Quannu scutía lu ventu qualchi chianta.

Una niura spilunca, chi s'incava 'Nira un vausu, mi accugghiu la notti oscura, Chi, comu l'occhi mei, sempri grundava;

Dda, trimannu di friddu, e di paura, Unia cu li jacobi li mei chianti, 'Ngramagghiannu d'intornu la natura.

A lu pinseri miu stavanu avanti Li carizi domestichi, e lu caru Abbandunatu patri smanianti.

Tutta insuppata poi di chiantu amaru Cadia svinuta su la dura rocca, Tutti dui friddi, e immobili di paru.

Ma appena, chi la tua grazia mi tocca Torna a l'usati uffizi la vita,

Nè cchiù lu sangu'ntra li vini arrocca.

La luci avennu appena culurita
La facci di li cosi, un novu orruri
Si fa davanti all'anima smarrita:
Vausi sconnessi, massi informi, e duri

Mi penninu a la testa; e sutta stannu Lavanchi, e precioizi tradituri :

Lavanchi, e precipizj tradituri :

Nesciu, e di rocca in rocca rampicannu Ora a un ficu sarvaggiu, ora a 'na ciacca, Vaju la vita misera affidannu:

Lacerata da spini, e smunta, e stracca Junciu 'mmenzu a lu munti destinatu, Chi mi presenta un vausu, chi si spacca:

Sii tu pri sempri, eu dissi, veneratu Sagru ritiru, chi lu santu amuri A l'amata sua serva á designatu.

Cu palpiti fratantu di terruri Lu sensu mi diceva : è dunca chistu Di l'Avi toi riali lu splenduri?

Oh! si vidissi, o patri in quali tristu Locu mi trovu sula, e derelitta! . Ma...chi dicu iu? posseju tuttu in Cristu.

Da tanti dardi l'anima trafitta Immobili mi restu a meditari Quantu a la menti lu pinseri ditta.

Mi fa la grazia tua poi triunfari . Canciatu lu rimbrezzu in sicurizza, Mi vaju, comu serpi ad intanari.

L'entrata mi contrastanu cu asprizza Li pendenti ruvetti, e da li lati Di li stirpuni l'aspra ruvidizza. Puru, vinti l'intoppi, ahi quantu ingrati; Jeu mi sentu rinata a nova vita 'Ntra ddi sagri silenzi biati.

E cu la manu debuli, e imperita, L'essiri miu sculpisciu in un macignu, E l'oggettu, pri cui sù dda rumita:

E ad eterna memoria cunsignu Di li mei patrioti sempri cari Di santu amuri stu sollenni pignu.

Tu stissu poi da l'Angili guidari M'ài futtu in munti alpestri, e pilligrinu, Pri la patria proteggiri e guardari.

'Ai cunsignatu a mia lu so destinu In premiu di la pena ch'iu pruvai Lasciandula pri tia, Spusu Divinu.

Ora la viju prossima a li guai : Li seduttrici massimi infernali Giranu pri l'Europa comu sai;

'A currutta sta pesti universali Malta di la Sicilia vrazzu drittu, Napuli, soru sua difisa mali.

'Na terribili armata 'ntra lu strittu Di Malta, e di Sicilia, predici Multi sciaguri pri stu regnu afflittu.

Di l'armi soi spugghiatu l'infelici L'incauta soru sua rinforza, e spisa, E agghiunci forza a forza a li 'nnimici.

Nun resta a la Sicilia autra difisa, Chi lu miu patrociniu, e sula in mia Tutta l'intera sua fiducia á misa.

Mai senza grazia eu mi parti da tia: Cuncedi dunca chi da tanti mali La cara patria preservata sia: Sti sensi, o Virginedda, tali quali

Sti sensi, o Virginedda, tali quali Spiegasti, non cu gesti, o cu paroli Ma in frunti ti li lessi Iddiu immortali. Eccu ddu cennu, chi reggi li poli, E teni in equilibriu e sferi, e munni, Mustra, chi quantu brami approva, e voli,

E ti apri li giudizi soi profunni

E ti apri ii giddizj soi prolumi E in iddi trovi, chi a tua gloria Iddiu Li forti, e armati umilia, e cunfunni; E chi la tua Sicilia scigghiu

Pri l'arca di allianza, a farla esenti Da lu comuni aspru flagellu riu.

Perciò cunsigna in manu lu tridenti Dumaturi di l'unni, e di tempesti All'inclita Brittagna in tali accenti:

Pri opra tua la Sicilia illesa resti Da li fulmini orribili di guerra, All'Europa infestissimi, e funesti.

E si lu Francu cummattennu atterra, Rubba, e spogghia li regni, e abbatti tempj, E porta la miseria su la terra,

Tu da mia fatta contrapostu all'empj, Salva, rendi felici, ed a lu munnu Dà in Sicilia lu grandi di l'esempj.

Apprendanu li regni : chi in tia sunnu Li veri miri generusi, e santi, Pri cui lu sociu appena ti è secunnu...

Ma quali, o Virginedda, a tia davanti 'Ntra li giudizj di l'Eternu appari Tristu flagellu Malta minaccianti!

Tu, a li cui manu Iddiu depositari Vosi contra stu mali li saitti; Torna in nui sti portenti a rinovari;

Suspendi di l'Éternu li vinditti, La sua misericordia intercedi A li piccati nostri, e a li delitti.

Chi rei flagelli mai mettanu pedi 'Ntra st'isola, o tumulti, o guerri, o pesti, Nè carestia, ch'è d'iddi iniqua eredi. Chi alluntani li torbidi, e molesti,
E fazza di l'umani voluntati
Linei tutti ad un centru pronti, e lesti.
Centru lu beni, e la felicitati
Sianu, e l'equilibriu perfettu
Di tutta quanta la societati:
Ch'indrizzi sempri a lu giustu, e a lu rettu
La vuluntà di cu' cuverna, e ingegnu
Cci dassi, e cci sculpiss'in menti, e in pettu
Lu pubblicu vantaggiu di lu regnu.

# CAPITULI.

I.

La consolazioni di li Giusti. — Dialogu'ntra l'Esperienza, e la Religioni.

Esp. D'unni veni, chi Tiziu, e chi Semproniu. Mulu lu primu, chi joca di gruppa. L'autru lupu cchiù astutu d'un demoniu. Vannu felici cu lu ventu in puppa. 'Mbrugghiannu li marreddi 'ntra l'animula, E mai vennu a lu pettini sti gruppa? Pirchi Martinu leggiu 'na cirimula. 'Avi li manu 'mpasta, nonostanti Chi da sacchi non soi spargi la simula? E pirchì a Caju scuma di farfanti, Lignu tortu da mettirsi a lu focu Cci abbunna sempri l'acqua pri davanti? Nuddu cci dici : levati di ddocu. E in canciu di una furca, chi l'impichi. 'Avi li megghiu posti in ogni locu? Pirchi da tanti 'mbrogghi, e tant'intrichi Nesci sempri sinsigghiu? e all'omu bonu Si ce'inculpanu insinu a li muddichi?

Appena chi scancella menzu tonu, Ad iddu ad iddu gridanu li genti, E cci junci lu lampu cu lu tronu? S'è dottu, virtuusu, o s'è prudenti Va sempri a coddu sutta, ed è gran sorti Si nn'àvi quantu tira cu li denti.

Viju sti cosi tutti strammi, e storti, Spiju, e auddu ragiuni mi nni duna, Tantu chist'ossu a rusicarlu è forti!

Dicinu li poeti : la fortuna Reggi stu munnu, e chista è ceca, e pazza, Dunca a 'na pazza un munnu s'abbanduna?

Dunca la svinturata umana razza È destinata pri jocu, e sgattigghiu Di un'orva, scalvarata magarazza?

Dicinu alcuni: chi stu munnu è figghiu Di lu scunnessu Caos, e a lu patri Divi dari pri tantu un'assimigghiu,

Perciò stà chinu di assassini, e latri, Di liggi, chi si scornanu 'ntra d'iddi, Di omicidi, o svintricati squatri.

Ma viju poi lu cursu di li stiddi, Sempri ordinatu, e in ordini perfettu Li stagiuni ora caudi, ed ora friddi!

Sentu, chi resta lu rimorsu in pettu Di un mali fattu! E sò, chi nni adduttrina L'internu sensu di lu giustu, e rettu!

Ma pirchl chiddu, chi a seguirlu inclina Striscia pri terra, e l'autru in festa, e scialu Lu pista, e si diverti a panza china? Multi ánnu dittu: Lu principiu malu Perseguita li boni. E chi nni fazzu

Hace est enim in nobis non facta, sed nata lex; ad sam non docti, sed nati sumus; quam non didicimus, et ex natura ipsa auximus, expressimus. Cices.

MELI.

8

Di l'autru, si 'un mi aiuta, mi lu salu? Si iddu mi lassa dintra l'intrillazzu Pirchì 'un pò, o nun voli, o si rincrisci, È impotenti, o crudili, o putrunazzu. Dicinu autri filosofi : Surtisci Chiddu, ch'avi a surtiri, e ancorchì bruttu Lu mali stissu in armunia finisci. Cussì un palazzu si vidi costruttu Di petri parti supra, e parti sutta, E insiemi uniti poi formanu un tuttu. Ma chistu appuntu è chiddu, chi ributta: Pirchi all'omini pii, saggi, e benigni Tocca a stari a lu vasciu in fossa, o grutta, E supra sù li birbi, e li maligni? .. Lu viziu dunca si voli in triunfu? Cosa nni avemu a diri di sti signi? Scusami bona matri quann'eu strunfu, La tua buntati forsi mi pirduna 🔒 Si nun avennu mercia, jettu trunfu. Rel. L'influssu di la prospera fortuna Guasta li cori si sù boni. e svela Subitu chiddi d'induli briccuna. Perciò si un ventu friscu uncia la vela. L'omu o si fa malignu, o si palisa, Vali a diri; o si cancia, o si rivela. . **Ecc**u la tua difficultà decisa. Pri cui tu vidi in terra dominari. La mala genti, e sempri in autu misa; . E pri chistu eu vi esortu a mun bramari Summi ricchizzi, ma quantu vi basti Pri li di discreti menzi di camparis. Li posti cchiù eminenti, e ricchi fasti

<sup>\*\*</sup>Euxuriant animi plerumque secundis.

\*\*Neo divitas, paupertates ne dederis mihi Domine.
Dav. in psal.

Mettinu l'omu supra di la liggi. O almenu in stato da farci contrasti. Perciò ritorna a l'antichi vestivat. Di lu statu salvaggiu, e cchiù di tigri La propria specj lacera, e trafiggi! 1713 Esp. Dunca li liggi sunnu tardi e pigri, Anz'inutili affattu pri li granni. Ricchi, potenti, e cu vudedda nigri? Dunca sù fatti pri li varvajanni. E non pri chiddi ch'ánnu li scagghiuna? Eccu la gran surgenti di li danni! 🗥 🕏 Rel. La liggi, o figghia, la virtù curuna, Ama li boni, ed odia li mali... 🤨 👯 Esp. Poh! quant'ávi, ch'eu sentu sta canzona. Nn'aju l'oricchi chini a signu tali; "" Chi spissu m'è sguazzatu pri la menti L'omu fattu da dui metà rivali: L'una chi penza, e parra saggiamenti. L'autra, chi opra da furba, e da maligna, E mai 'ntra d'iddi sù consenzienti. Rel. E dici beni : la ragiuni insigna" Chiddu chi divi farsi, ma lu senzu Spissu si opponi, e nun lu disimpigha. Perciò di l'omu si nni vidi menzu. Chi pensa, e pri lu cchiù parra da saggiu. E l'autru è tuttu a lu mali propenzul Esp. Ma pirchi l'omu perfidu e malvaggiu (Chist'è la spina chi l'occhi mi scippa) Canta vittoria supra di lu saggiu? Rel. Lu viziu nun lu negu, sciala, e trippa 'Ntra palazzi, e teatri, e spenni, e spanni, E la virtù 'ntra la miseria allippa. L'adulaturi è in grazia di li granni, L'ambiziusu otteni posti, e onuri, L'usurariu arricchisci 'ntra pochi anni. Spissu ancora lu latru, e tradituri the second of regularies and second

Prospera, acquista, usurpa, encomiata
Da birbi uguali ad iddu, e adulaturi...

Esp. Ma si da un regnu riccu, e pupulatu
Levi chisti, cui resta? lu mendicu
Saggiu, pri tia, ma inutili a lu statu.

Rel. No figghia, avverti beni aquantu eu dicu,
La miseria in riguri fu addussata
Sulu a l'accidia pri decretu anticu:

Poi si vitti a la gula accumpagnata,
A lu jocu, a lussuria, e a chiddi tali

Chi annu fattu 'na vita scialacquata, Pri cui vannu a muriri a lu spitali; Ma l'omu diligenti, ed onoratu Nun sarra riccu; ma non tantu mali.

Dunca turnamu all'omu sceleratu, (Tralasciu lu so internu) ma ti accordu, Chi fussi allegru, saziu, e beatu,

Si sti piaciri li pisi di lordu Parinu assai, ma a scegghirni lu netta Scumpariscinu tutti a primu abbordu.

Puru veri, e reali ti l'ammettu, E ti ammettu di chisti la durata Sinu a la morti; ed a lu catalettu.

Ma un cursu d'una vita è 'na fumata; La vera vita, chi 'un finisci mai Cumincia quannu chista è terminata.

Figurati un teatru, unni tu fai La figura di re pri un paru d'uri, Ma poi finutu passi 'ntra li guai.

Puru lu paraguni a lu riguri È pocu assai riguardu a lu suggettu, Chi cu l'eternità nun cc'è misuri.

Passamu avanti: ti pari perfettu L'universu, chi esisti? Dunca è saggiu A l'infinitu lu so architettu.

Dunca s'ái di ragiuni un sulu raggiu.

A un Essiri infinitu cci poi dari Cumpagnu? ed un cumpagnu poi malvaggiu? Si potti da lu nenti Iddiu criari Sta machina stupenda, d'iddu in fora

Cui cc'è chi la putissi guvirnari?

Dunca mittemu da parti per ora, E pri sempri, li termini di fatu,

Sorti, distinu, e di fortuna ancora.

Dirrai: si l'universu è organizzatu
Mirabilmenti; però lu morali

Viju di l'omu assai disordinatu.

Cci trovu tanti inganni, e tanti mali, Guerra surda intestina, e guerra esterna, Tradimenti, assassini, odi murtali.

Rispundu : chi lu fisicu da eterna Saggia menti si regula, e diriggi, E l'omu da se stissu si guverna.

Esp. Pirchi a stu armali nun cci detti liggi?
Pirchi lu lassau scapulu? a chi servi

Sta libertà? cchiù lu invadduna, e affliggi. Rel. Rispunnu chi pri soi guidi, e preservi

La sula liggi naturali basta, Quannu appuntinu la sodisfi, e osservi.

'Avi dicchiù 'na vusciula assai vasta, Jeu dicu la ragiuni, cu la quali

A tutti quasi l'essiri suprasta.

Columbu, per esempiu, era un mortali,

Un simplici pilotu, e nun avia,

Chi un lignu fattu a tutti l'autri eguali;

'Na vusciula a la stissa forma, e idia, Com'annu tutti, ma chi megghiu assai Usu di tutti l'autri nni facia;

Nos te
 Nos facimus fortuna Deam, coeloque locamus. Juven.
 X.

'Appi timpesti, è veru, suffriu guai, Ma li fatighi foru curunati

Di gloria tali, chi'un finisci mai.

Dimmi: cui 'ntra li vasti esterminati Pelaghi di l'oceanu lu diressi? La vusciula unni l'occhi avia fissati.

Cussi l'omu sbattutu da l'intressi, Da guai, calamità, da passioni, Chi esa feroci, ed ora sù depressi.

È navi in mari a la discrizioni Di venti impetuusi minaccianti

La sua guina, e la perdizioni; Si si metti la vusoiula davanti Di ragiuni, e cun idda si diriggi,

A li timpesti, e guai reggi custanti,

Esp. L'orau in cunfirma di l'imata liggi

Nni espressau nautra sua. Ma d'unni veni
Chi iddu stissu la lacera e trafiggi?

Chi iddu stissu la lacera e trafiggi?
Pirchi sempri malizia si teni
Lipretini a li manu, ed invadduna

Lu saggiu, e virtuusu omu da beni? Rel. La liggi, eu dissi, la virtù curùna.

Ama li boni, ed odia li mali; Me cui distingui sani sti muluna?

Di scorcia e forma sunnu tutti uguali, Lu sulu tagghiu è chiddu chi decidi, Ma chistu supra l'omu mancu vali.

Lu cori e la cuscenza cui li vidi? Spicca la cera, e chista pri scaltrizza L'annu cumposta cchiù li genti infidi.

Pirchi lu bonu ostenta eu franchizza L'interna sua fiducia, e si trascura, Nè sapi a tempu farisi munnizza.

Agghiunci, chi abbundannu la natura D'erbi salvaggi, e spini, l'erba bona Nun trova campu, e si suffoca allura. Nun soffrinu lu tastu, chi nun'ntona Cu li soi cordi li maligni genti,

E dicinu livatilu ca stona.

Nè permettinu mai, chi lu prudenti, Lu bonu, e saggiu metta manu in pasta, Sarria per iddi satira evidenti.

Lu chiaru cu l'oscuru si cuntrasta; Cussì pri smascherari un sceleratu Lu contrapostu di lu bonu basta.

Esp. Chi un omu da nautr'omu sia ingannatu

E la cosa cchiù facili, e suggetti Sù a stu guaju lu re, lu magistratu.

Ma chi s'ingann'Iddiu, ch' ávi perfetti Lumi, nun è credibili; e si scopri Tutti sti mali, pirchì li permetti? Ret. Pri dui mutivi : primu acciò si adopri

La fidi di lu giustu a li travagghi Pri essiri santi, e meritori l'opri.

Secunnu pirchi sù fumi di pagghi Li beni di stu munnu, e l'abbanduna A cui si appaga di scorci, e ritagghi:

E a cui si fida cchiù di la furtuna, Chi di li beni eterni, ed insensatu Tuttu a la terra fragili si duna.

Chista pri figghi propri l'á adottatu Nni fa spini, chi prospera, e nutrisci,

Suffucannu lu granu seminatu.

Nè cridiri, chi Iddiu cca 'nterra allisci Li mali senza oggetti : o cu sti menzi L'omu bonu s'esercita, e patisci :

O duna tempu a ddi mali simensi, Acciocchi cu l'esempi, e li cunsigghi Dumisticarsi alcuna d'iddi penzi.

<sup>1</sup> Ne putetis gratis esse malos in hoc mundo, et nihil ni de illis agere Deum. Omnis malus aut ideo vivit corrigatur: aut ideo vivit ut per illum bonut exercetur. iv. August in tract. super psal.

Lascia infini li dubbj, e meravigghi. L'omu di la natura è lu malignu Unn'idda impiega tutti li 'mmizzigghi;

E dici a li soi genj : a vui cunsignu Di la trasgerssioni primitiva

Di la trasgerssioni primitiva Stù leggitimu miu veraci pignu.

Lu figghiu di la grazia în terra arriva ' Comu un estraniu (e in veru lu so regnu Nun è di fangu, e crita, e ciaca viva) Perciò è guardatu cu disprezzu, e sdegnu.

### II.

Avvertimenti morali e politici.

A tempi chi la Grecia ciuria D'omini granni intenti a coltivari Lu bon costumi, e la filosofia,

Un Saggiu, avennu 'ntisu celebrari La fama d'autru saggiu, e ben sapennu, Chi a stu munnu cci è sempri ch'imparari,

E multu cchiù da l'omini di sennu, (Chi di la specj umana a lu vantaggiu Li proprj lumi vannu diffunnennu)
Pri truvarlu intraprenni lu viaggiu;
E arrivatu, un dialogu s'intessi
Di san'idei 'ntra l'unu, e l'autru saggiu.
In chisti sensi, pressu a pocu espressi:
Lu distintivu (dimmi tu, ch'ài lumi)
D'omu saggiu qual'è?.. Lu bon costumi.
'Ntra li saggi lu primu quali scegghiu?.. Cui parra beni e pocu, ed opra megghiu.

<sup>1</sup> Si de mundo fuissetis, mundus quod suum erat dil geret; quia vero de mundo non estis, sed ego elegi vos de mundo, propterea odit vos mundus. Evang. S. loann.esp. XY, YOTS. XIX.

Qual'è la scola, chi forma li Saggi?..

Esperienza, studiu, e disaggi.

Bastanu da se suli liggi boni

A regulari Stati e Nazioni?..

Senza costumi li liggi eccellenti Sù senza mastri l'ottimi strumenti.

Mi sapristi tu diri cosa sia

Chidda, chi nui chiamamu ippocrisia?..

È lu censu di omaggi, e di tributi,

Chi lu viziu paga a la virtuti.

'Ntra l'iduli, ch'in terra sunnu, e foru, Cui avi cchiù cultu, e cchiù seguaci?.. L'oru.

Chista vita zocch'è?.. Jocu di scacchi, Finutu. Re. e pidini entranu in sacchi.

Qual'è l'omu a lu munnu cchiù felici?..

Cui si cci cridi... E cui lu cchiù infelici?.. Cui si cci cridi... E cui mentri in dinaru

Abbunda, è poverissimu?.. L'Avaru.

Mi sapristi tu diri cui cci sia Cchiù riccu in terra?.. Cui menu disia.

É coraggiu 'ntra guai non avvilitsi?..

Ma è cchiù 'ntra l'augi non insuperbirsi. Cos'è la Nobiltà?.. Zeru; ma cunta

Da deci in deci a meriti s'è junta.

Cos'è l'Onuri?.. É di virtù l'impronta,

Ch'in mancanza di chista oggi si appronta. Senza li grazi comu cridi, e chiami

Tu la biddizza?.. L'isca senza l'ami.

Cui da l'amuri grati frutti cogghi?.. Cui non gilusu ama la propria mogghi,

E chi o cridi a la ceca, o è ben fundatu

Essiri da la stissa riamatu.

Di un omu comu l'indoli svelari?..

Mettilu in libertà di fari e sfari,

Chi si valuta cchiù di quantu vali. Ch'impressioni all'autri fa?.. D'armali. Cui l'amicizi attacca, e fa durari?..

L'uguali indoli, e modu di pensari. La conseguenza di quant'ora dici

Dunca qual'e?.. chi nui saremu amici.

Dissiru, e s'abbrazzaru tutti dui L'unu di l'autru sudisfattu. Intantu Vannu suprajuncennu sempri cchiul

L'odituri, chi aspiranu a lu vantu

Di apprenniri la bona saviizza,

Chi in chiddi tempi era stimata, oh quantul

(Tempi felici!) ognunu cu ducizza Prega lu saggiu a sediri, e parrari

Di la scienza, chi li cori addrizza.

Ed iddu cussì metti a perorari :

O tu, chi fari voi vita decenti, E li scogghi scanzari di l'erruri,

Osserva sti precetti esattamenti : Primu adempisci cu lu Creauturi

A tutti l'importanti toi doviri,

Poi cerca 'ntra lu munnu a farti onuri. Di li talenti nun t'insuperbiri:

Cedi a la verità, nè ti ostinari

Pri amur propriu, o pri pompa di sapiri.

Autri chi onesti genti 'un frequentari,

Cun iddi accorda li toi sentimenti, Cerca in iddi d'apprendiri, e imparari,

Quannu intraprendiri un affari tenti Chiddu, chi pò avvinirinni ti schera A la tua fantasia tuttu presenti.

Cerca di dipurtariti in manera Pa essiri pri li meriti esaltatu,

Non pri maneggi, o via pocu sincera. Lu to discursu sia sempri adattatu A chiddi cu cui parri, e teni cura Di nun nesciri mai di siminatu.

Ntra li discursi toi risplenda pura

La verità. Sinceru all'occhi mei Lu facchinu da nobili figura: E da vili figuranu, e plebei Li magnati si sù finti, e bugiardi:

Fidanu supra la bugía li rei.

Chista li cori fa vili e codardi,

Lu decoru di l'omini sfigura, E li porta a lu fossu o prestu o tardi.

Di nun smentiri cu li fatti cura La lingua tua : s'impegni la parola Sia chista inviolabili, e sicura.

Prima però chi da la vucca vola Zoccu prometti, masticalu beni, Riflettilu, e profitta di sta scola.

Un gratu abbordu, e affabili susteni,

Non già familiari ma decenti, E francu cu qualunqui chi ti veni.

A l'improntu 'un decidiri mai nenti; Ma prima a la valanza appenni e pisa

Ragiuni, e circostanzi esattamenti. Ama ma senza intressu, ed ogni offisa.

Senza puntu avviliriti perduna, Cussì un'anima granni si palisa.

Cu chiddi chi produssi la fortuna A li gradi eminenti, sii summissu Senza hassizza vili, ed importuna.

Téniti in gustu a tutti, chi a lu spissu Qualchi pitrudda servi a la maramma; E trovi in qualchi amicu autru te stissu.

Liti nun intraprendiri, chi ciamma Ti attiri in casa tua, chi la divora;

E s'autru perdi un vrazzu , tu 'na gamma. ... Cura l'intressi propri, ne fora

Intricariti a scopriri, e sapiri L'interni affari di qualch'autru ancora.

'Mpresta, ma senza frutti, e fa piaciri;

Ma 'mpresta cu giudiziu, e prudenza;

Favuri fanni a tuttu to putiri.

Si ti obbliga un doviri, ricumpenza Cu bona grazia, e sempri nobilmenti: Cussì cui è gratu e generusu penza.

Bilancia entrati, e spisi esattamenti, E pensa : chi lu prodigu, e lu avaru L'unu mori, autru campa da pizzenti.

Nun ti mustrari singulari, e raru, Nun figurari mai nè cchiù, nè menu, Ma chiddu chi tu sì dimustra chiaru.

Li vani desiderj teni a frenu, Sacci, chi lu cchiù riccu di lu munnu È chiddu, chi desidera lu menu.

Cumpatisci li miseri, chi sunnu Oppressi da disgrazj, e cu l'amici Sii veru amicu di lu cori in funnu.

Supporta d'iddi li difetti, e dici, Dintra te stissu : eu puru áju li mei, Semu tutti macchiati di 'na pici.

Si provi traversii, disastri rei Nun t'avviliri, ma fatti coraggiu, Nè sfugari cu l'autri li nichei.

Duvi regna discordia tu da saggiu Porta la paci. Nun ti vindicari, Chi cu li benefici di ogni oltraggiu.

Riprendi senza asprizza, e si a lodari Lu meritu t'invita, la tua lodi Sempri luntana sia da l'adulari.

Ascuta compiacenti, e ridi e godi Di l'onesti motteggi, e li toi sali Sianu decenti, naturali, e sodi.

Riguarda ogn'omu quasi originali 'Ntra lu so impiegu, e pri ostentazioni Nun criticari mai, nè diri mali.

Sii lu modellu di li cori boni

Gratu a li benefizj, e li toi detti Paga si n'ái senza dilazioni.

Preveni di l'amici toi diletti

Li bisogni, e sparagna a li mischini

La pena di scopriri li soi petti.

Dà, ma nun dari pri secunni fini. Nè pri fama di splendidu acquistari, Nè ch'oltrepassi mai li toi confini.

Ma guardati però di rinfacciari O in jocu, o in seriu mai li complimenti,

O a l'amici comuni confidari.

Si ti scomponi 'na bili nascenti Frénanni li trasporti; e 'un diri mali, Multu menu di cui nun è presenti.

Campa sobriamenti, e in modu tali Regula li toi entrati, chi ti avanzi

Pri l'infortuni qualchi capitali.

Di lu guvernu, e di li soi finanzi, Nun t'impicciari: bada a dari assettu A la tua casa, ed a li toi sustanzi.

Ossequia, loda, e tratta cu rispettu Qualunqui omu, chi in arti, o'ntra scienzi,

O 'ntra saggizza s'è risu perfettu.

Nun ti tenti l'invidia, e si tu penzi Di superarni alcunu li toi fatti

Lu dimustrinu, e non li maldicenzi. Cu li servi ducizza, e boni tratti,

Confidenza non già, sgarbi nni abbuschi;

Allisciáti sgranfugnanu li gatti.

L'intressu 'ntra lu jocu nun ti offuschi, Sempri serenu, e placidu discurri, Nè sianu l'occhi a li doviri luschi.

Pensa aggiustatu, e parra quannu occurri Lacconicu, benignu, e senza ingannu; Gradisci tuttu, e quannu poi succurri.

Segretu granni in ogni pena, e affannu MELI.

È di lu guardu sutta tia fissari, E non in chiddi, chi supra ti stanna. Li debituri non tiranniggiari. Usacci boni modi. Si un segreta T'è confidatu nun lu rivelari. 'Ntra lu trattari sii sempri discreta: Nun ti vantari di li pregi toi. Li sannu, o nun li sannu sta cuetu. Scanza da lu to cori quantu poi Li forti ed inquieti passioni, Chi fannu naufragari anchi l'eroi. 'Ntra l'andamenti toi, quantungui boni, Guárdati da l'estremu viziusu. Stà 'ntra lu menzu la perfezioni. Si acquista la virtù sulu cu l'usu, Perciò cu sti precetti anchi cci voli Pri essiri un omu saggiu, e virtuusu, Chi adoperi cchiù fatti, chi paroli.

# III.

Littira a lu rev. sac. D. FRANCISCU PAULU NASCE professuri di eloquenza latina, ed italiana nella R. università di Palermu.

Nascè tu chi lu megghiu ti attapanci
Di li classici greci, chi ti appappi,
E chiddu, chi 'un ti piaci ti lu canci:
Chi sì eruditu cu li cotti, e ca ppi,
E di saggizza poi nni divi aviri
Provisioni sinu 'ntra li 'nnappi;
Fammi 'na grazia: mi sapristi diri
(Si puru in terra esisti realmenti)
Cos'è, ed unni si posa lu piaciri?
Giacchi viju, chi currinu li genti

In cerca tutti d'iddu; però tutti Lu cercanu pri strati differenti :

Cui lu cerca in burdeddi, ed in ridutti, Consuma la saluti, e lu cuntanti,

E si nni torna poi cu l'anchi rutti. Cui curri a la sua amata spasimanti,

E cci sta appittimatu l'uri interi Comu fussi 'na torcia dda davanti.

Cui 'ntra li curti fabbrica chimeri, Sempri tinennu lu pizzu a lu ventu

Sempri tinennu lu pizzu a lu ventu Pri osservari si spira comu ajeri.

Cui presumennu di lu so talentu
Tenta di scummigghiari a la natura
Quant'idda ammuccia all'occhiu chiaru, e attentu.

Autru di lu so seculu nun cura Torna sempri nnarreri, e si cuntenta Di vecchia storia, e antichitati oscura.

Cui lu cerca in un putru, o'na jumenta; Cui 'ntra ricca carrozza in nova idia, Chi pabulu a l'invidia presenta.

Alcuni 'ntra 'na gran buttigghiaria Di vini prelibati oltramontani, Chi apportanu la gioia, l'alligria:

Li miri di sti tali nun sù vani, La 'nzertanu da un latu; ma è 'na pena Ca nun cci lassa l'intelletti sani.

Autru lu cerca 'ntra campagna amena, Autru pri unicu so piaciri adotta

La caccia duvi curri a tutta lena, E lassa in lettu friddu la picciotta, Comu fa rilevari a mecenati

'Na lira multu cchiù sonora, e dotta. Cui lu cerca 'ntra summi smisurati,

E si suca la sarda acciò sparagni, E fa sburzi ad usuri scelerati:

Orgi, ligumi, frumenti, castagni

Sarva, ed aspetta fami, e caristii, Pera lu munnu, purchi iddu guadagni. Autru sprezza timpesti, e traversii; 'Ntra un lignu, chi lu sbatti comu bozza,

Va viaggiannu pri l'undusi vii.

Nautru veru manciuni sbarra-tozza Lu cerca 'ntra li pranzi cchiù squisiti, E quant'avi davanti si scaddozza.

Autru resisti a la fami, a la siti, E da l'occhi lu sonnu si distogghi

Pri calculari distanzi infiniti.

O a sciogghiri un problema, e si lu sciogghi Tripudia, e jetta in autu la birritta, Fruttu, chi da li soi suduri cogghi.

Cui jucannu bestemia la sua sditta, E nonostanti sécuta a jucari,

Ddu gustu è in iddu castigu, e vinditta.

Ma chistu è pocu; chiddu chi a mia pari 'Ntra l'omu un paradossu senza uguali, È chistu chi ora vegnu a dumandari:

Pirchi Tiziu, Semproniu, ed autri tali 'Ntra un medesimu oggettu aun tempu stissu

L'unu cci vidi beni, e l'autru mali?

Un campu di battagghia ad occhiu fissu Guardanu dui : chi orruri! l'unu sclama; L'autru : oh bellu spettaculu ch'è chissu!

L'oraturi additannu a qualchi dama L'algebrista, chi calculi distenni, Dici : scienza muta! e cc'è cui l'ama!

Chistu da lu so latu poi riprenni L'oraturi pirchl prodigu, e sbriccu Cchiù di quantu possedi sfraga, e spenni.

L'antiquariu si cridi a funnu riccu Pri vasi etruschi, e pri balati, ch'annu Qualchi asteriscu chi fa appena spiccu;

E sdilliggia l'astronomi, chi vannu

Miliuna di migghia sempri arrassu, E di stu munnu pocu, o nenti sannu.

Lu prodigu, chi campa in jocu, e spassu, Si mai scontra un avaru pri li strati Cei pari di vidiri a satanassu.

Chistu a l'incontru, dintra d'iddu pati Vidennu chi qualcunu spenni un granu Pri qualchi vasu d'acqua 'ntra l'estati.

Insumma è l'omu un essiri assai stranu, Curri, si assana, acchiappa lu piaciri, Nè cchiù lu vidi quannu l'ávi in manu.

È chistu forsi Amuri, chi scopriri Psichi tentannu a lumi di lucerna Si lu vitti d'un subitu spiriri? 'Nzumma cos'è sta trizziata eterna?

### IV.

# A li signuri accademici di lu Bon-Gustu.

\*Mi è vinutu lu missu ad avvisari, Ch'in lodi di lu re nostru patruni Duviasi in oggi un'accademia fari.

\*Nenti cchiù giustu, e nenti cchiù comuni, Chi lodari un re bonu, ma stu tema,

E trattatu da tutti li pirsuni.

\*Lu vecchiu stissu a cui la vuci trema, Li picciotti, e vastasi di la posta Parranu di lu re cu gioja estrema.

\*Dunca, signuri mei, quannu nni costa, Ch'è accademia ogni strata, ogni cafè, Pirchi si teni un'accademia apposta?

\*Mi dirriti : eleganza dda 'un cci nn'è, Parranu senza metru, e li cuncetti Sù vecchi quantu l'arca di Nuè.

E veru, ma cridiu, chi sù cchiù accetti

L'espressioni nati di lu cori Simplici, naturali, puri, e schetti.

\*Riplichiriti: ma lu versu 'un mori, Resta a luttari cu l'eternitati, Comu in un munti luttanu li tori.

\*Sull'ali di lu versu in ogni etati Vulirà in autu, chiaru ed immortali Lu nomu eccelsu di sua maestati,

\*Diciti bonu, ma sta sorti d'ali Pri vulari tant'autu nun l'ánnu Li spercia-gai, ma l'aquili riali.

\*Nun criditi, ch'eu stassi disprizzannu Lu vostru summu meritu, e valuri, Sulamenti di mia staju parrannu;

\*Chi vulennu aspirari a tantu onuri Tuccai la lira, ma a ddu sonu vitti Mettirsi in bruddu ninfi cu pasturi.

\*E stari attenti cu l'oricchi dritti Li Satiri, e cu un jiditu a la vucca Facianu signu di starisi zitti.

\*Poi mi apparsi Minerva cu la cucca, E mi dissi: chi fai, babbu, chi pensi? Nun su temi pri tia, taci, ed accucca,

\*Nun si ponnu otteniri sti dispensi: Pindaru, Omeru, Oraziu, Maruni Custaru a la patura sforzi immensi.

\*Poi spussata rumpiu supra un pitruri La furma, e tutti l'autri ordigni soi; E tu cu ssu scurdatu calasciuni, Tu pretenni cantari re, ed eroi?

V.

In lodi di Morfeu.

Beatu cui di Mórseu è in grazia, e godi

Di stu Diu li delizj e li favuri,

Chi secretu dispenza in varj modi.

Lu sonnu è pr'iddu un' estasi in cui l'uri Passa tranquillu, ed anchi si pò diri :

Una manna, chi á tutti li sapuri. Passa da li piaciri a li piaciri

Sempri gustusi, e sempri variati, Lu chi vigghiannu raru si pò aviri.

È lu veru palazzu di li fati;

Li cchiù strani prodigj'ntra la menti Li viditi durmennu, e li tuccati.

Vulati supra l'ali di li venti, Scurriti mari, girati paisi,

Ed è lu bellu, chi 'un spinniti nenti.

Li poeti truvaru in iddi estisi L'orti Esperidi, e l'Isuli 'ncantati,

Li ciumi di Acheronti, e Campi Elisi.

S'aviti guai sù tutti cancellati, E a lu momentu chi lu sonnu veni

A nova vita siti già rinati:

Un teatru di varj e vaghi sceni S'offri a la menti, ed idda nn'è cuntenta, Pirchì a la varietà si adatta beni.

Ora la donna masculu diventa, La vecchia torna giuvina, e a la brutta

'Na bella facci un specchiu cci presenta:
Cui bon cavallu si trova di sutta,
Cui trisca 'ntra 'n'allegra cumpagnia,
Cui la terra 'ntra un sbraccu scurri tutta.

Ogn'unu vidi dda zoccu disia: L'ambiziusu posti, onuri, e gali, L'avaru li dinari chi palia.

L'allegru sonna balli, jochi, e sciali-

E lu gulutu gusta di Lucullu

Li tavuli esquisiti, e sensuali: Di lu facianu, sturiuni, e pullu ... Si delizia, si spassa, e si compiaci, Chi metti robba assai 'ntra lu baullu.

'A lu vantaggiu, chi la nausia taci. Nè si risbigghia cu indigestu, e mali. Ma sanu asciuttu cu fami viraci.

Lu cacciaturi ammazza gran cignali. Fa fora tiru colpi sorprendenti Senza mancu allurdarsi li stivali.

Lu 'nnamuratu nun fa cchiù lamenti. E mentri strinci, e basa li chiumazza,

Amuri lu cumpensa di li stenti.

La sua diletta in iddi à 'ntra li vrazza. In iddi si delizia, e in iddi trova A li timpesti soi calma e bunazza.

L'amurusi diletti, ch' iddu prova. Nun làssanu rimorsu l'indumani. (Salvu lu casu) 'nzamai (chi l'approva).

Sù li delizj sempri interi, e sani, Pirchi la menti in sonnu 'un è svagata Da l'opra di li sensi incerti, e vapi.

Cui cunsóla l'afilitta, e desolata · Innoccenza 'ntra carciri, e catini Pri shista, o prepotenza cunnannata?

Tu Morfeu, senza chiavi, nè virrini. Penetri li ferrati, e chiusi porti, E curri ad abbrazzari sti mischini;

Li rallegri, e diverti, e li conforti Cu li bizzarri imagini ridenti, Chi supra l'ali di farfalla porti.

Tu li vinditti fai severamenti Contra li scelerati, e li tiranni, Ch'annu oppressu li giusti, e l'innoccenti. Oh si chisti vidissiru l'affanni

Di l'oppressuri soi! Li larvi orrenni Chi 'ntra la menti, o Morfeu, tu cci manni.

Tu di la sorti l'ingiustizi emenni.

E chiddi, chi sù miseri vigghiannu, Felici in addurmiscirsi li renni.

Cu st'equilibriu tu vai regolannu L'umanità, chi a tia vinni affidata Pri risarcirla d'ogni angustia, e dannu, Nun à 'nsumma la genti sfortunata Nudd'autru occhiu di grassu'ntra stu munnu

Nudd'autru occhiu di grassu'ntra stu munn Chi lu sonnu, ed oh fussi di durata! Dirrà qualch'unu d'intellettu tunnu:

Vani fantasmi sù l'idei sunnati, Nè cc'è nenti di sodu 'ntra lu funnu.

Jeu cci dumanniria : Chi cci truvati Di sodu 'ntra li cosi di la vita, In cui tanti fatichi cc'impiegati? La festa, li piaciri, l'esquisita Cena, chi vi godistivu eri sira,

Oggi unni sunnu? Ogni cosa è svanita.
Chi vi restau, diciti? Li suspira
Pri qualchi malatia, pri qualchi detta;
O l'idea sula, chi in menti si aggira.

Lu stissu fa lu sonnu; vi diletta Mentri chi dura, e quann'è terminatu Svanisci, e resta l'idia sula, e schetta.

Cussì paragunannu lu passatu
Tempu, e ogni cosa in vita ditta, o fatta,
Cu li sonnura è tuttu equilibratu,
Zeru via zeru zeru, e pari-patta.

# VI.

Ritrattu di un certu filosofuni di la pasta antica.

\*Un certu gentilomu, a cui si vidi Lu nasu cavalcatu di un ucchiali, Chi sulu si lu leva quannu ridi.

Chi va pri strata cu na flemma tali. Comu si appuntu sutta li soi passi. Cci fussiru ova, o vitra, o cosi uguali.

\*Chi ora cu lu quatranti, e li cumpassi Contempla l'astri, ed ora cu li figghi Metti a jucari pri nascati, o zassi.

'Chi trova boni tutti li cunsigghi. Chi accorda tuttu, e pri 'un s'incuitari L'asiau attacca a tutti li cavigghi.

\*Chi sulu cridi seriusi affari Brighi di cumpagnii, bigghiardi, e ceni. Unn'arma forgia, e teni fuculari.

\*Chi tira auguri, e fabbrica chimeri

Supra li chiaravalli, o supra un cani, Chi piscia a muru cu l'anca 'nnarreri.

\*Chi s'agghiutti li vommara pri pani. Ma pirchì ávi lu stomacu indigestu, Po i li vommica allura sani sani.

\*Comicu è ogni attu, comicu ogni gestu, Comicamenti è patri, ed è maritu. Ed in comica fa tuttu lu restu.

# VII.

In lodi di lu Purci — Ricitatu in una cicalata l'annu 1760.

Si cca cc'è alcunu di Purci 'nnimicu: O si nni vaja, o s'attuppi l'oricchi; Chi quannu parru, qualchi cosa dicu. Sù poeticchiu, è veru, annetta oricchi: Ma in tempu di dilluviu ognunu nata: Ed eu natu cu l'autri beddi-spicchi.

Vogghiu fari a li domi cosa grata Cu lodari lu Purci; e veramenti E cosa digna d'essiri lodata.

Un certu moralista assai saccenti Sosteni : ch'è peccatu riservatu L'ammazzarli; e lu prova cu argomenti;

Chi siccomu commetti un gran piccatu Cui ammazza un figghiu, pirchł spargi iniddu

Lu so sangu, cu cui l'á giniratu,

Cussi'ntra un Purci, eun propriu picciriddu La differenza è 'ntra lu picca, e nenti, Pirchi sù sangu propriu, e chistu, e chiddu.

E nautru auturi, medicu eccellenti, Sosteni: chi lu Purci, quannu suca, Cci apporta di li milli giuvamenti.

Cc'è nautru insettu, dittu Sancisuca, Chi giuva, ma mi pari suvirchiusu, Pirchi sucannu li vini v'asciuca;

Ma lu Purci è discretu, e 'un è nojusu, Suca lu sangu impuru, e nun fa mali;

E mancu 'ntra la peddi fa pirtusu. Comu si fussi un cucinu carnali, Cunvirsannu cu tutti in confidenza;

Vi sapi a diri cu' avi lu vracali.

Alcuni ánnu lu ciuri, e quinta essenza Di lu sangu cchiù nobili, e gintili, E sù digni d'Altizza, e d'Eminenza.

Generalmenti sù tantu civili. Chi si dici, sagnannu a li bambini; E un muzzicuni di purci suttili.

Li Purci poi sù astrologi, e indovini; Si scattanu a lu focu è signu bonu; Si no, cci sarrà pioggi, o autri ruini. Lu Purci abballa sulu, e senza sonu,

Specialmenti quannu è intra lu lettu, Fa belli caprioli, e cadi a tonu.

E nun sarria cchiù megghiu di russettu Lu farisi di Purci muzzicari Li donni, ch'ánnu pallidu l'aspettu?

Cchiù megghiu culuritu si pò dari Di chiddu, chi cu tanta curtisia Soli lu Purci a la peddi lassari?

Multu cchiù, ca si sà la simpatia
'Ntra donna, e Purci; li fodeddi, e vesti

Nni dunanu 'na prova a cu' si sia;

Nni fa maceddu, è veru, cci la 'mmesti Doppu ch'è sodisfatta, poi l'ocidi, Pri appagari li vogghi soi foresti;

Ma chistu nun fa casu; già si vidi, Chi anchi l'omu ávi in idda sorti uguali,

Si Africa chianci, l'Asia nun ridi. Sicchè pri privileggiu spiciali Lu Purci avi lu possit addrittura, 'Ntra modestini, fodeddi, e fodali.

Qualchi amanti, chi leggi sta scrittura, Scummettu chi disia 'ntra sti momenti Di trasmutari in Purci la figura.

Si cci purria passari; finalmenti Li Purci, comu già s'è dimustratu, Sù nostri consanguinei parenti.

E poi, si proibiti a un 'nnamuratu Di li casteddi in aria lu piaciri, Lu regnu di l'amuri è ruinatu.

Sicutannu ora a scurriri, e vidiri 'Nzoccu cc'è 'ntra l'arcivu di Parnassu, E intornu a purci chi si pò cchiù diri.

Un granni auturi, chi cu lu cumpassu Misurava li cosi sottilmenti,

Littiratu, chi fici gran fracassu,

Prova, e assicura: chi Virgiliu menti, Quantu iddu dici : chi Ettori ad Enia: Lu liberau da lu gran focu ardenti;

Ma voli, chi 'ntra mentri Troja ardia,

<sup>&</sup>lt;sup>7</sup> Eneid. lib. 11; pag. 270.

'Mputiri di lu Grecu arrabbiatu; Lu su figghiu di Veneri durmia;

E un Purci so parenti, chi addivatu
Sara cu lu so sangu ganerusu

S'era cu lu so sangu generusu, Cu un grossu muzzicuni l'á sbigghiatu; Iddu si leva tuttu frittulusu.

E vidennu chi dda cc'eranu sbrizzi, Si carrica a so patri, e scinni jusu:

Quannu passaru poi sti scuntintizzi Chi liberu si vitti a parti boni, Juntu a l'eccessu di li soi grannizzi,

Riguardannu la sua obbligazioni, Chi duveva a lu Purci, fici fari Una statua d'ugual proporzioni,

E chista poi la fici situari
'Ntra la chiazza cchiù granni cu stuscrittu:
Hanc, vult Eneus, solum adorari.

Mentri ognunu era deditu, ed additu A guardari sta statua, tantu brava, Vinni lu ventu, e la purtau in Egittu.

L'egizianu, chi allura adurava L'agghi cu li cipuddi, quannu vitti Pri l'aria chista statua chi vulava,

Pri l'aria chista statua chi vuiava, Subitu cursi, e l'adurau; ca critti D'aviriccilla lu celu mannatu Pri consolu, e sullevu di l'afflitti.

Cussi pri tanti seculi aduratu
Fu lu gran Purci, e si tinia felici,
Cui d'un purci era allura muzzicatu.
Aviti 'ntisu, carissimi amici,

Di lu Purci, tant'utili a li genti Lu saggiu Egittu chi stima nni fici? Virgogna di lu seculu presenti,

Virgogna di lu seculu presenti, Chi nun sapennu li soi qualitati, Lu tratta, e stima pri cosa di nenti. Purci, vui chi a stu locu vi truvati,

MELI.

Cumpatiti; ca chisti sù li scorci,
Autri lodi, ed encomi miritati.
Jeu pregu a Giovi cu cannili, e torci,
Chi li fazza cehiù vili di li surci,
O chi li muti a tutti in tanti porci
A chiddi chi disprezzanu li Purci.

### VIII.

In lodi di la Musca. — Ricitatu mellu Ven.
Monasteru di S. Martinu l'annu 1768 in
occasioni di una cicalata rapprisintata supra lu stissu suggettu da lu P. D. Jachinu
Monroj, poi abati meritissimu di l'ordini
Cassinisi.

#### PROEMIU.

Cchiù chi penzu, e riflettu'ntra me stissu Cchiù mi confirmu, chi d'encomj, e lodi Nun cc'è suggettu cchiù dignu di chissu; Infatti omini granni, omini sodi, A cui nun manchirevanu talenti, Nè lingua da spiegarisi, nè modi, Puru chisti di tanti bravi genti Cu qualchi spiciedda si nni sbriganu, E di li muschi dicinu portenti. Ultra di li ragiuni, chi si alliganu In favori a li muschi, esempiu tali, E un junciri all'anciovi ed ogghiu, e riganu. Cchiù: chi lu munnu a chiddi genti mali, Chi nun sannu soffriri musca a nasu, L'avi pri spezza-coddi, e pri brutali. Tantu dunqui nni resta persuasu Di l'ossequiu per idda, e lu rispettu, Chi lu stissu cacciarla è un grandaccasu. E quannu un babbu, un stolitu perfettu

Guarda, ed ammucca muschi impunementi, L'ignoranza cci scusa lu difettu:

Puru è fattu ludibriu di li genti; Chi un tacitu consensu universali Da li fatti palisa la sua menti.

Cui dunqui aspira a farísi immortali Cchiù di Cesari Augustu in Campidogghiu,

Mustri cca lu so funnu e capitali.

Mentr'eu, prima di nesciri lu sfogghiu, Sputu, pigghiu tabaccu, e mi cci 'acarcu, Signuri mei, attenti cca vi vogghiu, Chi la suggettu è granni, e di rimarcu.

#### PARTI PRIMA.

Cui nun ávi la vista affattu lusca, Conusci, e vidi da sei migghia arrassu, Ch'ávi tri parti d'omu in se la musca.

Vegna Archimedi, e cu lu so cumpassu, Ch'in terra epilogau tutti li sferi, Fázzanni una, o sia menza cci la passu.

Fazza lu ficateddu, lu giseri, L'ovannunnati, la matruzza; e fazza: Vudeddi, arterj, e vini tutti interi.

Viditi ora la genti quantu è pazza; V'ammira un roggiu, pirchi è machinusu; E la musca la pigghia, e la scafazza!

Timu, chi mi dirriti, ch'è un abusu, Preggiarni di li doni di natura,

Li quali vennu tutti di dda susu;

Ma lassannu l'aspettu, e la struttura, È saggia, e pia, nun sulu all'occhi mei. Ma at mondo cieco, che virtu non cura.

Cu' a li spitali 'ntra chianti, e nichéi Va a visitari l'afflitti 'nchiagati, Ancorchi vili, poveri, e plebéi? O moralisti, o ascetici accustati; O gran mastri di spiritu viditi Di la Musca la summa caritati!

Vasa li chiaghi, comu vui liggiti Di li santi di gran perfezioni, Chi di giuvari all'autri avianu siti;

Li fa pri carità st'operi boni, Pirchì pri geniu so sarria gnluta, E ama li pranzi di distinzioni.

Anzi d'un finu gustu è providuta, Chi a lu meli cei duna lu primatu, E resta in iddu morta, e sipilluta.

Jeu cci sù in verità troppu obbligatu, Pri tantu 'un mi l'abbrazzu, e'un mi la vasu Pri nun mustrari ca sugny affittatu.

E quantu è sobria poi? Cu'un sulu vasu, Chi sarrà menu assai d'un jiditali, Si nn' inchi pri la vucca, e pri lu nasu, Dipoi pri discritizza 'un cc'è l'eguali, Vi onura spissu a véniri a manciari:

Ma la pitanza resta tali quali.

Poi su discreti ancora a lu trattari; Si una musca vincontra e pri accidenti Vi posa 'ntesta, 'un si senti pusari.

Quannu si fussi un frati, od un parenti, Chi vi sotassi 'ntesta, o vi la sfunna, O vi la sturdi 'ntra un tempu di nenti. Sù verità si o no? Sù di la nunna Li fauli, chi cuntava a cufularu? Cu' ávi chi riplicari, mi rispunna?

Nun dicu lu talentu quantu è raru, Chi s'idda avissi cchiù provisioni D'eccetra, valiria quantu un nutaru.

La Tarantula, chi á cognizioni, E sapi, quantu è ricca dda midudda Di belli littri, e d'erudizioni, S'atfanna, s'affatiga, si smidudda Pri tessiri, pri stráiri, e filari Tili, curtini, e pavigghiumi a fudda.

Tuttu chistu pirchi? S'ávi a pigghiari 'Na Musca, e poi sucarci dda duttrina, Misa 'ntra li miduddi a tri sulari.

Infatti nui videmu, cu chi fina Politica si reggi, e si cuverna La vulanti repubblica muschina.

In idda cc'è pri prima liggi interna, Chi « omnia sunt comunia » nè cc'è rangu 'Ntra la Musca di curti, e di taverna.

Tutti vantanu aviri un stissu sangu, E cui è nata in palazzu, si cunfessa Simili all'autra nata 'ntra lu fangu.

Ogn'internu duviri, o liggi espressa Si fa non pri timuri, ma pirchi « Un'alma grande è teatro a se stessa ». Platuni, ultra lu so numeru tri, Chi sempri a tutti l'autri preseriu, Di li Muschi nni senti anchi accussì:

Dda repubblica bella, chi finciu, Fu un simbolu scurciatu tali quali Di chista di li Muschi, chi cant'iu.

Anzi in chista è la vera originali Età di l'oru, unni ogni jornu è festa, Ogni jornu è cuccagna, e carnuvali.

L'omu, l'armali, l'aria, la foresta Servi a li Muschi, e 'nzumma 'nzoccu esisti, Voli o nun voli, li cibi cci appresta.

Li furmiculi vannu listi listi, Travagghia l'omu, l'apa, e 'nzoccu cc'è, La Musca mancia, e si vidi li visti.

Lu cocu si apparicchia un fricasè, Prima chi lu tastassi lu patruni, Ogni Musca si nn'inchi a tinghitè. E di poi tutti mancianu in comuni; Nè di primi occupantis cc'è la liggi, Com'è 'ntra cani, e gatti, e 'ntra pirsuni.

O Muschi, 'un siti Muschi, ma prodiggi; Rispettu a 'na repubblica accussì Saggia, li nostri 'un sù chi regni Stiggi. D'intressu 'un ci nn'à idia, senza un tari

D'intressu 'un ci nn'è idia, senza un tari In vui si mancia, si vivi, e si dormi; In nui anchi si paga un no, ed un sì.

In vui si campa uguali, ed uniformi, E tutti siti un corpu in armunia; Ma'ntra di nui, nun cci nn'è dui cunformi.

In vui d'ambizioni 'un cei nn'è idia; Nè cei sunnu imposturi, e briccunati; Ma in nui, eu scugnu a Tiziu, e Tiziu a mia.

In vui cc'è chidda vera puvirtati Di spiritu, e 'un si pensa a l'indumani; Nui da l'invernu pinsamu a l'estati.

E cci sù abati, priuri, e decani, Chi sárvanu li duci eternamenti 'Nchiusi, e stipati 'ntra li marzapani.

La superbia in vui nun regna nenti; Ma in nui (nun vi dicu autru) 'ntra li sali Su all'arvulu appizzati li parenti;

E cc'è qualcunu, chi mancu ávi sali, Ma pirchi lu so Tritavu appi un sceccu, Leva pri insigna spiruni, e stivali.

Nun cc'è l'invidia in vui chi fa lu leccu, Criticannu ogni cosa; e in nui cc'è genti, Chi a li prodigi stissi metti peccu.

In vui si mancia, e vivi allegramenti; A nui 'nzoccu manciamu nni fa pesti, Ch'avemu tanti 'mbrogghi 'ntra la menti.

'Ntra vui stissi nun cc'è cui vi molesti, Nun cci sù latri, nè mancu briccuni; Ma ia nui cui la pò 'mmestiri la 'mmesti. In vui...ma chi cumparu? oru, e carvuni? Oime! 'ntra chi sfunnatu mai trasivi! Mettu in confruntu li schiavi, e patruni? Mi staju omu, pirchi accussi nascivi; Del restu fussi Musca...Oh! altu un pocu, Chi cc'è 'na 'mbrogghia, e nun la riflittivi. E chista appuntu è chidda di lu cocu, Quali pri sparagnari passulina, Li immisca cu li cibi, e metti a focu, Facenduli in suffrittu, o a jilatina.

#### PARTI SECUNNA.

Cca 'nforzanu li dogghi, eccelsa Musa, Venimi a diri tu la nobiltati Di la Musca gentili e luminusa, Li codici cchiù antichi,e cchiù scurdati, Chi nun li sapi leggiri omu natu, Eccettu li poeti illuminati, 'Ntra li cosi cchiù digni annu nutatu:

 Qui il nostro Autore allude, mutate alcune poche circostanze, alla favola degli Androgini si celebri nel dialogo di Platone, intitolato il Banchetto, favola, che questo filosofo mette in bocca di Aristofanc. Gli Dei, dice egli, nella prima creazione delle cose formarono l'uomo di una figura rotonda con due corpi, e due faccie, quattro piedi, e due sessi : arricchironio inoltre di una forza straordinaria. Gli uomini superbi di si gran forza, ne abusarono ingrati, e risolvettero di muover guerra agli Dei medesimi. Se ne sdegnò il padre degli Dei, e pensò distruggerli, come una volta distrutto avea i Giganti, rei di aver tentuto di salire al:cielo; ma poi sul riflesso che così verrebbe a distruggere il genere umano, si contentò in castigo del loro attentato di dividerli in due uguali, giudicando così di minorare negli uomini la forza insieme, e l'ardire. Ordinò nel tempo stesso Giove ad Apollo di aggiustare que'due mezzi corpi, e di stender su i due mezzi petti la pelle necessaria a coprir la carne, che venne ad apparir nuda dietro alla suddetta separazione. Quanto sono tra loro assini i sistemi de' filososi, e i sogni de' poeti!

Chi lu munnu in origini quann'era Nè tantu vecchiu, nè tantu sfruttatu.

D'omini produciu 'na razza intera. Chi pri statura, coraggiu, ed ingegnu, Isava supra tutti la bannera ;

Chisti di caminari avennu a sdegnu Terra terra, e a dui pedi, comu l'oca, Di vulari si misiru in impegnu;

Si fannu l'ali, e pigghianu la voca, Prima di chiuppu in chiuppu, e qualch'ardiw Di munti in munti, già sbulazza, e joca:

Qualch'autru finalmenti incoraggitu

Si lassau jiri all'isoli remoti,

E fu l'Adamu Antillicu, o Taitu;

Autri sinu a lu carru di Booti Juncéru: ma ristaru ammaluccuti. Pirchì ancora circavanu li roti.

Oh! si fussiru sempri divirtuti 'Ntra sti cosi innoccenti, e naturali, Senza abusari mai di la virtuti!

Ma troppu insuperbutisi di l'ali, Multi picciotti arditi, e scapistrati Vularu in celu, unni li Dei immortali.

Juncèru stracchi, sfatti, ed affamati, Perciò déttiru saccu a li buttigghi Di nettari, ed ambrosia 'mpapanati.

A l'assaltu improvisu, a li bisbigghi Si sparsi vuci ch'eranu Titani, Vinuti a rinuvari li scumpigghi;

Perciò cu vuci inusitati, e strani, La turba di li Dei, currennu a Giovi. Dicía: fitemu d'agghi, comu cani. Iddu da lu so postu nun si smovi.

E inalzannu lu fulmini, sdignatu Dissi: rinuvirò l'antichi provi.

Poi rislettennu seriu, e pusatu.

Stimau beni appurari da se stissu Lu chi, lu comu, e quantu era passatu.

Li vitti, e conuscíu: chi ardiri è chissu? Cci dissi, fraschittuni impertinenti? Quantu va, quantu va, ca vi subissu? Riguardannusi poi, ch'era clementi,

Si cuntintau riducirli in muddichi, 'Ncanciu di annichilarli totalmenti.

Li metamorfosi a ddi tempi antichi, Eranu in moda, comu a tempi nostri Sunnu in moda li cabali, e l'intrichi,

Ch'opranu puru canciamenti, e mostri Nellu regnu politicu, ed ancora Nellu regnu morali di li chiostri.

Giovi dunqui in gridari : fora, fora; Sta sula vuci tantu li culpiu, Chi persiru a l'istanti la parola.

Lu corpu s'aggrinzau, s'impicciuliu, Si ridussi ad un esimu (oh stupenni

Prodigj!) nè però ddocu finiu. Cci spirisci lu coddu, e si cci renni Lu ventri aneddi aneddi, e la sua schina

Di virdi, e d'oru maculata splenni; Benchi lu tuttu pri culuri inclina Versu lu fuscu; e cci arristaru l'ali, Però di spogghia dilicata e fina:

Di modu, chi lu volu nun privali, Pri jiri troppu in autu, a disturbari Li summi Dei celesti ed immortali.

'Annu per occhi (cosa singulari!)
Supra tri milia, e tanti finistreddi,
Chi a gran stentu si ponnu numerari:

L'occhi a la facci sempri stannu beddi; Rischiaranu anchi l'arma, chi a li casi Cc'è tantu lumi, quantu cc'è purteddi: Ora tanti, e tant'occhi su la hasi Di l'eccellenti soi cognizioni, Pirchì 'un cc'è idia, chi da li sensi 'un trasi.

E quantu cchiù li sensi sunnu boni, E cchiù multiplicati, ed abbundanti.

Tantu cchiù cc'è d'idei provisioni : Ma la duttrina, lu sapiri, e tanti

Ma la dutrina, lu sapiri, e tanti Autri doti d'ingegnu, e di saggizza Fruttanu in vita guai, travagghi, e scanti; Pirchi l'invidia l'ignuranza attizza:

Pirchl l'invidia l'ignuranza attizza; Li gnuranti sù forti, pirchl assai;

E di li saggi uni fannu sosizza;
Perciò la Musca nun riposa mai;
'Aví nnimici oceddi, omini, insetti;

Nè tant'occhi la scanzanu di guai.

Si si ripara sutta di li tetti, Trova insidi tramati; e si và fora D'autri 'nnimici rei prova l'effetti;

Pispisi, pettirussi, turdi, e ancore Li stissi rusignola, ed autri tanti, Chi a dirli tutti 'un finiria per ora:

Chi a dirii tutti un infiria per ora; Cei tiranu a la peddi tutti quanti Cui pri forza la veni ad assaltari, E cui l'insidia cautu, e farfanti.

Ne cci giuva lu jirisi a canzari Dintra li gran palazzi, e li muschei, Chi a nomu so Maumettu vosi alzari.

La scannanu anchi in facci di li Dei, Dioclezianu stissu, omu di boria, Militau contra d'idda, e alzau trofei,

Pri immurtalari cchiù la sua memoria, L'arcu avia d'oru, e un tantu imperaturi Jeva superbu poi di tanta gloria,

E quali insettu meritau st'onuri, D'essiri d'un gran Cesari rivali? Ma 'un sò s'intorum a littiri, o a valuri; Probabili chi chistu aveva a mali Lu sentiri, pri quantu mi lusingu, Ch'era cchiù dotta d'iddu, e avia cchiù sali.

Ch' 'un sapri libru, nè si leggi un ringu, Chi la musca ansiusa di sapiri,

Nun veni a scurri cu passu ramingu, Lu leggi, e lu rileggi cu piaciri;

Lu leggi, e lu rileggi cu piaciri; Poi gridannu a l'oricchi, s'avviticchia, E 'nzoccu á lettu veni a riferiri.

Ch'è graziusa, chè sapuriticebia, Quanna veni la notti dda muschitta, Sunannu un vijulinu 'ntra l'oricchia!

Ch'è bellu, quann'essennu po' a l'addritta Si nni venni, sunannu la vijola,

Un muscagghiuni, comu 'na saitta! Chi pregu chi vi fa! E gira, e vola, Lestu, sbrigatu, e cu dda cuntintizza.

D'un picciottu, chi nesci di la scola! Infatti metti in briu, riscalda, e attizza ili macchi, li viteddi, e li imizzi

Li vacehi, li viteddi, e li jinizzi, i i Ouannu cun iddi dimura 'na stizza.

Non oceurri, ch'alcunu vi li l'immizzi, Si sa, chi 'ntra Giununi, ed Io già vacça', 'Na Musca ricomposi ddi friddizzi,

Chi mentri chista a curriri si stracca, Vidennula mischina riscaldani, Sil. Silovi d'interra in aria la spracca:

La fici a lu Zodiacu traspurtari; Ed è troppu probabili, chi ddà Anchi la Musca s'appi a carriari,

La Musca duna ancora agilità A li besti restivi o ch'annu addossu Lu mali granni di l'antichità:

Li gattigghia, e li punci sinu all'essu;

<sup>&</sup>lt;sup>1</sup> È nota la favola della Ninfe Io, emata de Giove e camnata in Vacca.

O si cci metti sutta di la cuda,
Pirchi cci pari un locu cchiù riddossu.
Punci anchi a nui, ma sulu a parti nuda;
E chista è scola d'onestà, e crianza,
Chi dici ammuccia ammuccia carni cruda.
Chi amuri, chi a pri nui! chi vigilanza!
Viva, indefessa, in ogni locu, ed ura.
Chi fidi! chi amicizia! chi custanza!

O Muschi, senza vui sarria natura Zoppa, difittusissima, e mancanti, Nè ottimu sarria stu munu allura.

Quannu v'áju schirati pri davanti,
Mi pariti giannizzari accampati
Apposta, pri criarimi regnanti.
Giovi vi paghirà la caritati
Di quant'amuri, e quanta affezioni,
Cu lu vostru bon cori mi purtati.
In signu di la mia obbligazioni,
Di chist'encomiu scrittu in vostru onuri
Vi nni farroggiu 'na donazioni.

Nè vogghiu mi siati debituri; E forsi mi viniti a visitari Pri chistu picciulissimu favuri.

Unai vi pregu a nun v'incommodari; Stati cu libertà; eu sù a l'antica, Cirimonj cu mia 'un aviti a fari: Si 'un mi criditi, chiaccu, chi v'impica.

### IX.

### Ad an Cavaleri.

Stu vostru fari di la notti jornu, E di lu jornu poi farinni notti, Su cavaleri nun mi piaci un cornu, Siti un omu di gustu, e 'ntra li dotti E spatatu lu vostru varvarottu, Pri stari a focu vivu in frizzi, e botti.

Ma dipoi v'annigati dintra un gottu; Chi unemu tanti pregi a stu sistema, Faciti pri li gatti un panicottu.

Scummettu, chi quann'era comu crema Lu vostru curpicciolu, fu animatu Da qualchi Ciurruviu cu la taddema.

E veru, chi in Sicilia s'è datu Un Cola-pisci; ma 'un cc'esempiu poi Di un Cola-cuccu, o un Cola-gnacubbatu.

Stu primu esempiu, chi 'ntra l'anni soi Fici lu munnu, siti vui, chi ancora Sariti originali, unicu eroi.

Siti lu stili chi a noi spunta fora Da l'assi di la terra, pri mustrari Lu jornu di l'antipodi, e l'aurora:

Cu l'uri, in cui si vannu a visitari L'omini di dda sutta, e vannu a cena, O vannu 'ntra li strati a passiari.

E certu, chi starrissivu cu pena 'Ntra la stanza, unni stannu li Biati, Chi mi figuru lucida, e serena.

Diu vulennuvi fari cosi grati Giacchi l'arma lu jornu nu lu gusta, O vi la jetta 'ntra l'oscuritati,

O puru ch'è lu megghiu vi l'aggiusta.

# Satiri.

L

Lu Tempiu di la Fortuna.

Era la hotti e luceva la luna, Quannu 'ntisi 'na vuci a la strasatta; MELI, Guarda, chiddu è lu tempiu di Fortuna; Vidi ddi genti misi a la rigatta, Chi vannu pri un caminu disastrusu, Unni appena cci rampica 'na gatta? Sù chiddi, chi cu cori generusu

Cridinu a forza di fatiga, e stentu, Cu lu meritu so fari pirtusu.

Ma è difficili tantu stu cimentu, Chi cui cci prova, cci appizza lu strazzu; O zappa all'acqua, e simina a lu ventu.

Ora un Legali cci pigghia un stramazzu; Ora cadi un Filosofu e sturdisci; Ora un Poeta si sdillóca un vrazzu.

Non ostanti la chiurma sempri crisci: E per unu chi cadi, nautri centu Vannu sciamannu pri li mura lisci.

Ma tutti indarnu perdinu lu stentu, Chi cc'è un muru di brunzu accussi forti, Chi 'un sapri, chi pri via d'incantamentu;

Ed è: si un Beccu cu li corna torti Truzza un pilastru, o un'Asinu quacía, Cala lu ponti, e s'aprinu li portí;

Nescinu ad incontrarli pri la via Quattru Donzelli cu li vrazza aperti, Facennucci gran festa, ed alligria:

La prima è Donna Cabala, e cuverti Teni sutta li manu li ghiummina, Chi intriccia cu li soi jidita esperti.

L'autra si chiama Frodi, è 'na damina Saggia, mudesta, e tutta rispittusa, Ma joca sutta manu 'na virrina.

La terza è la crudili e sanguinusa Ippocrisia, chi dici avimmarii Cu coddu tortu, e cu cera picchiusa.

La quarta è tutta modi, e 'mmittarii Medamusella l'Adulazioni. Chi muta sempri divisi, e livrii.
Porta cun idda 'na provisioni
Di viltati spurcizi; e quannu occurri
Li simina, e raccogghi cosi boni:

'Mmenzu di chisti arrivanu a 'na turri; Sonanu un cornu, ed eccu leggiu, e spicciu Un fraschittuni a tuttu ciatu curri.

Chistu veni chiamatu lu Capricciu, Nun ávi menti, nè liggi, nè fidi,

Ma è spusu di la-serti stu schimicciu. In chi l'ái pri la testa, in chi lu vidi Sbutatu pri la cuda, in chi si allagna, In chi t'ammutta, in chi ti abbrazza, e ridi.

Nun ávi drittu, è comu la lasagna, E cci aviti a concediri pri forza,

Chi l'acqua asciuca, e chi lu suli vagna.

Mmatula Euclidi a pruvari si sforza

Chi tutti l'anguli ávi aviri uguali

Ogni triangulu a dui retti afforza.

'Ntra sti paisi la ragiuni 'un vali, E supra tuttu è contrabbannu granni 'Na muddichedda minima di sali.

Pirchl si sù squadati, chi a sti banni Spissu cci porta la necessitati Genti di garbu finti varvajanni.

Si nni vinianu un tempu mascherati Di Cabala, di Frodi, o Ippocrisia, Pr'essiri ammisi 'ntra li dignitati.

Ora l'occhi sù aperti, e un si trizzia, Ma si cci fa un sterliniu rigurusu A cui s'accogghi 'ntra la frusteria.

Pirchi sannu chi l'omu generusu Nun reggi a lungu 'ntra l'avvilimentu, Comu lu Sceccu ch'è pacinziusu;

Perciò misi in gurgiolu, ed a cimentu Sù cunsignati a lu Capricciu; ed iddu Nu li fa stari mancu un'ura abbentu. Cci sauta a la gruppa, comu un griddu;

Di poi cci metti un gran sirviziali D'acqua annivata, iissu, e focu friddu.

E pri pruvari si sù veri armali, Cei carrica la varda sinu in testa, E poi li caccia a corpa di vracali.

Finalmenti cu pompa manifesta Cci appenninu a D. Cicciu 'ntra la gula, Jennuli cunnucennu in gioja, e festa.

Chistu è lu tempu, in cui l'oru si cula, Cnsel 'ntra stu paisi si fa prova

Di un veru beccu, e di un figghiu di mula, Doppu ch'annu suffertu e tacci, e chiova

E cauci; e sputazzati, e timpuluni,

Trasinu poi intra 'na superba arcova.
Riluci tutta d'insigni, e bastuni,

Di toghi. e mitri, e laurei dutturali, D'oru, di gemmi, e dinari abbuluni.

Si cei mettinu dda dui para d'ali; Portentu chi lu fa la sula Sorti Di sollevari sta razza d'armali.

Ce'è abbreviatu supra di li porti A littri d'oru un gran' S... ed un T...

Chi vennu interpetrati di sta sorti:
Sceccu in vulgari si dici Stè-Stè,
Terminu, chi dinota nobiltà,

Veni da la Spagnolu Ombres ostè.
In effettu cui metti un pedi ccà,
Fussi poviru, vili, e miserabili,
Riccu di bottu, e nobili si fà.

Anzi (oh purtentu! ed oh cosa ammirabili)
Subitu, chi cea trasi un ciucciu, o un beccu
Diventa sapienti, e rispettabili;
Nun cc'è omu dottu, a cui nun metta peccu,

Ma supra tuttu pri li soi disigni

Mitati è Pappagaddu, e mità Sceccu.

La Sorti intantu affirrata a li grigni
Di sti bestj chi sù lu so consolu,
'Ntra un lettu d'ingiustizj, e cosi indigni,
Cu li Scecchi si stà 'ntra lu linzolu.

II.

#### La Moda --- Gazzetta.

È capitatu supra Munticucciu Un grossu Nuvuluni fattu a navi, Ch'è carricu pri fina a lu cucucciu.

Si partíu da la Luna, 'un so quant'ávi, E radennu li spazj imaginarj,

Di tanti mircanzj si fici gravi.

Lu noleggiaru multi partitarj; La Vanitati, la Moda, lu Lussu, E li Fumi di testa sempri varj.

'A scarricatu in primis cert'influssi Di ddu signu celesti unitu a Crapi, Ch'è avanti di lu rummulu, e lu bussu,

Chistu si sparsi, comu un sciamu d'api, Di testa in testa, e ogn'unu nn'è cuntenti,

E si nni loda pri diversi capi :

Primu, pirchi cci libera la menti Da ddi niuri vapuri, ch'esslari, Soli la vurza tisica, e scuntenti:

Secunnu pirchi è bonu a trasmutari Lu tediu di una vita sobria, e uguali, In novi sceni tutti varj, e rari:

Terzu, chi di li sfrazzi, e di li gali, Benchi non fatti pr'iddu, non ostanti Per incidenza sempri si nni vali:

Quartu, ca nun si vidi cchiù davanti Dda lagnusia, dda grunna, chi l'ocidi, Ma oggetti allegri, puliti, o galanti: Quintu, chi di la casa sua già ridi Lu scaluni, e la porta, ed annu focu

Ddi cosi stissi, ch'iddu nun si cridi:

Sestu, chi s'accumincia appocu appocu A comparari cu li casi granni,

Ch'annu sirventi, acqua currenti, è cocu. Ultra sta mircanzía, chi già si spanni.

Comu s'è dittu, pri li testi testi, La varca scarricau vari mutanni.

Sunnu tanti Capricci fatti a 'mmesti, Cu cui la vuluntati strampallata Si cancia, e muta, si nni spogghia, e vesti.

La moda voli chi la matinata Si nni mutassi almenu almenu dui. Ouattru la sira, ed ottu la nuttata.

Pri sta ragiuni nun si trova cchiui Nè custanza, nè menu 'na scardidda D'onuri, o bona fidi 'ntra di nui. Purtau puru la varca 'na faidda Di lu focu di Veneri, ed Amuri, Chi ammucciata truvau dintra 'na stidda.

Chista cunteni li vari culuri, Cu cui la Moda a un cori innamuratu Ci fa spiegari in cifri lu so arduri :

Lu primu è di Suspiru sufficatu; Lu secunnu è culuri di un Salutu. Lu terzu di Possessu cuntrastatu: Lu quartu di Disiu non esaudutu:

Quintu è culuri di un Appuntamentu: Lu sestu di Pinseri prevenutu;

Lu settimu è cancianti, comu ventu. Spiega lu Cochettisimu, ed esprimi L'ottavu Gilusia; nonu Lamentu;

Decimu è d'un Riquri chi v'opprimi: Poi l'autru è a conza di Castedd'in aria: L'ultimu curri a tinta di Gastimi. Purtau poi certa Pulviri Lunaria. Chi opra, chi la stississima persuna Ora è a favuri, ed ora v'è cuntraria. Di lu concavu ancora di la Luna Vinniru pri mudelli a li capiddi

Nuvuli fatti a turri, e a bastiuna '.

Poi di l'autri modelli picciriddi Cui fa trizzuddi mali-assuttilati, Cui d'intilaci fa gaggi di griddi,

Vali a diri ddi scufi sbacantati, Chi cuntennu li cammari, e li arcovi Cu medianti di ferrifilati.

Puru purtau da lu pianeta Giovi Multi cuncetti vaghi, e imbrillantati, Chi passanu pri sausi d'anciovi;

S'usanu chisti boni assassunati Cu l'equivoci, e cu l'allegorii Di suchi di sustanza cammarati.

Qualch'unu poi li frii e li rifrii, E sarváti pri pinnuli 'ntra un coppu, Lubricari vi fa li primi vii.

Cc'è cui l'usa discretu in qualch'intoppu;

Autru però cu grassu di majali Li duna a li turduni pri sciroppu;

Cui si nni servi a modu di lu sali,

Pri cunsari li cibi dissapiti,

O pri arraspari un pocu li minnali; Cui l'infila pri arrustirli a li spiti,

**E** 'ntra lu spirtusarli poi si punci, O punci ad autru, e vennu sciarri, e liti; Cui finalmenti li spremi, e li munci;

E nni cava un'estrattu accussi **att**iv**u.** 

<sup>2</sup> Scherza il poeta sulle voluminose pettinature, che usavan : donne nell'anno, in cui serisse questa satira.

Chi vi desicca l'ossa, e li piddunci; Qualchi Poeta li cerni 'ntra un crivu; E furmannunni pulviri di bottu,

Fa 'na sparata a sei versi di sivu.

Purtau la varca ancora un certu lottu Di Veneri; e jucannu si cci appizza Chiddu ch'aviti, e lu crudu, e lu cottu;

Quali sianu li premj vi l'immizza
San Vartulu, chi tutti registrati
Li teni ad unu ad unu cu esattizza.
Purtau l'atomi ancora inargintati

Da Mercuriu, pianeta assai benignu, Lu primu, chi guverna in chista etati;

Ogn'unu l'idolatra a tali signu, Chi dintra l'ossa soi cci dà ricettu, E denti, e ganghi cci cunsagra in pignu.

Da Saturnu purtau l'alitu infettu, Non crudu crudu, comu a lu Tamigi, Ma di la moda canciatu in sorbettu:

Ed infatti nun sulu nun affliggi, Ma è un capu di commerciu, ch'ávi in vista Lu sciogghirvi di l'obblighi, e li liggi.

Cu stu sorbettu la genti è provista Di malati fantastici, e vapuri, Pri sfúiri.ogni cosa, chi l'attrista.

Cc'è la Surdia pri un barru debituri; La vista curta pri nun salutari; Li svenimenti pri fari l'amuri;

Pri finciri, e a lu vivu accreditari Sti malatj chimerici cunveni Tutti li stravaganzi assicutari;

Rapprisintannu spissu alcuni sceni, O almenu pantomimi, vali a diri: Rispittiarisi anchi, chi stà beni;

Trimari d'un cunigghiu, anzi sveniri; Siuiri li corna di li babbaluci, Ma di l'autri mustrarinni piaciri.

'Nzumma 'ntra ssu sorbettu si riduci Lu gran segretu, ch'in tutti li parti Lu sulu vostru commodu produci.

La varca poi da lu pianeta Marti Purtau la guerra di spati, e bastuni, Però dipinti dintra di li carti:

S'accampanu l'eroi 'ntra un cammaruni; Poi contra di un Annibali si scagghia Un Fabiu cuntaturi, e un Scipiuni:

Lu primu cu 'na flemma, chi si tagghia, Cerca sempri vantaggi, e lu secunnu Azzarda curaggiusu la battagghia.

All'autru latu di la sala in funnu Ruggeru attacca, unitu a Bradamanti, Gradassu, e Mandricardu furibunnu;

<sup>3</sup> Cchiù arrassu un Turnu, armatu di cuntanti, Contra un Enia ramingu, eccu s'afferra A colpu a colpu intrepidu, e costanti;

Ogn'unu accortu custodisci, e serra Dintra di li soi propri accampamenti Lu dinaru, chi è nervu di la guerra.

Lu restu di li squadri unitamenti 4
Ordinatu in battagghia, dà l'assaltu
A lu casteddu cchiù forti, e potenti,

E dda si vidi cádiri da l'altu
Un suldatu senz'arma, e l'autru resta
Cu l'occhi bianchi, e lustri, comu smaltu;
Nautru di stizza, e colura s'impesta;

Allude a quel giuoco di carte detto la calabrisella e al-

<sup>&</sup>lt;sup>2</sup> Allude al giuoco solito farsi in quattro, come tresette, o

<sup>&</sup>lt;sup>5</sup> Giuoco solito farsi in due; come *primiera*, o altra sorte giuoco consimile.

<sup>4</sup> Si allude al giuoco detto bassetta, o altro simile.

E nautru cu la sorti 'ntra lu pugnu Va a tuccari lu celu cu la testa:

La maggiur parti rusica un cutugnu, Pirchi si senti supra l'anca dritta Di lu contrariu so lu rastu, e l'ugnu.

Purtau puru la varca supraditta Li scorci di li vasi scientifici, Quali Amuri arrascau cu 'na saitta.

L'avia avutu Minerva da un Orifici, Pri cunsirvarci li duttrini; e Amuri Murritiannu svirgugnau l'artifici,

Rascau la scorcia, e sciolta in un licuri, Na'unta li soi saitti, e poi l'abbia Pri mettiri li fimmini a rumuri;

Chi l'arcanu fermenta e carcaría Dintra lu sangu, e fa dui varj effetti Svigghia la menti, e metti cardacía.

Ed eccu già li viduvi, e li schetti, Li maritati, e tutti quantu sunnu, In utroque si trovanu perfetti :

A un latu ánnu l'amanti, o niuru, o biumu, Secunnu è lu capricciu; e all'autrulatu La sfera, lu quatranti, e mappamunnu;

E fannu esperienzj a bon mircatu Di cilindri, ed ellissi, pri cui tuttu L'unu e l'autru emisferu è studiatu.

Di l'autri merci nun si nni fa muttu; Si cridi, chi nun l'ája scarricatu Pri la mancanza di salvu cunduttu.

L'ultima, chi cc'è in voga è un attistatu In cui 'ntra Amuri, e donni si convinni Di dari signu ch'ánnu caccïatu:

Si fannu li campagni frischi, e linni: E doppu aviri spinnatu l'oceddi, Portanu in testa pri trofei li pinni.

Prestu, signuri, ca la mercia speddi:

Nun dimurati; iticci di trottu; Graditinni l'avvisu, Donni beddi. Palermu quattru aprili sittant'ottu.

#### III.

La Letteratura — O sia estrattu d'un progettu letterariu, economicu, filosoficu, politicu, galanti.

Un certu Auturi di li cchiù accimati, Di chiddi chi v'aggiustanu lu munnu Cu dui scacchi di carta, e dui pinnati,

'A distisu un progettu assai profunnu Tuccanti a cosi di letteratura, E a li vari scuncerti chi cci sunnu.

Riguarda sta provincia pri natura Assai fertili, e bella; ma dà poco Pri mancanza di liggi, e di cultura.

Parra di lu commerciu in primu locu;

E nni fa quattru rami principali;

Commerciu d'aria, d'acqua, terra e focu.

Commerciu d'aria è chiddu, chi cu l'ali

Si fa di li pinseri; ma richiedi Di bona fantasia lu capitali.

L'imaginarj spazj sù la sedi, D'unni vennu li generi diversi, Chi caminanu tutti senza pedi.

Alcuni sù sistemi, alcuni versi; Li secunni ánnu oggettu; ma li primi Li cridi, e cu ragiuni, spisi persi.

Cci truvati a lu spissu 'ntra li rimi A lu funnu d'un saccu di minsogni Oualchi sintenza, o verità sublimi.

E ví paga, o vi servi a li bisogui; Ma li sistemi sù vacantarii. E sturdinu la testa, comu brogni. Perciò l'auturi voli, chi cci sii 'Na dugana chi mai cci dassi spacciu. Si nò cu bullu di corbellarii. Lu commerciu di terra è l'autru braccio. Chi completti la fisica, la storia.

Ed autri, chi ripetirli è d'impacciu;

Ma qualcunu cacciannusi a memoria Li cozza di li libra, s'è gunciatu Bestialissimamenti pri la boria.

L'auturi a chistu lu voli spusatu Cu chidda, di cui dicinu, ch'avia Ogni membru pusticciu, e 'mpiccicatu;

E chi quannu la sira a lettu jia. Nell'attu di tiraricci la vesti. E l'una e l'autra vrazzu cci cadia. A lu tirari li quasetti, lesti Vinianu anchi li gammi, e 'un avia soi,

· Si nò li suli parti disonesti.

Di lu commerciu d'acqua parra poi; E intenni chiddu, chi passa un saccenti Cu li magnati, ministri, ed eroi.

Oceanu supra cui li gran talenti, Pri farisi furtuna 'ntra stu munnu. Si solinu 'mbarcari allegramenti.

Ma'ntra stu mari gran scogghi cci sunna. Nun lu nega, ch'è riccu ed abbundanti. Mainchi è inbunazza, e inchi vi porta a funnu.

Si sa di cchiù, chi sempri l'acqua è amant Purtari in summa nun già li gravusi. Ma l'utri li cchiù unciati, e cchiù vacanti.

Perciò l'auturi nun ammetti scusi: Nè voli, chi si accordi passaportu Pr'imbarcari li saggi, e virtuusi.

Obbliga ogn'unu d'iddi a stari in portu, Piscannu di luntanu 'ntra stu mari

' Cu 'na cimedda longa, e un amu tortu; E si nenti cu st'aniu po piscari, Si cuntintassi cogghiri 'ntra un scogghiu Granci, pateddi, rizzi, ed ogghiammari:

Pirchi'un cunveni all'aura di lu sfogghiu

Avviliri la merci cchiù onorata,

Pri aviri a diri mi pentu, e mi dogghiu.

Vi assumi poi pri cosa dimustrata, Chi, in ragiuni recipreca a li lumi Di li Magnati, ogni arti è premiata:

Da ciò nni cava, ch'unni lu costumi,

E li scienzi nun ánnu riguardi. Ogni Magnatu feti di biccumi.

Poi passa a lu cummerciu, chi tant'ardi, E'chiddu di lu sessu; a prima abbordu Autru nun custa, chi paroli e sguardi. L'auturi nni cunveni, ed è d'accordu, Chi da principiu svigghia l'intellettu, Ma poi finisci cu patía di lordu.

Anz'iddu pirchi è chimicu perfettu, Ultra l'esperienzi, e li ragiuni, Cu provi la dimustra chiara, e netta:

Dici : chi anchi una donna di ca**rtuni** Unita all'omu, è comu si junciti

Sali d'assinziu, ed agru di limuni. Di cca nni cava poi provi infiniti: Primu, chi sia la donna pri natura · L'emporiu di tutti li murriti;

Secunnu: chi sia un mestruu, na mistura Bona a mutari un corpu, chi cc'inzita, In sustanzi di nova spuntatura.

Passa a parrari poi di la munita, 😬 😘 Chi curri pri li genti letterati, E nni duna un'idia multu compita; Currinu certa speci di ducati, Vali a diri li prosit, e li viva, MELI.

12

Ma senz'autru ogghin a lu scuru arristati. Curri ancora la satira, chi arriva A tagghiari nun sulu la casacca; Ma a trapanari 'ntra la carni viva. L'Auturi contra chista nun si stracca; Nè voli chi la critica sia un uroli, Ma no, chi ogn'unu pozza diri : cacca! Voli, chi cui nun a lu capitali Di dari primu un opra megghiu a luci. Nun pò diri di l'autri; chista 'un vali. Poi li viva, li prosit, e li vuci, Ch'è munita di coriu di stivali, In oru, e pensioni li riduci. Del restu cui lu voli tali quali. Vaja a la stamparia di lu Bon-senso, Chi dda cci truvirà l'originali Cchiù diffusu, e spiegatu per estensu.

## IV.

La VILLIGGIATARA: — Dialogu ira Di Fila-

D. Fil. Letti! trispita! favuli! chismagae!
Ramu! haulli! casci! haffituni!
Canapè! sgrigul! sèggi! matarazza!
Vurzi! scupetti! seddi! sosizzuni!
Seatuli! sacchi! e trusci mazza mazza
Misi a munseddu supra un carruzzuni!
Chi cc'e figginoli cu tanta prisauna?
D. Pir. Wcampagna, allegri, a la villiggiatura.

D.Fil. E tanti cani misi a la catina? (
D.Pir. Chisti servinu dda pri cacciari.
D.Fil. E ddu cappeddu sgherru di carina?

- D. Pir. Servi pri la signuça un g'appigghiari.
  D. Fit. E dd'abiteddy fatta a tudischina?
- D. Pir. Chistu cel servi da pri tavalcari.
- D. Fil. Metastasiu, e ssi 1957à chi tu tecchi?
- D. Pir. Li leggi lu sirventi atra li retchi.
- D. Fil. Co'è Voltier! co'è Russo!.. la signurina Li capisci sti libra ch'aju dittu?
- D. Pir. Oh! Ultra, ch'è na vera francisini. Li spiega lu sirventi ntra un vaschitu.
- D. Fil. E dimmi amicu; atra dda castillina Chi cce?
- D. Pir. Cc'è la Totetta, e un mandiscrittu. Ch'è na raccolla d'arj e canziment.
- D. Pir. Medamusella chisti poi li canta
  'Ntra un sedili di vusciu, o di murtidda,
  Cu un traversu obbligatu, chi v'incanta,
  E fa tutti l'appoggi a dda vucidda;
  L'aria si ferma, e quasi chi si scanta
  A moviri na fogghia, o na cimidda;
  'Nfini li manu poi sbattinu tutti,
  E l'ecu anchi rispunni da li guntti.
- D. Fil. Dimmi: e la sira comu la passatta D. Pir. Si passa attornu in ctinvirsazione Parti fistini, parti serenati, Bassetta, ceni, e ricriazioni.
- D. Fil. E 'ntornu a spisi comu v'aggiustati?
  D. Pir. Cu' è carvunaru, e un avi eccezioni
  Spenni è veru; ma poi cui metti a vista
  Un bonu quatru, è francu ntra la lista.
- D. Fil. Ma'dimmi, amico nilu megatiti'inhearria Chi pinsassi'a la dota? Acclisi? part; mi

Scusa la servità, ch'áju cu tia,
Si mi pigghiu sti gatti a pittinari.
D.Pir. Mi fai rídiril... E zittu vaja via,
Ca di sti cosi nun nni sai parrari;
Lu cantu è la gran doti di me figghia;
Dda si mustra, e cu' è omu si la pigghia.

D. Fil. Ma dimmi nautra cosa...

D. Pir. Oh no, ch'è troppu;
'Aju statu suverchiu, e sugnu 'mpizzu.
'Nzedda un cavaddu, chi va di galoppu,
Francischinu; e va metticci l'addrizzu,
Avanti, chi mi veni nautru intoppu;
Amicu a la partenza già m'indrizzu;
Chiamamunni li cani : tè Scursuni,
Tè Vespa, tè Melampu, tè Baruni.

V.

## Lu CAFBAOS.

Quattru, in sei migghia fora di lu munnu Cc'è un Cafeaos, duvi a spassu vannu Multi Genj, ch'incogniti a nui sunnu; E dda, comu in un palcu, si nni stannu, La cumedia gudennusi d'arrassu; Ed ohl belli risati, chi si fannu! Ridinu a costi nostri, e stannu in spasqu, Multu cchiù, chi nun è la sua durata Suggetta di lu tempu a lu cumpassu.

Li seculi sù pr'Iddi 'na liccata, Q comu stizzi d'inga 'ntra li carti, Chi spartinu lu tempu a la sunata.

Chisti dunqui nni osservanu in disparti;

E pincinu a lu vivu 'ntra quatruni L'indoli d'ogni seculu chi parti; E sti gran quatri poi dintra un saluni Si appendinu pri eterni monumenti In curti di lu gran Demiurguni<sup>1</sup>.

Ora mentri a lu seculu ourrenti Stavanu dannu già l'ultima mant, Nni vitti un squarciu intra lu pieca, e nenti;

Pirchi un Geniu di chiddi juculane, Ben sapennu, chi cu sempri su purtatu Pri lu maravigghiusu, e pri l'arcenu;

E sapennu per autru, ch'eu sà statu Di l'omu amicu, e mai scrissi pri stitua, Ma pri avvirtiriu quannu è scampatu.

Mi fici 'na jurnata sta finizza,
Mi dissi : guarda dda cu st'uochtaluni;
È iddu? Lu conusci? Cc'è esattizza?
Cossi jeu vitti un squarciu di quatruni,
Cu l'effigi, costumi, indoli, ed usi,

E ancora ndi áju a menti un'embriuni. E dipintu a culuri capricciusi, Ma chi espriminu lussu, e spisi orrendi

O è cecu affattu, o campa ad occhi chiusi; Si mai vidi, la vista nun si estemii, Chi a se, ma pri un momentu di durata; Lu restu o nu lu cura, o nun l'apprenni; Comu un salvaggiu, chi la matmati

I Non occurre qui riferire ciò, che scrisse Platone circa formazione dell'Universo. È noto bastevoluiente il di i sistema. Basta di avvertire solamente, che preso egli er servirci dell'espressione di Batteaux) da certo entusino piuttosto poetico, che filosofico, sognà, che il gran emiurgos, l'eterno geometra dopo aver collocato globi inmerevoli nello spazio infinito, volle darsi il piacere di ettere a prova la scienza de' Geni, sostanze intermedie l esceutrici de' suoi voleri, e testimoni delle sua opere; ede percò loro la facolta di presedere all'ordine del tutto di perfez onare ne globi suddetti tuttociò, che aveva volto ad arte lasciare imperfetto.

Vinni lu lettu; poi si pila, e gratta Vidennu chi cci servi a la scurata.

La testa è giustu 'na testa di gatta, Cu pochi pila, ma cancianti, e varj, E supra poi 'na ciminia cc'è fatta,

D'unni nescinu fumi, venti, ed arj Di l'idei disparati, ed indigesti,

Frutti di tanti soi dizionari.

Pirchi a lu tempu stissu, chi si vesti. 'A sutta l'occhi quattru, e sei trattati. Drittu, Domma, Politica, Digesti,

Tanti diversi idei mali 'ncuddati. Cci sguazzarianu in testa leggi leggi: **E** lu pinseddu l'á ben rilevati.

Tagghia, critica, lacera, curreggi L'antichi pensamenti; e in propria vucca Seculu illuminatu, si cci leggi.

Tantu li novità gusta, ed ammucea. Chi si cci scopri espressu 'ntra la facci, Chi farria di lu munnu 'na pilucca.

Teni allatu appizzati a certi stacci Bona fidi, Parola, ed Onestati; Ma chini di filini, e di stracci;

Si nni servi a lu spissu 'ntra parrati. Ma poi quannu si tratta di operari, Torna di novu a ténirli appizzati;

Tantu chi pri disgrazia singulari. Chisti, ch'un tempu ficiru li genti Felici, servinu ora ad ingannari.

Jeu m'aspettu, chi qualchi sapienti M'avissi a diri : comu 'na pittura Esprimi tanti cosi differenti?

E'ntra lu stissu tempu vi figura Dui azioni, chi annu 'ntra se stissi Un trattu successivu pri natura?

Di sta critica, e d'autri ugualt a chi s'

Jeu mi nni riju, comu ridiria Quannu da un vermi diri mi sintissi; Chi scacci cu ssa tua geometria?

Misuri li pianeti? Impertinenti!

Tu sì cca, chiddi sù pri nautra via!

Turnamu a nui: L'esternu è risplendenti
Pri un fausu pannidduni accussì esatta.
Chi di lu finu nun si scancia nenti;
Ed eu stissu vidennu lu ritrattu.

Cci avia 'ncappatu; ma lu Geniu amicu, Tuttu è fintu, mi dissi, ed artefattu;

Tuttu respira cabala, ed intricu, Ed iddu si da un'aria d'importanza Pri sta cundutta, chi nun vali un ficu;

Sta sciocca sua ridicula eleganza Veni sostituita d'oggi in poi

A lu veraci onuri, e a la custanza; E li virgogni, e l'improperj soi, Chiama galantari: cridi canciari

Chiama galantari; cridi canciari, Canciannu nnomu, lu porcu in eroi...

Basta, nun t'è cchiù licitu guardari; Li seculi venturi ánnu lu drittu Di esaminarlu beni e giudicari;

Lu viju, ca nni si ristatu atilittu; E di lu quatru assai ti nni rincrisci; Chi cci poi riparari?.. Accussi dittu, Mi leva l'ucchialuni, e mi spirisci.

## VI.

Lu CAGGHIOSTRISIMU. — Cunta.

1

Dissi un jornu fra Decu a fra Jacintu, Sedi cca, frati meu, cuntami un cuntu. Jeu mi truvava dda davanti 'mpintu, E mi lu sciruppai da tuttu puntu Anzi mi fidu ancora avirlu a menti, Si vuliti sintirlu stati attenti.

2

Cc'era 'ne vota na Signurazzu rietu, Ch'aveva un geniu mattu per un sceccu, (Cota non rara in chisti di gran spiccu) B guei pri chiddu, chi cci mittia peccu, Cui però vulia faricci corteggiu Scupria all'Asima ogn'ura un nevu preggiu.

Pri tantu li sfaccinti adulatori. Chi comu muschi currinu a lu meli, Li servi, l'inquilini, e debituri Chistu Asinu purtavanu a li celi : Lu patruni pascennu la so boria Applaudiva, e si nni jeva in gloria.

L L

Capitau 'na jurnata 'ntra stu locu Un frusteri a la vista sparapaulus. Ma chi sapia 'nzirtari, a diri pocu, Unni teni la cuda lu Diaulu; Chistu 'un aveva autr'arti, autru misteri Chi jiri in corca di qualchi misseri.

5

Arrivatu squatrau danni un'ucchiata, Chiera già di sua sonti lu momentu: A l'encompscupriu la maniata; Si fa avanti, e lu sceccu guard'attentu; Poi dici: Cu permissu a tutti intornu, Sti tali pregi eu nun ii stimu un cornu.

Nun negu, ch'iddu l'ája; l'á in effettu,

Si fa distinguere nell'istoria romana l'importador Caligola per l'attaccamento, che aveva al suo cavallo che daval da mangiare, e da bere in tazze d'oro, e le nomino Sentor di Roma. Crevier seguito di Rollin.

Ma riguardu a lu pregiu, ch'iu discernu, Chisti nun sunnu da staricci a pettu; Lu preggiu principali è 'ntra l'internu; Ed eu da lu vidirvi accussì musci Cridu 'ntra vui, chi nuddu lu conusci.

Dissi, e ad arti taciu. Chiddi stunaru; Lu patruni lu guarda ammaluccutu, Dipoi lu prega, e dici : Amicu caru, Palisa tu stu pregiu sconosciutu, S'è veru, e s'iddu è tali, quali dici, Cridimi... basta... Nui sarremu amici.

Mi obbligati in manera, Iddu rispasi, Cu tantu garbu, e tanta gintilizza, Chi pri nigarmi nun ritrovu scusi. Sacciáti dunca: chi la gran biddizza Chi forma di stu sceccu lu portentu È lu sprofundatissima talentu.

9

Cuntinírisi 'un pottiru l'astanti, Cu tuttu lu patruni dda presenti, Di sbruffaricci in facci. Iddu custanti Si vota, e dici: Eh beni, nun co'è nenti Vi cumpatisciu, nè vi sforzu a cridiri Senza primu tuccari, e senza vidiri.

Ví bastiria pri prova lu sintirlu Leggiri francu in un libru stampatu? Vi bastiria pri prova lu vidirlu Scriviri cu caratteri furmatu? Si bastanu sti provi a lor signuri Jen nun sugnu nè pazzu, nè imposturi.

Ripigghia l'autru : Postu chi l'affirmi Cu tanta sicurizza in faccia a tutti Ora conveni, chi cei lu confirmi: Madinho nun co'è nuddu chi l'agghidhi, Trattanhusi di cosi strani e movie Li parofi nun bastanu : A li provi.

Li vidiriti a tempu so; ma prima Splegatimi stu dubblu: Ciceroni; E tant'autri filosofi di cima; Nasceru intra stu mumu fatti e boni! Cu la scienza infusa? No. La scola; Dirriti, è chidda chi l'ingegni ammola.

Lu talentu pò fari, ch'unu apprenna Trima di hantru, e fazza summi voll, Però lu mastru lu'nzigua, ed emenna, 'Ntra sgarra, e 'nzerta apprenniri si soli, L'abilità in un mastru, e li talenti.

A sti ragiuni ddu signuri scossu,
Dissi : va beni; chi ti sia permissu.
Ma quantu tempu voi? L'impegnu è grossu,
Iddu rispunni, mi appellu a vui stissu,
Passativi la manu pri lu pettu,
Quantu tempu impiegastivu a st'oggettu?

Vui d'un talentu tantu luminusu, In confruntu di cui lu Suli è fuscu, A leggiri, ed d'scriviri; e a far'usu. Di lu linguaggiu cchiù eleganti, etruscu, Quantu tempu implegastivu? Su, tunnu Dicitilu, ch'eu doppu vi rispumnu.

Iou, dissi ddu signuri, a sforzi granni Di u miu ingegnu, chi tu vidi, e sai, Cci spisi pressu a pocu, tridici anni, Non ostanti, chi attornu appi bon'Ai, Ed un pidanti, chi aveva un tistuni Chi pareva un anticu midagghiunti

Ripigghia allura l'omu astutu ; Ed accu Tridici anni! Ma siti talintuni; in mi. s E puru eu mi cuntentu pri la seccent Di l'anni: ch'impiegau lu so patruni; g Datimi un tempu uguali, e vi prumettu Di darivillu dutturi perfettu.

Altu ddocu, ripigghia Sua Eccellenza, In casa mia nua amu sti dutturi; Vogghiu tutta pri mia la preferenza, Ammettu sulamenti pri favuri, O pri farmi di agenti, o secretariu, Qualchi preti di sula breviariu.

Ne solliu ja casa mia, chi alcuni dica, Caji sa cchiù di lu patruni l. E. verus Chi lu leggiri, a scrivini mi luica, , , , , , E mi cueta guan stenti, ma linteru A. ; Poi gran sapiri, in sui di primu rangu. Passa da patri in figghi ntra lu sangu.

Si zidi cu la proyane cu l'effettu.

Chi a nui cadi, a è saggiu oggi que dottu.

Ogni peritu d'anti, a ogni architettu.

Davanti a nui s'annaganu intra pp. gottu.

Nui li shamamu, e si qualcunu spisora

Lu bonu so tuttu da nui lu licca.

Punispri umiliari a ddi piazenti 124

Punispri umiliari a ddi piazenti 124

pirchi su riputati sapienti 111 ment at

Luscaccu miu (poichi ani tura sarat)

Sia adduttrinatu, acciocchì ogn'unu osservi Chi in casa mia li scecchi sù Minervi. 22

Ma ti vogghiu obbligatu pri cuntrattu,
"'Acciò nh'aja lu giustu disimpegnu
Quannu adimputu nun avrai lu pattu
Doppu lu tempu convenutu... Vegnu,
Rispusi lu farfanti, prontu, e francu,
Si vuliti vi firmu un fogghiu in biancu.

Si vuliti pri pubblicu nutaru
Un attu sullennissimu, su cca...
Pri 'un farla lunga, stisiru, e firmaru
Cu tutti quanti li sollennità,
Cu li dovuti clausoli, e strumenti
L'attu di lu tenuri susseguenti.

Fulanu di li Vigni (chi accussi
O si chiamava, o si facia chiamari)
S'obbliga in tempu di anni deci, e tri
'Ntra li scienzi tutti adduttrinari
L'Asinu di l'illustri D. Pancraziu
Senza mancu vulirinni ringraziu.
25

Sulu chi in cursu di lu supradittu Tempu fussi di alloggiu ben provistu, È di lu bisugnevuli a lu vittu, Comu anchi di un vurzigghiu; però chistu Lu rimittia a l'arbitriu, ed a l'onuri Di un tantu grandi, e splendidu signuri.

Lu cavaleri poi da lu so latu, Pri nun cediri a chiddu in curtisia, S'obbliga darci un quartu ammubbligghiatu, E tavula in sua propria cumpagnia, E pri burzigghiu, e pri segreti guasti Trenta scuti lu mini, e tantu basti.

Già chiusu lu cuntrattu, e autenticatu, Pigghia possessu in casa lu vulpuni; Fu provistu, e di tuttu equipaggiatu, Facia 'na vita di un veru mandruni, Tolti poch'uri, chi passava jusu Da sulu a sulu cu lu sceccu inchiusu.

Un jornu chi passava pri 'na strata In tutta la sua gala, ed intuciatu, Un conuscenti, e anticu cammarata Lu vitti, e l'abburdau : Oh ben truvatu! Abbrazzannulu, dissi, mi consolu, Ma dimmi com'ái fattu stu gran volu?

29

Iddu a l'oricchia cunta a lu so amicu L'astuta invenzioni, incominciannu: Avverti, teni ferru a quantu dicu, Poi conchiudi (lu fattu epilogannu) Lu celu fa a li saggi un gran serviziu Dannu dinari a cui nun á giudiziu.

30

Dissi l'autru : cu summa cumpiacenza Jeu viju la superbia misa a solu; Ma ('ntra la nostra antica confidenza) Ti porta a precipiziu stu violu; Da st'impegnu, chi fa tantu bisbigghiu Comu ti fidi nescirni sinsigghiu?

31

Rispunni: supra tuttu teni a menti, Ch'è pricaria la vita a li spiantati, Nè calculanu cchiù di lu presenti, E l'uri ch'iddi arrunzanu sù asciati; Finiscia o in beni, o in mali a mia stu jocu, Tridici anni di vita nun sù pocu.

MELI.

Agghiunci; ch'in un tempu cussì estisu Ponnu accadiri vicenn'infiniti : O mori unu di nui 'ntra l'attu misu Patruni, asinu, o jeu nun cc'è cchiù liti, O mi pò la furtuna presentari Milli aperturi, e menzi a speculari.

Stu sceccu intantu è chiddu chi mi campa, Conusciu in iddu la mia sussistenza; Lu patruni pri mia spinna, ed abbampa, Nè un momentu di mia pò stari.senza; Jeu sugnu in casa lu primu misistru. Jeu spennu, e spannu, consultu, a registru.

E facenn'usu di lu miu giudiziu. In ogni casu per eu stari in grassu. Mi fici fari un grossu vitaliziu, Fincennu littri vinuti d'arrassu, Ch'era prigatu cu li vrazz'all'aria Pri 'na scola fundaricci asinaria.

Nun scopru in iddu: positivu impegnu, Chi veramenti lu sceccu liggissi; M'a sodisfari ddu bizzarru ingegnu Basta chi stu prodigiu si spargissi; Pirch'iddu è un gran signuri, e comu tali Li cosi soi li voli originali.

36
Fratantu godi, chi 'ntra li colleggi,
Scoli, chiazzi, cafè, taverni, e strati,
D'autru 'un si parra chi lu sceccu leggi :
Cui cridi, e cui nun cridi; ma ostinati
Chiddi sustennu, chi sta maravigghia
L'assicuranu genti di famigghia.

L'adulaturi dettiru lu tonu, Li servi, e l'inquilini assecumaru, A li stranj sta nova parsi un tronu, Ma alcuni in bona fidi l'ammuccaru; Sta vuci in oggi imponi a li minnali, E perciò si pò diri universali.

38

E truvirai, chi stu prodigiu un jornu Sarà stampatu in cchiù di 'na gazzetta, Si liggirà, chi di scienzi adornu Un sceccu studia misu a la buffetta, E chi traduci incogniti liggenni, Chi ne iddu, ne nudd'autru li cumprenni.

39

Cridi tu, chi un cchiù sodu funnamentu 'Ajanu ddi prodigj stripitusi, Chi sù stampati in centu libri, e centu Da li profani storici famusi? Basta, ch'unu li dica, autr'ecu fazza, Fama l'uncia, e lu tempu si l'abbrazza.

Ripigghia l'autru : è chistu un casu stranu; Ma unni si trova un tantu originali Scioccu, amanti di un sceccu, riccu, e vanu? Grida l'astutu; si troppu minnali, Si ti attacchi a lu sceccu comu sceccu, Pò essiri cavaddu, cani, o beccu.

41

Pò essiri (ed è cosa cchiù comuni) Ciospa, villa antiquaria, o strani imprisi, O se stissu, chi cridasi un Aduni, O discendenti di l'anca d'Anchisi. Tutti sti passioni irregulari

L'omu, ch'è concettusu di se stissu, Li stravaganzi soi cridi miraculi; S'è riccu cchiù di cchiù; gravi e prolissu Li soi paroli spaccia per oraculi, S'è bestia poi l'istintu so cc'imponi, Pri li bestj 'na summa attrazioni.

Nni trovi da per tuttu unni ti aggiri; Chi cci sù li misseri in ogni rangu, E anchi a li furbi putrai discopriri Lu debuli, chi cci annu ntra lu sangu, Si da stu latu la breccia cci metti Nni poi fari baddottuli, e purpetti.

44

E l'omini superbi, ed indomabili Cu sta ricetta mia divintirannu, Comu serpi a l'incantu maniabili, La divu a la bittarma di me' nannu, Chi tantu, e tantu beni mi vulia Pri li talenti chi scupreva in mia.

Sacci, mi dissi, chi li gran fortuni
A lu spissu 'mbriacanu la menti,
Ma l'omu d'occhiu finu, e maraguni,
Scopri lu latu debuli a sti genti;
Cei trasi, e 'mmisca a via d'ingegnu ed arti
Lu nenti so cu l'oru d'iddi, e sparti.

Posti sti dati certi, ed innegabili,
Nun ti parirà stranu lu vidiri
Suggetti anchi ignuranti, e disprezzabili,
All'augi di fortuna perveniri.
Basta un abbordu studiatu apposta,
Jattanzi, cirimonj, e facci tosta.

**4.**7

Cca fra Jacintu terminau la storia Cu li riflessioni cchiù opportuni, Ma ch'eu nun tinni tutti a la memoria, Poi chiudiu cu la formula comuni : Cui vi l'à dittu, e cui l'à fattu diri Di mala morti nun pozza muriri.

### VII.

Contra li Cirimoni, e lu Galateu. — Recitata a l'accademia di li Pasturi Ereini.

#### 1

Pasturi di sti vaddi, e zammatari, Dati locu a un viddanu cuticuni, Chi veni da ssi timpi, e ssi chiarchiari, Azzaccanatu fina a li garruni; Lu latti 'ntra li cischi pri quagghiari Lassavi in cura di li mei garzuni, Pirchì 'ntisi chi cca s'aveva a fari 'Na cosa a modu di concavuluni.

E chi tutti vuautri misi a ringa, Aviavu a ricitari certi versi, Scritti mi dugnu a cridiri cu l'inga, Contra li cirimoni, vuci persi, Unn'eu, benchi di vui nuddu m'indinga, Oggi, chi siti zotichi, e pirversi, Mentri truttati, liviroggiu a cinga; Mai 'ntra la fudda la birritta persi.

Senza diri bonciornu, nè bonannu, Trasu, mi ficcu, e sbarrachiu li porti: Pri stu tema eu mi sentu cchiù d'Orlannu, Pirchì l'inciviltati è lu meu forti. Oh! quantu riju quannu caminannu, Scontru a dui, chi scuverti, e tutti storti Si cedinu lu locu, burdiannu! Eu cedu locu quannu viu la morti.

4

Jeu nun sacciu di comu nè di quantu, Sulu vi dicu: ca nun mi nni sentu; Di li gran cirimonj mi nni scantu; Sunnu auguriu d'ingannu, o tradimentu, Stu: vi sù servu ossequiusu tantu; Tuttu a servirvi dedicatu e intentu; Belli paroli! ma 'un criu a lu Santu, Si prima nun nni viju lu purtentu.

Š

Nun si sa quannu è scuru, e quannu è ghiorne; Nun si sapi cui v'odia, o vi rispetta; Vi viditi l'inchini sempri attornu, Ma trasi duci duci 'na lanzetta; Certi paroli fatti cu lu tornu; E prisintati a punta di bruccetta; Eu sù chiaru, e pri mia lu cornu è cornu, E non galanteria da fari incetta.

La Cirimonia l'assimigghiu a un cugnu,
Trasi pri chiattu, e sbarrachia lu lignu;
Cussì lu furbu appena azzicca un ugnu,
Vi fa un vadu pestiferu, e malignu:
Lu stissu Galateu pri mia è cutugnu;
Chi nun mi pò calari, e'un mi cci 'mpignu:
Vi parirò scuppatu; accussì sugnu,
Nun mi resta chi diri; e mi la shignu.

# FAVULI MORALI.

## PREFAZIONI.

Mentr'era 'atra un macchiun Cu un libru 'ntra li manu, Un saviu vicchiuni Si accosta chianu chianu, E dici a lu miu latu: Cos'ái ca sì turbatu?

Ch'áju ad aviri? Guarda: Un bonu libru adocchiu, Viju chi 'un teni scarda, Lu trov'un crivu d'occhiu! Sta camula è un'orrenna Pesti, chi tuttu smenna!

Lu midagghiuni anticu L'osserva, e lu rividi, Poi dici: S'eu ti dicu, Ch'è sorti, nun mi cridi; Pri mia si è misu all'asta Prezzu nun cc'è, chi basta.

Jeu dissi 'ntra di mia : O chistu è tuttu pazzu, O puru mi trizzia : Vitti lu miu 'mbarazzu Lu vecchiu, e un pocu eursu Ripigghia lu discursu :

Mi pari ammaraggiatu. Tu cridi, ch'eu scaminu? Eu parru da sennatu, E a diriti anchi inclinu L'arcani mei cchiù granni, Chiusi da centu, ed anni.

Sacci: ch'eu scinnu drittu Pri linia masculina Da Esopu, ch'in Egittu Fu un mari di duttrina, Chi apprisi in maggiur parti

Non già da libri, e carti; Ma da l'armali, e insetti, Chi sù pri l'omu muti; Iddu cu li perfetti Sensi, e sua gran virtuti,

Ddi gerghi avennu in pratica Composi 'na grammatica;

Chi cu fidecommissu
La stissa d'iddu scritta
Dipoi nni l'à trasmissu
In linia sempri dritta,
E in primogenitura
Mentri sua razza dura.

Dunca eu misi ad esami Sti fogghi camuluti, Trovu, chi sti riccami Sù littiri sculputi, Sù cifri, ed asterischi Di codici armalischi.

Pr'istintu di natura
Di l'animali a gloria
La Camula avi cura
D'incidirni l'istoria,
Li mutti, li sentenzi,
E l'arti, e li scienzi.

Scurri li libri tutti, Non superficiali, Li mastica, l'agghiutti, Nni fa sucu vitali; Poi 'ntra l'intagghi scrivi Li fatti cchiù instruttivi

Chi fatti, intagghi, ed arti? Jeu ripigghiai, chi mutti? Lu senziu mi parti!... Eh via! Comu si agghiutti Sta pinnula? 'Un sia mai, Vidi ch'è grossa assai.

Lu vecchiu nun desisti; Ma, mortu di li risi, Mi dici : capiristi Un Turcu, ed un Cinisi? Puru sù tutti dui Omini, comu nui.

Va beni, eu cci rispusi, Ti vogghiu anchi accurdari, Li gerghi li cchiù astrusi, Chi sianu pri tia chiari; Ma di': poi 'ntra sta prova Chi sucu si cci trova?

'Na cosa ben ridicula Sarria st'acquistu a nui; Si parra si matricula 'Na bestia sempri cchiui: Nun giuva, nè instruisci, Bon'è ca 'un si capisci.

Ripigghia lu vicchiuni : Tu decidisti allura A colpu, ed a tantuni! La causa 'un è matura. Nni teni scritti, e carti? 'Ai 'ntisu mai li parti?

Si nun capisci un jota Di li brutali accenti La sua ragiuni è ignota; Si dunca a lu presenti

Ti mancanu sti guidi, Cu' è bestia? Cui decidi? Tant'è, chi nun sù muti, La vuci la sintemu: 'Annu li senzi acuti. **E** chista la videmu : Conuscinu li priculi, Notanu l'amminiculi. Pischi pri aviri un rastu Di Quanghi, o di Faciani L'omu, chi á un nasu vastu, Ricurti, e indinga un Cani? Signu ch'è persuasu, Chi un cani á megghiu nasu. ¿L'Aquila in vista avanza Di assai la specia umana. Da l'autu, e in gran distanza Scuprisci intra la tana Na picciula sirpuzza. Chi affaccia la tistuzza. Lu Gaddu! E si pò dari Barometru cchiù certu? Anzi si pò chiamari Un almanaccu apertu. E insemi un bon curdinu Cu lu risbigghiarinu. ····Chi cura, e vigilanza 'A pri lu so paddaru l Contra di cui si avanza Scudu si fa. e riparu: Lu pettu esponi, azzarda, Periculi nun guarda. Manteni l'armunia 'Ntra tutti, e quannu alcuna Gaddina singhirria Curri, e cu pizzulana,

Cu gridi, e colpi d'ali La rendi sociali.

Si coccia in terra a vistu O d'oriu, o di frumentu, Nun pensa farni acquistu Pri propriu nutrimentu, Ma fermu e a pedi 'ncutti Chiama, e li sparti a tutti.

Chi meravigghia poi Si tantu ossequiata Ven'iddu da li soi? E l'omu, chi vantatu Si è di ragiuni tempiu, Non imita st'esempiu?

Chi mai dirrò di l'Api?
Chi munarchi ben saggi!
Rispettanu li capi,
E chisti a li vantaggi
Di la societati

Sù tutti dedicati.

Si avissi lesa, e ciatu Dirria di li Furmiculi. Ma basta, 'Aju pruvatu Li bruti non ridiculi; E chi anchi li echiù tenniri Nni dunanu d'apprenniri.

Cu tessiri, e filari Cu pedi, e cu manazzi Nni l'appiru a 'nzignari Tarantuli, e virmuzzi, Chiddi chi assai pulita Nni tessinu la sita.

Li nostri primi nami A li castori intenti Di casi, e di capanni, Forsi li rudimenti Apprisiru, e imitaru, Chi poi perfezionaru.

Apprénniri nni fici L'arti di lu piscari Lu pisci Piscatrici; Chi dui cimeddi in mari Sporgi d'intesta, e adisca Pisci cun iddi, e pisca.

Si in oggi pratticamu Nuiautri la sagnia, O grossu Ippopotamu, L'apprisimu da tia, Chi si ái li vasi chini Ti l'apri cu li spini.

Forsi a ddi menti virgini In chidda eta di allura La Camula l'origini Detti di l'incisura, Ed anchi, si nun sbagghiu, Di l'arraccamu, e intagghiu.

Si divi a la Cicogna
L'usu di lu clisteri.
Chista, quannu abbisogna,
Si adatta a lu darreri
Lu beccu d'acqua chinu,
Chi caccia a l'intestinu.

Si cridi, chi un'apuzza
Pusata 'ntra 'na frunna
A modu di varcuzza
Purtata via da l'unna,
All'omini appi a dari
L'idia di navigari.

Dirriti: ma lu Sceccu Si vidi, ch'è turduni Nun senti virga, e leccu; Cc'è cchiù? cu lu vastuni Si torci gruppa, e sohma, E ad orsa vi camina.

Vui chistu interpetrati, Vera turdunaria? Ma comu lu pruvati? Pò darsi chi disia Pri lu so sangu tardu Un stimulu gagghiardu:

Pò darsi di una razza Di Stoici, e di Zenuni, Chi soffrinu la mazza, Li cauci, e l'ammuttuni, Pri farisi li senzi Avvezzi a l'inclemenzi.

Pò darsi, chi pri oprari Vol'essiri informatu Di chiddu ch'ávi a fari Pri farlu regolatu; Truvannusi a lu scuru Nun opera sicuru.

Lu servu, chi discurri,
'Quannu lu so patruni
Cci dici: prestu curri;
Nè spiega la cagiuni,
Nè duvi lu destina,
S'imbrogghia, e nun camina.

Ora chi nni vultti
Da un Sceccu, chi muntati
Senza d'avirvi uniti
Li lingui, e voluntati?
Data sta verità,
È assai chiddu, chi fà.

E poi vi sia accurdatu 'Ntra tanti, e tanti armali, Lu Secccu pr'insensatu, Pri stupidu, e minnali, Ch'importa? 'ntra nui stissi Quantu cci nn'è di chissi!

Sarra forsi infamata
Perciò la specj umana
Pirchi in ogni nidata
Dui terzi pri zuzzana,
Toltu lu frontispiziu,
Sù scecchi pri giudiziu?

Agghiunciu anchi dicchiui : Sta stissa asinitati Chi disprizzati vui, Li rendi cari, e grati A cchiù di un pirsunaggiu, Ch'è scarsu di curaggiu.

Ma poi d'iddi in compenza Sù armali scaltri, oh quanti! Esalta la prudenza Pliniu di l'Elefanti; Ed autri ánnu abbastanza Scaltrizza, e vigilanza.

La Vulpi eh! Chi vi pari? Lu Lupu! Oh ch'è scaltruni! E cui lu pò gabbari? Lu Corvu! è maraguni! Nui d'iddi a li malizj Nun semu, chi novizj.

Pirchi natura vosi Spartiri 'ntra viventi A ogni unu la sua dosi D'istinti, e di talenti Quantu putia bastari Sua specj a cunsirvari. Juncennu all'omu, vitt

Juncennu all'omu, vitti, Chi consumati avia

<sup>1</sup> Nulla bellu**arum prudentior elephanto.** 

L'istinti supraditti; Perciò nni arrisiddia Di bestj'na gran parti, E all'omini li sparti.

Perciò spissu 'ntra omaggi Videmu l'Omu-vulpi, Chi ossequia li malvaggi Ch'è imiquu, e li soi culpi Li scarrica, e deponi Supra li genti boni.

Videmu l'Omu-lupu, Chi pari un midagghiuni, Seriu, devotu, e cupu. Ostenta la ragiuni, 'Mpastata cu lu meli, Ma 'ntra lu cori á feli.

L'Omu-liuni à un funnu Intrepidu, e custanti; Precipiti lu munnu, Stà firmu dda davanti, Ed a la sua ruina Opponi pettu, e schina.

Cc'è l'Omu-signu intentu A li gran modi, e l'usi, Bandera ad ogni ventu Muta, riforma, e scusi Abiti, vrachi, e insigni, Guardannu l'autri Signi.

E l'Omu-talpa chiddu
Chi campa innamuratu
Di cui nun cura d'iddu,
E tantu nn'è accicatu,
Chi cchiù nun cridi all'occhi,
Ma a chiácchiari, e 'mpapocchi.

Cussì cc'è l'Omu-cani, Chi abbaja di tutt'uri A poviri, a viddani, A latri, a tradituri. Ma dannucci lu tozzu Proi lu cannarozzu.

Avemu l'Omu-gattu, Chi metti a diri : meu, Appena vidi un piattu, Avidu, comu Ebreu, A tuttu stenni l'ugna,

Pigghia, e dicchiù sgranfugna.

Tralasciu li Becchi-Omini Pni tema a li Satinici. Jeu citu li fenomini. A modu di l'Empirici. E passu, e mi cuntumu Di jiri troppu a fusan.

Avanti, ca cc'è cchiui: Cci sunnu Omini tali, (Ma dittu sia 'ntga nui) Chi sù sutta l'armali, Quant'è sutta di un Signu 'Na cascia, o puru un sgrignu.

Tali è lu riccu avaru.

'Na specia d'Omu-cascia:
Si sarva lu dinaru.
Lu chiudi, si l'incascia,
Si sicca, e infradicisci.
Sempri guardannu l'isci.
Coi sù senza ch'iu nomini

Cci su, senza ch'iu nomini L'Omini-pupi veri O sia l'Automat-Omini : L'amiga, o la muggheni, O servu un lazzu movi, E cci fa fari provi, Tu cridi : fors'iu sia

Cursu, o di mala gana,

Contra la specj mia? Ah! la natura umana, (E cui nun si nni adduna?) Cadiu in vascia fortuna!

È lu gran Culiseu, Chi di l'anticu fastu Nun serba pri trofeu, Chi qualchi oscuru rastu, Chi appena si discerni 'Ntra li ruini eterni!

È la ragiuni addunca L'occhiu di grassu in nui? Ma quantu sia pijunca, Già lu viditi vui, Risona lu so titulu; Ma 'un á vuci in capitulu.

Capitulu, eu sentu, Quannu li passioni Focusi, e in movimentu, A la riflessioni, Chi timida si affaccia, Chiudinu porta in faccia. In quali specj, o razza Di bruti, o d'animali Si trova una si pazza, Chi tanti oltraggi, e mali S'impegna a speculari Contra di li soi pari?

Privari 'ntra 'na vampa
Di vita centu, e middi
Fatti a la stissa stampa
Cu carni, e cu capiddi,
E un'arti, di cui l'omu
Nni á scrittu cchiù d'un tomu'.

<sup>&</sup>lt;sup>1</sup> Si allude a' libri stampati sull'arte della guerra.

Ogn'unu vanta in sè Pri guida la ragiuni. Chistu è lu peju, ohimè! Ragiuni a miliuni Quant'omini sù in munnu! Va pisca 'ntra stu funnu!

Chisti mantennu in guerra Li regni cu li regni, Fomentanu cca 'nterra Causi, liti, e impegni, La genti anchi maligna La sua ragiuni assigna.

L'avvisi, e manifesti, Chi sù 'ntra li neimici. Preludj di funesti Guerri desolatrici, Tutti da capu a fini. Sù di ragiuni chini.

Li scartafazj immenzi, Ch'ingrassanu lu foru, Chi estorcinu sentenzi, E da li vurzi l'oru, Ch'imbrogghianu lu munnu Tutti ragiuni sunnu.

Ragiuni, chi derivanu D'autri, e chist'autri ancora Di autri, ch'in fini arrivanu A scarruzzari fora Di li ragiuni, ed ánnu Radica 'ntra l'ingannu.

Ch'in nui li passioni
Si affaccianu a lu spissu
Cu mascari assai boni,
E poi fannu un aggrissu;
La mascara comuni
È pr'iddi la ragiuni.

Però 'ntra l'animali Lu sulu, e nudu istintu Regna senza rivali Dintra lu so recintu, E li soi visti fissa Su la sua specj stissa.

Addunca cui procura
Li bruti studiari
Studia la natura
Unicu, e singulari
Libru di arcani senzi
Chi acchiudi li scienzi.

Benissimu; diss'iu, Tu forsi pischi a funnu; Però lu senziu miu Mi pari a nautru munnu, Si beni ai peroratu, Ch'eu sù menzu ammazatu.

Mi cci 4i saputu induciri Cu li maneri e l'arti: Via méttiti a traduciri Sti camuluti carti... Dissi, e lu vecchiu esponi Li soi traduzioni:

Jeu agghiuncirò pri restu Qualchi moralità, Chi scinni da lu testu, (Sibbeni 'un cci sia ddà) Pri 'un dirimi li genti: Chi 'un cci áju misu nenti.

I.

# Li Surci.

Un Surciteddu di testa sbintata via pigghiatu la via di l'acitu, E faceva 'na vita scialacquata Cu l'amiciuni di lu so partitu.

Lu Ziu circau tirarlu a bona strata; Ma zappau all'acqua, pirchl era attrivitu. E di cchiù la saimi avia liccata, Di taverni, e di zagati peritu.

Finalmenti Mucidda fici luca; Iddu grida: Ziu-ziu cu dogghia interna; So Ziu pri lu rammaricu si suca; Poi dici: Lu to casu mi costerna;

Ma ora mi cerchi? chiaccu chi t'affuca; Scutta pri quannu jisti a la taverna.

II.

#### Li GRANCI.

Un Granciu si picava Di educari li figghi, E l'insosizzunava Di massimi, e cunsigghi, 'Nsistennu: v'aju dittu: Di caminari drittu.

Chiddi, ch'intenti avianu L'occhi in iddu, e li miri, Cumprendiri 'un putianu Drittu, chi vulia diri; Sta idia 'ntra la sua cera D'unni pigghiarla 'un cc'era.

Iddu amminazza, sbruffa, L'arriva a castiari; Ma sempri fici buffa: Mittennulu a guardari Vidinu cosci, e gammi Storti, mancini, e strammi. Alza l'ingegnu un pocu Lu cchiù grannuzzu, e dici: Papà lu primu locu Si divi a cui nni fici, Vaiti avanti vui, Ca poi vinemu nui.

'Nzolenti, scostumati, Grida lu patri, oh bella! A tantu vi assajati? L'esempiu miu si appella? Jeu pozzu fari e sfari Cuntu nun nni aju dari.

Si aviti cchiù l'ardiri, Birbi, di riplicari... Seguitau iddu a diri, Seguitaru iddi a fari... Tortu lu patri, e torti Li figghi sinu a morti.

## III.

## Li Babbaluci.

Purtandusi la casa su la schina Dui Babbaluci all'umbra di una ferra Cu la vucca di scuma sempri china Si ïanu strascinannu terra terra.

Dissi unu: Sta mia vita ch'è mischina! Cchiù chi cci pensu lu miu seuziu sferra! Una frasca sdiserrama, e scintina Vidi comu va in aria linna, e sgherra!

N'autru niscenn'un cornu da la tasca, Si arma lu cannucchiali so maniscu, Guarda, e poi dici : 'Un ti pigghiari basca:

Chistu è un jocu di sorti buffuniscu : Pri tantu vola in autu sta frasca Pirchi è vacanti, ed avi ventu friscu.

## IV.

# L'AQUILA, e lu RIIDDU.

Cci fu un tempu, (secunnu certa cronica Truvata 'ntra l'arcivu di Parnassu)
Chi l'oceddi facianu vita armonica
In bona cumpagnia 'ntra jocu, e spassu:
Avianu liggi santi, e cuvirnati
Eranu da eccellenti magistrati.

Duvianu un jornu eligirsi un regnanti, Perciò si radunaru supra un munti: Mitteva ogn'unu li soi pregi avanti, Facennu, senza l'osti, li soi cunti; L'Aquila, supra tutti, e lu Vuturu Cridianu aviri lu votu sicuru.

Ma li saggi l'esclusiru, dicennu: La forza, e robustizza sù gran pregi 'Ntra lu statu salvagiu, ma duvennu Stari in società, li privilegi Maggiuri sù l'ingegnu, e la prudenza; Meritanu perciò la preferenza.

Chi si chista a li forti si cuncedi Nni mittemu a periculu evidenti Di tristi abusi, e la primaria sedi Centru di li tirannidi addiventi; Pertantu lu talentu sia la prova Di elezioni, e in chiddu unni si trova.

Decisu lu cunsigghiu in sensi tali; Si applicaru a pinsari un sperimentu Pri scopriri in cui cchiù l'ingegnu vali, Ed in cui spicca prudenza, e talentu; Ma l'Aquili adoprandu forza, e dolu Li tiraru a fissarisi a lu volu.

Stabileru pri tantu: chi cui cchiui

Vulava in autu fussi re assolutu. Vinniru a prova; ma però cci fui 'N'oceddu leggerissimu, e minutu, Chi pigghiau 'ntra la testa di nascostu Di l'Aquila cchiù forti lu so postu.

Chist'Aquila a li stiddi si nni và, E 'un vidennusi oceddi a lu so latu, Ritorna gloriusa, e dici : Olà, Sù re, pirchl cchiù in autu áju vulatu, M'addunannusi l'autri di chiddu Ch'aveva 'ntesta, gridanu : Re iddu.

L'Aquila esclama, e dici: Vi nni smentu Lu sforzu di vular eu l'aju fattu. Ripigghian'iddi: però lu talentu A li toi sforzi á datu scaccu-mattu; Impara quant'importa avir'ingegnu, E multu cchiù pri governari un regnu.

Soggiunciu cca 'na nota : nun si osserva Stu termini reiddu in nudda lingua, Ma 'ntra la nostra sula si conserva, Vogghiu chi ogn'unu, perciò la distingua Pri la cchiù antica lingua originali Sin da quannu parravanu l'armali.

# v.

# Lu Surci, e lu Rizzu.

Facia friddu, ed un Surci ngriddutizzu Mentri stà 'ntra la tana 'ncrafucchiatu, Senti a la porta lamintari un Rizzu, Chi cci dumanna alloggiu umiliatu:

Jeu, dici, 'un vogghiu lettu, nè capizzu; Mi cuntentu di un angulu, o di un latu, O mi mettu a li pedi 'mpizzu 'mpizzu, Basta chi sia da l'aria riparatu. Lu Surci era bon cori, e spissu tocca A li bon cori agghiettiri cutugna; Sù assai l'ingrati, chi scuva la ciocca.

Sù assai l'ingrati, chi scuva la ciocca.
Trasi lu Rizzu, e tantu si ccincugna,
Chi pri li spini lu Surci terocca,
E dispiratu da la tana scugna:
E dicchiù lu rampugna
L'usurpaturi, e jia gridanna ancora;
Cui punciri si senti nescia fora.

## VI.

# Seguita lu stiesu suggettu.

Ma lu Rizzu pagau la genitenza : Pirchì lu celu teni la valanza, E boni, e mali azioni compenza Cu l'estrema esattizza, e vigilanza.

'N'omu ch'avia dda 'ncostu'la dispenza, S'era addunatu di qualchi mancanza I)i lardu, e caciu, e misu in avvirtenza Vitti lu Surci fuiri in distanza:

L'aveva assicutatu; ma nun potti Júncirlu, chi pigghiatu avia la tana, D'unni lu Rizzu lu spustau la notti;

M'appena l'alba in orienti acchiana, Va cu petri, e quacina, e a quattru botti (Cridennu dari a lu Surci 'mmattana)

Attuppa, mura, e'nchiana Lu pirtusu chi ad iddu era nocivu, E fu lu Rizzu sippillutu vivu.

Cirnennu ora lu crivu: Paga d'ingratitudini la detta L'ingratu, e cui fa beni, beni aspetta.

#### VII.

# Lu CANI, e la SIGNA.

Un gentil'omu avia 'na Signa, e un Cani, Chi tinia 'ncatinati 'ntra un perterra, Vitti la Signa un jornu, chi lu pani Di lu cumpagnu era ristatu a terra Cci spija: A tia la fami 'un manca mai, Pirchi ora 'un manci? dimmi: chi cosa ái?

Rispunni iddu: Malatu 'un mi cci criju; Ma cci áju 'ntra lu cori 'na gramagghia: Lu patruni ávi assai chi nun lu viju, Cui sa?.. Ma lu parrari idda cci stagghia: Poh! Nun cc'è autru? E di': senza di tia Lu patruni, chi forsi 'un manciria?

Replica: Nun lu sacciu; ma mi costa Ch'una vota eu mi spersi, e mi circau. Ripigghia l'autra: Nautra vota apposta Vinni cu un lignu, e ti vastuniau, E tu da veru saccu di vastuni Cci liccasti li manu, e li garruni.

Chistu, dici lu Cani, voli diri Aviri gratitudini, ed un cori, Chi la cunserva a costu di muriri. Ma dici l'autra: Tu tantu ti accori Per iddu, ed iddu (si tu spii a mia) Mancu pinseri, e trivulu à di tia.

Grida lu Cani: menti pri la gula, Tu, chi sì tutta pazza, ed incustanti Cerchi cumpagni pri nun stari sula. Lu patruni mi stima; e non ostanti Ch'iddu nun mi stimassi, eu sempri esattu Cci sarrò pri ddu beni, chi mi á fattu.

15

Un cori a la mia specj vosi dari Mell. Gratu, e riconoscenti la Natura, Pirchi duvia sirviri pri esemplari All'omu stissu e ad ogni criatura, Acciò profitti di nostra allianza, E apprenda gratitudini, e custanza.

# VIII.

# Lu Gattu, lu Frusteri, e l'Abati.

Trasiu 'ntra un rifittoriu di frati, (O forsi era di monaci) un Frusteri, E cu lu Guardianu, o puru Abati Osservava li vanchi, li spadderi, E di lu locu la capacità,

Com'è l'usu di cui girannu và.

Vidi, chi passiava cu gran sfrazzu Un grossu Gattu di culuri 'mmiscu, Cci luceva lu pilu, e a lu mustazzu Paria un suldatu svizzaru, o tudiscu; Lu guarda, e dici « Per Bacco, che un Gatto Non v'e in Soria si grosso e si ben fatto!»

Lu Reverennu cci rispunni : E puru Vossia nun vidi, chi li pregi esterni, O sia fisici, ch'iu nenti li curu. Ma li pregi morali, o sia l'interni Chisti lu fannu raru, e singulari, E cci li farrò vidiri, e tuccari.

Cussi dittu, cumanna a un fratacchiuni; Metticci un piattu di pisci davanti : Chistu ubbidisci, e porta un gran piattuni Chinu di vopi, e trigghi, ed a l'istanti Chi lu posa, cci dici : Guarda ccà : E immobili lu Gattu si stà ddà.

Vinniru autri dui Gatti (o chi tirati Di li pisci a l'oduri, o puru apposta Cci foru da lu laicu avviati)

E og'unu d'iddi a lu piattu si accosta.

Ma lu Gattu robustu in un balenu

Cc'è supra, li rincúla, e teni a frenu.

Ammira cu stupuri lu Frusteri L'onuratizza d'iddu, e la pussanza. Quannu duvennu entrari un cucineri Grapi 'na porta, e a fudda si sbalanza Una truppa di Gatti, e tutti a un trattu Tiranu pri avvintarisi a lu piattu.

Tintau lu grossu Gattu argini fari Dannucci supra; ma mentri cummatti Cu quattru o tri, vidi autri sfirrijari: Ddocu si perdi, e nun stà cchiù a li patti, Torna, si afferra la cchiù grossa trigghia, Sfiletta, e l'autri poi cui pigghia pigghia.

Dici lu Reverennu: Lu miu Gattu
'Avi giudiziu, o no? forza e curaggiu
Tentau.. Poi pinsau ad iddu. E beni á fattu,
Fari megghiu putia l'omu cchiù saggiu?
L'autru tistija, e dici: «Padre mio
Ben vi spiegate, vi ó capito. Addio.

## IX.

## La Rindina, e lu Parpagghiuni.

'Na Rindina pusatasi vicinu
A un Parpagghiuni, ch'era supra un ciuri,
Guardannulu ammirava in ali, e schinu
L'inargintati e varj soi culuri;
Ma supra tuttu poi cc'invidiava
Li quattr'ali, chi all'aria spiegava:

E dicia 'ntra se stissa : E veru ch'iu C'un paru d'ali giru pri lu munnu, Ma quantu, oimèl mi affannu, e mi fatiu, E 'ntra li vasti mari mi cunfunnu! Cu quattru, senza incommodi, e disaggi, Cchiù prestu mi farria li mei viaggi.

Fratantu vidi a chiddu chi vulannu Quattr'ali appena in aria lu sustennu; Pocu s'inalza, e va sempri pusannu! Si compiaci in se stissa: Ed ora apprennu, Dici, chi 'ntra l'oggetti cchiù brillanti Assai cc'è di superlluu, e di vacanti.

Non tutti li vantaggi di apparenza Sù tali valutannusi in sustanza; Vi dunanu di arrassu compiacenza, Ma vana poi truvati l'eleganza, E chiddu chi apparisci a nui vantaggiu, 'Tanti voti è molestia, o disaggiu.

## X.

## Lu CRASTU, e lu GADDU-D'INDIA.

Mentri pasceva un Crastu Sutta di 'na carrubba, In tuttu lu so fastu Si affaccia, e cu gran tuba, Un Gaddu-d'India; e acutu Cci scarrica un stranutu.

Surprisu a l'impensata Lu Crastu retrocedi; L'autru a dda sbravazzata Vidennulu, chi cedi, Si cridi, chi ája chiddu Soggezioni d'iddu.

E si cci para avanti In tutta la sua gala Superbu, e minaccianti, La 'nnocca allonga, e cala, Stenni lu coddu, e sbruffa, Sfidannulu a la zuffa.

Lu Crastu rinculannu Lu so vantaggiu adotta Gran campu guadagnannu, Poi torna, e dà la botta Chi lu stinnicchia a terra, E termina la guerra.

Nun apprittati troppu Cui soffri, e stà cuetu, Truvati qualch'intoppu, Chi vi arrinesci a fetu: Pinsati a lu cuntrastu Di Gaddu-d'India, e Crastu.

# XI.

# L'ORTULANU, e lu SCECCU.

Sei tummina di terra, metà ad ortu, Metà a jardinu un povir'omu avia; E li zappava dannusi confortu Pri lu fruttatu, chi cci prumittia; M'appena chi li frutti maturaru, Li parpacini cci l'aggramagnaru;

Sibbeni arvuli, e frutti non maturi, Ristaru intatti, e l'ervi di l'ortaggiu, Pirtantu appoja a profitti futuri Li soi spiranzi, e si duna coraggiu. Ma pri sua sditta 'na notti surtiu Chi lu capistru l'Asinu rumpiu.

E sdetti immenzu all'ortu, e a lu jardinu Manciannu, e scarpisannu l'insalati, Facennu d'ogni cosa un'assassinu, Rusicannu li frutti anchi ammazati, Rumpennu rami, cu jittuni, e inziti, E insumma fici fracassi infiniti.

Lu patruni in sbigghiarsi la matina
Cchiù chi scurri cchiù metti a 'mpallidiri,
Vidi lu dannu so, la sua ruina;
Li latri, dici, dannu dispiaciri,
Ma lu Sceccu però liberu e sciotu
Unni pò fari guastu, è un tirrimotu.

#### XII.

Lu Liuni, lu Sceccu, ed autri animali.

Un Liuni un Sceccu vitti. Chi pascia 'ntra la gramigna, Lu squatrau, ma nun lu critti Una preda d'iddu digna. Nonostanti si cci accosta Pri truvarsi un'ammucciagghia, Stanti chi facia la posta Ad un Ursu di gran vagghia. Trema l'Asinu, e si annicchia In vidirlu avvicinari; lddu párracci a l'oricchia, E cci dici: 'Un ti scantari. Statti firmu avanti a mia. Ch'eu ti guardu d'ogni tortu. Ddu animali si cantia. Pri lu scantu è menzu mortu. Puru fa quantu cei dici Pirchi sbáttiri un pò cchiui, Cussì stannu comu amici Stritti, e 'ncutti tutti dui.

Lu Liuni già in distanza Scopri l'Ursu, chi si affaccia, E ad un sautu si sbalanza, Curri a daricei la caccia. L'animali sin d'allura, Chi lu re 'ntra ddi cuntrati Era apparsu, pri paura Tutti si eranu 'ntanati.

Ed avennu cu esattizza Da l'ingagghi taliatu L'amicizia, e la 'ncuttizza Chi a lu Sceccu avia accurdatu,

Incomincianu a guardarlu Per un grossu personaggiu, Onorarlu, ossequiarlu, Ed a faricci anchi omaggiu.

A lu signu, chi dd'armali Pri li tanti vampaciusci Si è scurdatu quantu vali, Cchiù se stissu nun conusci.

S'ingannaru, ed iddu, ed iddi, Chi applicaru a lu Liuni Ddi viduti picciriddi, Chi a lu vulgu sù comuni. Cu' è politicu li miri

Cu' è politicu li miri Chiusi l'á cu chiavi, e toppi, E pri 'un farli travidiri Batti oremi, e joca coppi.

## XIII.

# Li CANI, e la STATUA.

Dui Cani, seguitannu lu patruni, D'Apollu 'ntra lu tempiu si ficcaru, Dda vidinu li genti a munzidduni Inginucchiati avanti di l'otaru, Duvi era 'na gran statua colossali, Chi un Diu raffigurava naturali.

Un Cani dici all'autru: oh fortunatu

Marmu chi à cultu, ed adorazioni! Rispunni lu cumpagnu : Si è insensatu, Nun senti gusti, e consolazioni : S'ávi menti, ávi in idda, anchi ripostu Quantu cci custa junciri a ddu postu.

Tu nun sai quantu colpi di mannari, Di pali, e mazzi in barbara manera Fu custrittu in principiu a suppurtari Pri essiri smossu da la sua pirrera: E poi quanti autri colpi di scarpeddu Pri assimigghiari a un Diu ridenti, e beddu!

Li summi posti, li gradi eminenti Nun sù facili tantu a conseguirsi, Custanu serj, e lunghi patimenti; E chisti nun purrianu mai suffrirsi S'in parti la sfrenata ambizioni Nun cci sturdissi la sensazioni.

## XIV.

# Lu GATTU, e lu FIRBARU.

Aveva un Gattu disculu un Firraru, Chi la notti facía lu malviventi, E multu cchiù in decembru, ed in jinnaru; Lu jornu poi durmia tranquillamenti; Ed unni vi criditi, chi durmia? 'Ntra la strepitusissima putia.

Ma quannu poi cissava lu fracassu, Pirchi già si mittevanu a manciari, Si arrisbigghiava, e vinia passu passu. Lu patruni lu sgrida in accustari : Bestia dormi 'ntra strepiti, e bisbigghi, E a lu scrusciu di labbri ti arrisbigghi.

Si ponnu a tuttu l'omini avvizzari, Comu anchi l'animali; ma l'istintu Nun si fa mai da l'abiti smuntari, Pircht a la guardia di la vita è 'mpintu; Perciò lu scrusciu di labbri, e di piatti Basta pri arrisbigghiari omini, e gatti.

#### XV.

# La VULPI, & l'ASINU.

Una Vulpi fuía scantata tutta.

E si guardava davanti, e darreri,
Circannu pri ammucciarisi 'na grutta.
Cui ti assicuta? Cci spija un Sumerl...
Nuddu... 'Ai fattu delittu? impertinenza?..
Di nenti mi rimordi la cuscenza...

Addunca pirchì fui? di chi ti scanti?..

Ti dicu: Mi fu dittu, chi è nisciutu

Ordini di la Curti fulminanti
Di catturari un Tauru curnutu;
Nun sacciu chi delittu cc'è imputatu;
Basta si cridi reu di un'attintatu...

E tu ch'ái di comuni a Tauru, e Vacca?..
Beatu Asinu tu, chi nun sai nenti!
'Ntra sti affari a jittarivi 'na tacca
Cridi chi cci stà assai lu malviventi?
L'invidiusu? L'occultu 'nnimicu?
Basta chi ti denunzia per amicu.

O chi dica: d'aviri ritruvatu
Qualchi vestigiu di li toi pidati
'Ntra ddi lochi, chi chiddu à frequentatu,
O con autri pretesti mendicati
Lu judici o zelanti, o ambiziusu,
Ti fa sudditu so dintra un dammusa.

Ed incuminci a patiri stritturi, Ad essiri subútu, esaminatu; Nuddu azzarda parrari in to favuri, Cuntu d'iddu da tia nai vonnu datu; Fussi anchi d'innuccenza un tabernaculu, Si tu nni nesci vivu è un gran miraculu.

Dissi, e si la sbignau. Lu Sceccu intantu (Benchl Sceccu qual'era) 'ntra se dissi : Cuscenza lesa genera lu scantu; Piccati vecchi criju chi nni avissi; Jeu chi a lu munnu nun cacciu, nè minu Vaju sicuru pri lu miu caminu.

## XVI.

# Li FURMICULI.

Misi l'ali 'na Furmicula. E sollevasi a momenti Su li troffi di l'ardicula. E di l'ervi cchiù eminenti. L'autri a terra rampicannu Si stuperu a sta vulata; L'ammiravanu, esclamannu : Oh chi sorti! o fortunata! E da bravi adulaturi, Chi unni vidinu appuggiari La fortuna, dda li curi Vannu tutti ad impiegari; Cussì chisti, anchi di arrassu, Cu li ossegui, e riverenzi Affrittavanu lu passu Pri ottennirinni incumbenzi. Ma ristaru trizziati. Chi prescrittu avia la sorti L'ali d'idda, e li vulati, Pri preludi di la morti. Si mai cadi si sfazzuna

Cui sta in cima di la scala:

Li favuri di fortuna Su carizi cu la pala.

## XVII.

# Esopu, e l'oceddu Lingua-Longa.

Vidi Esopu 'nterra stisu Un oceddu; ma si accorgi Chi per arti cci stà misu; Una lunga lingua sporgi Da lu beccu, chi la lassa A l'arbitriu di cui passa. Ed infatti china tutta Di furmiculi già era, Licca ogn'una, ma poi scutta La sua detta tutta intera. Chi la lingua in ritirarisi Veni tutti ad ammuccarisi. Ridi Esopu, e dici: Or iu Differenza, nè divariu Nuddu affattu cci nni viu 'Ntra st'oceddu, e l'usurariu: 'Mpresta, e poi cu usuri, e frutti Tuttu agghiommara, ed agghiutti.

# XVIII.

## Li Cucucciuti.

Si avia pisatu un'aria di frumentu, Cu li Voi cuncirtati a varj stracqui; Ma nun si spagghiau beni, chi lu ventu Spiran contrariu, e poi vinniru l'acqui; Perciò la pagghia ristau supra tutta Comu cchiù leggia, e lu frumentu sutta. Dui Cucucciuti, o tri di primu volu Cci foru supra pri pizzuliari; Ma trascurrennu lu supremu solu Autru chi pagghia 'un pottiru truvari, E nni ristaru cursi, e nichiati Malidicennu tutti ddi cuntrati.

Dicianu: Lochi fatti pri li staddi, Non siti digni d'essiri abitati Chi da li suli scecchi, e li cavaddi; Ma l'autri oceddi cchiù scaltri, e addistrati Di l'aria scavulianu lu funnu, E trovanu frumentu grossu, e biunnu.

Quannu in un statu cci sù fazioni, E partiti, e politicu scuncertu, Li suggetti prudenti, saggi, e boni Si stannu sutta misi a lu cuvertu, E lassanu a li pagghi li cchiù leggi Godirisi l'onuri, e privileggi.

## XIX.

# Li Scecchi, ed Esopu.

Dui Scecchi cu li coddi incrucicchiati L'unu raspava all'autru. Nun cci leggi Lu vulgu nenti cchiù, chi asinitati. Li guarda Esopu, e grida: Oh testi leggi! Gran lezioni è chista; profittati: Lu bisognu reciprocu. Iddu reggi Tutti li societati, e li bilancia, l.'unu raspannu all'autru unni cci mancia.

# XX.

La CUCUCCIUTA, e lu PISPISUNI.

Mi si permetta stu picciulu prologu,

L'applicu a li D. 'Ninnari stu apologu.
'Na Cucucciuta vidia passiari
Un Pispisuni linnu, ed attillatu,
Chi appena 'nterra si vidia pusari,
Sbriciu, galanti, e di coddu alliggiatu.
Dissi 'ntra d'idda: cci vurria spiari
Chi pretenni accussì 'mpipiriddatu?
Cu st'eleganza, dimmi, chi cci abbuschi?...

## XXI.

Ci accosta, e vidi chi ammuccava muschi.

# Lu Rusignolu, e l'Asinu.

'Ntra murtiddi di addauri curunati Un Rusignolu armonicu aggiuccatu 'Ngurgiava sinu a perdita di ciatu Li suavi soi noti, e varj, e grati.

Tenniri cori, ed almi dilicati Stavanu attenti di un macchiuni allatu Pri lu piaciri avevanu scurdatu Li guai, da cui vinianu molestati;

Quannu improvisu un Sceccu cu lapagghia Jetta un arragghiu, e subitu 'mpannedda; Sclamanu chiddi: oh pesta a stugramagghia!

Grida un viddanu: st'armunia 'ncasedda, Jeu sulu apprezzu l'asinu, chi arragghia, Pirchi mi servi pri varda, e pri sedda.

La musa è bona, e bedda, (Dici lu vulgu a lu guadagnu intentu) Ma soni, e canti sù così di ventu.

Nè vuci, nè strumentu, Nè tuttu Pindu basta a sodisfari Lu tavirnaru, chi voli dinari.

## XXII.

# La Camula, e lu Tauru. — A Nici.

Nun lu negu, sì l'estrattu Di l'onuri, e la custanza, Ed ái datu anchi lu sfrattu A suggetti d'impurtanza:

E cunfessu: Chi stu tali, Chi ti mustra affezioni, Nun è oggettu, chi privali, Nè di dari apprensioni.

M'áju a menti... Orsù cuntamula, Certa istoria strepitusa Di un insettu dittu Camula, Di natura pittimusa.

Dunca cc'era a sti cuntorna Un gran Tauru grassu, e grossu Chi manciannucci li corna Dava a un vecchiu truncu addossu.

A sti botti affaccia un pocu Un virmuzzu la sua testa, E poi grida: Olà cu' è ddocu? Cui lu truncu mi mulesta?

Nun si digna di rispundiri Di l'armenti lu bascià, E cridendulu cunfundiri A lu truncu forti dà.

Lu Virmuzzu si nni ridi, Dipoi dici : cci scummettu, Chi la forza, in cui tu fidi, Cca si perdi senza effettu.

Ieu mi fidu di pruvarti Cu evidenza, e cu cirtizza, Chi pò cchiù la flemma, e l'arti Chi la forza, e robustizza.
Sia lu Tauru diggià stancu
Pri li sforzi fatti avia,
Sia diggià vinuta mancu
La sua boria, e bizzarria,

Pigghia pausa, e dici: orsù Jeu ti accordu sicuranza, Dimmi prima cui sì tù? D'unni nasci sta baldanza?

Jeu sù un essiri, rispundi, Di misuri pocu esatti, Lu miu corpu 'un corrispundi Cu lu grandi di li fatti:

Chistu truncu, chi a lu cozzu Azzannau li corna toi, Mi lu arrusicu pri tozzu, Pozz'eu farlu, e tu nun poi.

Va... si pazzu, dici, e parti, Lu gran Tauru; ma l'insettu Da lu truncu nun si sparti, Nè abbanduna lu progettu;

A lu signu, chi passatu
Cchiù di un lustru, oh meravigghia!
Lu gran truncu sbacantatu
Cadiu in pulviri e canigghia!
Chi nni dici tu, curuzzu,
Cu lu beddu to talentu?
Nun è statu chi un virmuzzu
Chi produssi stu purtentu!

## XXIII.

Lu Cagnolu, e la Cani.

Un Cagnolu 'na strummula si vidi Scurriri attornu sula, e firriari, Pri sprattichizza un armali la cridi, Chi avia, comu iddu, vogghia di jucari, Perciò cci accosta calatu calatu, Ma fu cu'na spaddata ributtatu.

Cci struppiau lu mussu a signu tali, Chi rucculannu cursi 'ntra 'na gnuni., Cridennu chi so figghiu avissi mali, Nesci la matri, e mustra li scagghiuni, E in vidirlu trimanti, e stupefattu, Cci dumanna: cui fu? chi ti annu fattu?

Iddu rispunni : cc'era un armaluzzu, Chi sulu sulu girava, curria, Mi accostu pri ciorarlu, e appena truzzu, Mi duna un ammuttuni, e mi struppia... Talè, talè vidi ca torn'arreri! Dissi, e scantatu si jittau 'nnarreri.

La matri ridi, e poi dici : oh babbanu! Chistu è un pezzu di lignu. La sua forza, Lu so motu è vinutu da la manu Di lu picciottu, chi la scagghia, e sforza; Tutta la sua putenza, e tuttu chiddu Spiritu chi dimustra, nun è d'iddu.

Sai com'è pressu a pocu: lu patruni Ammetti in casa pri spassu, e piaciri, (Comu tu sai) Ruffiniu, e Corbelluni, Pari ad un scioccu in chisti di vidiri Di lu patruni cu la grazia in frunti Un superbu Gradassu, e un Rodomunti.

Si mai la grazia da iddi alluntanati, Nun avrannu cchiù fumi, nè valia; Divintirannu strummuli scacati, Scuprennu ogn'unu l'essenza ch'avia, Chi tolta in iddi l'indoli maligna, In sustanza nun sù chi trunchi, e ligna.

#### XXIV.

# Lu Rizzu, la Tartuca, e lu Cani.

A la Tartuca sutta un scornabeccu
Dissi lu Rizzu: o pazza, fa sciloccu,
E tu vai cu viséra, e cu cileccu,
E dicchiù porti supra lu marroccu!
Rispunn'idda: Tu all'autri metti peccu!
E pirchl armatu di dardu, e di stoccu
'Ntempu di paci vai, facci di sceccu,
Comu duvissi sustin'ri un bloccu?
Mentri autri inciurjsù pronti a lu sbuccu
Rumpi sta quistioni un Cani-braccu,
Chi l'immesti, e li sbatti a trucc-e-ammuccu,
Poi dici: ogn'unu stia 'ntra la so scaccu,
Sapicchiù 'ncasa propria un pazzu,o un cuccu,

# Ch'in casa d'autri un saviu, ed un vigghiaccu. XXV.

## Lu Sceccu Omu, e l'Omu Sceccu.

Un bon'Omu avia un Sceccu assai turduni, La sorti, ch'è bizzarra e stravaganti, Cancia lu Sceccu in Omu, e lu patruni Lu cancia in Sceccu; ma com'er'avanti Ristau la menti in iddi; pirchì 'un vali La sorti a trasmutari lu morali.

Cunsidirati, chi peni, ed affanni
Diva suffriri un Omu, chi ragiuna
Assuggittatu a un Sceccu grossu, e granni,
Fatt'Omu da un capricciu di fortuna!
Puru arriventa eu coraggiu eroicu,
E la nicissitati lu fa stoicu.

Vinni lu casu, chi duvennu fari Lungu viaggiu lu Sceccu patruni, M etti lu Sceccu servu a carricari D<sup>i</sup> bagagghi, e di robba a munzidduni, Senza considerari, chi 'un putia Reggiri a lu gran pisu, e a la fatia.

L'affittu carricatu a summu stentu Tir'avanti pri un migghiu, ed arriventa. All'autro migghiu lu passu è cchiu lentu, E a spinciri li pedi suda, e stenta; Ogni pitrudda cci duna cuntrastu; Ma l'autru dà mazzati a tuttu pastu.

Finalmenti vicinu a 'na lavanca Truppica, cadi, e supra di 'na rocca S'apri la testa, e si struppedda un'anca; Lu patruni pri rabbia tarocca; Ma lu so taroccari nun apporta Vita a lu Scecca, ne la robba porta.

L'espedienti sulu chi cci resta È lu pisu addussarisi di chiddu, È parti sù la schina, e parti in testa Jirisillu adattannu supra d'iddu, Chi cci rinesci tantu cchiù gravusu, Quantu menu a li pisi cci avia l'usu.

Stenta, suda, si affama, spinci forti, Cadi, si susi, si sconquassa, ed eccu Coma st'armali, ad onta di la sorti, Torna com'era, ed è dui voli Seccou, E comu tali cu lu pisu addossa Finisci affavancannosi 'ntra un fossu,

La sorti è un ventu, chi alza li Sumeri, E cci fa fari voli sorprendenti; Ma da se stissi poi cadinu arreri. Cadissiru iddi suli sarria nenti, Ma tanti voti su perniciusi All'omini onorati, e virtuusi.

#### XXVI.

## La RINDINA, e la PATERDA.

Stanca da li viaggi supra un scogghiu Chiusi l'ali, e pusau 'na Rindinedda; Un pocu sutta cc'era 'na Patedda, Chi pri tetta cci offriu lu so cummogghiu.

Ti ringraziu, cci dissi, nun lu vogghiu, Ma tu sempri stai ddocu? o puviredda! Jeu giru mari, paisi, castedda, Osservu tuttu, e doppu mi la cogghiu.

Dimmi, l'autra spijau : li lochi visti Sù d'acqua, e petri?..Si...Cc'è armali?..Oh quanti!.. L'omini sù a dui pedi?...Comu chisti...

Periculi cci nn'è di vita vostra?... Cai li pò diri?... Basta. 'Un jiri avanti. Tutta lu munau è comu casa nostra.

## XXVIL

## La FURMICULA, e la CUCUCCIUTA.

Veru cchiù chi 'un si dici: Li disigni Di lu poviru mai, mai vennu a fini: Suda, travagghia, fa cunti, e rassigni, Pri un granu dà la facci 'ntra li spini, Sparagna, si allammica, si assuttigghia, Lu diavulu veni, e cci li pigghia.

Aveva la Furmicula a gran stentu.
Tissemu sempri campagni, e chianuri.
Risiddiatu un pocu di furmentu,
Chi avia sarvatu in suttirranj scuri,
Spirannu cu sta picciula dispenza
Reggiri di l'invernu a l'inclemenza.

Ven'intantu l'autunnu, e 'na timpesta Cc'insuppa tutta la provisioni, Chi si tali qual'è sarvata resta Si cci ammuffisci, e va in corruzioni; Pri tantu aspetta 'nchiaruta l'aurora, E pri asciucarla si la nesci fora.

Aveva appena nisciutu di sutta L'ultimu cocciu, chi cala affamata 'Na Cucucciuta, e cci la mancia tutta, Dicennu: cca la tavula è cunsata, Veramenti Natura appi giudiziu La Furmicula à fattu in miu serviziu.

Da l'autru latu, amariggiata, afflitta Cunsidirati quantu l'autra resti! Jeu, dici, travagghiai, la mmaliditta Si l'à manciatu, chi cci fazza pesti. Oh celu! E tu chi sai quantu mi custa Pirchi mi rendi sta cumpenza ingiusta!

Mentri l'afflitta sfugava l'affannu Contra lu celu, vid'in aria un Nigghiu, Chi va la Cucucciuta assicutannu, E già la strinci 'ntra lu crudu artigghiu. La Furmicula osserva tuttu, e dici: Bonu cci stia; ma intantu eu sù infelici.

La cruda morti d'idda, e lu so mali, Sibbeni in apparenza sia vinditta, A mia nun mi suffraga, e nenti vali A cumpinsari in parti la mia sditta, Soffru travagghi, sfuma lu profittu, E intantu mi assicuta lu pitittu!

Maèmali assai maggiuri, si nun sbagghiu, L'essiri assicutata da lu Nigghiu; Giacchl sibbeni è pena lu travagghiu, Puru diri si pò salamurigghiu; Chi ultra chi vi procaccia lu maneiari, Cci dà sapuri, e vi lu fa gustari.

### XXVIII.

## Li CANJ.

Si fannu stu dialogu dui Cani : Tu 'ncatinatu! E pri quali delittu?... Nun è castigu, sù carigni umani; Lu patruni di mia nn'ávi profittu :

Mi á vistu caccïari pri li chiani, Mi apprezza, e timi chi cci vegna dittu : Lu rubbaru, o si spersi; perciò un pani Mi duna, ed ossa, e cca mi teni strittu...

Fratantu in premiu di l'abilitati Lu bon patruni to riconoscenti Ti á fattu privu di la libirtati?

Si a stu modu li meriti, e talenti Sù da l'omini in terra premiati, È gran fortuna nun avirni nenti.

## XXIX.

# Lu Rusignolu, e lu Jacobbu.

A lu Jacobbu dissi un Rusignolu:
Di': sta pittima amara è cantu, o picchiu?
Rispus'iddu: Gnuranti fraschittolu,
Chi canti ad aria misu in cacaticchiu,
Si 'un sai di contrapuntu, ergo citrolu;
Sai spártiri lu tempu a spicchiu a spicchiu.
'Nterrumpi l'autru sarrai bon pedanti,
Ma non pri chistu sì un bravu cantanti.

## XXX.

# Lu Merru, e li Pettirrussi.

Un Merru vitti cu l'ali caduti
Alcuni Pettirrussi, e cci á spiatu:
Chi vi avvinni ca siti arripudduti?
Tu pirchl zoppu? E tu pirchl spinnatu?
Rispusiru: Nni semu divirtuti
Cu 'na Cucca, e 'ncappamu 'ntra un viscatu...
Diss'iddu: Oimè! cu smorfj, e jucareddi
St'errami Cucchi smennanu l'oceddi!

### XXXI.

# La Signa, e la Vulpi. Vi scrivu, e vi presentu tali quali

Lu dialogu, comu era distisu Dintra lu camulutu originali Traduttu da lu vecchiu. E assai concisu Pirchi è traduzioni litterali; Di lu miu nenti affattu cci áju misu. Tali, com'era, da mia si cunsigna, Vi prevengu chi primu parra Signa. Cummári comu stati?.. Ih! Tinta assai!.. Dativi cura... E chi!..st'infirmitati E d'una specj, ch' 'un si cura mai... E pirchi?.. Pirchi è mali di l'etati... Pribbiru! pocu fa mi nni addunai. Chi avivu tutti li cianchi spilati... E chist'è nenti, cci sunn'autri guai... Quali sù?.. Sugnu modda pri mitati... Mischina! chianciu sta vostra muddura!... Vogghiu a l'oricchia pri stu bonu offiziu,

Darti un rigordu. Accostati a drittura...
Ah tu muzzichi! ahi-ahi!.. Metti giudiziu
Vulpi, e Lupi nun cancianu natura,
Lu pilu pirdirannu, e no lu viziu.

### XXXII.

## L'URSU, e lu RAGNU.

Saziu di meli sinu 'ntra li naschi, Un Ursu ripusava 'ntra la tana. Un Ragnu appisu a li soi riti laschi Si cci fa avanti, e dici: La suvrana Altizza Vostra comu soffri in paci L'insetti molestissimi, ed audaci?

Ver'è, ch'è un gran discapitu lu sò. Mittirisi cun indi a tu pri tù; Ma affidarni l'incaricu a mia pò, L'attaccu, e 'mburdu a tutti quantu sù. Fissu, e chiantatu a la porta davanti Sarò 'na sintinedda vigilanti.

L'Ursu accetta l'offerta, ed eccu un velu Vidi distisu avanti di l'entrata. Ma poi si accorgi, chi 'un è tuttu zelu; Giacchi ogni Musca chi resta 'ncappata, È preda di lu Ragnu, chi la suca, E la testa, e li vini cci l'asciuca.

E puru chistu l'avirria suffertu; Ma quannu vidi poi, chi Vespi, cd Api Trasinu franchi, comu fussi apertu, Dici: sta riti d'ingiustizia sapi. Teni a frenu li picciuli, nè vali Pri li grossi chi fannu maggiur mali.

Conchiudu: O tutti o nuddu, A disonuri Ieu tegnu, ed a viltà lu dominari Li deboli, e li vili. Tu procuri Lu sulu to vantaggiu, e voi lasciari La taccia a mia di vili, e di tirannu? Sfunna, e vattinni pri lu to malannu.

### XXXIII.

# Lu Lebbru, e lu Camaleonti.

Dissi lu Lebbru a lu Camaleonti: Tu mi pari un complessu di portenti, Quanti voti ti guardu, tu ti appronti Di aspettu, e di culuri differenti; Ed ultra poi di chistu, ancora sentu, Chi ti alimenti d'aria, e di ventu.

Rispusi: pri castigu fui da Giovi Canciatu da lu primu aspettu umanu, Pirchl pri ambizioni tali provi Cu l'impiegu facia di corteggianu. Ripigghia l'autru: cercati l'eguali Dunca 'ntra li anticámmari, e li sali.

## XXXIV.

# Li Virmuzzi.

L'intressu propriu pinci a nui l'oggetti Ora boni ora pessimi, a secunna Di unni a guardarli qualcunu si metti. L'esperienza di sti fatti abbunna 'Ntra li tanti lu Vecchiu vi cunsigna Dui Virmuzzi 'ntra un filu di gramigna.

L'unu spija : Cullega chi si dici?
Rispunni l'autru : Guai! cc'è mali novi!
Liberu è già lu campu a li nnimici
Pri fari supra nui crudili provi :
Vennu li feri agneddi a devorari

St'ervi, e nui chi cci semu ad abitari.

Ripigghia chiddu: e li benefatturi Lupi, benigni lupi nni lassaru? Sù stati di l'agneddi lu terruri, Vigghiannu sempri pri nostru riparu: Per iddi intatta ancora si conserva La nostra vita, ch'è affidata all'erva.

Ahimè! l'autru esclamau, ahimè! li cani E li pasturi armati, ed a munseddu L'assautaru anchi dintra di li tani, E nni ficiru orribili maceddu. Li barbari tripudiu nni fannu, Chiancemu in iddi nui lu propriu dannu.

#### XXXV.

## La Vulpi, e lu Lupu.

Standu 'na Vulpi supra la finestra Di un casalinu vecchiu inabitatu, Guardava a bassu in macchi di jinestra Un Lupu, chi vidennusi guardatu. Cci spija: t'áju a dari? Idda surrisi Dicennu: áju squatratu quantu pisi.

Tu nun si tanta leggia, iddu rispusi, Ma puru si 'ntra nui cci fussi lega Tintiriamu l'imprisi cchiù azzardusi. 'Ntavulamu un trattatu; pensa, spiega, Ditta li liggi tu, ch'eu tutti quanti Juru osservarli comu saggi, e santi.

Benissimu, diss'idda, pri cuscenza
Sacoiu quantu pò avirinni lu lupu,
Onuri nni pò vinniri a cridenza;
'Nzumma si Giovi 'un è pri tia chi un pupu,
Si fidi in tia, nè probità cci trasi;
Stu trattatu unni posa, e metti basi?
MELI.

Lu vantaggiu reciprocu, ripigghia Lu Lupu. Ma la Vulpi: cca ti vogghiu. L'amur propriu nun dormi, sempri vigghia, E si cci torna commodu un imbrogghiu, Posponi, scarpisannu ogni trattatu, All'utili comuni lu privatu.

Dunca, ripigghia l'autru, già si vidi, Chi cu la tua manera di pinsari La guerra sula è chidda, chi decidi. E idda: Chi autru da tia si pò spirari? Unni cc'è radicata la malizia Allignari 'un cci pò mai l'amicizia.

### XXXVI.

# L'Ingratitudini: O la Vecchia, e lu Porcu.

'Na vecchia chi tiratu Si avia da un puzzu l'acqua, Nni sdivacau lu catu 'Ntra un lemmu, e poi si sciacqua. Un Porcu arsu di siti. Vidennu l'acqua scappa, E senza offerti, o inviti. Arriva, e si l'appappa. Nun pensa farci mali La vicchiaredda pia. E godi ca dd'armali Si sazia; e si arricria. Vivennu quantu pò Lu Porcu poi nun lassa Fari da paru sò. Lu lemmu cci fracassa. La vecchia a sta vinditta Si pila, e si contorci Dicennu mesta, e afflitta:

Faciti beni a Porci!

### XXXVII.

## Animali notturni, e Giovi.

Lupi, Vulpi, e autri bestj di rapina, Uniti a li Jacobbi, e a Varvajanni, Facianu istanza a Giovi ogni matina Contra di Febu pirchì in terra spanni Tanta luci, pri cui vennu obbligati Starisi in grutti, e tani incrafucchiati,

E chi l'està cci robba li megghiu uri Di scurriri li campi, e di circari Da cavaleri erranti l'avventuri : Conchiudevanu in fini : chi cui fari Vosi la luci putia farni a menu, Bastannu di la notti lu sirenu.

Giovi primu usau flemma, finalmenti Stancu da tanti istanzi bestiali Cci dici : virgugnativi insolenti, Chi siti sutta assai di l'autri armali, Pirchì la luci a vui nun torna a versu Nni vuliti privatu l'Universu!

Comu si vidirianu senza luci L'operi mei magnifici, ed esatti? Cui li viventi avviva? cui produci, Cui fecunda li campi? O siti matti, O furbi, chi timiti a chiaru lumi Esponiri li vostri rei costumi.

Quannu mi si accurdassi la licenza Dirria: chi si la luci è 'na sustanza, Chi rischiara li corpi; la scienza Rischiara l'almi, e ottenebra ignoranza. Cu da saggiu si regula, e conduci Scurri francu 'ntra l'una, e l'autra luci.

### XXXVIII.

## La Sorti o sia li Siminseddi, e li Venti.

Dui troffi di Cardedda L'una si trova nata Supra 'na finistredda Di casa sdirrupata, E l'autra 'ntra li cimi Di turri auta, e sublimi. Sti dui cu lu favuri Di tutti l'elementi Spicanu, e fannu ciuri, Sti ciuri finalmenti Fannu li Siminseddi Chini di sfiluccheddi. Già sicchi, e maturati Sti Siminseddi vannu. Da venti traspurtati. Pri l'aria vagannu. Sirvenducci di vila Li sfiluccheddi, e pila. Perciò succedi spissu, Chi chidda nata bassa S'alza, e lu ventu stissu In cima poi la lassa Di la gran turri, e crisci, Prospera dda, e ciurisci. L'autra a l'incontru nata Ch'era 'ntra tanta altizza, Doppu chi in aria nata, Cadi 'ntra la munnizza In lochi vili, e vasci, Unni germogghia, e nasci. Pò insuperbirsi chidda,

E disprizzari a chista?
Forsi si divi ad idda
L'essiri ben provista
Di un locu autu, eminenti?
Fu l'opra di li venti.

#### XXXIX.

#### Li CRASTI.

'Na quantità di Crasti in un sticcatu Mentri chi si scurnavanu 'ntra d'iddi, Nni fu da un strifizzaru unu acchiappatu, Chi un ferru cci ficcau 'ntra li gariddi, E in presenza di tutti l'ammazzau, L'unciau, lu battiu beni, e lu scurciau.

L'autri si eranu mossi a vindicari Lu so mortu cumpagnu, e allura certu Eranu in statu di putirlu fari, Ma nun fu di durata lu cuncertu; Pirchl testi di crasti, e testi assai; Pignata di comuni, 'un vugghi mai.

Da multi si dicia, chi l'ammazzatu Era superbu, e chinu di arroganza, 'Na mala spina nni avemu livatu, Quali sconsu nni fa la sua mancanza? Menu consumu d'erva, e la sua parti Crisci la nostra, pirchì a nui si sparti.

Si eranu cuitati a stu cunfortu, Quannu lu strifizzaru trasi arreri, Ed eccu cadi nautru Crastu mortu, Tornanu l'autri a mettirsi in pinseri, Freminu; ma poi trovan'anchi in chistu Li soi difetti, ch'era fausu, e tristu.

Vidinu poi, chi la processioni Seguita a longu, nè la straggi speddi; Vannu trasennu in costernazioni, Ed in timuri pri la propria peddi. Perciò tennu cunsigghiu espressamenti Pri risolviri un giustu espedienti.

Ma mentri si consulta, e si riscontra Da una parti e dall'autra ogni progettu, E si matura cu lu pro, e lu contra,

E si matura cu lu pro, e lu contra, Menzu sticcatu è già sbrigatu, e nettu, Pirchì scannannu a drittu, ed a traversu Lu strifizzaru tempu nun nni à persu.

L'ultimi, ah! tardi apprisiru, e a so costu, Chi duvia farsi a privati odi un ponti, Lu nnimicu comuni avennu 'ncostu! E chi 'ntra gran periculi li pronti, E li cchiù arditi risoluzioni Sunnu a salvarci unici menzi, e boni.

### XL.

# Lu Lupu rumitu, e lu Cani.

Un Lupu vecchiu, chi nun putia cchiui Seurriri, e assassinari li campagni, Fáttusi un rumitoriu, si cc'inchiui, Li zocculi si adatta a li calcagni, 'Na corda'ntra lu cintu, e in schina, e testa 'Na menza peddi d'asinu pri 'mmesta.

Cu li pedi davanti 'ncrucicchiati, L'occhi modesti, stisu 'ntra la porta A cui passa di dda la caritati Dumanna umiliatu, e poi li esorta A sfuiri ogni viziu, e pompa vana, E supra tuttu la carni munnana.

'Ntra tanti bestj, chi cci sù a lu munno, Nni trova alcuni sciocchi a signu tali, Chi cridinu stu Lupu di bon funnu, Simplici, e senza nudda umbra di mali; Chisti a cui putia cchiù facianu a prova Dannucci carni, e pani, e caci, ed ova.

Lu vidi un Cani, e dici: Eh! via si sapi, Chi 'ntra li Lupi la divuzioni È strataggemma vecchiu, e cchiù nun capi, Nè trova locu 'ntra li testi boni. Vinisti a mali tempi, 'ntra st'etati Cchiù nun si cridi a lupi mascherati.

Almenu, ripigghiau lu Lupu astutu, Mi divi essiri gratu, pirchi vivu Da saggiu, nè cchiù fazzu lu sbannutu, Nè sugnu cchiù a li pecuri nocivu. L'interrumpiu lu Cani: ma stu beni, Chi tu vanti, da tia certu nun veni.

Veni da li toi forzi già mancanti, Pri cui fari nun poi maggiuri dannu, Ch'otteniri pri pura caritati Chiddu, chi a forza carpivi rubannu, 'Nzumma qualunqui pirsunaggiu fai, Lupu nascisti, e Lupu murirai.

## XLI.

### Lu eunvitu di li Surci.

Un Surci di aufu rangu, pirchi natu Supra di un campanaru, essennu un jornu Scinnutu a terra, vidi in un fussatu Tanti autri Surci a un munnizzaru attornu, Li compiangi dicennu : oh miserabili! Dipoi cci parra cu maneri affabili :

Cci pinsiriti a ripulirvi! E quannu? Pirchi abitari in lochi sporchi, e bassi, L'aria cchiù impura sempri respirannu Sellevativi. E ogn'unu si spicchiassi In mia, chi staju unni ogni ventu batti, Sieuru anchi da trappuli, e da gatti.

E pri farvi vidiri, ch'è lu veru Quantu diou, v'invitu pri dumant Quannu lu suli è sutta st'emisferu A cenari cu mia 'ntra li mei tani Si avriti lu coraggiu appiccicari Dda turri e agugghia, chi a menz'aria pari.

Li Surci cci accunsentinu, e cuntentu Si parti ogn'unu, e a disiari attenni L'ura prefissa di l'appuntamentu Pr'interveniri a stu invitu sollenni. Multi però, di umuri cchiù bagianu, Nun cci vonn'iri cu li manu in manu.

Ma cui cci porta crusti di furmaggiu, Cui tozza duri, cui castagni, e nuci, Cui ficu sicchi pri lu cumpanaggiu, E cui di turti muddicheddi duci. Cussi tutti a lu tempu stabilitu Si ficiru truvari a lu cunvitu.

Lu baruneddu di lu campanaru Muntatu in cirimonia li ricivi, L'introduci a traversu di un sularu Supra di un curniciuni, unni giulivi Vidinu stisi comu in un tirrazzu Pani, lardu, prisuttu, acci, e tumazzu.

Li cunvitati stupefatti ammiranu Lu situ, la veduta, la eminenza, Mettinu a passiaricci, e respiranu; Finalmenti a lu táffiu poi si penza, Si allissanu li mussi, e dannu saccu Pri fari allegri di dda robba smaccu.

Mentri sù 'ntra lu megghiu di lu spassu, Lu sagristanu li campani sona, Li Surci non avvezzi a ddu fracassu, Nun sannu si sù fukmini, o sà trona, Cci pari chi lu munnu si sprofunni, E lu spaventu li sturdi, e cunfunni.

Lu baruni a la vogghia di gridari : Nun vi scantati ch'è cosa di nenti, Si sgargia indarnu, nun li pò frinari, Lu ribumbu è lu sulu chi si senti, Chiddi attirruti currinu a tantuni Precipitannu da lu curniciuni.

Lu Surci di lu locu si dispiaci,
Pri 'un aviri previstu sta frittata:
Ma eu nun cci culpu, dici, e si dispiaci,
Mancia, e si godi la campaniata.
Lu tradutturi è terminatu cca,
Ed eu cci agghiunciu sta moralità:

L'esperienza nni fa dotti, e l'armi Nni sumministra a reggiri custanti Contra li colpi di li fausi allarmi, E nn'insigna a distinguirli a l'istanti Da li veri periculi, e di fatti Utili è all'omu, a cani, a surci, e a gatti.

## XLII.

## La Corva, e lu Groi.

Stavasi mesta, ed accufurunata 'Na mugghieri di un Corvu. Passa, e spia Un Groi: Dimmi cos'ái? chi sì malata? Rispusi: Assai, ma di malincunia.

Mentri aspittava cca la ritirata Di miu maritu, 'na vulpazza ria, Fincennusi già morta, stinnicchiata Stavasi a panz'all'aria 'ntra la via.

Iddu la scopri, cala, si l'afferra, Luttanu in aria, ma la vulpi ocidi Lu Corvu, e tutti dui scoppanu a terra. Dissilu Groi: Stu munnu è un gran teatru! Cc'è cui chianci, e cui ridi! Ma nun ridi A longu la mugghieri di lu latru.

### XLIII.

# Lu Surci, . la Tantuca.

Durmia sutta 'na macchia 'na Tartuca, Un Surci la tuccau, la vitti dura La critti petra, o radica di vruca; Pinsau di farni esperimentu allura; Ma mentri supra cci azzicca lu denti Arriminari, e smoviri la senti.

Si arrassa, la cuntempla tutta intera, E vidi, chi áví testa, ed occhi, e vueca. Dici 'ntra d'iddu : è armali 'ntra la cera! Ma la casa strascina unni si aggiucca! Forsi ávi assai chi perdiri, e di toppi Nun si fida; oggi si aprinu cu sgroppi.

Spija: pirchi piggliariti sta pena Di purtari la casa unn'è chi vai? Rispunni chidda: Pri stari serena Unni mi piaci, e nun aviri mai A lu miu latu lu malu vicinu, 'Chi è preludiu di pessimu matinu.

### XLIV.

# Li SCRAVAGOHI.

Cc'era sparsa pri terra certa stuppa, Pirchi li manni avianu dda cardati; Un Scravagghiu nni arrunza, e mett'in gruppa. Di la sua schina 'na gran quantitati, Cridennu farsi maistusu, e grossu, Cu ddu volumi vavaciusu addossu.

Mentri camina si senti tirari Li pedi di darreri...Vota, e guarda; Ma sbutannu si senti cehiù 'mpacciari, E prova un non so-chì chi lu ritarda!.. Vidi chi'ntra li gammi ce'è un imbrogghiu; Si dà coraggiu, e dici: mi nai sciogghiu.

Tenta sbrugghiari un pedi, ementri spinci L'autru in ajutu a chiddu, chistu spintu In autri fila s'impidugghia, e 'mpinci... Torna a sbutarsi, e echiù si trova cintu... Si cunfunni a la fini, e chiama'ajutu D'unu ch'aveva assai 'ntisu, e vidutu.

Chistu, senza spustarsi, disi, avogghi, Amicu, di gridari quantu poi. Cui si à fattu li 'mbrogghi si li sbrogghi. L'imbrogghi (gira, e sbota quantu voi) Sempri sù 'mbrogghi.Guai pri cui cci trisca, Ed a cui pri sbrugghiarli si cc'immisca.

## XLV.

# La Patedda, e lu Granciu.

Mentri chi 'na Patedda Durmeva cuitedda, E forsi si sunnava, Un Granciu la vigghiava, Appittimatu, e duru 'Ncostu di lu so muru; E 'ntra sta positura Cchiù jorna, e notti dura. Surtiu, chi assajaan'idda Di apriri 'na 'ngagghidda Pri vidiri si attornu Erasi fattu jornu, Chiddu chi sempri 'mpressu Dda stavasi indefessu, Profitta vigilanti Di l'opportunu istanti, Bastannucci sta 'ngagghia Pri oprari la tinagghia.

Trasennucci la punta
Fa leva, e tuttu smunta
Lu so cuverchiu, e tettu,
Ed eccu, chi l'insettu,
Chi pri timuri, e scantu
S'era guardatu tantu,
Appena, chi un minutu
Trascurasi, è pirdutu,
E veni devoratu.
Guai guai pri cu' è vigghiatu!

### XLVI.

# Li CIAULI, e lu TURDU.

Dui Ciauli scutularu
'Ntra un vausu li facenni,
E ddocu poi 'ntunaru
'Na chiácchiara sullenni.
Spartutisi li lodi
Prima, e li cirimonj,
Parraru poi di modi,
Di ziti, e matrimonj,
Sparraru li vicini,
Li soggiri, l'amichi,
Si confidaru infini
Li soi galanti intrichi.
Dissiru unni tioianu
Li nidi situati;
Quantu Ciauliddi avianu

Di già menz'impinnati:
Multi nni ripitavanu
Scacciati in ova, e morti;
'Nzumma ciarmuliavanu
E sempri a vuci forti.

Un Turdu, chi passannu L'intisi, dissi : oh sciocchi'! Chi jiti abbanniannu! Timiti anchi ssi rocchi.

Nè chiácchiari, nè picchi, Silenziu cci voli, Li macchi ánnu l'oricchi, Li petri ánnu paroli.

E quasi profetatu
Lu Turdu avissi: un Cuccu
Avianu risbigghiatu,
Chi dda tinia lu giuccu.
Chistu chi avaya apprisi

Chistu chi aveva apprisi Li lochi disignati, Unni cci avianu misi Li cuvi, e li nidati; Vinuta già la notti

Di dda sbulazza, e scappa, Junci, e 'ntra quattru botti Nidi, e Ciauliddi appappa.

### XLVII.

# Lu Pasturi, e lu serpi Impastura-vacchi.

Spissu pri riparari a qualchi mali, O pri dari a un delittu la sua pena, Si commetti la cura a certi tali, A cui cchiù di li rei feti la lena. Eccu un esempiu truvatu con arti 'Ntra li tradutti camuluti carti. MELI.

Un Pasturi avia Vacchi fausi, e barri, Chi jianu spissu pri viola storti, Facennu guastu a li lavuri, e all'orti, Appurtannu disturbi, intressi, e sciarri.

Mentr'iddu cci gridava: avò-irri-arri, Cci accosta un Serpi, e parra di sta sorti: Pri serviriti a costu di mia morti, Mi offru d'impasturarli pri li garri.

Accetta lu Pasturi lu serviziu, Pirchi di lu Sirpazzu tradituri Nun vidi di luntanu l'artifiziu.

Ferma li Vacchi è veru, ma in poc'uri Cci suca latti, e sangu a precipiziu, E lassa peddi, ed ossa schitti, e puri.

### XLVIII.

### Li Signi.

Vistu avianu li Signi da luntanu Da l'omini un gran tempiu fabricari; E mentri cci vugghievanu li manu Pri fari chiddu chi vidianu fari, Subitu in testa cci sotau lu griddu Di fabricarinni unu uguali a chiddu.

Pri tantu tutti quanti s'impegnaru A traspurtari lu materiali Di ligna, petri, e taju; sparagnaru Sulu (in virtu di l'ugna soi) li scali : Mettinu manu all'opra, e pri disastru Ogni Signu è 'ngigneri, e capu-mastru.

Ogn'unu fa da capu, e d'architettu, E fabrica a so modu, incominciannu Unu da la suffitta, e da lu tettu; Nautru veni la cubula inalizannu; Cc'è cui comincia da lu campanaro,

Cc'è puru cui principia da l'otaru. Tutti sti pezzi restanu isolati Senza li basi, e senza appidamenti, A li primi, perciò, vintuliati Precipitanu a terra, e ogni scuntenti Signu fabricaturi, chi cc'è sutta Di sua bestialità la pena scutta.

L'operi cchiù ammiranni (nni convegnu) Sù da imitarsi; però esaminati Prima si aviti li forzi, l'ingegnu, Li circustanzi, li menzi adattati; Chi oprari senza piani, nè disigni-

E l'imitazioni di li Signi.

### XLIX.

# Lu Cignali, e lu Cani-Corsu.

S'avia fattu in un voscu 'na tuccata; E un Cignali, ed un Corsu mortalmenti Firuti tutti dui 'ntra 'na yaddata Urlavanu di rabbia, e di turmenti: L'unu diotra lu pettu avia dui baddi, L'autru gran scagghiuna ti in ventri, e spaddic

Lu Porcu avennu 'ntisu lu lamentu Di lu Cani cci dici : eu chianciu, e penu: . Ma tu nun ridi, e nenti sì cuntentu: Ora 'ntra l'uri estremi dimmi almenu Pirchi nnimicu a la mia razza? Quali-Vantaggiu porta a vui lu nostru mali?

Rispunni: (ultra l'istintu, chi nn'incita) Nui semu nati, e campamu sirvennu. Cu l'obbligu di esponiri la vita Di lu patruni ad un capricciu, o cennu, Semu, comu suldati additti all'usu Di lu conquistaturi ambiziusu.

#### L.

# CANI Maltisi, e CANI di mandra.

Sidía 'na pasturedda sutta un chiuppu, E un agnidduzzu cci pasceva allatu, Mentr'idda si tineva pri lu tuppu Un Canuzzu maltisi, chi scappatu Era pri istintu di libertinaggiu Ad una dama, chi facía viaggiu.

A 'na certa distanza un forti, e grossu Cani di la sua mandra valurusu Stavacci a li talái, ed arriddossu, Ma a lu nicu, (chi arditu, e prosuntusu, Pirchi protettu) cci acchianau la verra, Minacciannu di fari all'autru guerra.

Idda lu teni forti, ed amminazza
Lu grossu a jirisinni : su spirisci,
Cci dici, pani persu, mala razza...
Eccu fratantu un Lupu comparisci,
E parti pri l'agneddu. A lu momentu
La pasturedda cadi in svenimentu.

Lu Canuzzu cci scappa, e ancora curri, Ma lu Cani di mandra coraggiusu Stagghia lu Lupu, e l'agneddu succurri, E doppu un gran contrastu sanguinusu, Lu Lupu appi la peju, ed è scappatu, E lu Cani turnau 'nsanguniatu,

Lu pasturi sintennu lu successu, Dissi a la figghia: ái vistu lu periculu? Si lu Cani di mandra 'un t'era appressu Ti puteva salvari ddu ridiculu? Quann'utili, e piaciri 'un poi componiri, L'utili a lu piaciri nun posponiri. LI.

## Lu Sceccu, e l'Api.

Viziu molestu e bruttu È chiddu di li Scecchi, Mettiri mussu a tuttu, 'Ncucciari 'ntra li necchi.

Chistu si pò vidíri 'Ntra la cchiù chiara luci Da quantu veni a diri Lu vecchiu chi traduci.

Suspisa a li dui capi Da travi 'na pinnata Multi fasceddi d'api Chiudía 'ntra 'na murata.

Un Sceccu chi livatu Si aveva lu capistru, Si cc'era avvicinatu Cu l'aria di ministru.

Versu di li fasceddi Sporgi lu mussu avanti Ma l'Api sintineddi Accorti, e vigilanti,

Appena chi tanticchia Lu vidinu accustari Cci dicinu a l'oricchia : Cca tu nun ái chi fari:

Nun è locu pri tia, Vota, vattinni all'erva, Giacchì idda ti sazía, Ed idda ti cunserva.

Ma predicaru a un ortu. Di cavuli, e ddi trunza; Lu Sceccu è veru tortu, 'Ngnuranti cu la 'nzunza.
'Ncucciusu dici: Afforza Cca vogghiu stari; esiggi

Rispettu la mia forza; Da vui nun soffru liggi.

Sti sensi sù 'ntra pocu Purtati dintr'a chiddi, Ed occu tantu focu, Tant'ira sbampa in iddi,

Chi ogni Apa è già un Achilli,

Armata d'asta, e dardu; Nescinu a milli a milli

Con impetu gagghiardu.
'Na squatra attacca l'occhi,

E un nuvulu si sparti 'Ntra oricchi, e 'ntra crasocchi

D'ogni segreta parti; Tri squatri sani sani, Chi sù quantu la rina,

Tiranu a li custani, Chi áv'iddu 'ntra la schina,

Li gammi 'un sunnu esenti Da lu tremennu attaccu, Ma quattru riggimenti Cci yannu a dari saccu.

Pri accrisciri li baschi Cchiù squatri, e battagghiuni Si avventanu a li naschi Cu dardi, e cu spuntuni.

Uncia com'utri a ventu Lu Sceccu 'ntra mumenti, Dà cauci, fa lamentu, Si sbatti inutilmenti.

Si accorgi, benchl tardu, Quantu periculusu È l'essiri tistardu, L'essiri prosuntusu.

### LII.

## Lu Corvu biancu, e li Corvi i ivuri.

Scuppau da la Lapponia Supra sti spiaggi stancu. Sbattutu da li turbini. Un raru Corvu bianca. Pusan, vinni a calmarisi L'affannu, e ciatatina: Poi cerca di truvarisi La razza sua curvina. Nni vidi un sbardu nivuru, E all'aria, e lu linguaggiu Conusci chi sta speci E di lu so lignaggiu. Vola, e l'agghiunci all'astracu Di un turrigghiuni anticu; Cci dici : chi desidera D'essirci sociu, e amicu. Si li culuri spattanu 'Ntra nui di l'ali, e schinu, Nè tonica fa monacu, Nè cricchia fa parrinu. Li Corvi da principiu Scossi a dda novitati, Lu guardanu l'ammiranu Di supra, e da li lati: Ma macchia nun truvannucci. Dicina : chista in nui Cu sta bianchizza attirasi L'occhi, e nni oscura cchivi. Pertantu lu sdilligianu, Dicennu: nun è onuri, Nun è decenti, e propriu

Pri Corvi stu culuri.
'Nzamai'na Corva scuvacci
'Na tali maravigghia,
Sarria pri nui gran scandalu
Corvu, chi a tia sumigghia.
Lu meritu, ch'è in autri,
E a nui nun fa riflessu,
O passa pri demeritu,
O restasi depressu.

### LIII.

## La FURMICULA.

Cc'era 'ntra un chianu un vausu, E chistu aveva in cima 'Na petra, e dipoi nautra Supra di chista prima. Circannu 'na Furmicula Di suli qualchi ucchiata Supra la petra appiccica, Ch'era la cchiù elevata: Mentri chi assulicchiavasi Si vidi pri la testa Strisciari, e attornu chioviri Di petri 'na timpesta. Éranu alcuni giuvini, Chi avianu jutu in cerca Di petra misa in autu Da servirci pri merca. Vidennu sfriciarisi L'insettu sti rigali, A terra si precipita, Comu s'avissi l'ali. Juntu chi fu, la purvuli Un Cacciaturi prova,

Ed a dda petra ammirasi Chi supra l'autri trova.

La povira Furmicula Trema a dda botta strana, Vidi la petra cadiri, E subitu s'intana;

E dici, 'ncrafucchiannusi Dintra ddi lochi chiusi: Posti eminenti...cáncaru! Chi sù periculusi!

### LIV.

#### La MUSCA.

'Na Musca si crideva cosa granni Pirchi supra lu re, di la rigina Passiava, e gustava li vivanni, Chi li cochi appariechianu in cucina; E chi anchi putia viviri in comuni Cu lu Tauru superbu, e lu Liuni.

China la testa di sti vani fumi Cchiù nun vidi la sua fragilitati, E tuttu a propriu meritu si assumi Chi nun à l'andamenti limitati. Nun sapi, chi unni posa, la pirsuna Chi l'ávi supra, d'idda nun si adduna.

Fratantu si li re, si li rigini
Da sta Musca sù appena calculati,
Figuramu l'insetti cchiù mischini
Di qual'occhiu ponn'essiri guardati!..
No, nun tanta superbia, cala l'ali,
Scantati, cchiù di tutti da sti tali.

Tardi, e senza profittu apprinnirai Sta verità, ch'eu vegnu ora di diri, Quannu 'ntra 'na tinagghia sbattirai D'una tarantulicchia, chi scupriri Mai tu putivi 'ntra li toi fastusi Idei tutti sublimi, e grandiusi.

### LV.

## Lu Zappagghiuni, & l'Ome.

Un Omu s'era appena appinnicatu, Chi s'intisi a la facci 'na lanzetta, Chi avia sinu a lu vivu penetratu; L'arduri lu fa scotiri a l'infretta, Apri l'occhi, smicciannu attentamenti Tuttu a l'intornu, e nun discopri nenti.

S'ingatta cotu cotu, e si tratteni Lu ciatu in pettu, e poi l'oricchi affila Pri sentiri cui cc'è, cui va, cui veni, O peditozzu di cui si la sfila; Ma nun senti, chi un rusicu nojusu E un non so chì, chi cci sfricia stizzusu.

Atomu insolentissimu, cci dici, Dimmi: si tu chi punci, e chi fai mali? Si tu? Palisa almenu eu chi ti fici Pri cui m'ai datu spuntunati tali? Pirchi picciulu tantu, tantu infestu, E tantu nojusissimu, e molestu?

Giustu, cci rispus'iddu, pirchi nenti Jeu cuntu 'ntra lu munnu, áju pinsatu Stu nojusu, e molestu espedienti; Ti l'avirrissi mai tu imaginatu Sta invisibili mia specj di bestia Senza pruvarni duluri, e molestia?

### LVI.

# LuiStruzzu, l'Aquila, ed autri animali.

Nasci in nui l'amur propriu, e cu nui mori, Ed è un istintu, ch'avemu in comuni Cu l'animali tutti chi ánnu cori. Lu libru, chi traduci lu vicchiuni, Cci lu dimustra 'ntra un dialoguzzu Unni parra cu l'Aquila lu Struzzu.

Lu Struzzu avia vidutu da luntanu Viniri, e da un'autizza smisurata L'Aquila, chi di poi di manu in manu Calannu, 'ncostu ad iddu era pusata. D'unni veni? spiau...da Calicutti, Rispunni, e d'autri regni ignoti a tutti.

Bellu piaciri, lu Struzzu ripigghia, Di aviri un paru d'ali sì robusti Da sollevarsi in autu tanti migghia! Scurriri un munnu!.. Chisti sù li gusti! Cci avirria ad essiri Aquila un gran preu, Senza però scurdarmi ca sugn'eu.

Lu stissu replicaru unitamenti
'Na Tartuca, un Gamiddu, e un Elefanti,
Ch'eranu a stu dialogu presenti,
E cci scummettu, chi si dda davanti
Tu puru, o miu letturi, ti truvavi
Lu stissu unitamenti riplicavi.

## LVII.

L'OMU, lu TRUNCU, e lu PASTURI.

Un Omu bonu assai Jeva a sfogari spissu Tutti l'amari guai Avanti a un truncu fissu. Lu vidi un Pastureddu. Chi passa pri accidenti, E dici: Oh puvireddu! Partuta è la tua menti! A un Truncu senza oricchi, Duru, chi azzann'accetti. Sti lagrimi, e sti picchi, Pirchi tu spargi, e jetti? Súsiti. Chi nni accanzi? Chi grazia ti pò fari? Cunta li toi lagnanzi A cui ti pò giuvari. Lu sacciu cci rispusi, Perdu lu tempu, e l'uri; Ma ricchi, e facultusi Sù menu surdi, e duri? Almenu 'na ritagghia Cca cc'è chi mi cunsola: Mi sfogu, e nun mi stagghia Stu truncu la parola.

## LVIII.

Lu Cervu, lu Cani, e lu Tauru.

Un gran Cervu inalberava
Dui ramuti, e longhi corna,
Di cui tantu si picava,
Ch'impunia 'ntra ddi cuntorna;
Pirchi nuddu ancora avia
'Ntra l'armali di ddu locu,
Fattu prova si valia
Cu ddi corna o multu, o pocu;
Ma un Livreri peddi, ed ossa,

Nun curannu l'armatura, Si cci scagghia, e a prima mossa Chiddu fui, e sauta mura;

E fuennu grida : amici, Nuddu veni ad ajutarmi? Corna persi, un Tauru dici, Lu coraggiu è cchiù di l'armi.

### LIX.

## La CIAULA, e lu PAPPAGADDU.

Vidutu avia 'na Ciaula Pasciutu, e accarizzatu Un Pappagaddu in nobili Alloggiu situatu.

Cuntrafacia li Pássari, Si li sintia cantari; Cuntrafaceva l'omini, Si li sintia parrari.

Un jornu capitannulu Da sula a sulu, accosta, Dicennu fammi grazia, Jeu sù vinuta apposta,

Dimmi: qual'è in origini Lu veru to linguaggiu? Ca tanti tu nni arrozzuli, Ch'eu sturdu, e mi ammaraggiu.

Rispusi: In confidenzia Sù finti sti mei provi; Veru linguaggiu propriu In mia nun cci nni trovi.

Jeu conoscíi chi l'omini Vonnu essiri adulati; Replicu zoccu dicinu. Cuntenti sù, e gabbati.

MELI.

Jou d'iddi li carizi Guadagnu, e li favuri, Ed iddi si confirmana Cehiù 'ntra li propri erruri.

LX.

# Lu CARDUBULU, 6 l'APA

All'Apa lu Cardubulu Disci : Eu ben discemu In vui talenti, e industria, Ma schiavi di wa gowernu. Pri l'essiri sensibili

la term nun și dă Pregiu maggiuri, e nobili Cobià di la libertă.

Li liggi di ogni ganori Sù cippi sù catini; O mura, chi vi shindinu 'Ntra picciuli confini.

Ntra l'abbundenza triscanu Pochi chi sù a la testa. Soffrinu tutti l'autri Travagghi, e feria sesta.

L'usu vi fa suffribili Lu jugu chi vi allliggi; Ma cu natu, e avveren liberu Da puddu soffru liggi:

Nun áju cui mi síndica Li gesti, e l'asioni, E campu divistemunai Senza soggezioni,...

Ma chi durata contanu Sti pregi toi vantati? (Rispusi l'Apa) speddinu

'Ntra im cursu di miostati. Appens chi finiscina In terra ciuri, e frutti, All'attima miseria Vi siti già ridetti. --- Circati li ricoveri Contra di li jilati; Ma nenti eci sarvustivu. E menti cci travati. Vantativi ora liberi! Nun **duru** la bunazza: Vita perció preceria 'Avi la vostra tazza. Intornu a lu discreditu · Data a la società, Provo, ch'in idda trovasi La vern libertà. Lu tus e licenza: è un viviri Da latru. e da sarveggia. In preda a n disordini. E a his Misertinuzgins. Ma in essivi echiù nobili Capací di coltura La societati è un meritu.

Chi # gran specj caura.
Cui cchiù la liggi venera
Chist'è liberu cchiui;
La liggi è partu propriu,
Dunca ebbidemu a mai.

Nè pirchi fatta trovasi
Nesci da sti confini;
L'avui, chi la ficiru;
Nni aviana intra ii rimi.
E si li nostri vizi
Nni soffrina disaggiu
È poca sagrifizia

Rignardu a lu vantaggin. Di nui si in ogni singulu La forza è poca, o nenti, La liggi, la cuncordia La rendinu imponenti.: Cu tanti onuri, e commodi, Chi vidi a pochi dati. Li gran sollecitudini Sù appena compensati. Si osseguia l'individuu, Chi sedi da regnanti, Stà di la liggi in guardia, E n'è rappresentanti. Chistu a lu beni, all'ordini Vigghia, providi, e occurri. Premia lu veru meritu. E a miseri succurri. Chist'è di menti savi 11.76 La vera libertati, Oualunqui autra è deliriu Di testi scavigghiati... Si di lu beni pubblicu Si perdi in nui l'idia. O casa di diavulu. O chiamala anarchia.

### LXI.

### Li Passagagghi.— O sia li Muschi, e la Tabantula.

Dui Muschi 'ntra 'na cammara Vidinu a la finestra Passari 'na Tarantula Da la sinistra a destra. Junta chi fu, di un subitu La vidinu turnari, Ed in sensu cuntrariu Lu so viaggiu fari.

Quann'e arrivata all'angulu Torna, e di dda ripassa, Stu zichi-zachi sequita, E sempri passa, e spassa.

Dici 'na Musca all'autra : Sentu pigghiarmi dica, Multu mi scannalianu

Sti Passagagghi, amica. L'autra cchiù timiraria Cci dici : Lassa fari, È ostrutta 'ntra lu ficatu, E voli passiari.

No, dici l'autra, trappuli, E inganni mi nni aspettu; Cui voli stari stlacci,

Pri mia mi la sbacchetta.
Dici, e diventa pruvuli;
Ma l'autra sciocca, e tosta
Si resta duppiannusi

Si resta dunniannusi, Pirdennu tempu apposta. Ma poi vulennu nesciri

Na por vinemia nesc Si vidi 'nviluppata, Ed eccu la Tarantula Di supra cc'è sotata.

Cu vui si parra o fimmini, Fuiti sti canagghi, Chi cercanu ncapparivi Cu li soi passagagghi.

# LXII.

## La Taddarita, e li Surci.

'Na Taddarita stavasi
Tuttu lu jornu 'nchiusa
'Ntra tani, unni abitavanu
Li Surci a la rinfusa.
E chisti la suffrevanu
'Ntra la sua cumpagnia,
Un Surci la cridevanu
Siccu pri malatia.
Idda però in curcarisi
Lu suli, si la sbigna,

Lu suli, si la sbigna, E l'ali sparpagghiandusi All'aria si cunsigna;

E in idda sammuzzandusi, Tissennu a tutti banni Passa li notti a vidiri Li furti, e contrabbanni;

E quannu a casu incontrasi Cu:Varvajanni, o Cucchi, L'adúla cu lodaricci Li belli soi pilucchi.

Li cosi visti sbómmica. Nè sunnu sparagnati Li Surci unn'idda 'nzemmula Cci passa li jurnati.

A chiddi chi si acciurranu Li Surci pri lu cozzu, Cala cu sta notizia Meli pri cannarozzu.

Alliscianu, accarizzanu La Taddarita ria, Cun iddi si la portanu, Sirvennucci di spia.

Ed a li tani subitu
Juncinu a strata fatta,
S'appostanu, e si aggranfanu
Li Surci a la strasatta.

Genti di aspettu duppiu
(Ditti da nui faccioli)
Scugnatili, fuitili,
Sfrattatili, figghioli.

#### LXIII.

#### Li LUPI.

A tempu chi l'armali discurrevanu, Dui Lupi 'ntra 'na grutta 'ncrafucchiati, 'Nzemmula sti discursi si facevanu: Nui semu veramenti diffamati, Cui nni voli lu sangu, e cui la peddi; 'Nzumma semu dui testi abbaninati; Facemu straggi, è veru, di l'agneddi; Ma ch'avemu a muriri di miciaci? Si 'un manciamu, pri nui lu munnu speddi. Manciati, nni dirrannu, oriu, e spinaçi; Chisti'un sù nostru pastu; e chi curpamu? L'á fattu la Natura; vi dispiaci? Dispiacitivi d'Idda, nui ch'entramu? Si cca cc'è culpa, è sua; lu nostru coriu Nui cu fari li latri arrisicamu. Si nni putissi alimintari l'oriu,

O avissimu lu comodu di jiri
A sonu di campana a rifittoriu;
In chistu casu si, si purria diri,
Vidennunni ammazzari un animali,
Oh li mostri chi fannu inorridiri!
Stu casu, non in nui, ma tali quali

Nell'omu si verifica appuntinu, Nell'omu, chi si vanta razionali.

Prodighi la Natura, e lu Distinu L'abbundaru di menzi pri campari, Ervi, frutti, simenzi, ed ogghiu, e vinu;

Puru chisti nun ponnu sodisfari L'intemperanza sua. Lu sceleratu

Autru nun fa, chi ocidiri, e squartari.

Doppu chi ad una vacca cci à sucatu
Tantu tempu lu latti, noi la scanna

Tantu tempu lu latti, poi la scanna, Chista è la ricompensa di st'ingratu!

Lu Voi, chi in so serviziu si affanna, E l'agevola tantu, poi pri paga Da l'omu a lu maceddu si cundanna!

Ne stu crudin, e barbara si appaga Di la simplici morti; ne cuatenti Resta, si prima 'un cci fà vezzu, o chiaga:

Comu sunnu ddi belli complimenti, Privannulu di attivu, e di passivu, Pri cui resta a la specj indifferenti;

O chidd'autru d'esponirlu anchi vivu, Ad essiri di cani laceratu.

Chi coi pari un spettaculu ginlivu; E si lu godi supra d'un sticcatu; E si cumpiaci di li lamintusi

Grida di chidd'armali turmintatu. Ne l'oceddi 'atra l'aria vennu esclasi Di l'esegranaa sua gula, nemmenu L'abitaturi di li campi undusi;

'Nzumma quantu viventi la tirrenu, L'aria, e l'acqua producinu, sù pastu Di l'omu; o sù li soi vittimi almenu.

E pri nun degradari lu so fastu Cu la taccia di barbaru, decidi, Chi sù machini, e d'arma'un nn'annu restu. Ma lu puntu 'un stà ddocu: stà si cridi. Chi nun ájanu sensu; 'ntra stu casu A li soi sensi propri nun dà fidi; Ed è insensatu, o tavuluni rasu Iddu lu primu, quannu nun rifletti, Chi l'animali ánnu occhi, vucca, e nasu;

E chi chisti sù l'organi perfetti Di lu sensu; e pri propria esperienza Divi pruvari in se li stissi effetti.

E si sà qualchi picciula avvirtenza A li convulsioni, e a li lamenti,

Di un'armali, chi soffri violenza,
Div'essiri convintu interamenti,
Chi lu sensu 'un è sua privata doti,
Ma ch'è comuni a tutti li viventi,
Mun bastanu perfantu li rimoti
Pretesti pri ammazzarinni qualch'unu,
Ma motivi pressanti, e a tutti noti.

Lu nostru sulu casu è l'opportunu, Chi 'un avennu autri menzi pri campari Senza straggi muremu di dijunu.

Lu propriu individuu conservari È prima liggi; nè avemu autru mensu Pri putiri la vita sustintari.

L'Omu, chi sempri adúla, eduna incensu Sulu a se stissu, vistu chi nun spunta Lu pretestu, chi l'autri 'un annu sensu,

Nni á truvatu unu novu, osserva, e cunta Li denti di l'armali, si sù fatti

A pala, o puru a chiovu cu la punta,
Decidi: chi li denti larghi, e chiatti
Sù destinati a manciari ervi, e frutti,
E li puntuti sù a li carni adatti;
Dipoi conchiudi, chi li specj tutti
Di denti imaginabili l'ávi iddu,
Perciò l'onnipossibili s'agghiutti.

Facennucci anchi bonu stu so griddu,

Pri cui si cridi in drittu di manciari A crepapanza di chista, e di chiddu,

Nun pò l'abusu mai giustificari Di li carni, giacchì 'ntra tanti denti Quattru suli scagghiuni pò cantari;

Quattru si ponnu diri, o picca, o nenti 'Ntra trenta, o trentadui, chi nn'avi in vucca,

O chiatti, o di figura differenti.

Caquali drittudunca scanna, e ammucca Quanti armali cci sù? Sta conseguenza Da li principi soi certu nun sbucca:

E si mai pò vantari 'na dispenza Di carni in forza di li denti a punta. La quantitati è parca, e non immenza.

Chi quattru a trentadui giustu coi spunta, Com'unu all'ottu, pirchi in trentadui Ottu voti lu quattru si cci cuntu;

Perciò la carni nun trasi a lu cchiui 'Ntra li soi cibi, chi in ottava parti, Pirchi dunqui mi mancia echiu di mu?

Pirchi arriva a menciarisi li quarti Di la sua propria specj?.. Passu passu, L'autru ripigghia, 'un smuvernu sti carti; L'Omu è dui voti Lupu, e cea ti lassu.

## LXIV.

# La Suncia, e le Sureitendi.

Dintra un crafocchiu d'una pagginalora, Ch'era in funnu a 'na stadda, avia la tana 'Na Surcia cu li figghi nichi ancoya.

Lu cchiù grannuzzu'na jurnata acchiana, S'affaccia'ntra la stadda, o'ntra un momentu Torna, jittannu 'na gran vuci struna.

Mamà, mamà, chi vitti, chi spaventu!

Ivì ca tremu!.. ajútu!.. E mentri esprimi, L'afflittu ganguláru 'un ávi abbentu.

La mari, chi pri affettu sempri timi, Si scuncerta, ed occurri premurusa; Chi vidisti? Chi fu? Pirchi ti opprimi?

Vitti... ripigghia cu lena affanousa, Vitti... ajútu, figghioli... ancora tremu!..

Vitti na bestia, grossa, spavintusa,

Cu 'na vucca, chi a tutti quantu semu, Pari, chi sani sani nni agghiuttissi; E shruffa forti, e fa un terruri estramu; E zappa cu superbia, comu avissi A fari gran fracassi, e a la sua vuci Tutta la casa pari chi cadissi.

Nun oc'è autru? rispusi duci duci La matri: và cuctati, babbanu;

Ddoou sù cchiù li vuci, ca li nuci; Chistu è 'n'armali bonu; un pocu ofánu, Si chiama lu cavaddu, e quannu zappa, È un trasportu di focu juculanu;

Pari in vista, chi l'aria s'appappa; Ma lu so ceri è comu carta bianca;

Nun ciunna, nun divora, e mancu attrappa.

'Nzumma çu chisti armali amanu franca Trattatioci sicuri, e 'un dubitati; L'autri nun vannu d'iddi un pilu d'anca.

Cuest dicia la matri, ed ammirati Stavanu tutti a sentiri li figghi Cu vueca aperta, ed oricchi affilati.

Poi ripigghia lu primu : meravigghi, Mamà, nni cunti; ma ti vogghiu diri 'Nzoscu poi vitti 'mmenzu a certi stigghi;

Un armaluzzu, chi facia piaciri Sulu a guardarlu : era di pilu griciu; E adaciu, adaciu si videva jiri; Li gesti cci dicianu : miciu, miciu, Ed iddu cu modestia, ed occhi bassi 'Ncugnava vesciu vasciu, e sbriciu sbriciu;

E paria chi la testa si ficcassi
Sutta quasi li pedi di li genti,
E chi mancu la terra scarpisassi.
Avia 'na vuci melenza, languenti;
Si turceva lu coddu; e si jittava
Facci pri terra a tutti li momenti.

Basta... gridau la matri, chi trimava, Mi arrizzanu li carni, e friddu friddu Sentu un suduri, chi tutta mi lava.

Ah figghiu, figghiu, tu si picciriddu, Giudichi da l'esternu! Oh si sapissi!.. Scánzanni, o celu, da li granfi d'iddu.

E si avversu distinu a nui prescrissi... (Ah chi a sulu pinsarlu mi cunfunnu!) Fa, chi prima la terra nni agghiuttissi.

Di tutti l'animali chi cci sunnu, Chistu è lu cchiù terribili; nun cridi, Nè cridiri lu pò cui nun á munnu.

A sti cudduzzi torti 'un dari fidi; Guardati da sti aspetti mansueti; L'occhiu è calatu, però nun ti sbidi.

Chisti sù sanguinarj, inquieti, Crudi, avari, manciuni, spietati, Tradituri, latruni, ed indiscreti.

Impieganu li jorna, e li nuttati 'Ntra 'na gnuni, cuvannu qualchi prisa Cu l'occhi chiusi, e li manu ligati.

A signu chi cui passa, li scarpisa, Pirchì si fannu purvuli, e munnizza; Ma fattu colpu la sua testa attisa.

Néscinu l'ugna, e tutta la fierizza; E mittennusi in cima a li canali, Passanu di lu fangu a chidd'altizza; E tantu in iddi crudeltà prevali. Chi 'un si appaga di morti violenta, Ma pruvari cci fa tutti li mali.

Prima nni rumpi l'ossa, e poi uni allenta; Nni strascina, nni ammutta, e morti arriva Tantu crudili echiù, quantu cchiù lenta.

Tantu crudili echiù, quantu cchiù fenta. Celu fammi cchiù tostu d'occhi priva,

Chi vidiri un spettaculu di chisti

In qualchi figghiu meu, mentri eu sù viva.

Aimè! quali accurtizza mai risisti

Diddi a l'insidj, quann'anchi durmennu Tramanu novi inganni, novi acquisti?

Nè sonnu è chiddu sò, pirchl sintennu Appena un peditozzu, aprinu l'occhi, E adaciu adaciu sì vannu spincennu; Si sù guardati, fannu li sant'occhi;

Ma quannu 'un si cci avverti, di la casa Ciorianu li gnuni, e li crafocchi;

E intenti sempri a fari la sua vasa, S'informanu di tuttu, e da la 'ntrata Passanu sinu all'astrachi la rasa.

La carni d'ogni specj cc'è grata; La mancienu ammucciuni, e arraggiatizzi; Però la cruda d'iddi è cchiù gustata;

La guardanu in effettu allampatizzi, Si la vidinu in autu; e prestu, o tardi Cci júncinu cu astuzj e scaltrizzi.

Cci sù Cani a lu spissu; chi riguardi
'Annu a la carni, e regginu custanti
A li tentazioni cchiù gagghiardi,

E cci stannu indefessi pri davanti Senza mancu tuccarla, anzi fidili Da li granfi la salvanu di tanti;

Ma li Gatti di geniu sempri vili, Vidennula anchi pinta 'ntra lu muru, Squagghianu pri disiu comu cannili.

Nnimici a li viventi, odianu puru MELI.

20

La propria specj, ed anchi sgranfugnannu Fannu l'amuri. Chistu è cori duru! 'Nzumma è 'na razza, nata a fari dannu: Ma lu peju qual'è? chi 'ntra l'aspettu Nun si cci sapi leggiri l'ingannu. Guardativi, vi dicu chiaru, e schettu, Da chisti mansuliddi, comu pani. Criditi a cui vi parra per effettu;

E nuddu nescia mai da li soi tani. Si prima 'un sciogghi sta prighera, e dici: Giovi scánzanni a tutti, anchi a li cani, Da l'orribili trami di sti mici.

### LXV.

Lu Cani, e lu Signu.

Un gentilomu avia 'Na vigna, e si lagnava, Chi frutti 'un nni vidia. La vurza cci sculava. Lasciandulu dijunu Curatulu importunu. Lu Vecchiu era presenti, Lu libru slugghïau. Ed opportunamenti Un simili truvau Casu, ch'è chistu appuntu Ch'eu, già traduttu, cuntu. Un Cani ayla adocchiata 'Ntra un arvulu sublimi 'Na viti carricata. Attorta 'ntra li cimi; Saziavasi a guardari: Ma 'un cci putia acchianari.

Vidennu chi pirdutu

Era lu tempu indarnu. Pinsau circari ajutu D'unu, chi siccu, e scarnu, Agili appiccicassi,

E cci la vinnignassi.

Vidi 'na Vulpi in tana Nisciuta pri mità, Cci dici: Veni, acchiana Chidd'arvulu, ch'è ddà, Guarda comu stà china La cima di racina.

La Vulpi, chi acchianari Dda supra 'un si la senti. Cci dici : lassa stari, Amicu, 'un vali a nenti, Cci appizzu la fatia, È agra, 'un fa pri mia. Lu Cani però gira Di cca di dda circannu; A un Signu poi si ammira,

Ch' incontra trippiannu; Cridi chi saria chistu Per iddu un bonu acquistu.

Affabili cci accosta Dicennu : tu sì in oziu: Ti áju circatu apposta Pri dariti un nigoziu. Si tu cu mia voi stari Cc'è viviri, e manciari.

Sarrà la tua incumbenza Di appiccicari a un ulmu, Duvi racina immenza Pendi da lu so culmu: Tu cogghi, e jetti a mia, Jeu poi nni dugnu a tia.

Cunsenti a un tali invitu

Lu Signu, e di cuncertu Si avvianu a lu situ, Già consaputu, e certu: Arrivanu, e d'un sautu L'unu è a li cimi in autu.

La viti era provista Di frundi, e frutti tantu, Chi cci spiriu di vista. Lu Signu trisca intantu Chiusu 'ntra l'abbundanza. Manciannu a crepa-panza.

Di quannu in quannu alcuna Rappa purrita, o virdi, La jetta, e l'abbanduna. Lu Cani grida: oh spirdi! Chi purcaria, chi jetta! E cu pacenzia aspetta.

Doppu chi saturatu Si fu lu furbu, scippi, Dicennu : Sù arrivatu Pri fina 'ntra l'intinni. Ma fradici, e corrutti Truvai li rappi tutti.

Chisti, chi ti jittai Nni sù la 'mmustra, e avverti, Li megghiu ti scartai... M'aju li rini aperti! E un jornu, chi a lu stagghiu, Dijunu ohimė! travagghiu.

L'afflittu cani in attu Quasi di santiari : Veru è, dici, lu pattu Di dariti a manciari: Ma jeu cridía sicuru, Chi avia a manciari puru.

Comu jiu jiu lu 'mbrogghiu,

Jeu sù razza onorata, Ed adempiri vogghiu La mia parola data. Va sfunna. Ti cunsignu Stu restu, e mi la sbignu.

#### LXVI.

# L'Insetti maritimi di li sponzi.

'Ntra tanti, e tanti sponzi chi su in mari, Da migghiara d'insetti populati <sup>1</sup>, Duvi cci ánnu li casi, e li sulari, Ciumi, ponti, curtigghi, chiazzi, e strati, Pri vidirni una, e staricci 'na picca Lu spiritu di Esopu si cci ficca.

E in virtù di la sua potenza innata, Vidi non vistu, e gira, e senza scala Scinni, e acchiana ogni loggia; allurtimata Penetra in una specj di sala, Duvi eranu in consessu radunati L'insetti li cchiù saggi, ed accimati.

Si ferma, ed eccu senti recitari D'unu d'iddi un discursu, unni si prova Chi l'universu cunsisteva in mari Duvi la sponza, o munnu so si trova (Sponza si chiama munnu 'ntra sti banni, Nun avennu autra idia di cosi granni).

Agghiunceva dicchiù : chi falsamenti Avevanu l'antichi soi cridutu, Chi un munnu sulu cci fussi esistenti : Mentr'iddu da 'na specula vidutu

Compendio delle transazioni filosofiche di Londra del nor Gibelin. Storia naturale vol. 3, part. 3, pag. 238 sanne. Nni avía cu novi soi strumenti esatti Multi autri in gran distanza accussì fatti.

Benchi nun si distingui, poi soggiunci, Si chisti tali fussiru abitati; Lu miu strumentu a tali signu 'un junci; Ma, si grata udienza mi accurdati, Mi 'ngignirò, signuri, di pruvarlu, Ma nun mi fidu poi di a vui mustrarlu.

Pri criari stu munnu da lu nenti Cci vosi 'na putenza auta, infinita, E a un Essiri Infinitu, Onnipotenti Tant'è creari un munnu, e darci vita, Quant'è crearni centu miliuni: Ddocu vi lasciu, e bongiornu patruni.

Lu spiritu di Esopu 'ntra se dissi; É l'omu pri rapportu all'universu Picculissimu insettu comu chissi, 'Ntra un restrittu orizzonti chiusu, e immersu L'atmosfera è lu mari, ed è lu munnu Sponza chi fluttua di stu oceanu a funnu.

### LXVII.

### SURCI, GIURANA, e MERRU.

Cc'è statu sempri 'ntra Surci, e Giurani Un mari vecchiu, un odiu radicatu Sin da quannu lu figghiu a Rudi-pani Cci fu da Guncia-tempuli annigatu : D'unni surgiu 'na guerra sanguinusa, Chi 'ntra 'na trumma risunau famusa.

Finiu di poi : chi Giovi truniannu Li Granci armati di duri curazzi Di li Giurani in succursu marciannu, A li Surci spilaru li mustazzi, Truncaru gammi, e cudi cu tinagghi, 'Ntra 'na parola cci dettiru l'agghi.

Di allura insinu a nui nun cc'è mai stata 'Ntra sti dui specj nessuna azioni, Chi fussi digna d'essiri nutata; Ma o sia pri istintu, o pri prevenzioni, Di cui li testi cci ristaru guasti, Nun s'incontranu mai senza cuntrasti.

Dunca un jornu a la ripa di un pantanu Un Surci avvicinannusi scupriu Viniri 'na giurana di luntanu, Chi senza diri : bongiornu, nè addiu, D'una punta di juncu lu vrazz'arma, Poi dici : trasi si ti basta l'arma.

Ripigghia l'autru: nesci, e veni in terra, Sugnu cca, pruviremu cui cchiù vali, Nun manciu filu, veni caniperra... Ed idda: sollennissimu jacali Si di valuri, e coraggiu ti vanti, A 'ncugnari unni mia pirchì ti scanti?

E tu, ripigghia l'autru, pirchl timi A viníri cca 'nterra putrunazza?.. Ma mentri cu l'inciurj ognunu esprimi Cchiù assai chi nun farria cu spata, e mazza, Si senti un Gaddu dda ncostu cantari, Ed autri cchiù luntanu replicari.

Un Merru, chi avia 'ntisu li cuntrasti, Grida: Nun cchiù, zittitivi un momentu, Sintitivi sti Gaddi, e tantu basti: Ognunu in casa sua vali pri centu, E a stu cricchiutu oceddu lu cumparu, Canta ogni Gaddu 'ntra lu so puddaru.

#### LXVIII.

# Li Crasti, l'Api, e lu Parpagghiuni.

Diversi Crasti a forza di curnati Un gran fasceddu fracassaru d'Api, E lu meli, e li vrischi sprannuzzati Si persiru 'ntra vrocculi, acci, e rapi, Vidennu farni sta mala vinditta L'Apuzzi si chiancevanu la sditta. Un Parpagghiuni dissi: nun è nenti; Fabbricamuli arreri, l'opra mia Jeu puru mittirò, stati cuntenti. Rispusir'iddi: Va pri la tua via; Qualunqui bestia è bona pri guastari, Ma nun è poi di tutti ku cunzari.

#### LXIX.

### Li Porci.

\*Un rumitoriu quasi clausuratu
Da macchi, e spini, da rocchi, e fussati,
Multi Porci si avevanu furmatu
'Ntra un voscu, chi avia ghiandri in quantitati.
L'istitutu si cridi da Epicuru;
Oraziu l'assicura, eu nun cci juru.

Si eliggi ogn'annulu cchiù grossu, e grassu E veni fattu patri guardianu: L'autri sù eletti poi di passu in passu, Resta fratellu cu' è cchiù siccu, e nanu, E pri alcuni soi punti nun decisi Fannu conclusioni in ogni misi.

\*Nesci un gran varvasapiu a disputari, Lu multu reverennu Anghi-ammulati: Nesci poi lu priúri ad impugnari, Lu reverennu fra Commoditati: Lu primu sputa, e poi "ntunatu, e sodu, 'Ntavula l'argumentu di stu modu,

\*Precettu è in nui lu viviri, e manciari: Precettu nun lu negu è ancora l'oziu: L'unu nun divi all'autru ripugnari: Dunca manciari è oziu in negoziu... Ripigghia l'autru: Patri chistu è sbagghiu, Manciannu si fa motu, ergo è travagghiu.

\*La nostra saggia regula è funnata Supra un precettu di putrunaria. Aiqui facennu lunga masticata, La vucca cu ddu motu si fatia Ergo manciári pri puri alimenti, E dipoi stari senza fari nenti.

\*Dissi l'autru : Ritorciu l'argumentu : S'è travagghiu pri vui lu masticari, Pirchì la vucca fa ddu movimentu, Ergo è travagghiu ancora lu parrari, Ergo vui tantu d'oziu zelanti

Argumentannu siti già in fraganti.

\*Ddocu un comuni applausu di'ngul-'ngul Interrumpiu lu cursu a la disputa, Chi comu tutti l'autri accussi Finiu senza conchiudiri...Ma sputa Un Purcidduni, chi avia la zimarra Di crita, e fangu, nesci in menzu, e parra:

\*Oh Reverenni, finirannu in summa Sti quistioni di lana caprina? Pirchì 'ntra vostri vucchi nun rimbumma: Multiplicati la razza purcina?... Sautaru allura tri vecchi majali Dicennu: Chiudi ssa vuccazza armali.

\*Si la moralità mi ricircati, Vi dicu: chi la favula è istruttiva, E chi cunteni 'na gran veritati, Di cui nni avemu esperienza viva; Cchiù d'unu adatta la Religioni A la sua dominanti passioni.

\*Dici un avaru : sobriu sù abbastanza Pri aviri (cca a mill'anni) all'autra vita 'Ntra li beati una sicura stanza; Purria fari 'na tavula squisita; Ma poi nun cci starria beni in cuscenza; 'Piaci multu a lu celu l'astinenza,

\*Lu prodigu si fida chi 'un á avutu Ne a beni, ne a dinari attaccamentu, Da l'impacci tirreni s'á sciugghiutu, Ne lassa liti 'ntra lu tistamentu; Cu stu cumfortu opera quantu pò A fari chi lu so nun fussi sò.

"Mi staju in chiesa, dici lu putruni, E casa, e figghi raccumannu a Diu. L'arma 'un allorda, dici lu manciuni, Chiddu chi trasi in vucca, anzi è ricriu; Ma quantu da la vucca si tramanna, Dici lu testu, li nostri almi appanna.

\*Alliga lu lascivu : È un gran precettu
Natu cu l'omu lu multiplicari,
A li codici antichi mi rimettu.
Finalmenti áju 'ntisu perorari
Anchi un'mbrugghiuni, chi acchiappau prisc
Ajútati, Diu dici, ch'eu t'ajutu.

### LXX.

# Lu GATTU, e lu GADDU.

\*Maravigghiatu un Gattu di li tanti Provi di omaggiu, e ossequiu chi un puddaru Prestava a lu so Gaddu dominanti; Si cci avvicina, e dici; Amicu caru, Fammi a parti di tua saggia politica, Giacchì iu mi trovu in circustanza critica.

\*Li Gatti, pri lu cchiù, da mia nun'ncugnanu, Mi chiamanu a jinnaru...accostu, e arrazzanu, 'Ntra d'iddi'un fannu lega, si sgranfugnanu. S'arrobbanu a vicenna, e s'amminazzanu; 'Nzumma nun cc'è nè capu, nè unioni, E si campa 'ntra guerri, e quistioni.

\*Viin a l'incontru poi stu to puddaru.

\*Viju a l'incontru poi stu to puddaru Regulatu con ordini eccellenti, E tu chi cci passii cu fastu raru, Comu un imperaturi d'Orienti; Appena gridi, tutti ti obbediscinu, E inginucchiati l'ordini eseguiscinu.

\*Lu Gaddu gravi cci dà sta risposta:
Tu vidi sulamenti li vantaggi
Di lu miu statu, e 'un sai quantu mi costa
Di firnici, di curi, e di disaggi!
Sta fidi di li mei, stu attaccamentu,
È ricumpensa, e nun è complimentu.

\*Jeu sù, chi quann'occurri di cummáttiri Cu qualchi armali a lu puddaru infestu, Lu pettu espognu, e mi cci mettu a báttiri; Jeu vigghiu a la custodia, eu manifestu L'ura di l'arrisbigghiu, ed eu rivelu Li vicenni di l'aria, e di lu celu.

\*Jeu dugnu avvisu a starisi guardigni, O 'ntanarisi dintra li pagghiari, Si scopru un nigghiu in aria, o interra signi 'Aju di cui cci veni ad assaltari, Lu pisu è miu, sù l'organu efficaci Di la saluti pubblica, e la paci.

\*Jeu, si trovu pri terra un cicireddu, O un cocciu di frumentu mi nni privu Di farinni usu pri lu miu vudeddu, Ma chiamu a tutti fistanti, e giulivu. Lu mustru ad iddi, e lu cedu cu grazia, E lu vidirli sazj mi sazia.

\*Jeu cci scegghiu li lochi cchiù opportuni Pri farisi li cuvi, e li ciuccati; Cci staju a li talái da campïuni, Pri 'un essiri figghiannu disturbati. Poi fattu l'ovu iu lu miu cantu sparu Pri dari avvisu a tuttu lu puddaru. \*Jeu sugnu chi mantegnu l'armunia In tutti quanti, e si qualchi gaddina

O fa la capizzuta, o s'inghirría, Jeu curru, e cu severa disciplina, Abbía di pizzuluni, e corpa d'ali.

Cc'insignu li doviri sociali.

\*Amicu caru, chistu è lu segretu Per essiri acclamatu, e pri rignari: Ti lu confidu, pirchì si discretu, E da bravu allegatu poi guardari Da baddottuli, e vulpi stu puddaru. Chi sù pri nui flagellu aspru, ed amaru.

### LXXI.

## La cursa di l'Asini.

\*Multi vespi, e muscagghiuni Seuncirtavanu la testa A li scecchi, e a li stadduni, Pri poi farinni la festa.

\*Chisti troppu insuperbuti Di la propria asinitati, Da ddi bestj punciuti Intunaru : Libertati.

\*E cu sauti a muntuni, E cu cauci senza fini

Li zimmili, e li varduni Si scucciaru da li schini.

'Freni rumpinu, e tistali, Cui cchiù reggiri li pò? Già si cridinu l'armali Chi lu munnu è tuttu sò.

\*Scioti, e liberi sfirramu, La cità è desolata, Cui pò diri, ohimè! lu dannu, Chi appurtau sta gran scappata?

"Tutti currinu a migghiara, L'unu all'autru 'mmesti, e ammutta, Lu patruni si 'un si para

Si lu chiantanu di sutta.

\*Jennu tuttu a devastari,
Cu li vespi sempri addossu,
Poi si vannu a sdirrupari
Tutti quanti dintra un fossu.

\*Testi, e gammi fracassati Sparsi su 'ntra terra, e fangu. E li vespi dda appizzati Si nni sucanu lu sangu. \*A sta nova, chi ricivi

Lu patruni, chi è climenti, Pri succurriri li vivi Sauta, e vola prestamenti.

\*Nni cacciau li vespi feri, Chi si cci eranu appizzati, E a ddi poveri sumeri Li succurri, e li cumpati.

\*Puru (cui lu cridiria!)
'Ntra lu stissu pricipiziu
Cc'è cchiù d'unu, chi caucía
Pri nun perdiri lu viziu.

\*Lu patruni a sti maligni, A sti bestj tradituri, Fa tagghiaricci l'ordigni, D'unni surgi stu viguri. \*Poi cu forti capizzuni, 'Nfrena l'autri, e si nni và: Da li scochi, e li stadduni, Sempri arrassu si uni stà.

### LXXII.

# L'Asiny russu, e l'animali.

"Cumparsi 'na jurnata un sceocu russu, Pirchl s'avía stricatu 'ntra lu tajua E lu coddu, l'oricchi, testa, e mussu, E tuttu in brevi era 'ntra sauru, e baju, E 'na crusta indurita anchi cci avia Canciata tutta la fisonomia.

\*L'animali in vidirlu si allarmaru, Cridennulu un gran mostru novu, e stranu, E tutti spavintati s'intanaru. Iddu a lu soantu d'iddi unciatu, e vanu, Si critti cosa granni, e pigghiannu anza Isa la testa, e s'inchi di haldanza.

Passta pri ddi campagni cu gran fastu, Comu nni fussi assolutu patruni.
Nuddu 'ncuntrannu chi cci dassi 'mmastu; Ma poi per islogarsi lu pulmuni
Apri la vucca, etta un arraeghiu, ed eccu Chi si duna a conusciri pri accecu.

Chiddi chi prima tipudi, e scantati S'avianu norafucchietu ntra II grutti, Di l'equivocu cursi, e nichiati Cci fapau trattamenti strani, e brutti. Giustamenti lu saggiu addunca dissi: Parrami prima, ecciò ti conuscissi.

\*Quanti chi nui videnza eu gran tubba,

Chini d'insigni, è di ornamenti rafi, O chi adorni di toga, e lunga giubba, Fannu a la vista li genti trimari, Chi parremnu (non ragghi di sumeri) Ma caeciami carteddi di iumeri.

#### LXXIII.

Li Sukci, 'e tu Gattu veechiu.

'Un Surci era malatu: li parenti, L'amici, e fi vicini si aggiuntaru Pri suggiuricci un medicu eccellenti. Ma 'nura la sectita poi nun si accurdaru: Chistu, dicianu, è musciu, e un parra nenti; Chiddu è millantaturi munsignaru; Chistu 'un sta 'mmenzu, nun è ricittanti, Chiddu'mmesti aztardusu, e ammazza a tanti.

\*Mentri sù mmarazzati, irresoluti Veni unu, e dici : lessi in certu uv disu, Chi è vinutu da parti sconosciuti Un Corci ussai di medicina misa, Chi à rusicata li fibra saputi Propocrati, e Galena pti distisu, 'Mpasta l'oturi antichi, e li moderni, E di la vucca cci nescinu perni.

"Ma pri ti ringu so nobili, e granni,
Epirchi uncora e multu facultusu,
Nun si abbassa di jiri a tutti banni
Visitannu maluti 'nsusu, e gnusu,
Ma coi d'iddu a bisognu mi dumanni
Umi vidi l'avvisu. Chistu è l'usu
Di li puisi granni: Persia, Bgitto,
Francia, Germania. E cca finia lu scrittu.

\*A sta notizia tutti allegri vannu A la locanna, unni lu scrittu stava,

Lu malatu cun iddi carriannu Nell'ura quannu ogn'omu ripusava, Sutta la porta jennusi ficcannu, Trasinu...ddocu appuntu l'aspittava Lu Gattu vecchiu cu pacenzia e flemma, Ch'era l'oturi di lu stratagemma.

\*Quannu già vidi la vasa sicura
Dici: A guarirvi d'ogni infirmitati
La mia ricetta corrispunni allura,
Anzi vogghiu chi tutti li pruvati,
Dissi; e poi sfoderannu l'armatura,
Jetta c'un sautu, scárrica granfati,
E 'ntra un grapiri, e chiudiri di vucca,
Lu malatu pri pinnula s'ammucca.

#### LXXIV.

### DIRI, e FARI.

\*Eranu un tempu amici Diri, e Fari, Anzi fratuzzi, e a filu duppiu uniti. Poi lu primu alzau catrida a insignari L'arti chi tessi di paroli riti.

\*Appi in Ateni, e in Roma pri sculari L'omini li cchiù insigni, ed eruditi, Ed oggi è risu numi tutelari Di li curti, li pulpiti, e li liti.

\*Quannu si vitti denti, corna, ed ugna, La forza, dissi, è l'unica chi regna, E regnari cu socj repugna.

\*Di miu frati lu nnomu si trattegna 'Mpizzu a sta lingua, ch'ogni cori espugna; Iddu però unni sugnu eu nun vegna.

## ŁXXV.

#### Li VULPI.

\*Avennu avutu rastu di gaddini
'Na Vulpi cu la figghia coti coti
Attraversannu prati, orti, e jardini,
Pri vijuleddi incogniti, e remoti,
S'incrafucchiaru 'ntra frascámi, e ddisa,
Aspittanuu la notti a fari prisa.

Vinuta già la notti, impazienti La figghia d'aspittari, nesci, e scurri Cu nasu, occhi, ed oricchi tutti attenti, E s'incamina versu d'una turri, Ma a lu passari pri certa nuara,

Vidi 'na testa, e subitu si para.

"Vota, torna a la matri, e cunta tuttu;
I a matri dici : ed assittama un pocu

La matri dici: ed aspittamu un pocu, La quatéla nun noci. Pri un cunnuttu Doppu un pezzu si avvianu a ddu locu: Eccula dda, grida la figghia, osserva La testa, ch'e curcata supra l'erva!

\*La matri attenta, e squatra d'ogni latu, Vidi chi nun si movi, e 'un dici nenti, S'anima di coraggiu, e pigghia ciatu; Poi dici 'un ti scantari, teni a menti, E a sti paroli mei lu senziu aguzza : Testa chi 'un parra si chiama cucuzza.

#### LXXVI.

Traduzioni di la prima favula di Fedru.

Lu Lupu, e l'Agneddu.

\*Arsi di siti un Lupu, ed un agneddu Eranu capitati tutti dui In un tempu ad un stissu ciumiceddu, Lu Lupu stava supra, ed assai cchiui Sutta l'Agneddu situatu arrassu Unni lu ciumi discinneva abbassu.

\*Lulatru, chi aducchiandulu 'ntra unlampu Gargiuliari la gula s'intisi, Un pretestu di liti misi in campu, Acciò putissi veniri a li prisi : E dissi in tonu bruscu, e nichiatu : Birbu! pirchì m'ái l'acqua intorbidatu.

\*Chiddu trimannu rispusi : Vossia Mi scusi, e comu mai lu pozzu fari? È l'acqua sua, chi veni cca unni mia, Lu ciumi scinni, nun va ad acchianari. 'Nzaccatu a sti ragiuni ddu farfanti, Subitu nautru strunfu metti avanti.

\*Dicennu: Ora pribiru mi suvveni, Chi tu, sù circa li sei misi arreri, Di mia nun nni parrasti troppu beni. Rispunni ddu mischinu: E comu veri Ponnu essiri sti culpi, quannu natu Nun era allura, e mancu siminatu.

\*Ah fu to patri certu, ripigghiau Lu Lupu, chi di mia nni dissi mali; E in dittu, e in fattu cursi, e lu sbranau. Quant'omini cci sù a stu Lupu uguali, Cui pretesti nun mancanu, e strumenti Pri opprimiri li debuli, e innoccenti!

### LXXVII.

### Li CIAULI, e la CUCCA'.

\*Dicevanu 'ntra d'iddi Dui Ciauli 'ntra 'na rocca: Giacchì semu suliddi Sfugamu, ca nni tocca. \*Čca nuddu cc'è chi senti, Putemu sbacantari Lu saccu allegramenti. A nui... vaja cummari. \*Cussi, senza un momentu D'abbácu, tutti dui Parraru comu centu Senza stagghiari cchiui. \*Dissiru cosi ancora ('Mparissi in confidenza) Chi pri sbuccari fora 'N'ammettinu dispenza. \*Pistannu st'impapocchi Arrisbigghiaru un Cuccu Chi dintra a ddi crasocchi Aveva lu so giuccu. \*Chistu ascutann'un pezzu La chiácchiara infinita. Stizzatu: ora la spezzu, Dissi, esclamau: pipita! \*Pesta! che 'ncuttu, e fittu Stu ciarmuliu! mi sturdi. Ma nun aviti dittu

Questa favola pubblicata fra le poesie postume è presso uguale a quella a pag. 323 Li Ciauli e lu Turdu, che ore stimo più degna di vedere la luce. A muti, e mancu a surdi.

\*Chiddi allamparu : e 'un sannu
Sta vuci d'unni vinni.
Poi jennusi vutannu
Dissiru : jamuninni.

\*In vucca li naticchi
Mittemucci, o figghioli,
Li mura annu l'oricchi,
Li petri ann paroli.

#### LXXVIII.

### SURCI, & GATTI.

\*Spissu pri riparari a qualchi mali,
O pri dari a un delittu la sua pena,
Si cummetti la cura a certi tali,
A cui cchiù di li rei feti la lena.
Si nni vidi un esempiu naturali
'Ntra un contrapostu, chi si metti in scena
Di Gatti, e Surci, e 'ntra 'na favulicchia,
Chi a propositu trasi 'ntra sta nnicchia.

\*Li Surci fannu guastu. E chistu è veru. Dunca mittemu Gatti? È cchiù dammaggiu. Si lu Surci fa un vadu a lu furmaggiu, Lu Gattu si lu mancia tuttu interu.

\*Lu Surci è latru; ma nun è poi feru, Fui quann'è scuvertu, e nun fa oltraggiu; Lu Gattu è tradituri, ed è malvaggiu, E a li stritti si avventa pri ddaveru. \*Lu Surci cci penz'iddu pri li tozza,

Lu Surei cei penzindu pri ii tozza,. Lu Gattu, ultra chi arrobba a tutti banni, A tavula è lu primu chi s'intozza.

\*Putria supplíri a stu svantaggiu granni Quannu cu pleggi, o a pena di la crozza Si obblighi risarcíri intressi, e danni.

#### LXXIX.

## Lu regnu di li VULPI.

\*Un Vulpi era timutu, rispettatu
Da tutta la sua specj a tali signu,
Chi Esopu nni ristau meravigghiatu:
Quali meritu, dissi, lu fa dignu
D'ossequj tanti?.. Rispus'unu a latu:
'Ntra lu regnu, e dominiu vulpignu
Malizia summa, frodi, astuzj, e inganni
Sa li scalini ad auti posti, e granni.

#### LXXX.

### Lu Signu, e lu Cani.

\*Spissu fannu a li granni impressioni Cchiù li pregi apparenti, chi li veri, Cchiù la tustizza, e l'ostentazioni, Chi li virtù, e li meriti sinceri; Nn'è 'na prova stu fattu, ch'eu trascrivu Tali quali truvai 'ntra un vecchiu arcivu.

\*Un Signu aveva apprisu ad imitari Pochi lavuri, e cosi burginsatichi; Di poi fu in curti, e misi a cuntrafari Li curtigianarj li cchiù fanatichi, E cu sti mimarii stu bistiuni S'attirau l'occhi di lu so patruni:

\*Chi a cridirlu ammirau forsi staccatu
Da la specj comuni di li Signi,
E spissu spissu si lu misi allatu,
E lu trattava quasi cu carigni,
E cci avia tanta fidi, e deferenza,
Chi cci detti a curari 'na dispenza.

\*Cci misi, è veru allatu un Cani braceu
Forti, e capaci; ma la sua fidanza
Era supra lu Signu; e stu vigghiaccu
Nun facía, chi abusarni cu baldanza;
Lu Cani cci vulia sotari addossu,
Ma pri digni rispetti nun si è mossu.

\*Stava un jornu tu Cani addurmisotutu Supra lu limitaru di la porta; Lu Signu pazzu, ed anchi 'nzallanuita, E chi a forza, e pri jugu lu supporta; Scippa un piruni di la megghiu stipa, E pri suppostu a chiddu cei lu 'ntipa;

E cu tanta mastria, chi nun s'inisi Lu cani di st'estraniu, chi trasiu, O pri la sprattichizza nun comprisi Sta nova specj di vinditta, e sbiu, Nè pri lu so davreri suspittava Sapennu ch'era porta chi 'un spuntava.

Trasi fratanto lu patroni, e tiova Le stipa senza vino, ne pironi, Cerca l'oturi di sta bella prova, Ma lu Signu cei dici a l'ammiccioni : Valiti (ma insigillo) provi veri, Guardaticci a lu Cani lu darreri.

\*St'armali pati assar di stitichizza, Non ostanti chi mancia, e mancia beli, E si licca li piatti a stizza a stizza, Suca lu grasciu di cui va, e cui veni, Truvannusi lu stomacu indispostu Si misi la pironi pri suppostu.

\*Jeu mi nni accorgii tardu, ne pulia Staricci a frunti, è grossa lu 'mainden; Ma pri truvari a vui di già vinta Pri essiri liberatu da stu intrich, Iu cchiù d'iddu fidarimi mon pozza, Strattatiu, e a pietà daticci un tozzu. \*A lu patruni parsi ragiunevuli,
E equitabili insiemi lu cunsigghiu,
Multu cchiù chi fu dittu cu amurevuli
Tonu di vuci, e cu piatusu cigghiu,
Quantu lu Signu cci proposi, e dissi,
Approvannu, lodau, si sottoscrissi.

\*Cusal lu saggiu e lu fidili cani,
Ultra lu consaputu complimentu,
Ch'appena cci lassau l'ingrispi sani,
Vinni sfrattatu, e sin da ddu momentu
Ristau 'ncura ad un pazzu la dispenza:
Tant'opra 'ntra stu munnu l'apparenza!

### LXXXI.

### L'altianza di li CANI.

\*Ntra Concu, e Capu di Bona Spiranza, E in tutta l'Etiopia cci sù Cani!
Sarvaggi, e feri assai, ma chi allianza 'Annu, 'atra d'iddi d'antichi Spartani, Esseciti, furmannu, e battagghiuni Maffruatari li tigri, ursi, e liuni.
\*Lu jarnu vannu a caccia squatrunati Facennu predi di qualunqui sorti, Poi tornanu a li tani carricati, Di l'animali in guerra o prisi, o morti, Essu esattu, economicu hilanciu
Si li spartinu, e fannu lu so ranciu.

\*Oravvinni (pri quantu lu vicehiuni Ntra lu tarlatu min libru truvau)

r P. Antonio Zuchel cappucino ne suoi viaggi di Conco, di Etiopia, citato da Pietro Kollie nella sua descrizione el capo di Buona Speranza tom. 3, edizione di Amsterdam. I nome de cani è mebbia.

Chi di sti cani cci nni fu un squatruni, In cui la gran catina si smagghiau, Pri l'abusu di avirsi postergatu Lu pubblicu vantaggiu a lu privatu;

\*Pirchi turnannu cu la preda ognunu Si nni ammucciava deci, e vinti parti, E dicchiù si spacciava pri dijunu, Pri dumannari l'autra, chi si sparti, Perciò la preda nun putia bastari Pri tutta la gran chiurma saturari.

\*Circaru riparari a stu scuncertu Tutti obbligannu a li riveli esatti, Ma nun pigghiaru, pri essiri scuvertu Lu contrabannu, li misuri adatti, Pirchi tutti sti liggi, e sti misuri L'avianu impostu li contraventuri.

\*Si agghiuncía : chi li dazj da pagari Eranu ripartuti tantu a chiddi, A cui l'abbastu vineva a mancari, Quantu a cui supricchiavacci pri middi; L'unu pagava a costu di la panza, L'autru menu di menu chi cci avanza.

"Sta cosa chi purtau? chi l'osservanti, Li debuli, li vecchi, e li malati, Cu li ventri ristavanu vacanti, E li forzi vinevanu mancati, Parti murianu di consunzioni, Parti a la guerra 'un eranu cchiù boni.

'L'uni pri fami, l'autri pri l'eccessu
Di lu manciari abbuttati, e gravusi,
Nun putevanu curriri d'appressu
A l'imprisi cchiù forti, e cchiù azzardusi;
Eranu 'nsumma li pochi ristati
Li cchiù infingardi, e li debilitati.

\*La conseguenza fu chi a un primu attaccu Foru, in locu di battiri, battuti. Li lupi ed ursi nni ficiru smaccu. Pozza st'esempiu so fari avviduti Tutti li societati di dd'armali, Chi vantati si sù razionali.

#### LXXXII.

### La VACCA e lu Porcu.

"Mi pari porou a la fisonomia,
Ma so, chi la tua specj è grassa, e grossa:
Tu sì siccu! patisci d'etisia?...
Ti meravigghi ch'eu sù peddi, ed ossa;
Sacci, chi nun mi tocca in nutrimentu,
Chi l'erva sula, e chista a summu stentu,

'Mi la vaju abbuscannu 'ntra rampanti, Cca un filu, nautru dda, sempri stintannu. Li tempi nun sù cchiù, ch'eranu avanti, Comu sintia cuntari da me' nannu, Quannu li porci avevanu a munseddu Ghiandri, e manciari ad uffu 'ntra un tineddu.

\*E chi dui misi avanti di la scanna Li passavanu a tavula di favi, Chi cci sapianu cchiù di meli, e manna. Cu sti boni preludj li nostr'avi Murennu lu tributu annu pagatu All'omu, chi l'avia ben nutricatu.

\*Chiddu l'agghiandri, e favi, chi cci dava Pri meccanica, e chimica maggia, Tutti poi carni, e lardu li truvava, E macellannu un porcu s'arricria; Ma in nui cci trovanu ossa da liccari, E pri li suli cani diffamari.

\*Si allura centu porci di un cantaru Diffamayanu un populu, di sicchi Pri diffamarlu nun basta un migghiaru, MELI. Ancorchì d'ossa fussiru assai licchi. Eccu lu sfragu di la nostra razza, Chi va a finiri pri sta genti pazza!..

\*Dici la vacca: 'Ntra lu stissu casu Nui semu, e 'ntra l'uguali circostanzi; Pascemu tutti 'ntra un tirrenu rasu, E di ristucci l'induriti avanzi; E preni, e strippi, e magri a lu maceddu Tutti quanti nni portanu a munseddu.

\*Tralasciu quantu sentu raccuntari Di li costumi di paisi saggi; Chi l'armali, chi s'annu a macillari Li nutricanu prima a grassi erbaggi, Cci dannu anchi simenza di cuttuni, E cci feddanu rapi a battagghiuni.

\*E cca stissu l'antichi costumavanu Abbiari 'ntra feudi, e 'ntra riservi, E nutrivanu beni, ed ingrassavanu Lu voi, la vaeca cu li cchiù meggh'ervi; Ma li Don Ninnari omini d'aguannu. Pirchi l'ánnu fattu autri nun lu fannu.

\*Nua so spiegari sta fatalitati, Modi frusteri riguardanti a lussu In capitari cca sunnu abbrazzati; Però la moda, e l'usu ch'ánnu influssu, All'utili, o vantaggiu di lu statu Si lodanu, e si mettinu di latu.

### LXXXIII.

La Tigni 'ntra 'na gaggia di forra.

"Ntra 'na gaggia di ferru carcerata
Una Tigri frimia. Lu so custodi
Cci dissi: scatta ddocu scelerata,
"Tu, chi 'ntra sangu, e straggi trischi, egodi

Diri osi : chi la vita a sustiniri

Autri menzi nun trevi, ed autri modi?
\*Ma pirchi saziannuti a deviri
La tua ferocia crisci, e a varia, e a nova
Straggi ti porta sempri a incrudeliri?

\*Chista è certu, certissimu 'na prova

Di cori veru atroci, e sceleratu, Chi godi in fari mali, e si nni approva.

\*E cci scummettu, chi 'ntra ssu sticcatu Di ferru, unni ti trovi, stai pinsannu Di squartari, e sbranari ogn'omu natu.

\*Nun lu fai, pirchi ostaculu ti fannu Li ferrati ben forti : 'un ti lagnari Dunca, si ddocu dintra stai penannu.

\*Cci rispusi la tigri : Rinfacciari Nun ti vogghiu li straggi, e crudeltà, Chi soli l'omu all'autri speci fari.

\*Nè chiddi, chi a la propria specj fà; Ma ti parru di chiddi sulamenti, Chi teni occulti 'ntra la voluntà.

\*Pirchi nun pò spiegari apertamenti Comu mia, stannu chiusu 'ntra firrati, 'Ntra li liggi, cioè, ch'ávi presenti.

\*Chistu si vidi chiaru a li nuttati, Ch'iddu impiega pri leggiri, o vidiri Li fatti atroci di li scelerati,

\*Chi su fatti suggetti di piaciri \*Ntra li teatri umi li morti antichi Risurginu pri vidirsi muriri,

\*Pri vidirni li palpiti, e li dichi, Sintirinni li lastimi, e lamenti, E di li scelleraggini l'intrichi.

"Autri vannu piscannu sti argumenti "Ntra li fatti cehiù atroci, e sanguinusi Di la cchiù vecchia isteria, o la currenti,

\*Comu vuturi, chi a li cchiù situsi

Carogni vannu in cerca a disfamari
Li brami soi crudili, e schifiusi.
(Si desidera il resto che si è trevato mancante
nell'autografe).

LXXXIV.

#### Lu Codici MARINUI.

\*Conusciutu è in Sicilia l'anticu Nomu di Cola-pisci anfibbiu natu Sutta di lu secundu Fidiricu: Omu in sustanza ben proporzionatu, Pisci pri l'attributu singulari Di stari a funnu cu li pisci in mari.

'Scurrennu li gran pelaghi profunni Facía lunghi viaggi, e rappurtava Li meravigghi visti sutta l'unni, E multi di sua manu li nutava. Mi è capitata 'ntra li tanti chista Scritta di propria sua manu, e rivista. 'In funnu di lu Balticu, e a li spaddi

Di 'na muntagna in mari sprofundata, Cuverta d'un vuschittu di curaddi Vitti 'na turba granni radunata D'insetti molestissimi forensi, Chi trattava un processu 'ntra sti sensi:

'Si truvau devoratu un grossu tunnu, E pri st'accasu foru processati Pochi sarduzzi ritruvati a funnu Supra di un ossu cu li mussi untati. Lu fiscu, ch' è un strumentu chi vi frica,

<sup>&#</sup>x27;Si descrivono gli abusi introdotti nel sistema dell'antica legislazione criminale, e per le cure dell'Augusto nostro l'erdinando I riformati nel nuovo Codice Penale pubblicato l'anno 1819.

Cci apriu di tunnicidiu la rubrica.

\*E tantu ddi sarduzzi, chi liccaru, Quantu chiddi, ch'in bucca avianu grasciu Tantu chiddi, chi appena lu cioraru, Tutti foru comprisi 'ntra lu fasciu, Dicianu: Ccà nun cc'è ossu, nè spina, Foru coti in fraganti, è prova china.

\*La nostra liggi parra tunnu, e chiaru : «Lu Pisci grossu mancia lu minutu» Ccà li minuti lu grossu manciaru, L'ordini di la liggi ánnu sburdutu, D'una liggi, ch'è in nui fundamintali, Dunca sù rei di pena capitali.

'Di li poveri esclama l'avvocatu:
Pri st'infelici la difisa è chiara:
Lu schéretru di l'ossa è smisuratu,
Lu tunnu almenu era di tri cantara;
Tutti sti sardi 'nzemmula assummati
Nov'unzi nun cci sù si li pisati;

\*Si scapulanu cchiù di li nov'unzi (Comprisi anchi l'entragnos tutti quanti Cu li squami, li reschi, peddi, e 'nzunzi) 'Mpinnitili, e livatili davanti; Ma si 'un ponnu nov'unzi scapulari Stù tunnu unni si l'appiru a ficcari?

\*Ripigghiava lu fiscu: li misuri, E li pisi nun sù punti legali, Servinu sulu pri li vinnituri; Cca si tratta di causa capitali, Nè 'na rubrica di cui vinni, e spenni Putrà smuntari 'na liggi sollenni.

\*E datu, chi nun fussiru li sardi Rei tunnicidi, è puntu stabilitu : Ch'unni mancia lu grossu nun azzardi Nemmenu di liccari lu minutu... Concedu, dici l'autru, chista è curpa; Ma ccà si tratta d'ossu, e non di purpa.
\*Si sbattiu di cca, e dda citannu testi
In gerghi girbunischi oltramarini,
E si citaru codici, e diggesti,
Commentati da cernj, e da 'mmistini,
Purtaru fatti, e tantu scarruzzaru
Chi lu puntu mattanti lu sgarraru.

Sidevarru da judici li granci, Lu prisidenti era un granciu fudduni; Tutti a dui vucchi, acciocchi l'una manci, L'autra addrizzi buggj, torcia ragiuni, E cu ottu pedi a croccu a dritta, e a manca Trasevanu di chiattu, e di faianca.

\*Nun amu accessu a sti divinitati Salvu chi li supremi sacerdoti; Cioè li compatroni, e l'avvocati; Li curiali un pocu cchiù rimoti Curunanu li vittimi di ciuri, Mentri vannu sucannuci l'umuri.

Tuttu lu restu è populu profanu, Ne arra stu santuariu metti pedi, O occi trasi 'ntra un locu stramanu S'agnuna, e guarda la suprema sedi, Chi di la vita disponi, e di tanti Aviri, e facultà di tutti quanti.

\*Doppu chi sessionaru un lungu pezzu, Da una parti, e da l'autra l'avvocati; E lu fiscu a li straggi sempri avvezzu Nni vulia 'mpisi e mi vulia squartati, Li judici gridaru: fora tutti, E s'inchiusiru suli 'ntra li grutti.

\*Chisti dunca spusamu a la pradenza Li riguardi a li propj fortuni, Consultanu lu codici, ma senza Dari un ucchiata a lu sensu comuni, Nun vulemu avvilirisi a pinsari Comu pensanu tutti li vulgari.

\*Dicevanu dicchiù: si s'apri strata, A consultari la ragiuni un pocu, La curia tutta quanta è ruinata, Nè lu foru legali ávi cchiù locu, E qualunqui idiota, o strafalariu Trasirà 'ntra lu nostru santuariu.

\*Si nui circamu cui effettivamenti Si divurau lu tunnu, nni tiramu L'odiu di l'immistini oggi potenti. Basta ch'inchisti un qualch'esempiu damu. O liccaru, o cioraru, è sempri un casu Sunnu sensi ugualmenti è vucca, e nasu.

\*Cu sti riflissioni santi e giusti, Mittennusi lu testu avanti l'occhi, Scrissiru cu li spini di lagusti La sintenza racchiusi 'ntra crafocchi, Chiusa cu un ita quod per appendici, Ch'in gran parti la sburdi, e contradici.

'Si assolvanu li sardi di la morti, Ita quod nun putissiru campari. A st'oggettu li squami, ed ogni sorti Di grassu, e 'nzunzi, e peddi devorari Si li diva lu fiscu; e in spiaggi ingrati Li rimasugghi sianu confinati.

\*Sta sintenza, riguardu a lu fatali Codici, parsi d'equità vistuta; Però certuni dissiru: chi mali L'equità fussi stata cumpartuta; Ch'in canciu di distinguiri comfunni Li ciauraturi, e li licchiabumi.

\*Mtra un annu intentu di fricazioni, Di carceri, stritturi, e assaccareddi Va trova sardi echiù? Bi porzioni Nun nni ristau, chi sula resca, e peddi : L'autra mitati sfumau pri la strata Da l'insetti fiscali divurata:

\*Pri riguri di codici st'insetti. Nun putianu li sardi devorari; Ma lu ritu in virtù di soi ricetti Fa tuttu impunementi fari, e sfari; Pertantu cui stu ritu oggi professa Si metti supra di la liggi stessa.

\*Cola proposi sta difficultati:
Si cca la forza è chidda chi privali
Pirchl inventari sti formalitati,
Judici, foru, e codici legali?
Chista da Cola a un trigghiu fu proposta,

Ed eccu qual'è stata la risposta.
\*Li granci avvezzi a perdiri iu

\*Li granci avvezzi a perdiri jurnati
'Ntra l'oziu insidiannu li pateddi,
Nè avennu forza, lena, e abilitati
Di assicutari vopi, ed asineddi,
Idearu un sistema di sta sorti,
E poi l'insinuaru a li cchiù forti.

\*Dimustrannunni l'utili, e profittu, Chi quantu cu la forza ánnu defattu Cunvinía, chi l'avissiru di drittu Autenticatu in codici, e cuntrattu; E li niputi o pocu, o nenti bravi Di li vantaggi godanu di l'avi.

\*Chiddi chi li soi figghi, e li niputi Si vidinu pri drittu assicurati Sunnu ad autorizzari divinuti Li granci cu li vucchi scancarati, E d'unanimi votu si proponi Fidarni ad iddi l'esecuzioni.

\*Stu codici li granci esaggerannu Mustraru ad evidenza lu vantaggiu Di li potenti, e lu minuri dannu Possibili pri l'autri. E tantu saggiu Parsi a la vista da la scorcia in fora, Chi fu abbrazzatu, e si osserva tutt'ora.

#### LXXXV.

Lu Castoru, e autri animali.

Un Castoru elogi senti Di una Vulpi celebrari: Cui lodava li talenti. Cui li soi maneri rari. Dici a chisti : in pregi tanti, Chi mi aviti decantati. Pirchì 'un sentu misi avanti Bona sidi, e probitati? Sù li primi chisti tali, E senz'iddi 'un vannu un cornu L'autri pregi, anzi cchiù mali Fannu a tuttu lu cuntornu; Ddocu vitti chi ammuteru; Iddu torna a lu so tonu: Lu talentu è pri mia zeru, Si lu cori nun è bonu. \*Cca finisci lu testu: jeu vi promisi

Cca linisci lu testu; jeu vi promisi Chi a drittu, o a tortu cci avia a cafuddari Qualchi moralità; si lu curtisi Letturi franca mi la fa passari Cci la dugnu pri vera, e dimustrata, Pirchi da longa esperienza è nata.

\*Nunsempri è saggiu l'omu, pirchi è dottu, Nè sempri è dottu l'omu, pirchi è saggiu, Cui quattru, e quattru nun sà chi fann'ottu,

L'autore scrissequesto componimento prima della pubcazione del novello saggissimo codice fatta nel 1819 del ugusto Ferdinando 1º.

Spissa in costumi è a Socrati paraggin : Nautru chi a li scienzi va di trottu Pò sciddicari 'ntra un libertinaggiu, O si mai junci ad un postu eminenti Pò divintari superbu, e insolenti.

\*Sunn'utili a lu statu li scienzi,
Ma però la saggizza, e lu costumi
Sù necessarj, e sù l'unici menzi
Pri mantiniri l'argini a stu ciumi.
Giacchi pr'istintu propriu a violenzi
L'omu è purtatu, e assai di se presumi,
E sin da lu so nasciri palisa.
Sta sua tennenza hen chiara, e decisa:

Sta sua tennenza ben chiara, e decisa:

\*Chi si ad un picciriddu dati in manu
Un pupu, a lu momentu è decollatu,
E doppu pocu 'un cci nn'è un pezzu sanu.
Granni da la ragiuni è raffrenatu,
Ma l'insitu di chista spissu è vanu,
Pirchì venì a l'istanti suffucatu
Da passioni chi pri so ritaggiu

Da passioni chi pri so ritaggiu Caccia di sutta lu truncu sarvaggiu.

# FARSETTA.

### LI PALERMITANI IN FESTA

Pri la vinuta improvisa in Padermu di S. M. Firdinannu III arrivatu in portu la notti di li 25 dicembru di l'annu 1798.

#### PERSONAGGI.

Nofriu e Vastasi.
Tofalu.
Lisa mugghieri di Tofalu.
Donna Cidda picciotta schetta figghia di
D. Prosperu Accoestu.
Nutaru.
Baruneddu di Cianciana
Bittidda eammarera di Donna Cidda.

La Scena si finci intra la centru di la notti dintra la Vanedda di li Mori.

### SCENA L

Norriu sulu in scena chi tuppulia a la porta di Tofalu, e Lisa di dintra.

Nofr. Tofalu, ah Tofalu.

Tof. Oi.

Nofr. E ch'è tempu di durmiri!

Tof. Chi voi?

Nofr. Prestu súsiti. Oh l'érramu putrumi!

Tof. O pesta! 'un si pò fari un pinnicuni!

Seggia a st'ura! Ch'è medicu, o mammana? O runna, chi a qualcunu s'attapancia?

Nofr. Vinni lu Re.

Tof. La pesta chi ti mancia; Va curcati 'mbriacu.

Nofr. Veru dicu.

Juru pri la bittarma di me' pà. Oh si tu vidi pri tutti li strati, Chi giubiliziu cc'è 'ntra la citati!

Tof. Va curcati, va dormi, e pri lu funnu Nun la pigghiari cchiù, sai, la cannata.

Nofr. Anzi cu li colleghi, e cammarata Avemu a fari un brinnisi sullenni

A la saluti di sua Maistati

Cu tutta quanta la sua riditati; Chi lu celu nni guardi, e nni mantegna Di cca a mill'anni cu beni, e saluti,

E serva ad iddu la nostra vivuta

Pri bonu auguriu di la ben vinuta.

Tef. Chi scacci! chi ti nesci di ssa vucca!

Lis. Vacci! La pigghiau bona la pilucca! Cunsidiru l'afflitta so mugghieri, Chi a st'ura st'aspittannu 'ncripidduta:

Cui ávi arma arma cridi, oh chi si pati Pri st'errami mariti! Me' cummari

Nni avirria avutu pittati di fami, Si 'un fussi pri lu fusu, e lu virticchiu.

Comu cci sciurtiau ssu beddu spicchiu!

Nofr. Tè quantu mi nni dici la ze Lisa!

Jeu sù picciottu asciuttu, e mi nni vantu,

E nutricu di nettu,

Nè m'impinci la manu pri lu pettu.

Tof. Nofriu, leva l'acqua,

Ascuta a mia; va curcati, 'un sà cchiuni.

Nofr. Santu di pantanuni,

Chi 'un pozzu essiri crittu!

La pura viritati v'áju dittu. Vinni lu Re in persuna:

Cc'è lu Molu, ch'è chinu a lu cucucciu.

Tof. Gran cosi vidi dintra lu quartucciu. Nofr. Poi dici ca li genti si pizzianu!
Dimmi, chi voi scumméttiri carognu.

Dimmi, chi voi scummettiri carognu, Ch'è lu Re 'ncarni e 'nnossa tali quali? Va un quartucciu di vinu?

Lis. Ancora vali?

Sciátara e matra! Chista ch'è manera! S'iogricianu pri fina 'ntra li gigghia, E mentri a lettu pusamu li carni

Poi vennu 'ntra lu megghiu a scuncicarni. Nofr. Nun faciti actussi gnura Lisuzza,

Ca jeu nun sù 'mbriacu, e fazzu pr'iddu. Pirchì cc'è di vuscari lu tuzziddu.

Lis. La notti è pri li lupi.

Nofr. Ora viditi!
Fazzu pri so maritu!

Lis. Si si pri me maritu, e 'ntra stu mentri...

Nofr. Viditi! è bona lavata ssa ventri?

Lis. Sta carità pilusa!.. Basta... Cci áju Dintra li corna un certu tali rastu...

Tof. Nofriu sbigna : vidi ca m'impastu.

Nofr. Gramagghia! Pappa, e lettu! Erramitati! Spiccicati di ddocu.

Cci currinu li ciunchi, e struppiati Pri vidiri la facci disiata Di lu benignu re, patri, e patruni. E tu! E tu sollennissimu mandruni

Ti strichi 'ntra lu lettu?

#### SCENA II.

Torale nesci in cammisa, e s'azzuffa.

Tof. Chist'è 'na meusa, e chist'è un muffulettu Lisa nesci monza vistuta dicennu Lis. Vi vì, chi focu granni!
Spartitili, figghioli! malafruscula!
Mi lu veni a 'nzullenta fina dintra!
Giustizia nni vogghiu, 'un sauciu nenti,
Judici, runni, sbirri prisidenti.

#### SCENA III.

# Donna GIDDA affaccia di la finestra dicennu.

D. Cid. Ma chista ch'è manéra? ntra sta strata
Nun si riposa nè jornu, nè notti!
Chi diáscacci cc'è cca cu st'aggrissu?
Lis. Ssu bedd'arvulu ddocu : chissu, chissu
Scuncinziatu, chi la notti vigghia
Pri ghiri ad autri scunsannu li brigghia.

# SCENA TV.

NUTARU affaccia di la finestra opposta.

Nut. 'Nzumma cca si pò dormiri 'mbriachi?
Chista è vanedda o casa di diavuli?
Dumani tutti a fasciu, comu cavuli,
Vi farroggiu ittari in Vicaria,
E impaririti dda la pulizia.
Tof. Lustrissimu signuri, cu nun curpu,
Facía lu primu, e l'ultimu, curcatu
Eu chista serva vostra, mia cumpagna.

E vinni chissu ddocu, Chi sta 'mbriacu fina 'ntra li gigghia, Puh chi fere ch'á fattu! M'appretta sina dintra, e m'arrisbigghia.

Nofr. Faciti beni a porci!

Viditi, chi si vusca? 'Na gargiazza Cu 'na iffula appressu, e un sucuzzuni! Dormi... l'á' fattu a mia? mi si patruni.

Lis. Si si! dicchiù amminazza lu don quanquaru, Cu st amminazzi soi tutta mi scancaru.

Nut. Chi vi vegna lu cancaru.

La finiriti 'nzumma? ah? cu cu' parru?

Nofr. Lustrissimu, sintitimi, e si sgarru

Ittatimi 'na grasta 'nıra li corna.

Nut. Sintemu via. Parrati ad unu ad unu. D. Cid. Scummettu, chista notti eca m'agghiorna. Nofr. Dunca viani lu re. Pri tutti banni...

Tof. Sintiti ca scamina?

Lassa parrari a mia ca sù cchiù granni. Nofr. Lu viditi, lustrissimu? m'appretta. Nut. Attempu figghiu, nun ajari fretta, E lassalu finiri.

Tof. Aggruppamu li fila...

Nut. E nun sà cchiù,

Nni mittiremu ancora a tu pri tù?

Nofr. Lu viditi, signuri, ch'è apprittanti?

Chissu a lettu 'un cci mori.

Tof. Chi voi essiri tù?

Nofr. Nun sacciu nenti...Basta...O tu, o eu... La furca è dda ch'aspetta.

## SCENA V.

# BITTIDDA di dintra, e detti.

Bitt. Sugnu vinuta a l'infretta a l'infretta; Chi cuntintizza ddabanna, chi cc'è! D. Cid. Chi successi?
Nut. Chi fu?
Bitt. Vinni lu re.
Nut. Davéru! Oh chi piaciri!
Finitila picciotti,
Cuitativi, è jornu d'alligrizza,
È arrivatu lu re nostru dilettu.

Nofr. Chist'è 'na meusa, e chist'è un mussulettu (a Tos.

Gui è ora 'mbriacu di nui dui?

Tof. 'Ai ragiuni, fratuzzu, 'un sbattu cchiui.

Nul. Chist'è jurnata granni, e singulari
Pri la Sicilia, e merita alligria,
Abbrazzativi, e in paci
Viniti supra a biviri unni mia.

Tof. Ubbligatu, signuri. 'Un cc'è di chl.

D.Cid. Signur Nutaru. eu dirria accussì:
Vossignuria putrà liberamenti
Passari in casa mia; chi all'autru quartu,
Unni dormi papà cc'è un finistruni,
Chi corrispuani 'ntra la Strata Nova,
Chi da lu Molu porta a lu palazzu.
Dda vidremu lu re senza 'mbarazzu.
Vuatri ancora putiti acchianari. (a Tof. e Nofr.

Viniti eca, ce'e puru di sucari.

Nul. Accettu li soi grazi fazzu prestu,
Permettiti, signura, ch'eu m'allestu

Coll Stir en liberti

D. Cid. Stia cu libertà.

Nofr. Signura bedda,
Chi spargiti li grazj a buluni,
Permettiti ch'eu vija lu Patruui.
Fazzu 'na scursa pri fina a lu Molu
Quantu lu viju 'nfacci, e mi cunsolu...
D. Cid. Iti, v'aspettu, la mia casa è aperta.
Nofr. e Tof. a 2. Viva la nostra signurina.

#### SCENA VI.

Lis. Certa

È dunca la vinuta di lu Re?

E la Rigina cu' sà s'idda cc'è?

Nofr. Senza dubbiu cc'è tutta la famigghia. Lis. Vogghiu vidirla 'un jucamu a canigghia.

Tof. Va vestiti, e fa prestu ch'eu t'aspettu;

Ma no, cc'è 'ntressu...dimmi, e lu nutricu?

Lis. Mi lu portu aggucciatu 'ntra lu pettu,

E pri 'un s'arrifriddari la tistuzza, Ultra la cuppulidda di la notti,

Cci ammogghiu un muccaturi beddu granni,

Chi lu 'nfascia, e cummogghia a tutti banni;

Almenu quann'è granni

'Mmenzu di li vaneddi, e li curtigghi Avirrà chi cuntari a li soi figghi.

Tof. Benissimu; ma vidi chi cc'è fudda.

Cc'è paura 'un cci ammáccanu li cianchi? Lu vogghiu beni, pirch'è trugghiu trugghiu,

E a la fisonomia mi pari figghiu.

Lis. Chi scoppu! sempri jetti sti rampogni!

Nofr. Viniti? O mi la sbignu?

Tof. Sugnu lestu.

Via, va vestiti Lisa, e veni prestu, Lu nutricu ti sia raccumannatu.

Lis. Jeu cci áju 'ntressu ca l'áju figghiatu.

E me' cummari Rosa è forsi figghia (a Nof. Di la gaddina nivura?

Di la gaddina nivura? Pirchì 'un cci ávi a viniri?

Nofr. Cci vaju, e toccu l'acqui. Eu chinnisacciu?
Oyeni... E si nun veni mancu'mpacciu. (via

## SCENA VII.

BARUNI di la finestra, Tofalu, e LISA.

Bar. Carstenziu! ah Carstenziu mardittu!
Mentri stava scrivennu 'na littéra
Mi chiantau, comu un cavulu. Carstenziu!
Tof, Oh nun m'insallaniti cchiù lu senziu;
Chi voli stu finocchiu di muntagna?
Lis. No, no, 'un cci fari tanta mala cera.
Ch'è splendidu, e curtisi.
Oh chi sosizza cc'è a lu so paisi!
Tof. Macari chistu sai!

Lis. Chi meravigghia?

La vitti mentri dintra la sarvava,

E s'era prena cci l'apprisintava.

Bar. Picciulotti, vulitimi purtari
A la fináita di la casa mia
Sta carta, e sta littéra,
Pirch'eu nun sacciu bona la trazzéra.

Tof. Cu cui parra vossia? A st'ura carriári 'na littéra!. Beddu cocciu di muscu! Si nni fui di notti,

Pri 'un pagari la casa a lu patruni!

Bar. Deja mi rispunniti? Sini, o noni?

Tof. Noni, noni, sti cosi 'un sunnu boni.

Lis. Nun parrari accussì, ch'è indiscritizza.

Tof. Sì, tu facci la curti a la sosizza.

Finemula ora, parru, e addumu chiaru: Signur Baruni, vui siti Baruni, Benissimu, Baruni, ed eu vi accordu, Chi fussivu, anzi Principi, e Marchisi; Ma ora nisciu lu Suli a stu paisi, Vinni sua Maistati. Bar. Lu Reni; Oja! lu Re! granni dijina! Pri lu cunsolu scunchiu, e la priizza Mi fà lu cori, comu carcarazza!

*Tof.* Sissignuri lu Re. Azzoè, dicu megghiu Lu mastru di cappella; Ed ora nni spiramu di vidiri Li strumenti, e li musici accurdati, Pirchi battirà iddu li sunati.

Bar. Deja, quantu mi mettu la casacca,

Aspittatimi, ch'eu vi vegnu a jicu. Tof. Certu nn'ammanca chist'autru nutricu, A lu Molu cui veni, dda v'aspettu.

Lis. Sempri malu smudatu! sempri duru!

Tof. Ah! ch'arreri ci torni?

Lisa, 'un sacciu, chi viju cu stu scuru! Bar. Immizzatimi addunca la trazzéra.

Unni si va a lu Molu?

Nofr. Pesta! è veru nutricu!..

Lis. Nun manca cchiù pri mia, eu sugnu lesta, Lu picciriddu è ccà.

Ma 'nzignaccillu, sempr' è carità.

Tof. E tu pri ssù bon cori,

A lettu nun ci mori; ora finemula. Niscennu fora di la porta drittu, Pigghiáti sempri drittu, e vi ammuccati, Quannu junciti poi nni l'abbisati.

Via jamuninni. Lis. E Nofriu?

Tof. Cci jamu

(s'incaminanu) A stagghiari la via.

*Bar*. Niscennu di la porta... Tof. Drittu drittu.

**Bar.** Si tira sempri drittu...

Tof, Sempri drittu

Bar, Poi si jica a ku Molu?

Tof. Gnurasi. Chi catania! Mi la solu (Si vannu [alluntanannu.

Bar. Dunca deja mi vestu. Oh bona nova! (via Lis. Jamu attempu ca Nofriu nun nni trova! Tof. St'autru impidugghiu nn'ammancav'ancora!

#### SCENA VIII.

## Nofriu e detti.

Nofr. Nofriu è ccà.
Tof. Vinisti? E tò mugghieri?
Nofr. Chi sacciu ddocu? la truvai curcata
Cu lu medicu, e cc'era la mammana...
Basta... Addisirtau idda.
Tof, Forsi pri la sosizza?
Nofr. Chi sacciu, frati meu?
Si mi l'avissi dittu...
Lis. Chi pesti! stu diavulu mi stizza!
Sempri sosizza, sosizza, sosizza.
Tof. Dunca via jamuninni?
Nofr. E pri cui manca?
Lis. Mischina la lassasti accussì 'mpásima!
Nofr. Ed eu, chi cci sirvia pri cataprasima!
[s'incamina.

# SCENA IX.

# BARUNI in disparti, e detti.

Bar. Già sù nisciutu fora di la porta,
Dunc'ora pigghiu drittu drittu drittu,
Ma trovu nautra porta! E unn'è lu Molu?
Idd'è aperta! Trasemu, forsi spunta
All'autru latu. (trasi dintra
Lis.Vih! e unn'era junta!
Mi scurdai lu fadili! e chiss'è nenti.

La porta aperta, e la chiavi appizzata, Chi m'arriniscia bedda la frittata? (torna in [fretta.

Tof. Ah macionna, macionna, trascurata!
Lis. Chi meravigghia è chissa allurtimata?
Lu teniri la chiavi di la casa.

Chist'è ripartimentu di mariti.

Nofr. Va nisciti cu fimmini, va iti! Sù sempri 'mpasturati,

Sempr' a lu stissu locu li truvati!

Lis. Sent'un ciatuni grossu! È porcu, o cani?

Scù...Passiddà...Lu bestiu è grossu assai! Ti scunciuru si tu si satanassu,

Nesci fora di cca vattinni arrassu.

Bar. Nun cci jicu a lu Molu. Cca nun spunta. [tra se.

Ira sc.

Lis. A la vuci mi pari canuscenti; (tra se. Scummettu allurtimata è lu Baruni...
Chi vi vegna lu cáncaru! un truzzuni (esce e M'á sfasciatu la facci! [s'urtanu Bar. Ohia? Granni dijina!

Chistu è lu Molu? E chist'è la marina?

Tof. Arruccau idda! oh l'errama, scintina!
Mi sfirniciu, nè sburdu

Chi diavulu fa! ah cc'è lu turdu/vidi lu baruni

Lis. Talè figghioli, ch'è malu pinsanti! Sai cui è lu baruni...

Tof. Già capisciu, L'amicu, chiddu dda di la sosizza: E di' chi ti noi peri?

E di', chi ti nni pari? Nun ce'è paura cchiù d'addisirtari.

FINE DEL SECONDO VOLUME.



•

•

.

# INDICI.

#### CANZUNI ED OTTAVI.

A D. Giacintu Troysi p. 3. A D. Franciscu Pesqualinu p. 7. A Dori p. 10. A lu sonnu p. 11. Supra lu codici di l'abati Vella p. 12. A D. Maddalena Mayer p. 15. A S. A. R. Maria Cristina p. 16. A lu sac. D. Franciscu Cari p. 17. Supra la statua d'Europa p. 21. A S. E. D. Fidiricu Lanza p. 23. Accademia d'antiquari p. 26. A lu pitturi Raffaeli Puliti p. 27. Pri la villa di lu principi Palagunia p. 27. Pag. 28. Idem. Idem. Ricetta contra lu filatu p. 29. Ricetta contra la sonnolenza p. 29. Pag. 29. Ricetta pri l'esteria p. 30. Ricetta pri lu sistema di Miceli p. 30. Ricetta pri un procuraturi p. 30. Ricetta pri lu caudu p. 31. Ricetta pri lu friddu p. 31. Ricetta pri la vigilia p. 31. Scherzu pri li donni brillanti p. 32. 1. Aforismu supra l'omu e la tionna p. 52. II. Ritrattu d'un innamuratu p. 33. Pri sculpiri all'oturi un bustu di marmu p. 33. A la sig. prinssa D. Caterina Branciforti p. 33. Pri una nova accademia p. 34. I. Pri lu ritornu in saluti di S. M. Firdinannu p.34. II. Pri lu patri Birnardinu p. 35. V. In lodi di Archimedi p. 35. 7. Pri la fuga di Bonaparti p. 36.

4. Lu specchiu di in disingannu p. 36.

#### SONETTI.

I. A S. A. R. D. Leopoldu Borbuni p. 39. 11. Fiducia in Diu p. 39. III. A S. E. D. Franciscu d'Aquinu p. 40. IV. A S. R. M. Firdinannu III. p. 41. v. Memoriali a S. R. M. p. 41. VI. A lu can. D. Rosariu di Gregoriu p. 42. Supra l'origini di la poesia p. 43. VII. VIII. A lu cav. D. Giuseppi Poli p. 43. IX. A l'accademia patriottica p. 44. х. In lodi di la musica p. 44. XI. A lu marchisi D. Agustinu Cardillu p. 45. XII. A lu supradittu p. 46. XIII. Risposta a l'accademici siciliani p. 46. XIV. Contra lu sistema di Braun p. 47. Xv. A lu cav. D. Giuseppi Poli p. 47. XVI. A lu preturi marchisi D. Antuninu La Gri Talamanca p. 48. XVII: Pag. 48. XVIII. L'insonnu di 25 anni p. 49. A S. R. M. Firdinannu III. p. 50. XIX. XX. A S. A. R. D. Leopoldu p. 50. A S. E. la principissa di Trabia p. 51. XXI. XXII. A lu conti Castelli p. 51. XXIII. A l'amicizia p. 52. L'origini di la favula p. 53. XXIV. XXV. Supra multi fogghi pubblici p. 53. XXVI. A lu pitturi D. Giuseppi Patania p. 54. XXVII. Pri lu capu d'annu p. 54. A lu conti Castelli p. 55. XXVIII. XXIX. A l'abati D. Vincenzu Raimundi p. 56. XXX. A la signura Campilli p. 56. XXXI. Pri aviri lu Re, e la Rigina cumpatiti li p di l'oturi p. 57. XXXII. Pri la morti di S. M. Maria Carulina p. 58 XXXIII. All'arciviscuvu monsignuri Lopez p. 58... XXXIV. Supplica a S. R. M. p. 59.

#### POESII DIVERSI.

DITIRAMBU — Sarudda p. 61.

PARAFRASI — Lu dialugu di li morti scrittu da Berns
Fontanelli p. 73.

```
I. ELEGIE - Venerandu Silenziu ec. p. 80.
II. - Lu chiantu d'Eraclitu p. 81.
III.
      - Su lu stissu suggettu p. 83.
      - Su lu stissu suggettu p. 85.
IV.
      — A S. Rusulia p. 87.
I. CAPITULI - La consulazioni di li giusti p. 92.
II.
      - Avvertimenti morali politici p. 100.
III. - A lu sae, D. Franciscu Paulu Nasce p. 106.
1V.
      - A l'accademici di lu bon gustu p. 109.
V.
      - In ledi di Morfeu p. 110.
      - Ritrattu di un filosofuni p. 113.
VII. - In lodi di lu purci p. 114.
VIII. - In lodi di la musca p. 118.
     - Ad un cavalieri p. 128.
I. Satiri - Lu tempiu di la fortuna p. 129.
II.
     - La moda p. 133.
ш.
      - La letteratura p. 139.
      - La villiggiatura p. 142.
v.
      - Lu cafeaos p. 144.
    - Lu cagghiostrisimu p. 147.
```

#### FAVULI MORALI.

VII. - Contra li cirimonii e lu galateu p. 157.

Prefazioni p. 159.	
i.	Li surci p. 171.
1.	Li granci p. 172.
11.	Li babbaluci p. 173.
v.	L'aquila, e lu riiddu p. 174.
V.	Li surci, e lu rizzu p. 175.
VI.	Lu stissu suggettu p. 176.
71I.	Lu cani, e la signa p. 177.
7III.	Lu gattu, lu frusteri, e l'abati p. 178.
ж.	La rinnina, e lu parpagghiuni p. 179.
₹.	Lu crastu, e lu gaddu d'india p. 180.
ZI.	L'ortulanu, e lu sceccu p. 181.
ZII.	Lu liuni, lu sceccu, ed autri animali p. 182.
KIII.	Li cani, e la statua p. 183.
KIV.	Lu gattu, e lu firraru p. 184.
KV.	La vulpi, e l'asinu p. 185.
KVI.	Li furmiculi p. 186.
CVII.	Esopu, e l'oceddu lingualonga p. 187.
CVIII.	Li cucucciuti p. 187.

Li scecchi ed Esopu p. 188. XIX. La cucucciuta, e lu pispisuni p. 168. XX. XXI. Lu rusignolu, e l'asinu p. 189. XXII. La camula, e lu tauru p. 190. XXIII. Lu cagnolu, e la cani p. 191. XXIV. Lu rizzu, la tartuca, e lu cani p. 193. XXV. Lu sceccu omu, e l'omu sceccu p. 193. XXVI. La rinnina, e la patedda p. 195. XXVII. La furmicula, e la cucucciuta p. 195. XXVIII. Li cani p. 197. XXIX. Lu rusignolu, e lu jacobbu p. 197. XXX. Lu merru, e li pettirrussi p. 198. XXXI. La signa, e la vulpi p. 198. XXXII. L'ursu, e lu ragnu p. 199. XXXIII. Lu lebbru, e lu camaleonti. p. 200. XXXIV. Li virmuzzi p. 200. XXXV. La vulpi, e lu lupu p. 201. XXXVI. L'ingratitudini p. 202. XXXVII. L'animali notturni, e Giovi p. 203. XXXVIII. La sorti p. 204. XXXIX. Li crasti p. 205. XL. Lu lupu rumitu, e lu cani p. 206. XLI. Lu cunvitu di li surci p. 207. XLII. La corva, e lu groi p. 209. XLIII. Li surci, e la tartuca p. 210. XLIV. Li scravagghi p. 210. XLV. La patedda, e lu graneiu p. 211. XLVI. Li ciauli e lu turdu p. 212. XLVII. Lu pasturi, e lu serpi 'mpastura-vacchi p. 2 XLVIII. Li signi p. 214. Lu cignali, e lu cani corsu p. 215. XLIX. L. Cani maltisi, e cani di mandra p. 216. LI. Lu sceccu, e l'api p. 217. LII. Lu corvu biancu, e li corvi niuri p. 219. LIII. La furmicula p. 220. LIV. La musca p. 221. Lu zappagghiuni, e l'omu p. 222. LV. Lu struzzu, l'aquila, e antri animali p. 22 LVI. LVII. L'omu, lu truncu, e lu pasturi p. 223. LVIII. Lu cervu, lu cani, e lu tauru p. 224. LIX. La ciaula, e lu pappagaddu p. 225. LX. Lu cardubulu, e l'apa p. 226.

Li passagagghi p. 228.

LXI.

LXII. La taddarita, e li surci p. 230.

LXIII. Li lupi p. 231.

LXIV. La surcia, e li surciteddi p. 234.

LXV. Lu cani, e ln signu p. 238.

LXVI. L'insetti maritimi p. 241. LXVII. Surci, giurana, e merru p. 242.

LXVIII. Li crasti, l'api, e lu parpaghiuni p. 244.

LXIX. Li porci p. 244.

LXXI. Lu gattu, e lu gaddu p. 246. LXXI. La cursa di l'asini p. 248.

LXXII. L'asinu russu, e l'animali p. 250.

LXXIII. Li surci, e lu gattu vecchiu p. 251.

LXXIV. Diri, e fari p. 252.

LXXV. Li vulpi p. 253. LXXVI. Lu lupu, e l'agneddu p. 254.

LXXVII. Li ciauli, e la cucca p. 255.

LXXVIII. Surci, e gatti p. 256.

LXXIX. Lu regnu di li vulpi p. 257. LXXX. Lu signu, e lu cani p. 257.

LXXXI. L'allianza di li cani p. 259. LXXXII. La vacca, e lu porcu p. 261.

LXXXIII. La tigri 'ntra 'na gaggia di ferru p. 262.

LXXXIV. Lu codici marinu p. 264.

LXXXV. Lu castoru ed autri animali p. 269.

FARSETTA p. 271.



.





